




General Library System  
University of Wisconsin - Madison  
728 State Street  
Madison, WI 53706-1494  
U.S.A.

**PRESERVATION  
MICROFILM  
AVAILABLE**







# Klaus Groth's

## Gesammelte Werke

---

Dritter Band

Plattdeutsche Erzählungen

Viertes Tausend

---

Kiel und Leipzig  
Verlag von Lipsius & Tischer  
1904

**PRESERVATION  
MICROFILM  
AVAILABLE**

**General Library System  
University of Wisconsin - Madison  
728 State Street  
Madison, WI 53706-1494  
U.S.A.**

116312

MAR 11 1908

X47Y

.G914

3

4455961

## Drei plattdeutsche Erzählungen

zum Teil Erlebtes und Erinnerungen von 1848 aus  
Schleswig-Holstein.

---

Trina

---

Um de Heid

---



## Vorwort.

---

Die umfangreichste der nachfolgenden Erzählungen, die erste, wurde im Jahre 1854/55 niedergeschrieben. Sie erschien, mit der zweiten, unter dem Titel „Vertelln“, wurde sogleich vergriffen, wieder neu aufgelegt und nochmals ausverkauft. Sie war aber eigentlich nicht geworden, was sie nach meiner Absicht werden sollte: eine Schilderung Schleswig-Holsteinischer Zustände vor, während und nach 1848, ein Bild des allmählichen Erwachens deutschen Nationalbewußtseins in unsern mittleren und unteren Volksschichten, des vergeblichen Kampfes um dasselbe und der Ergebung ins unbezwingliche Schicksal nach der Niederlage und während der Reaktion, dies im Spiegel eines jungen Ditmarschers, der sich allmählich mit entwickelt, es zur Ruhe und zu einer freundlichen Lebensstellung bringt.

Zu meiner Hauptfigur saßen mir, so zu sagen abwechselnd, ein Bruder (Min Johann des Quickborn) und ein Freund. Ich nannte meinen Helden nach dem Freunde „Detels“. Meine Zeitgenossen aber werden mich verstehen, wenn ich sage, daß ich damals nicht im Stande war an die alten Wunden zu rühren: ich wäre in der lebhaften Vergegenwärtigung unserer Kämpfe, die umsonst, und unserer Demütigung, die unverdient war, verzagt.

Bis endlich Deutschland sich erhob, bis Hoffnung und Gewißheit kam, daß das Blut der Unseren nicht umsonst geflossen. Dann erst kam mir der Mut, im Sinne etwa meines teuren heimgegangenen Bruders, der auch an den Folgen der Feldzüge 1849 bis 1850 starb, aufzuzeichnen, was wir in den Jahren erlebt, gedacht, gelitten. So erst bekam mein „Vertelln“ seinen Kern.

Meine Landsleute werden diesen als echt erkennen, denn ich habe kein Wort niedergeschrieben, das nicht aus treuer Erinnerung stammt, sei es Selbsterlebtes oder was ich in unmittelbarer Gegenwart von Allernächsten vernommen.

Der Kern hat nun freilich die alte Schale fast gesprengt, der alte Titel paßt nicht mehr und ich darf meine Erzählung als eine ganz neue bezeichnen.

Sind's ja doch auch 25 Jahre, seit der erste Band „Vertelln“ zuletzt erschienen und verkauft ist, eine neue Generation wird meiner Erzählung zuhören.

Daher gab ich endlich dem Drängen meines Herrn Verlegers nach und trete wieder einmal vor das Publikum. Die Geschichte III „Witen Slachters“ erscheint zum ersten Male in Buchform.

Eine Bemerkung sei mir noch gestattet, da es doch einmal nötig wurde mein Büchlein zu bevorworten: Plattdeutsche Prosa war 1854 seit Jahrhunderten nicht geschrieben. Eine gewisse Schüchternheit und Unsicherheit in meinen ersten Versuchen mag daher ihre Erklärung finden, erst im zweiten Bande meiner „Vertelln“, in der „Trina“ und dem viel späteren „Ut min Jungesparadiß“ hatte ich sie überwunden. Daß ich dies schon damals empfand, mag die „Priamel“ beweisen, die ich damals entschuldigend voranstellte und die ich deshalb mit ihren Daten wieder abdrucken lasse:

Platt is nich fin,  
Beer is keen Win,  
Win is keen Beer,  
Aller Anfang is schwer,  
Schwer is aller Anfang:  
Gev Gott en guden Fortgang.

Kiel, 24. April 1855, 1. Juli 1855, 1. Juli 1880.

A. G.





# Inhalt.

---

A. <u>Drei plattdeutsche Erzählungen. (Vertelln I.)</u>	Seite
<u>I. Wat en holsteenschen Jung brömt, dacht un besept         hett, vör, in un na den Krieg 1848 (1855, um-         gearbeitet 1880) . . . . .</u>	<u>1</u>
<u>II. De Waterbörj (1855) . . . . .</u>	<u>73</u>
<u>III. Witen Slachters (1877) . . . . .</u>	<u>105</u>
B. <u>Trina (Vertelln II. 1856) . . . . .</u>	<u>129</u>
C. <u>Um de Heib (1871) . . . . .</u>	<u>267</u>

---

Wat en Holsteenschen Jungen drömt,  
dacht un belevt hett vcer, in un na den  
Krieg 1848.



## Erstes Kapitel.

### Detlef bi sin Vetter de Scholmeister un bi sin Grotmoder.

Am lebsten wull he Landvagt warrn. Dat düch em dat nettste. Sin Vetter weer Scholmeister, dat düch em nich so pläseerli. He weer bi em inne Kost, un de Öbberste inne Schol, denn he kunn banni lehrn. Awer am lebsten wull he doch Landvagt warrn; un wenn de op sin Witten um de Ede wærbt ree, de Bedeenter op en Brun en beten achteran, un he un Jan Pee legen int Gras — Jan Pee weer de Gröfste inne Schol, awer man dumm, he hölp em int Reken, un Jemann stunn em bi, denn he kunn sik ni wehrn — legen int Gras un simeleern, so sä he: Jung', Jemann, wenn ik Landvagt weer, so wull ik nig eten as Botter in Bri! Denn sprungn se beid op un lepen um de Ede un segen wa de Witte blenker. Awer bald weer he se ute Dgen, un se le'n sik wedder hin.

Dat Döörp leeg ni wit vun de Heide, man kunn den langen Thorn sehn, wo de Landvagt jeden Abend op to ree, de blanken Wulken seten der achter, un wenn't dämmeri war, so hör man dat Getöf' vun den Ort un de Jungs, de Jäger un Tid speln.

---

büch: dächte. banni: sehr. ree: ritt. achteran: hinterher. Reken: Rechnen. simeleern: träumten. Bri: Buchweizengröße. le'n: legten. de Heide: Heide, Kreisstadt, damals Hauptort von Ditmarschen. der achter: dahinter. Tid speln: greifen spielen.

Sin Better weer man en lütten Mann, awer en groten Geist. He de jümmer as de Paster. Wenn he recht vermahn wull, so pack he sin Pult ganz vull Böser, dar stunn he achter as de Prester op de Kanzel; he dreih jümmer hin un her, awer blot de Kopp weer to sehn, denn he weer verwüssen. Detels much wul bi em wesen, denn in Winter reken se Abends Algebra tosam. Dar weern se liker wit in, dar seten se beid bi achtern Disch, wenn de ol Husholersch de Schüttel wegnahm harr, wo all drie ut eten; awer he kreeg blot Mest to den Bri.

Jan Pee hö' in Summer Schap un Detels muß towiln bi't Heu hölpen. To Feld much he geern, awer harken much he nich, vel lewer hö' he Schap mit Jan Pee. Mitünner kreeg he Verlöf. Denn maken se sit Scheernfleiten, Sprütten, Grasshüpperhüs' un all wat mögli. Mal smeten se mit Slippflappen, dat gung! Detels kunn toleht fast de Koppel lank un smeet dær de Heß oppen Wall dat dat sus'. Do keem en ol Fru ant Dor un scholl: „Si Slüngels! smit je 'n ole Fru binaß de Dgen ut!“ un wat se noch mehr sä. Awer Detels hör nich wider, he dach blot bi sit süln: Jung', dat mutt sus't hebbn! Em düch he kunn General warren! He dach nößen an nix, as wa he en Gewehr oder en Pistol krigen schull.

As he noch lütt weer, leb he bi sin Grotmoder. Dat weer en ol magere Fru, de jümmer mit den Mund kneep. Sin Grotvader seet blot achtern Aben. Sin Bader broch em op en Sünndag hin. Erst gung he em bi de Hand, nös harr he em oppen Arm. He weer ganz möd un ween, as he ankeem. Sin Bader harr en ruge Mütz op, de schür em anne Back, as he em oppen Arm drog. Nös keem wul Sünndags en Mann de em Roken broch, de küß em of, awer de Mann harr keen ruge Mütz op, he löv ni, dat dat sin Bader weer.

Lütt: klein. He de: er that. dreih: drehte. verwüssen: verwachsen. wesen: sein. liker wit: gleich weit. wo all drie ut eten: woraus sie alle drei aßen. hö': hütete. Verlöf: Erlaubnis. Scheernfleiten: Flöten aus Kalberkropf, Anthriscus. smeten: warfen. Slippflappen: Schleudern. sus't: sauste. nös, nößen: nachher. löv: glaubte. kneep: kniff. achtern Aben: hinterm Ofen. rug: rauh. rut: hinaus.

As he den annern Morgen optwak ween he banni. Sin Grotmoder gev em Kasse mit Zucker in, un as se mal rut wesen weer så se: Dar is Hans Lemp, de will di besöken! Do keem en lütten Jung inne Stub, de dat ganze Gesicht lach; he stülter æwern Drüffel un harr sin Mütz oppe Hand, dar keet he rin. He så awer nig un keem op Detels to. Awer de Grotmoder så jümmer los: Nu sühe! nu sühe! Do pipen luerlüttje Bageln in en Nest, de weern ganz nakelt, de Dgen weern to un de Röpp fulln jümmer um. Se speeln den ganzen Dag darmit. — He hett den Jung un de Bageln sin Dag' ni vergeten, awer ant Hus dach he ni wedder. Son schöne Bageln gift dat nu gar ni mehr! Dat weer man Schad, des Abends weern se all dot.

He harr en lütten Stohl un en lütten Disch, dar kreeg he of sin Eten op, awer he war ni eenmal recht satt. Sin Grotmoder seet an den groten Disch un sin Grotvader derachter. Em düch se eet banni, dat Kinn gung er jümmer op un dal. Wenn he denn sin Teller mit beide Hann in de Höch heel un så: Gosche, mehr! so så se: Kinner un Kalwer Maat mæt ol Lüd weten! Sietdem bedur he jümmer de Kalwer.

Do keem mal en Mann mit en brun Kasten oppe Nack so grot as en Brotschapp, den harr he mit twee Reems æwer de Schullern. He rak de Etschütteln anne Sit, stell sik mit den Buckel gegen Disch un sett den Kasten derop, do stæhn he. De Jung seeg, dat de Kasten richti los kunn, of kunn he apen mit en Dær wo en Slätel in paß, un Tweern un Band un all wat mægli weer darin. Sin Grotmoder wisch de Hann inn Platen af, kneep mit de Lippen un fat allerhand mit de Fingern an. Grotvader weer ni binn. As se mal rut gung, så de Mann: „Du sühst je gar ni her, Du sühst je ümmer na de Schüttel!“ Do så Detels, he weer ni satt. De Mann så: „Du büst so fin, du friggst wol ni eenmal recht satt?“ „Ne,“ så Detels, „Kinner un Kalwer Maat mæt ol Lüd weten!“ Sin Grotmoder keem jüs in Dær, do kreeg he mehr un dennös of jümmer genug.

---

stültern: stolpern. Drüffel: Schwelle, Thürschwelle, engl. threshold. luerlütt: ganz klein. fulln: fielen. sin Dag': in seinem Leben. kreeg: bekam. op un dal: auf und nieder. Gosche: Großmutter. Brotschapp: Brotschranz. Reems: Riemen. rak: schob. Etschütteln: Etschütteln. apen: offen, geöffnet werden. Slätel: Schlüssel. Tweern: Zwiern. Platen: Schürze. fat: faßte. fin: zart, schwächig. dennös: nachher.

To don harr he nig as wenn Grotmoder Kantüffeln opfreeg, denn muß he sammeln. Op den Wall wussen Hasselnstöck, de snee he sit un ree darop. Dat Meß harr de Mann em mitbrocht, de em jümmer küß wenn he keem un em Roken gev, un wa he Vader to sä. — De Mann hal em of un broch em na sin Better.

Do seeg he toerst wa grot de Welt weer! Se gung den ganzen Dag un jümmer keem na een Koppel de anner, denn wedder en Wall, un denn wedder en Koppel. Vanni vel Hasselnstöck wussen op de Walln un so vel glatte Elhorn to Knappbüßen! He wunner sit, dat de Jungens de ni all affneden harrn, he harr se gern all mit nam'. Een vun de Hasselnjuters weer doch gar to schön, den muß sin Vader em sniden, den neem he op de Schuller, de weer so lank, — em dünkt noch, wenn he daran denkt, en ordentli Huslatt is förter. Darmit keem he möd bi sin Better an un war glit to Bett brocht as he wat eten harr.

Sin Grotmoder hett he ni wedder sehn, de is bald dot bleben, sin Vader of. Se ween ni as he weggung, awer se kneep vel mit de Lippen, un Thran'n lepen er beide Backen hendal. Grotvader blev achtern Disch sitten, de is of dot bleben. Wa lang he dar wesen is weet he ni, doch hett he menni mal Kantüffeln mit opsammelt. Of mutt he lesen und schriben lehrt hebbn, dat kunn he al ganz gut, un as he to Schol keem gung dat heel lusti. He harr besunner's Lust to't Reken. Wenn he tosam tell, doch he jümmer an Hasselnstöck, wa he so vel vun sehn harr, un reß sit ganz rik, of tell he Arsen inne Tasch tosam, un bi't Koppreken bedrog he sin Better darmit, denn he reß ni eenmal uten Kopp, he reß jümmer inne Tasch. Doch sin Better mark dat ni, un so war he bald de Bawerste inne Schol.

snee: schnitt. hal: holte. Koppel: Ader, Landstück. Elhorn: Glieder. Knappbüßen: aus ausgehöhlten Gliederzweigen, in die ein Einschnitt gemacht und ein Stück Fischbein geklemmt wird, dieses schnellst Erbsen fort. Hasselnjuter: Haselstock, Haselgerte. Huslatt: Latte zum Dachdecken. dot bliben: gestorben. hendal: hinab. al: schon. heel: ganz, gar. tosamtelln: addieren. reß sit rik: rechnete sich reich. Arsen: Erbsen. Koppreken: Kopfrechnen. Bawerste, Obberste: der Oberste, der Primus.

Zweites Kapitel.

Detelf sin Reif' na Slensborg.

Sin Better harr en Broder, de handel mit Per. De keem mal to'n Besök. Dat weer en ganz annern Kerl as de Scholmeister, un wenn man't ni wuß, kunn man't ni löben dat dat Bröders weern. Lütt weer he ok man, awer dick, un dat ganze Gesicht weer roth. He weer heesch, awer he prahl, dat em dat weh de un annere ok. He harr en bunten Wulldoß ævern Rodfragen um'n Hals, den beheel he ok inne Stuv um, un sin Pudelmütz schob he blot oppen Kopp hin un her. He slök Detelf binah to dull. Awer wat he vertell vun sin Fahrten dær Dick un Dünn, leet so drulli, fogar de Perzepter keem ni ut Lachen. He weer allerwegen to Hus, harr op jeden Krüzweg handelt, kenn jedes Perd inn ganzen Lann, weer in jede Weerthshus Nacht wesen, un de Geschichten de he dar belebt harr weern all so pläseerli: Detelf dach sit en Weerthshus as en verzaubert Sloss mit luter wunnerlige Minschen un Herlichkeiten.

Den annern Morgen baller de Rostkammer mit de Hand op sin Ieddern Büg — he smök al wedder un heel de korte Pip mit den annern Arm hoch inne Höch, de Ellbagen mit de Pudelmütz liß, as wull he sit de Tähn vun de Sit rut riten — un sä to Detelf, de do al en arigen Jung weer: Sæn, sä he, un krag de Stimm un prahl, dat Detelf tohop fahr, Sæn, sä he, un spuk ut: wullt mit? so kannst Du en Perd ut Hægen afhalen un dat na Slensborg achterna riden, ik will na't Tonder Markt!

Wenn Een em fragt harr, ob he König warrn much, so kunn he ni hillen ja seggt hebbn. As wenn op eenmal en grot Laken vær de Welt wegtrocken war, un darachter leeg se in helln Sünnschin, de he noch gar ni sehn harr: so war em to Sinn. He seeg nix mehr als Krüzweg' un Wiß'pahl'n un wunnerschöne Weerthshüs'. Em düch de roden Backen vun

---

man: nur. heesch: heiser. prahlen: schreien. flöken: fluchen. to dull: zu arg. leet (ließ): erschien. Perzepter: Schullehrer. Ieddern Büg: Lederhose. smök: schmauchte, rauchte. liß: gleich, gleich hoch. Tähn: Zähne. arig: ziemlich, artig. Hægen: Dorf in Ditmarschen. Tondern: Stadt an der Widau, bedeutendster Marktplatz im nordwestl. Schleswig. hillen: eiliger. Wiß'pahl'n: Wegweiser.

fin nien Better blenkern orndli vœr Minschenlev un Großmuth, de Berzepter seeg ganz gnitti un gnatti bi em ut, as de noch lang innen Kopp kraz un sit bedach. Doch endli gev he dat to un så: Detels wull je doch enmal na't Seminar, so kunn he of Tondern mal besehn. Do steege de Rostkammer to Berd, doch lang he noch inne Tasch un gev Detels twe Drüt-tels. Denn ree he weg, he keem Detels ordentli smuck vœr as he em naseeg, so vel heel he vun em.

Den annern Morgen steek de Husholersch em in jede Sidentasch en Strump, un en grot sauber Papier mit Botterbrot in de Binnertasch vun't Jack, knöp em dat dicht ann Hals to, bunn em noch en groten wullen Doek derœwer un gung mit bet vœr Dœr. Do så se: Nimm di in Acht! un Detels gung alleen los.

He weer ganz vull Kaffe un Freid. Dat weer en tolen Morgen inn Harfst, awer klar, un de Sinn keem eben op. He dach jümmer an Glensborg un Tondern. He så de Rams bi sit sülbn her, denn klungn se beid as Musik, „Lunnern“, wenn man't recht lang så, binah as en Trummel. Wa't dar lusti her gan much! He wunner sit dat em Lüd entgegen keemn, dat se ni all na't Morn gungn; sogar de Bet lep darhin, frili man bet an de Eider.

He keem na Hægen un kreeg dat Berd, riden kunn he so gut as man Jan Bee. Erst gung dat Deert of ganz sinnig. Awer na en Stunstid hiim dat alle Ogenblick un stunn still. He slog dat, he pitsch dat, he strafel dat — allens hülps nix, dat Thier stunn still. Denn rement dat op eenmal un böm sit un juch, as wenn't unklot weer. Detels muß astigen, awer dat leet sit of ni treden. He prahl un ween un reep: keen Minsch weer to sehn. He weer ganz vertwifelt, he dach dat Thier war em angan, so verdreih dat de Ogen, he keem in Dodensangst, he keem sit vœr as de Mann in de Wüste, wo he vun leßt harr, de vœr en nüttli Rameel in en Got trop:

---

gnitti un gnatti: verdrießlich. Drüttel: alte Münze, zweidrittel Thaler, 2,25 M. wert. steek de Husholersch: steckte die Haushälterin. Binnertasch: Tasche auf der Innenseite. na't Morn: nach Norden, Tondern zu. Bgl: Bach. Deert: Tier. hiimen: leuchten. strafel: streichelte. rementen: lärmten, strampeln. böm sit un juch: bäumte sich und wieherte. unklot: toll. treden: ziehen. nüttli: toll, stößig. Got: offener Brunnen.



Das Thier, mit grimmigen Geberden,  
Auf einmal anfang' scheu zu werden,  
Und that so ganz entjeplich schnaufen —

He wull jüs of den Tægel wegsmiten un utneihn, do keem um de Eck en Mann in Drab anlopen, de sä: Jung' dat ßerd hett den Kuller! Hol em man wiß! Un as Detelf siß wedder besunn' un vertellt harr, do sä he: Dat ßerd iz nich to brufen, bring dat op min Wort man wedder torügg. — He harr of nog vun't Niden un trock dat truri wedder na Hægen.

Wat de Bur sä, hett he vergeten. He keem siß so erbärmli vær as en König, de vunn Thron fulln iz. He dach jümmer an Napoleon op Sanct Helena, wo sin Vetter em oft vun vertell. So sleek he ut Dörp. Do full em op eenmal in, dat he twee Drüttels inne Tasch harr, damit düch em, kunn he of to Fot na Flensborg recken, un he muß je doch sin Vetter, de Kofkammer, Bescheed bringn. Un so gung he noch mal den sülwigen Weg na't Morn herut.

Bald harr he dat ßerd mit den Kuller ut den Sinn. He war ganz vergnügt un dach æwer Allens, wat he seeg. De Sünn war warm. He snee siß en Handstod, de he int Gan ganz bunt mak, un so keem he an de Eider. Dar war jüs en Wagen in den Brahm æwersett, he keem mit in den Brahm. Do frag he, ob he nich op den Wagen stigen kunn? He sett siß op den Stohl un grüwel: Ünner em weg leep de Eider, de Fährknechts gungn hin un her un trocken, de Brahm gung langsam værwarts, man kunn ni sehn, ob siß dat Ower beweg', oder de Fähr. He dach siß, wenn nu noch de Wagen leep, un he gung op den Wagen, un de Wulken haben em, un sin Vetter sä, de Ger dreih siß — de Fährknechts wussen man nich, warum he so gau raf steeg un siß anne Kant wiß heel! To'n Glück stöten se jüs ant Land, un Detelf neem sin Stod un gung wider.

Op de Heiloh, de he nu bald drop, weer dat nüdbli. De Sünn schin jümmer warmer, dat weer allens bomstill, de

---

jüs: eben. Tægel: Baum. utneihn: weglaufen. Drab: Trab. wiß: fest. nog: genug. fulln: gefallen. sleek: schlich. recken: reichen, hinfommen. int Gan: im Gehen. Brahm: Fähr. Ower: Ufer. haben: oben. Ger: Erde. dreihn: drehen. gau: schnell. raf: herab. stöten: stießen. Heiloh: Heide, Heideland. blöm: blühte.

Heid blöm rosenroth, de Bram heßgel. Hin un wedder seet der noch en blaun Fleerlink op, oder en Vagel flog rut, de jedesmal pip, wenn he mit de Flinken toslog. De Fahrweg harr so'n depe Spör, wenn man darin gung, reß de Remel Een fast bet an de Knee; weer der en Wagen kam, man harr achterop petten kunnt un heraf, as vun en Schemel. Un de Barga gungn so eben to höch, hindal kunn man tründeln. He dach blot an sin Botterbrot, anners harr he't versöcht. Awer he knöp de Jack op, sett sit baben hin un eet dat op. Darbi keef he in de Feern, wa de Sünn spel, un an de Rimming spegel de Lust as weer't Water un de Barga dartwischen bewern as Welln. Dat war em ordentli flimmern vör Dgen, un he sleep to. Als he opwat, gung he wedder los, nu as dar en Stegelsch æwer en Bæf keem, stunn he still un leet dat Water ünner sit dærlopen, bet he füllsten mitfeil, denn smeet he Blæd rin un seeg se na, toleß drunk he un gung wider. Endli drop he en Koppel mit Botsveten, de stunn so dünn, man muß em wol Spil bi Spil mit en Scheer afsniden, wenn man dar wat vun hebbn wull. Denn drop he en Mann, de Törf ünner'n schirn Sand grav. He stunn lang vör Verwunnerung still, dat weer em, as wenn Een Kantüffeln ünnert Water uten Dik klei't harr. He sprok mit den Mann, he seeg inne Feern en groten Sotswang un en lütt Hus, un wil de Sünn bald ünnergang wull, so frog he, ob he dar ni Botter in Bri krigen un Nacht bliben kunn. De Mann wisch sin Spaden af, un Detels gung mit em. He eet banni un sleep gut, muß veer Schilling utgeben, un wanner wedder los na Flensborg to.

Flensborg is en Stadt, dar löppt dat Water ut grote Söb vun't sülsen baben rut, un de Fischfruns ropt so wunnerli, se muchen sit wol scham! O Lüd, un jauelet as wenn man en Melodie schriggt all wat 'en kann oder op en Rinnertrumpeet

---

Bram: Ginster. gel: gelb. Fleerlink: Schmetterling. Flinken: Flügel. toslog: zuschlug. depe Spör: tiefe Wagenpuren. Remel: die Erhöhung dazwischen. petten: treten. tründeln: rollen. anners: sonst. Rimming: Horizont. bewern: zittern. sleep to: schlief ein. Stegelsch: Steg, Brett als Übergang. drop: traf. Botsveten: Buchweizen. Spil: Halm. schir: rein, unvermischt. Dik: Dsch. klei'n: graben. Sotswang: Brunnenschwengel. Botter in Bri: Buchweizenbrei mit Butter. Spaden: Schaufel. veer Schilling: 30 Pf. Söb: offene Brunnen. Fischfruns: Fischweiber, die in Flensburg dänisch ausrufen. jauelet: heulen. all wat 'en kann: so laut man kann.

bläst! Un se kunn dat geern laten, en orndli Minsch versteit se doch ni! — He keem des Namdags an. He keem ganz hoch hindal — dar leeg de Stadt! nich blot een Thorn, ne, dre oder veer, de See gung bet dicht heran, un Schep legen opt Water. Un se seeg so værnehm ut! He weer lewer rin reden! Oder harr he man en Rock anhatt mit blanke Knöp! Wat schulln de Flensborgers seggn wenn so'n Dörpsjung dar rin keem? Wenn se dat nu maken as sin Better wenn en Hund inne Schol keem: denn fahrn glikz Alle inne Höch un repen: Rut mit em! rut mit em! Un sin Better maß de Dær op.

Lifes seeg he Burn ganz glikgüti rut fahrn, do gung he der op los. — Hüß' weern der genug un doch noch to wenig, dar warn noch jümmer mehr bu't, he vergeet sit ganz wa hoch, he stunn bi jede Hus still. Do seeg he, dat man ok Stuten un Backwarf kopen kunn. As he dat wies war föhl he sit ganz seker. He stell sit breet vær en Ladbendisch, koff sit ok wat, eet dat ut de Hand un gras' sit so allmäli langs de Stadt.

In dat Weerthshus wo sin Better wen schull — he funn dat gegen Abend — seeg de Fru em eerst ni vær vull an as he Botter in Bri un en Nachtquarteer förder. Do klæter he mit sin Drüttel un de Schillings, denn he weer al slau warn, un as de Fru dat markt, sä se, Botter in Bri harr se nich, (Detels löv dat wunnerli Minsch kenn gar keen Bri!) awer se harr noch Bratwuß, ob he de much? Dar noch na to fragen! He eet banni un sleep gut.

Sin Better weer al güstern weg na Tondern, un he neem morgens sin Stock un frag wat he schülll weer, denn he wull wider achterna, dat Reisen gefull em; he keem sit ordentli seker vær un as en Perl. Awer wat kreeg he en Schreck, as de Drüttel binah weggung un kleen Geld harr he nich vel mehr! So dürr harr he't ni dacht inne Stadt. Ganz værnehm harr he sin Summ in de Hand nahm as he betaln wull: nu war he op eenmal so slagen, he harr in de Ger sacken kunnt vær Scham un Demoth. Em keemn de Thran in de Dgen, un de Fru, de em eerst ganz lächerli ankift harr, sä nu mit en

---

hoch hindal: von oben herab. Lifes: gleichwohl, dennoch. vergeet sit: vergaß sich, entsetzte sich. Stuten: Weißbrot. wies war: gewahr ward. gras' sit: fütterte, sättigte sich. wen = wesen: sein. klæter: raffelte. löv: glaubte. Bratwuß: Bratwurst. schülll: schuldig. dürr: teuer. slagen: niederge schlagen. sacken: sinken.

fründli un mittliidi Gesicht: Wat feilst Di, min Junge? Do klag he sin Noth. Se sä, er düch he schull man wedder umkehrn, un dar weer noch en Noßkammer, de sin Better kenn. — De weer der of. De lach em int Gesicht un sä, sin Better muß lang vørher Bescheed vun dat Pferd mit den Kuller. He schull man mit em kam, he fahr glit in en Genspanner torügg bet an de Eider.

So gungn all sin schön Hoffnungen to Water! De Welt seeg em ganz trurig ut, dat Wedder weer düster un neweli, he keef jeden Minschen verdächti an, ob de of æwer em lach oder op em scholl, un as de Noßkammer prahl: So Jung, legg di man achter int Stroh! do dach he an sin Grotmoder un de arm Kalwer. He harr ween' mucht! Weer he man bi sin Better de Perzepter un de ol Huzholersich! Dar weer't doch warm un man kunn tofreden an de Tafel sitten un reßen. Wenn't of man Melk to den Bri lohn, so harr man doch keen Angst vør Minsch un Beh un dat Geld wat all war!

He krop int Stroh un hett slapen bet an de Eider. He hett sit schamt as Jan Reisch, do de Fährknecht em frag, ob he all wedder torügg keem? He harr wul domals vun en grote Reij' spraken. He keem of ni ehr wedder to sit süln, as bet he sin Better sin Huz seeg mit de twee Schösteens un de dalrangelten Walln, mit den Garn derachter un Weg' herum, un in de Feern den langen Heider Thorn, wo de Landvagt jeden Abend op to ree. De keem of jüstement vørbi. Awer em düch, he much nich mal Landvagt wèn, dat Pferd kunn fulleri warrn un de Minschen häßli.

He gung sachen int Huz un weer glückli un tofreden as de ol Huzholersich em blid anseeg, em Kasse kat wo he bi stunn, em de Steweln ut hölp un em frog, ob he ni möd weer. Sin Better weer ut. He sleep al as de to Huz keem, un den annern Morgen gung dat all sin Gang, as wenn gar keen Flensborg in de Welt un he ni ut de Dær west weer. He weer of satt vunt Reisen, awer he vertell gern darvun.

Nu gung he noch flitiger ant Lehrn as sunst; sin Better sä, he war noch mal en düchtigen Scholmeister. Na un na muß he em al en beten hölpn. He seeg de Lütten er Tafeln

---

lohn: gab. Jan Reisch wird immer angeführt als einer, der sich schämte. all war: zu Ende gegangen war. Schösteens: Schornsteine. dalrangelt: niedergetreten, =geessen. derachter: dahinter. blid: freundlich. Lütten: Kleinen.

na un leet se opsegg. Awer dat war em halb lantwilt. He wuß je den Koptiffen utwenni, warum schull he dat noch all wedder hörn? Wel lewer hör he wat Nieß. He much of geern recht kruse Exempels reken, awer ni een twee mal, un nu schull he all de Krabaters er Von un Zu un Mal un In naraken: dat war em greßi! He stunn oft ganz in Gedanken. He dach an Nürnberg, wo se de nüdligen Saken utfsneen, utfsnien much he sülb'n geern, oder an „Barcellona“ dat Kling so prächt, of harr he en groten Grundriß vun de Stadt, anne Sit int Water swumm Meerfrunß, half Fisch un half Minsch. Denn dach he an all de wunnerligen Thiern un Böm de dar wul opt Land un in See weern, vun wüde harr he Biller, in sin Bibel weer en Behemoth un en Lorbeerfigenbom wo Bebedäus in seet. Em düch, dar much he of noch herum klattern un Egen eten, oder so as Robinson na en Insel. He wull awer sin Goldklumpen beter wahrn! Den wull he mit to Hus bringen, un denn en Palast buden, so grot as de in Flensborg. Dar schulln Treppen buten rund rum gan bet an de Spitz un binn schull wedder en Trepp dal gan bet na sin Stuv. Dar wull he en Tafelage anbringen, wo he an rop un hindalrutschen kunn. Wenn denn mal sin Better keem, so schull he . . . . boots! full em de Tafel ut de Hand, un sin Better war mitünner recht böß. He weer ganz unglücksi!

---

### Drittes Kapitel.

#### Detels op de Mael.

In disse Tid schied de ol Husholersch em towilen mit en Achendeel Rogg na de Mael, de en gude Halfstunn Wegs vun se af leeg. Dat weer jümmer en Freid. De Weg gung bald dær en Sandstreck; wenn't recht drög weer, leep dat Sand em in de Schoh, he muß ordentli hindær waden. Dat mal em awer nig. Anne Sit weer en Kul, wo man of dær gan

---

Koptiffen: Katechismus. Nieß: Neues. Krabaters: kleine Kinder. greßi: schauderhaft. snien, sneen: schneiden, geschnitten. Behemoth: Nilpferd. Hiob 40, 10. buten: draußen. binn: drinnen. Achendeel: Achteltonne. Kul: Loch, Sandgrube.

kunn. De Ranten weern ganz steil, denn dar war jümmer grabt, un de Steenswölken harrn dar depe Löcker rin wöhl, as wenn se bahrt weern mit en Pumpenbahr. Dar lang' he mit den Arm rin. Of wuß dar allerlei wunnerli Maas un Krüder wat he beseeg un plück un wa he wat mit vun to Hus broch. He bedrop sogar mal en Swingegel, de harr sit ganz in en Dutten Heu vernüßelt un bewümpelt. De sleep sin Winterslap un he broch em of mit to Hus. In disse Gegend dach he sit in „Arabien“, un bi en lütt Dannholt wider weg dach he an Norwegen un Sweden, un so kemn jümmer anner Gedanken, een noch netter un gruliger as de anner; bet he toleht de Mael achter de Eck vun en Krattbusch rut seeg. Se stunn ganz alleen, en lütt nüdli witt Hus nich wit dervun, dat Döör in de Neegde.

Gewöhnli seet de Möller sin Sæn, de of dat Geschäft Lehr, un jung. Denn sett he sit bi em hin un sung mit, he wuß banni vel smucke Lieder. De Jung much em liden. Se vertelln sit wat, stegen of wul in de Kapp un telln all de Thorns in Ditmarschen, se kunn sogar, wenn't jüs blenker, dat Haf sehn. Dat weer en pläseerli Leben! Alls weer still un ruhi bet op de Steen, alls weer wul stöwi, awer witt un drög, sogar de leddern Tüffeln.

Mal sä de Möller to em, ob he ni Lust to de Möllerie harr un bi em in de Lehr much? Dat weer em noch ni eenmal in Sinn kam! Awer he harr banni Lust un dröm sit dem vun nix as en Mael un wo he vun de Kapp ut inne Feern keek. Dat mag wul en temli Tid so gan hebbn. He leep oft na de Mael, of wenn he dar nix to don harr, un weer dar mit to ganze Sünndagsnamdags. Ob he dat dennös sin Better seggt hett oder de Möller de mehrmals na Schol keem, schall he ni seggn. He weet ni wider as dat 't afmaakt weer un he na de Confermatschon ingan schull. Un he dach daran mit all sin Freid.

He weer den lehten Winter awer doch bi den Pastor banni nadenkli warn. Wenn de em sin Plichten und Globen utle,

---

Steenwölken: Uferschwalben. bahrt: gebohrt. Bahr: Bohrer. wuß: wuchs. Maas: Moos. bedrop: traf, entdeckte. Dutten: Hausen. vernüßeln: sich in etwas festlaufen. bewümpeln: umwinden. Krattbusch: Unterholz, Buschwald. Neegde: Nähe. Kapp: Kopf, Spitze der Mühle. Haf: das Meer. stöwi: staubig. Tüffeln: Pantoffeln. temli: ziemlich. mit to: mitunter. ingan: zugehn zum Dienst. utle: auslegte.

so neem he sit vœr en düchti Minsch un bratven Christ to warrn, un as he vun sin Better Affscheed neem, do stunn em dat Leven vœr as en sware Opgav un en sure Arbeit.

Mit son Gedanken keem he to Mœl. Den Mœller, de dat mark, gefull dat. He weer fründli un gut gegen Detels. Detels weer sinni, heel sit nett un rennli, un dat paß to't Geschäft dat he reken un schriben kunn as sunst niims int Hus. So föhl he sit bald ganz tofreden, seker un glücklich. Dach he of eerst fast to vel an sin Better un an sin Paster, so fung he doch bald wedder an sin Leder to singn, ja he sung de ganze Reeg dœr bet se all weern un he wedder vun vorn anfangn muß. Wenn denn dat ol Krüz recht swunk, so dat jümmer, as de Mœller sa, een vun de veer Roden vœrt Mœlinsfinster weer, un de Schatten darvun within æwer de gröne Koppel jagen, wenn de Steen dreih un klung as en lisen Musik, wenn de Lojeri de Kornsäc herop hal so licht as weern't Dunküssens, un de friische Mehldunst rük as en feine Blom: so lach em de Seel in Liv, so weer em as harr he süln de Lust un de Kraft de en Pferd nich hett un Moth as keen Fal. De Mœller læv em, wenn he em drop mit Sweet umt Gesicht. De Burn keemn un snaden. He hör alle Geschichten so to seggn uten ganzen Lann, he lehr Jedermann kenn, un alle de dar keemn, de harrn dat sure Gesicht to Hus laten, oppe Mœl war blot lacht un vertellt.

Am schönsten weer't atwer menni mal nachts, weun de Ostwind man lisen köhl. Denn gung de Mœller to Bett un æwerleet em dat Geschäft, sa recht vertrut to em: Paß un beten gut op, Detels! un he weer denn ganz alleen. Int Dörp wat niims as de Nachtwächter, sin Horn tut bald neger, bald wider, de Maan schin oder de Nacht leeg op de ganze stille Gegend un dat Gewerk un de Steen inne Mœl klung lisen. Denn gung he rut oppen Barg un dat Hart war em wit, he sung sachen bi sit süln, un all wat in unse smucken Leder steit vun true Lev un vun Scheiden un Meiden, dat trock em as Musik dœr un dœr, un rein so fierlich! Erst

---

sinni: bedächtig, ruhig. niims: niemand. Reeg: Reihe. dat ol Krüz: die Mühlenflügel, die Mühle. Roden: Flügel. Lojeri: die Kornwinde. Dunküssens: Daunenkissen. Fal: Füllen. læv: lobte. Sweet: Schweiß. snaden: plaudern. æwerleet: überließ. wat: wachte. tut: blies. Gewerk: Räderwerk.

wenn he asbunn harr un to Hus sin warm Kaffe un Stuten eet, war em wedder græwer to Moth, atwer noch oft in'n Drom keem't em vær, as weer't en Klingn un Singn, un op de Welt bewegen sit Gestalten, de dat Dg sunst ni süht.

So war em de Mæl leef æwer allens. Nih mal Sünndags much he utgan, he blev lewer oppen Barg un seeg sit um. Int Döörp rökern de Hüs', de Röh grasen op de Koppeln, un langs den Weg fahr mit to en Wagen vull smucke Lüd: dar fahr he in Gedanken mit. Oder he plant wat in den Gern, he frei sit, wenn dat muß, he seeg na jede Blom, ob de al wider kam weer, he sett sit toleß in de Sünne un dach: dat's nargends so schön as hier!

De Möller harr sin Hæg daran. He kunn sit op em verlaten un em allens anvertrun. Likes sä he doch mal: inhüsi weer nett, sin Søn harr leider vels to vel lopen, atwer Detels much of keen sünnern Klas warrn. He muß mit mank Liden, dat hör dar eenmal mit to in de Welt. — Detels kunn em keen Unrecht geben.

#### Viertes Kapitel.

#### Detels un ol Klasen.

Int Döörp wahn en Bur, de weer of Landmæter un en ganz ebüsigen Patron. De harr Detels al mehrmals seggt, he schull doch mal hinkam un em mal besöken. De Möller verwunner dat, denn sunst heel he egentli keen Umgang. De Ol kunn atwer drulli snacken, na em harr Detels noch am eersten mal Lust hintogan, un de Möller ra' em to.

Op en Sünndagnamdag mak he sit denn mal torecht un gung los. — Dat Hus weer old un leeg en beten torügg achter de Böm. Dat Dack weer op de Norßit ganz mit Maas

asbunn: abgebunden, nämlich die Segel vor den Flügeln der Mühle. græwer: größer. Hæg: Freude. likes: gleichwohl. inhüsi: einhäusig, der zu Haus bleibt. sünnern Klas: Sonderling, eigentlich Sinte Klas, d. i. Sanct Nikolaus. mank: unter, zwischen. ebüsfig: eigentümlich, eigensinnig. ra' em to: riet ihm zu. Dack: Schilf, Niedergas. Norßit: Nordseite.



bewussen; awer allens weer dicht, un Detels seeg glif dat all dat Holtwart eken weer. Man gung in en Grot-dær, wo blot de ünner Hälst vun apen keem, langs de düstre Lohdels. Op den Achterenn schin en beten Helligkeit ut dat runne Stubendærfenster mit en witt Gardin. Dat weer en op-treppte Stuv.

As Detels herin keem, do verschr he sik binah. Oppe Mael weer de ol Klaffen en Bur un as de annern Burn. He harr den groten Hot deep in de Ogen un en egenmachten Rock an. Dar snack un lach he nich bel anners as de annern, blot en beten sachter un nich so luden Hals; likes kunn man em jümmer gut verstan. Detels wuß ni recht wa dat to gan much. He kenn em bundag' gar ni wedder un war rein verlegen, so værnehm felen den Oln de grauen Luden ünner de witte Tippelmütz rut. Awer he keem fründli in sin bunten kattun Rump ut en groten Armstohl op un sä: Süß dar, endli, min junge Fründ! Kum hier man ant Fenster un sett di op de anner Sit. Ik seeg hier jüs en Kart vun de Broklandsau na, ik much doch weten, ob dar ni mit wenig Hölp lüttje Fahrzüg' vun de Eider bet na'n Aufrog rop gan kunn dicht bet de Heid; dat muß doch dull wesen! Darbi trock he mit de een Hand noch en eken Stohl mit en los Rüffen op den Siz an den Disch, de düsterbrun un spegel-blank bonert weer, man rük noch den Terpentin, un wiß mit de anner op en grote Landkart, de he darop utbreit harr. Dat de he all rasch un seker, dat seeg gar ni na en Bur ut, un Detels seeg dat he ganz magre witte Fingern harr. Darto piß de Wandkloß so lud in de grote stille Dörnsch, dat Licht full so egen dær de Böm int Fenster, opt Schapp stunn son snackich Geschirr, he seeg man glif en blanken Dreesot un en grote Kugel in en mischen Rink, he dach richti dat muß en Eerdkugel wesen.

Doch verhal Detels sik bald un keem wedder to sik süßn,

---

Holtwart: Holzwerk. eken: eichen. Lohdels: Dreschbiele, Tenne. Achterenn: Hinterende. optrepp: aufgetrepp. verschr sik: erschrak. egenmachten: von der Hausfrau selbst gesponnen. luden Hals: laut. to gan much: möglich wäre. bundag: heute. Rump: Oberjacke, eigentlich Rumpf. Die Broklandsau ist an der Nordgrenze Dänemarks. Aufrog: ein Hof und Wirtshaus an der Broklandsau-Brücke. dat muß doch dull wesen: das müßte doch arg sein! nämlich wenn's nicht ginge. trock: zog. rük: ruck. Dörnsch: Wohnstube. Schapp: Schrank. snackich: seltsam. mischen: von Messing.

so egen em of to Moth west weer. He keek mit op de Kart, as ol Klafen em dat wis', un as he sik dar man eerst en beten umsehn harr, keemn se beid, denn Detels wuß genau in de Gegend Bescheid, int Snacken as ole Bekannte. Do hör he denn wunderlige Ding', wo he bi sin Better nig vun hört, in sin Scholböker nig vun lest, bi sik sülb'n nich aver dacht harr. Dat weer hier ganz anners. De Ol kreeg noch mehr Landkarten her, Detels seeg dat he ganze Badens darvun int Schapp in en Kamer harr. Se snacken bald vun fremde Länder, as Detels dat geern much, se snacken vun Amerika, wo damals de ersten Lüd ut Ditmarschen hin utwannern. De Ol, schin't, wuß dar Bescheid as to Hus. Se snacken vun Reisen, se keemn op de Schepffahrt, opt Beresken vun Läng' un Breed, vun Parallelzirkel un Polhöchde, un nu gar, as de Ol mark, dat dat Detels nich all fremd weer un dat he sogar en beten Geometrie un Algebra verstunn, harr dat Klæn un Snacken gar keen Opholn. He wis' em ole Rekenböker mit Figurn un Biller, dar weern Pumpen un Maschin darin, Detels kunn sik ni satt daran sehn. Un eerst as en ol podenaari Diern Licht op en Tinnluchter broch, full em in, dat dat of mal Tid war weg to gan, so harr he sik vergeten. Awer do muß he noch mit den Oln to Abend eten, un rein verbistert keem he eerst lat to Mael un to Hus.

He kunn gar ni inslapen, so vel gung em dær den Kopp. He weer as dun, he kunn sik gar ni torecht finnn, he besunn sik eerst de neegsten Dag' na un na bi de Arbeit, so vel harr he to denken. Böker un Wetenschop! — Dat harr op eenmal en ganz annern Klang un Smack vør em. Wat vørn Lust un Freud steek darin! Wat vørn Gewalt! Weer dat ni of noch vør em to reden? Schull he noch studeern? Schull he't ni kunn so gut as vele Annere? Awer bi sin Better harr he oft en oln Candidaten sehn mit en rothpiki Gesicht un en kalen Kopp: wa hungri un lungri seeg de Mann ut! Un doch sän de Lüd dat he wat lehrt harr. Wenn em dat mal eben so gung? Un lehrn much he wul, awer anweisen gar ni. Dat keem em vør as dat Edderfaun bi't leef

---

verhal: erholte. Klæn: Sprechen. podenaari: podennarbig. Tinnluchter: Zinnleuchter. rein verbistert: schier verwirrt. lat: spät. as dun: wie trunken. Smack: Geschmack. reden: erreichen. rothpiki: rothfleckig. lehrn: lernen. anweisen: lehren. Edderfaun: Wiederfaun.

Beh, dat harr he versöcht bi sin Better. Dar harr he keen Magen to. Ja, still vær sik sitten un bereken wo de Sünne un de Maan löppt, achter sin Eerdfugel inn Læhnstohl, as ol Klafen, un lesen, wa't in de Welt her geit! Un doch, den heeln Dag nix anners un binn inne Stub — dar weer em sin Garn to leef to un Lust un Heben. Of harr he keen Geld, beden gan wull he nich. Un æwerhaupt weern of al Annere wat warren, warum schull he verzagen? Dat Glück muß doch to allns darto, keem Tid keem wol Rath, tröst he sik mit dat Spridwort, noch weer he jung un vergnügt, vær de Tokunft sik quäl'n, de man doch nich opdanken kunn, dat wull he nich.

So doch he sik to Ruh. Ol Klafen harr seggt, he much öfter wedder kam, em weer't nich to vel jeden Sünndag. Dat leet he sik nu nich tweemaal seggn. He weer al de neegste wedder dar. Dat Spreken un Lesen reet dar nich af. De Ol gev em sogar geern Böker mit to Hus. So harr he, wenn he sik bedach, all wat he wiensch. En Möller is al so en Glücksbagel, de Wind arbeit vær em, un wenn de flau is, so tikt he ut de Luf oder læhnt æwer de Dær, denn is en Bok as en Fründ. So harr he sin Freid ahn Koppbreken un de Tid leep em lusti derhin. Keem mit to mal en beten Sorg, so tröst he sik wedder mit Bispieln. Sin Meister harr of nix hatt un weer doch to wat kam. He kenn nagrað Korn so genau dat he de Tünn Weten op en Bund tageer. Wenn he mal en lütten Handel anfang, nadem he sik eerst en beten umsehn harr, so kunn em't, düch em, ni fehlslagen. Un denn troch em wedder de Lebenslust dær vunn Kopp bet in de Hacken, he sung wedder sin Leeder vunn Barg hindal, dat dat schall æwer de Gegend, un Wef na Wef, un Monat na Monat gunn weg as wenn't Stunn weern.

To Fröhjahr vergeet he binah sin ol Klafen mit sams sin Böker æwer de Garnarbeit. De Ol weer frili of en Tidlang weg Rantüffelland uttometen. Detels mað dat Graben un Planten in de warme stille Fröhjahrstid so vel Vergnügen, dat em't weer, as weer't all sin egen, un de Arbeit nix as en Sünndagspläseer. As troch he em den Pingstroch an, den

---

heel: ganz. Heben: Himmel, engl. heaven. beden: betteln. al: schon. Luf: Fensterloch, Fensterladen. weer to wat kam: hatte es zu etwas gebracht. frili: freilich.

fründlichen lütten Placken, so betrach he den Garn, bepuß de paar Blombetten, wo nix Absunnerligs in weer, snee dat Sprock un de soren Twigen ut de Rosenbüsch, sammel de verolmten Blad un Strünk vun dat junge Krutwart, wat al den Ropp herut steek, un wona he seeg mit en Art Andacht. Wa teken de dicken Lilgenknuppens herut un de brun Tulkenspijen, so frisch un junk, so driefst un kräftig. Menni Krut wat rut segg kenn he noch gar ni, un bi menni anner muß he sit lang besinn, as bi en olen Fründ de inne Fremdn wesen is un den man in en Jahr ni sehn hett. Wel weer't awrigens all nich, awer desto vertruter. Wa lusti summ darbi de eersten Im herum, un sungn de Lurken un Fritschen as freun se sit mit em. Twischen in gevt mal Wind un muß dar en ganzen Dag oder en paar malt warnn. Dat dur en temli Tid, ehr he mit sin Garneern fertig weer. Un do fung al dat Unkrut an to wassen, de Blöth un Blöm keemn op Böm un Büscher, Stickbein un Kirschen wussen un warn roth, de Im swarmn, un de Summer weer dar — ja, un weer hin, ehr man em recht wis war.

Wenn na Johanni de Kantüffeln toript, so waßt de Klümp ünner de Ger. Denn brukt de Lüttmann wenig Mehl un de Möller wenig Wind, var't Geschäft is dat de flaue Tid un var de Geselln de fule. Wer keen bliben Sted hett de wannert, as de Sniders na Pingsten un de Swölken na Micheli. In son Tid harr ol Klaffen op en Heiloh to vermeten de opdeelt warnn schull. He bruk en Hölpmaat darto de en beten vun de Saken verstunn un harr geern Detels mit hatt. Harr sit dar ok mal op en Sünnaabend inne Heid bi den Möller na befragt un de harr der nix gegen, wenn Detels Lust harr. Dat weer awer jüs Water op den sin Mael, as de Watermöllers to seggn pleggt, un dat weer noch kum Sünndag warn, so wanner he al mit Sack un Pack op enige Tid ut na den Dln.

---

Placken: Flecken. Sprock un soren Twigen: dürres Reisig. verolmt: vermodert. Strünk z. B. Kohlstrünk: Kohlstämmen. Lilgenknuppens: Lilienknospen. Tulken: Tulpen. menni: manch. Lurk: Lerche. Fritsch: Hänfling. Garneern: Gärtnern. Stickbein: Stachelbeeren. toripen: zureifen. so waßt de Klümp ünner de Ger: so wachsen gleichsam die Mehlflocke (die Kartoffeln) unter der Erde. de Lüttmann: die kleinen Leute. bliben Sted: bleibende Stätte. Swölken: Schwalben. opdeeln auftheilen. he bruk en Hölpmaat: er brauchte einen Gehilfen.

Dat Geschäft gung fröh morgens los, weer atwer mehr spazeern gan as Arbeit. Se harrn en paar Lüd mit, de en Netfēd, Markstücker un en lütten Netfisch drogen, petten mit de den ganzen Dag in de Wilbnis herum un klān. Proviant harrn se mit. Wenn se sit to Fröhstüd, Middag un Vesper darbi op en Anüll lagern, so betekēn un beschrev de Ol de ganze Gegend an Detels, un wat se ni genau mit bloten Ogen sehn kunn, dat war dārn Riter, den se to't Vermeten mit harrn, opfōcht; de ol Landmeter wuß't utwenni un betekēn na jede Thorn oder Mael oder Riesenbett oder Galgenpahl de Richtung as en Schipper na Vaken un Füertekens. Wa harr sit dat ānnert sit Minschengedenken! Blot de Tekens bleben meistens bestan, wenn nich en Mael afbraken, en ol Eckbom utrodt, en Hünengrass verschwunn weer. Wa weer dat ganze Land anners warn dōrch Minschenhann. Alle Tōrfmoorn sacken af, warn Wischen un Kornland. Ol Klāsen wiß' in de Feern den Weg vun de Milau, de he dān dat grote Fieler Moor, vun Dubenheid bet de Möldörper Haben, mit den ol Tiedemann tosam vermēten un affstekēn harr. Sitdem drōg de Rand af op en Quadratmil rum, de Tōrf war na Millionen herut schaffst, dat ganze Flack weer grōn warn un begraf't vun Beh, sack atwer allmähli dal as en Disch, wo man de Fōt vun förter maßt, Jahr um Jahr un tollwiß'. Ganze Moorstelln binn Lands weern al verschwunn. Man seeg noch na Rientarken dal, twischen de un de Wesselsburner Thorn, as en lant lant Gebäud, den Rest vun dat wunnerlige Wittenmoor, wat sit frōher links un rechts bet fast na de Wörner un Schülper Sit æwer de ganze Barmarsch utdehnt harr. Dat weer vun alle Ranten weggrabt un as Tōrf verbrennt. Dat weer as en groten Maasknüll, vertell de Ol, twintig Fot hoch un mehr, wat baben op de Marsch muß opdreben sin, man sā, in urolen

---

Netfēd: Netzkette. klān: schwachten. Anüll: Rasen. betekēn: bezeichnen. Riter: Fernglas, Stecher. Riesenbett: Hünengrab. Vaken: Schifferzeichen. Eckbom: Eichbaum, Eiche. utroden: ausgraben von Bäumen. sacken af: sanken tiefer. Wischen: Wiesen. die Milau, an der das alte Meldorf liegt. Ziel: Dorf mit See, s. Quick. I. de Fischtog na Ziel. Dubenheid: die Taubenheide, ein wildes Moor. Tiedemann: Geometer, noch berühmter als Agitator gegen die Dänenwirtschaft. drōg de Rand af: trocknete der Rand aus. tollwiß': zollweise. Rientarken und Wesselsburen (Hebbels Geburtsort): Flecken in der Marsch. Wörner, Wördener: Wörden südwestl. von Heide. Maasknüll: Moosrasen. opdreben: aufgetrieben.

Tiden. Dat schull vun Schottland asreten un mit en grote Springflot herspölt sin. Man sä, en ol Königin harr dat vun Ditmarschen wedder torügg förderet, un de Acht un Beertig Landesherren to domaliger Tid inne Friheit harrn er antworten laten: Se much dat hahn, dat harr dat Land blot Schaden brocht, denn Hrier un Dörper legen darünner begraben. Man funn noch de Plogforn ünner Moor, as man dat opgrav, un sei de Weten so to seggn dar hinin, de vær dusend Jahren muchen trocken sin. Iesen un Holt weer lang darünner verrött, awer man funn noch Saken ut Gold un Metall, de Ol harr en Rink sehn mit en plattbütsche Inschrift darop: „Min Leb“. Wer em wul mal ann Finger dragen harr? Sefter weer dar fröher de Elf lant gan, denn dat heet dar noch de Elfweg, Delweg, un he harr noch en olen Mann kennt, de bi de grote Flot 1750 weer inne Weeg vun Ditsand bet an den Rugen Barg anne Geest anspölt, harr in sin Rüssens legen un an en Brotrinn knabbelt as man em funn harr, se nömn em Peter Klev, wil he ann Klev funn weer, un de Klexer Jungns in Süberra stamm vun em af.

As de Moorn, so warn of de Seen jümmer weniger un lütter. He wiß Detels, wa bi Windbargen un Feddern rum een lütt Waterplacken na de anner verschwunn weer. Dat leep tolesch all af in Pipgröben un Sielen. Uns freeg de Minsch ünner de Föt un ünner den Plog. De Heiden nu gar! Leider verschwunn awer de Hölter noch mehr. Man kenn de Gegend kum wedder, wenn man lang leb un mal torügg dach. Wa menni Streck harr he al mit asmeten! De Mergel alleen harr de ganze Geest sit en twintig Jahrn umwandelt. As de Moorfuln to, so weern de Mergelfuln apen kam; wo fröher Tachs un Bos wöhl'n oder en eensam Rättnersmann sin Heid busch um dat na Marsch to'n Diken to fahrn, oder sin Schaltörf steek vær de Föhrung, dar wog un damp nu de Rogg achter de nien Walln mit Kniden vun Hasselnbüsch; jede Knüll war

---

asreten: abgerissen. de Acht un Beertig: die alten gewählten Landesherren der einstigen Republik Ditmarschen. Plogforn: die Pflugspuren. sei de Weten: säete den Weizen. Diefsand: flache Insel im Wattenmeer, deren nördl. Teil jetzt eingebeicht ist und Friedrich VII Koog heißt. Weeg: Wiege. knabbelt: genagt. Klev: der Dünenzug zwischen Marsch und Geest. Pipgröben: kleine Zuggräben. Fuln: Grubenlöcher. buschen: hauen. Diken: Deichen. Schaltörf: Torf den man oben abschält. Kniden: wilde Buschzäune zur Einfassung der Ackerstücke. Knüll: begrasteter Hügel.

inhegt. De nie Towaß innen Dörpen red' as Slösser haben de spökeligen oln Häuser herut, un de besten Weg' föhrn jüs dar, wo man noch mit de Fingern wisen kunn wo wit de Wösteni gan weer.

So snack de Ol, un Detels hör em to mit Bertwunnerung un Vergnügen. He kreeg ganz nie Ansichten æwer de Welt un de Minschen. Se warn em gröter un kleiner, all as de Red full. Dat weer em towilen as weern se dar um ut de ganze Eer so to seggn en Garn to maken, un he harr Lust un Freid daran mit to hölpen. Wenn se abends tosam achter ol Klaffen sin blanken Disch seten un dat Snacken neem noch keen Enn, so dach he wul daran wat værn Glück dat wen muß, so'n Hus un Hof to hebbn, so'n grote Linn vært Finsten, so'n gröne Wischen um de Dær. Awer he dach weniger as sunst recht an sik jülbn, he leet de Welt ern Lop gan, as muß dat Glück em mal kam, un to'n Wünschen weer't noch to fröh.

---

He gung wedder an't Geschäft, doch keem he nu regelmäsig to Sünndagsbesöf. He weer drierster un frier warn, besöch of anner Lüð, Burn int Döörp un Umgegend, gung of dann un wann ins na en Gelagg mit junge Lüð. Doch weer he dar jümmer wat fremd un blöð, he wuß ni recht wat to seggn un sä ni vel un de Annern of ni to em. Doch wenn't ton Singn keem denn stunn he sin Mann, denn leten se em of nich, un mennigmal sä sogar de Bullmacht sin Wibke mit er roten Backen un er depe Stimm truharti to em: Du warrst nu doch ni weggan, Detels? Denn seet he mant se un sung mit. He kunn ni anners seggn, dat gefull em, em war ganz warm darbi umt Hart. He harr of wul de een oder de anner vun de jungn Mädens to Hus bringn mucht, as se alle dat den. Awer he keem nich darto, he keem ni mal bi de to sitten de he liben much. He weer dwattsch. Jüs wenn en Mäden em neeg keem weer he —: He harr ehr as Kind de ol Husholerssch um wat quält bet to'n Ween' wat se em ni geben wull, bet se endlich weelharti war un darmit an bært kem; awer jüs denn stegen em de Thran

---

Towaß: Zuwachs. haben: über. spökel: spukhaft. ins: einmal. as alle dat den: wie alle es thaten. dwattsch: wunderbar. Jüs: just, gerade. ehr: mitunter. an bært keem: angetragen kam.

ganz bozhastig bet dicht ünner de Pehl, he muß er op de Hand slagen, anners weer he sticht, un denn kunn he schrigen, dat weer ordentli en Lust —; so ungesehr weer em of to Sinn, wenn he blot den Arm harr utlangn schullt um den annern to faten, de se em geern recht harr. Uwer he weer dervun un alleen op den düstern Weg, he slog mit de Hann as slog he de ol Huzholersch er Gav weg. So geern he umkehrn much, he kunn ni, he schüttel dat af in de sole Lust, he sung dat weg inne Nacht, he sleep in half selig un half untofreden, un wenn he utslapen harr muß he eerst na un na an de Arbeit sik torecht finnn.

---

So verleben Jahr. Sin Lehrtid weer lang to Enn. De Meister harr em as Geschäftsführer beholn. De Sæn weer op en egen Stell. He kreeg en Burßen ünner sik un regeer so to seggn dat Ganze. He slot menni wichti Handel, muß vel mant Lüden, oft Sünnaabends to Markt na de Heid, mitünner na Friedrichstadt un Tönnig, gar mal in en knappe Korntid na Kiel un bet Riestadt, um russchen Roggen to kopen, un seeg un lehr darbi ni wenig.

Dat Garneern blev darto sin egen Vermaat un Tier. De Möller leet em darbi sin Willn. He hal sik alle Arten vun Sticksbein, he hal sik Risen vun Appeln un Bern de em gefulln ut jedermanns Garn de he kunn, un he kunn ungesehr alle, he plant un propp na sin Gefalln, sett of bi een un anner Bur en Ris' op. Mit de Rirschen wull em dat ni recht lücken un gar ni mit en Ros' op en Ekenstamm, de swart warrn schull, as em seggt warn weer, so vel he't of versöch un jümmer nie sett un daran spandeer: dat Holt war blau vun't Meß un dat Ris' verdrög.

---

#### Fünftes Kapitel.

#### Detels un de Koptein.

Ganz selten harr he bi sin oln Fründ en Mann drapen, de em opfull. De Mann harr en trusen Kopp un en gewaltige

---

Vermaat: Vergnügen. Tier: Vergnügen, eig. Bier. Risen: Meiser, Pstropfreiser. propp: pstropfte. lücken: glücken. Meß: Meiser. drapen: getroffen.



Stimm, as en Bar. He wahn oppen Klee twischen Marsch un Geest, jüs ni wit af, un harr en temlige Landstell. He weer fröher bi de Soldaten west un heet noch Koptein. Detelf weer meistens Randsags kam, wenn de Mann riden wull, un harr em weni spraken. Em full blot op dat he em binah fühnsch vun de Sit anseeg vun'n Kopp bet to Föten. He snack noch enige Wör dat dat gnaster un denn sä he adüs. Detelf harr nagrah al to vel Lüd kenn lehrt as dat he darvun verblüfft war, em full dat blot op. As de Avisen nu unruhi warn, blev de Koptein mal bet to Abend, un Detelf hör em den ganzen Randag. He kunn jüs ni vel mit snacken, awer he hör nip to un frag na. Dat muß de Koptein gefallen, denn he leet sik genauer mit em in, vertell em vun allens un geb em vun allens Bericht.

Vun do an drop he em öfter mal bi ol Pläßen un kreeg vel vun em to hörn, wa't to stunn un hergung in de Welt; denn de Koptein muß noch op sin Art ganz anners Bescheed, as Detelf dat kennt harr. Wa gungn em de Dhrn op! denn de Koptein, wi' sik, vertell geern, he kunn blot ni hebbn dat jümmer dartwischen oder gar dargegen ansnack war, denn kunn he knastern as en Rebenhund gegen en Schösteenfeger. Darvør weer he bekannt, Detelf harr't ok mit belevt. Awer gegen em weer he ganz tamm un weefhaarig. Ja dat leet sogar as wenn he em recht mal vør sik un alleen hebbn wull, as he gegen't Fröhjahr ins sä, Detelf schull em doch mal besöken un sin Garn besehn, kunn em je sacht ok en paar Bomrisen opsetten wenn't en Dag Windstill geb gegen Himmelfahrt ut. — Dat versprok he.

(So keem he richti denn op en stillen Morgen an bi de Koptein. — Hus un Schün stunn noch ganz oppe Geest, weern awer na den Marschsnitt bu't, allens lik un veerkanti, mit rothfogte Brandmürrn, en grön Stacket um de ganze Hoffstell. Achter legen een bi't anner de langn Stücken vun de Marschkoppeln mit snorgrade blanke Gröben dertwischen. Detelf much sunst de depe Marsch ni liden, dat weer em dar allns to lik un to platt. Awer hier leeg noch de grote Garn vull Büsch un Böm half op de Geest, prächtige ole Eschen stunn

---

Bar: Bär. fühnsch: giftig, wohl: veninsch von venin Gift. gnaster: frachte. verblüfft: eingeschüchtert. Avisen: Zeitungen. nip: genau. to stunn: die Zustände wären. knastern: brummen. taxim: zahm. dat leet: es ließ, es schien so. lik: gleichmäßig.

int Stadtwark, dicht vør't Hus gung de sannige Fahrweg vørbi, Knicken un Reddern trocken sif sitwärts, dat dat schatti un bunt utseeg as bi en Krattholt, un wenig Schritt na den Kley opwärts trocken sif de grauen Sanddünen to Höch un de wille Heiloh deh'n sif ut, dat dat schöne Gewes' nüdlich daher leeg, as op den Som vunn Wösteni un Einsamkeit.)

Detelf gung dribens na de Garn. Dat weer en banni schön Rum, awer dat stunn dar wunnerli man' enanner. Dat kunn mit weni Mög gut warn. Wat wull he dar ut maken, wenn't sin weer! He dach sif richti, dat de Koptein hier of süß'n regeer un velliicht mal darmant bell, wenn't to unrichtige Tid weer.

As he so ganz langsam wedder torügg slunter un allens genau beseeg, keem in de bawer Port vun't Hus her en temli lankbeenti Diern vun en veertein föstein Jahr steil as en Soldat anpetten, se harr wat wild düster Haar un Ogen un so'n beten vun dat Fühnsche vun den Koptein, man seeg glif, dat dat sin Dochder wen muß. De keem lif op em to, dat he binah verbligt war, se gung of in son wat wunnerli kort Tüg. Do sä se awer blid, as wenn se em kenn, un mit en smidige Stimm, de man gar ni vermuden weer: er Batter weer nich to Hus, ob he de junge Mann weer, de Bom risen wull? Denn schull he man rin kam un eerst en Botterbrot un en Glas Melk neh'm, nös wull se em Bescheed seggn. Un so gung se bi em her, steil un inn Schritt, un vertell vun de Bom, wat se drogen: dat weern Figenbern, dat weer en Gravensteener. De een Eck vun den Garn hör er to. Detelf sä, er Bom weer wol en Bißhon. Dat weer't richti, un se verwunner sif, dat he dat sehn kunn. As se dat hört harr, much se em vør en Kenner hol'n vun allens wat den Garn angung. Se wiß' em de Gerd- un Stickerbeern, wull weten wa man de recht grot un rikli treden kunn, snack denn awer ahn recht totohörn awer de Blöm, stapp awer de Rabatten un Betten un seeg em fühnsch as de Ol vun de Sit awer de Schuller an dat he nakam muß, un leet sif Rath geben wa

---

Stadtwark: Stacket. Knicken: Ränne auf den Erdwällen. Reddern: Wege dazwischen. Krattholt: Buschwald. dribens: gerade:wegs. dar-mant bell: dazwischen schalt. slunter: schlenderte. bawer Port: die obere Pforte. petten: treten, schreiten. lif: gerade. verbligt: erschreckt. blid: freundlich. smidig: geschmeidig. vermuden weer: vermutete. risen: pflropfen. nös: nachher. stappen: schreiten mit großen Schritten.

se de Eer ludern oder verbetern kunn. Darbi vergeet se sit ganz, se püttjer mit de Hann bi en Blompull herum, de er besunner's leef schin, snack darbi as wenn se ern Hund sichel, un wenn se sit oprich, straf se mit de æwrigre reine flacke Hand dat wille Haar ut' Gesicht. Denn awer så se rasch: ik vertünnel mi je gänzli, un be Detels mit to kam, un strep vær em an, æwer't Steg, vær de Port, na't Hus herin. Se wis' em in de Stub un gung sülb'n um em Mest un Botterbrot to haln, womit se bald geschickt op en Teller mit an keem. Er Batter keem eerst to Middag wedder, så se, se wuß awer un wull em vun de jungn Böm Bescheed seggn. Darbi nödig se em to sitten, wisch un stell an de Stühl herum, keet ut Fenster un harr de Dgen allerwärts as Een de Ordnen un Regeern al lang dagli Geschäft is, harr awer noch de Hann as en lütt Kind. Denn muß se noch wat buten to bestelln hebbn, he hör er smidi Stimm inne Ræk, un as se wedder stramm in Dær keem un Detels fertig weer, marscheer se mit em na'n Garn un wis' em de Böm, rasch un basch, vun een Stell na de anner.

Doch as Detels nu an de Arbeit gung un de Dgen op sin Saken hebbn muß, mit sin scharp Garnermeß een jung Stamm na de anner de Kopp affnee, dat Vork spalt, Risen værlichti insett un verklev un verbunn as harr he Wunn' ünnern Hann, do stunn se eerst lang still un seeg to, meist de Hann oppen Rügg, denn hör he er smidi Stimm as en Kind snacken un fragen: Ob dat den Bom wul weh de, wenn man em affnee un int Vork pul. Ob dat Ris of oppen Kopp insett wassen, ob man so nich en Truerbom optreden kunn? Se harr so geern een, se wull em hebbn vær den Lunderer Markhof, dar leeg er Mutter begraben, de al lang lang dot weer, vertell se, un war ganz weef un trurig darbi. Och, Batter drog dat noch swarer as se. Se keem ganz int Snacken un Bertelln. Detels hör er mit Verwunnerung an un keem bald darop mit int Snacken. He wuß er jümmer wat to seggn un to antworten. Wa seeg se em an as he er tröst un vellight wat Abfunnerligs så! Dat kunn he wul, dat ver-

---

püttjern: fragen, kramen. Blompull: Blumenbusch. sicheln: streicheln. straf: strich. ik vertünnel mi ja gänzli: ich bin ja ganz wirr, weiß gar nicht, was ich sage. strep von streben: schreiten. basch: barisch. Vork: Rinde. Wunn': Wunden. pulen: fragen, schaben. insett: eingesetzt.

stunn he. So wat harr he all vør sik dærbacht, dat weern sin egen Gedanken sit sin Rinnerjahn her, de bruk he blot to vertelln as man morgens en Drom vertellt. Dar passen de lütt Diern er Geschichten darto, as harr se mit drömt oder dröm noch. De Gensamkeit drifft Lüd tosam as de Wind Heu un Stroh, de sit awer verstat de kennt sik opt Ansehn as Landslud inne Fremdn. Gensam weer't op den Hof, Gen kunn wul mal grueln. Ob Detels wuß wat dat weer? Ja wul wuß he! He harr mal as Jung in Düstern en Blogfēd to Hus haln mußt, dat Enn darvun weer herafgleden un rassel lisen achter em an int Gras. Wa harr he lopen int düstre Redder! Ja he kenn't. Un se vertell wa se so oft abends alleen vør Dær spelt harr, wenn de Boß anfang to bru'n langs de ganze Marisch hin, denn trocken de Tüten hoch æwer her, man hör er Fleiten bet fast na Büsum na de See hendal, sunst röhr sit keen Lut un keen Minsch weer to sehn, wa't denn wunnerli weer! Ja, man seeg er dat an deep in de Ogen. — Doch denn snack se wedder vun't Fröhjahr. Wenn toerst de roten Peperblöm keem! De eersten Fleerlinken darop, na den langn Winter mit Snee un Is! Se snack vun de jungn Næt, wa de ut de Sluf seken jüs as en lütt Gesicht ut en gröne Huv mit Spizen. Se snack æwer den Kruthof, æwer Petersill un Suppentrut, se snack un frag oldklok un vernünfthi as en echte lütt Husfru. Detels keek eerst gar verwunnert na er op. Do lach se op eenmal lud un sprung lang den Stig: er Batter keem to Hus.

Mit em keem se bald wedder torügg, se hung em inn Arm, se keem' steil tosam den Stig entlanf, dat Mäden ernsthaft un wichti mit lange Stapp, um Schritt to holn as en Jung de Soldat spelt. Se sä keen Wort mehr. Detels muß mit den Oln noch den ganzen Garn herum. He hör em gedüllli an wat Detels to seggn harr, em gefüll dat, dar weer Inzicht un Verstand in. Dat much he. He wull sik dat marken. Dat leet sik hörn. — He neem em noch wider mit rut na en Koppel mit en nien Wall, dar wull he Paten setten. Detels muß em sin Meenung seggn. Daran grenz en Kappsaatkoppel. Weer ni recht wat, vertell he Detels. De muß

---

drifft: treibt. grueln: grauen. de Boß bru't: der Nebel steigt. Tüten: Regenpfeifer, Charadrius. Peperblöm: Kellerhals, Daphne. Næt: Nüsse. Sluf: Kelch bei Nüssen. Huv: Haube, Frauenmütze. Kruthof: Gemüsegarten. Paten: Pflänzchen, besonders Dornbüsche.

he sehn. Wat' wul togung? Dat verstunn Detels nich. Awer he gung mit. De Dochder stapp jümmer bi an. De Tid gung weg. Detels muß to Hus ehr se to Enn weern un verspreken dat he bald mal wedder keem. Wenn mægli much he mal enige Dag' inn Garn hölpen un nasehn.

---

Wa't vun keem wuß he wul swar to seggn, dat he so vel torügg dach an sin Dörp, an sin Better, an de ol Husholersck, an sin Grotmoder! Much dat vun den Weg kam, wo he nu torügg wannen, dat de eben so sanni eenjam un verlaten utseeg as de bi de Schol herop? He föhl sit so eenjam. He harr dat noch ni eenmal so föhlt, dat de weg weern de de Dob oder de Tid weg nimmt. He harr je oft an se dacht, awer he wuß ni dat he je na se lengt harr as nu. Se stunn em jümmerz tröstli vær, wenn he mal vær de Tokunft sorg, dat weer as wenn se em verträsten: dat war wul kam, de Minsck muß sit gedulden. Un denn harr he wedder los lewt as wenn man inn Winter häpt op den Summer, de schall allens gut maken. Awer he kummt un deit dat ni, he geit un hett dat ni brocht, he kummt wedder un wedder, bet man sit je wul tolek anne Wärm begnögt. Un menni Gen sacht doch noch kold ünnert Gras, ehr de Sünne wedder stegen iz. Schull't em eben so gan? Wat gung he tolek Annere an, dat he seggn kunn: Rath' un hölpt, it hör dar of mit to? Weer't nog vær em, sit mit ol Klaffen an de Landkarten to frein? mit sin Möller aut gude Geschäft? Un he süln? Harr he man of en Klutt Ger ünner de Föt, de sin weer!

Warum dach he hüt so vel daran? Harr he nich noch eben mit dat lütt Mäden klant, as weern se beid en Paar Spelkinner? Un jüs darna keem em disse Gedanken? — Ja! He, he harr de Kinnereschoh längst uttroden oder schull't dan hebbn, schull lang en Kerl wesen sin, wat Egenz hebbn un don, un weer egentlick uns Herrgott sin Hoffegut un tehr jümmer ut den tokünftigen groten Glücksfack. De war em noch mal as Detelsack umme Schullern hangn. He seeg, dat gung ni mehr. He muß sit süln raden un driefst warrn, he muß

---

bi an: nebenher. sanni: sandig. lengen: sehnen, „langen und hängen.“ Goethe. häpt: hofft. sacht: sinkt. Klutt Ger: Häuschen, Klumpen Erde. Spelkinner: Spielfinder. wat Egenz: etwas Eigenes. tehr: zehrte.

alleen den Weg süken, wenn't een geb. Un dat wull he of!  
He sat sin Handstoc faster un rich sit höher op, as he weg-  
gung, un sit noch mal umseeg æwer de Koptein sin Hus,  
Garn un Hoffstell.

---

Wa dat Schicksal mennimal mitspelt, wenn de Minsch  
meent, he neem ernstast de Karten inne Hand, und dat schull  
nu angan! To Hus op Mael funn Detels Bad, dat sin  
Better opt Leg leeg un em noch mal sehn much. He il glit  
wedder darvun. He funn em noch ann Leben un drück den  
tru'n braven Mann de Dgen to, de he schüchtern so lang vær  
Bele apen hatt harr, ahn vel Dank darvær, of vær em. Un  
nu föhl Detels: So snee uns Herrgott de letzte Streng' af,  
he stunn nu alleen un dat goll Ernst to maken, dat he of  
alleen gan lehr!

Sin Better harr em doch en lütt Arfschop nalaten. De  
Kostkammer weer storben un de ol Husholdersch trock tofreden  
mit en paar Saken, en Kuffer, Komod un Stöhl na er Süster.  
Un he harr also, as't all verkofft un klareert weer, en lütt  
Summ to'n anfangn in de Hand jüs ni grot, æwer doch en  
eersten Insatz.

Dat geb em en egen Art vun Seferheit. Åwer he keef  
sit nu allens twee mal so nip an. He frag Väcker un Bruer  
ut, he tageer de Koppel mit de Koh darop, dat Hus mit de  
Fru darin. Doch wuß he je of recht gut, dat he Credit un  
Totrun erworben harr, of en Kaptal, vellicht gröter as sin  
Geldsumm. De ol Klagen funn em æwer binah to nadenkli.  
Em düch dat gung ni. Doch as Detels em mal allens uten-  
anner sett, do klopp he em op de Schuller un sä: So recht,  
æwer denn man ahn Sorg, un wenn Du mi brukst, Detels,  
denn sprick op mi, hier's min Hand!

---

Intwischen leep Detels vel bi de Koptein. De Möller  
leet em mehr Spelrum, he seeg gern dat Detels sit of na  
wat Egenz umde. De Burß war gut un he kunn sach na  
Jahrstid un so mit den alleen klar warrn. Bi de Koptein

---

Bad: Botschaft. il: eille. Streng': Strang. goll: galt. Arfs-  
schop: Erbschaft. sprick op mi: rufe mich an. umde: umthat. klar  
warrr: fertig werden.

gefull em't. De ol Bruskopp weer nett, gnaster wul mal wat gegen an, wenn Detels em wat gründli værslög. Awer he harr Verstand un gev em gern Recht, denn he wuß recht gut, wa wenig he vun Land- un Garnbu verstunn. Unner Detels sin Opficht kreeg de Garn en ganz anner Gestalt, mit weni Møg Schick un Ansehn.

Dat lütt absunnerli Mäden seet un leep meistens bi de Beiden er Snacken swigsam darbi, stütt gern dat Sinn in de Hand un smeet er groten Ogen sitwartz na Detels oder de Ol um höch. Dat weer er Mod so, so keek se of ut Finster langs de wide Marsch oder in Garn na de Böm um höch. Se kunn awer of op eenmal int Räsonneern un Vertellen kam, mennimal trurig, mennimal spaßig, man wuß ni warum. Of mit er much he wul spraken hebbn, wat he süch un antofangn dach. Denn se ra em, as se mal na Heid to Markt west weer, he schull en Handel mit Band un Eid anfangn, sit en Fuß buden mit grote Schiben nn schöne Saken derachter.

Weer't Ernst oder weer't Spaß? Dat wiß' sit bald, denn se sä, un de Ogen warn er lusti: Du büst en Narr, Detels, Du schust man bi uns bliben. Oder wullt Du Snider warren? Un denn lach se un sä: Se muß doch of wat to don hebbn, se harr Lust to en Kalkverhandel.

Glik darop hör he er, as en echte Husmadam, in de Ræf befehl, de Deensten in Ordnung bringn, dat se vær er smidi Stim in Drav lepen, gauer as vær den Din sin Gnastern.

---

## Sechstes Kapitel.

### Dat Unwedder draut.

Noch weer he mit sin Verhebbn nich wider kam, as de Winter intre, un de Tid unruhig war. Jedermann vergeet do half sit süln un sin Kram.

Dat weer en wunnerlige Tid. Wi weern as en Drift Schap oppe Weid, wenn en Gewitter ofkunt. Wi dufeln all

---

gnaster: brummte. smeet um höch: warf in die Höhe. ra: riet. de Deensten: die Dienerschaft. gauer: schneller. intre: eintrat. Drift: Trupp. dufeln: träumten, waren halb im Schläfe.

mit enanner un edderkau'n unse Gedanken, wo wi alle gar vel vun harrn. Mennig Een harr sin absunnerligen still vær sit. Un blot hier un dar drop Een un de Anner en Hagelstorn in de dicke Wull, dat he opfohr un sin Nawers stör, de eben so drömn; de söchen sit en anner Stell un legen wedder opt dicke Fell. Wat gung se dat an, wenn se't ni drop? Wenigstens, wer kunn't ännern? Als værn Dod keen Krut wussen is, so vær menni annere Wel of ni. Wen't drop, den drop dat. Nih dat wi keen Mittliden harrn, man mehr as to vel, awer wi harrn keen Remedi. Wi snaden mit Schudern vun den arm Postillon, de int Snellmarker Holt æwerfulln un schändli dot slagen weer. Keen Hus, keen Schön, keen Markenbesöt int ganze Land Sleswig-Holsteen, wo nich darvun redt war, bet Een dat Hart bewer vær Wehmoth mit de arm Seel, de hinut mußt hart op Königs Wagen mit Königs Geld, un nich mal een vun de Dreguners anne Sit, de in Fehoe rumfuln — oder wi snaden vær Iwer un Lust dat noch mal de Schüllige funn un op Galgen un Rad öffentlich hinricht war, wo wi gewis op Milen wit hinreis't weern, um Gottes Gerechtigkei to sehn, un to Hus unse Gedanken wider to denken.

Doch in Ditmarschen weer dat Snellmarker Holt wit vun uns af, un de Schuder, womit jede Scholkind un jede Postbad den Nam utsprok, weer jüs desülwige, de uns bi allens æwerfull, wat wi Gruligs wussen. Dat is all as 't is, tröst sit ol Wullmacht Hartnack, do leb he noch. Dat weer all as't weer. De Unruh weer jümmer buten. Wi lesen vun den Darm nerrn in de Türki oder günt haben in Spanien, ebenso as wi uns vun den Besuv vertellen, de nu wedder Fier speeg, dat dat op Hüser un Dörper dal regen. Bi uns harrn wi weder füerspigen Vargen noch Krieg un Kriegsgeschrei. Wer schull't anfangn? Keen Minsch, den wi kenn. Napoleon weer dot un leeg still begraben op sin eenfame Insel, de keem nich wedder, un in Paris harrn se en Börger-König, op en Art as wi en Börger-Depenteerten. Dar weer't of verbi mit de Revolutschons sit den natten Summer Achteinhundertdörtig, wo't bi uns regen dat man kum mal uns Herr Gott sin leef

---

edderkau: wiederkäuen. menni Een: mancher. Nawer: Nachbarn. Wel: Übel. Remedi: Heilmittel. Dreguners: Dragoner. rumfuln: faulenzzen. Schüllige: Schulbige. Bad: Vote. nerrn: unten. günt: jenseit. haben: oben.



wussen Korn inbringn kunn un menni Morgen Weten oppen Stempel utwuch, en gressigen Summer! — Ne de Mann seeg ni derna ut, dat he wat anfangn war as Bonaparte un sin Generalz, de jümmer as op't Theater gungn, Pelzmantels um bi de Pyramiden. He lit mit sin Haarpull mehr en Frankfurter Frisör, oder en Hamborger Bankier. De de't ni. Wi harrn æwerhaupt nix mehr belept, sit General Chassée Antwerpen belagert harr un de nie Art Risenmöser Bumben vun Dufend Bund int Süderdeel (Citabelle) smeet, de dær de Rasematten fulln, un de baller dat de Kanoneers dat Blot ut de Ohrn leep. Dat weer dat Letzte, wat wi noch lebndi ut de Avisen les't harrn, wi, de nich jüs to de Öllsten hörn. Wvrigens also of, as all dat Anner, wit weg un lang her un blot wat æwer to snaden. En würligen Soldaten — nich ut Bli un nich op en Ruppin'schen Villerbagen — harr mennig Een vun de Jüngern in sin Leben nich sehn, dat schull denn al wæn, dat en Dörpsjung, de in Kopenhagen bi de Garr stunn, so vel vun en Marrn in sit freten harr, dat he mal to Hus keem in den roden Rod mit en Swülkensteert un en Kees'meß anne Sit, um sit to wisen. Denn kunn he awer of seker wæn, schregen de Rinner wær em weg in Dobensangst, de to Noth den Schösteenfeger Gundag sän, un de Frunslüd flüchten achter de Dær, um natofiken, wo de Mann natostür: denn en roden Rod broch nix Guds wo he keem, Bagtsdeener un Stodmeister weern de eenzigsten, de een drogen, frili en langen — bet sit dat opklär: he weer Geesche Wold ern oln narrschen Bengel, de of wat beters don kunn as Smudbüß speln, schull man de Ölsche sin paar Schüllings schiden, wenn he wüß æwer harr.

Also wer war bi uns dat Für anböten? Denn unse Königs schulln of keen Lüd bang maken, wenn man mal een seeg. De lepen eben so as wi na de Scholn un de Kart, höchsten of noch na't Stodhus, wat wi lewer bilang' leten. Darwær interesseern se sit un wi mit se. De ol Friedrich mit dat smalle Gesicht un de sneewitten Haar, de fröher mal flassengel west weern, as man noch seeg, leep as en Tüt

oppen Stempel: auf dem Palm. utwuch: auswuchs. gressig: schauerlich. lit: glück. Avisen: Zeitungen. Garr: Garde. Swülkensteert: Grad, eig. Schwalbenschwanz. Kees'meß: Rasemesser, Säbel. natofiken: nachzugucken. Stodhus: Gefängnis. natostür: hinsteuerte. Smudbüß: Ged, Kleidernarr. wüß: welche, einige. anböten: anjünden. flassengel: nachgelb.

fogar oppen Dörpen mir nig dir nig vun sin Wagen ut op dat Hus to mit twe Schösteens un de velen Finstern, wat jümmer dat Scholhus bedüdt un sin ganzen Tropp vun dicke Herrn inn Drav achterna, as lepen se vør'n Regen int Schur. So weer he mal bi Detels sin lütten Better rinkam, de vør Angst kum so vel Wind harr opdriben kunnt, um mit de Jungz „Heil unserm König Heil“ antostimm'. He keem jümmer to fröh. De dicke Krüschan de Achte keem jümmer to lat. So wessel dat bi uns af. Doch kunn wi dat wol liden. Unse Scholmeisters keem' inn Drav, unse Scholhüser inn Staat, unse Scholn inn Swunk. Wi snacken mit vun de Method un den „wechselseitigen Unnericht“, wo dat soldatsch bi her gung un unse lütten Väkers „Gehülsen“ warn. De Perzepters vun Dörpen müssen na de Heid un na Möldorp de Kunst natolehrn un lange Register to föhrn mit vel Linjen, rode un blaue, vør langz un vør dweer, de Scholstuben müssen der na bu't, de Dischen der na inricht warn. De Jungz warn nummereert, wat menni Een arger, de en guden Nam harr, un Lüttjelüd hæg, dat ere eben so gut weern. So lepen wi denn na de Scholprüfungen as na en Parad', un hügen uns so gut an unsen Perzepter un de Pastor, de em de Vofred heel, as an unse Jungz er Antworten. Denn wi harrn em sülb'n wählt, den Prester un den Perzepter, dat gung unse Ehr neeg wenn se sik utteken: wi wussen den Unnerscheed twischen en Autodidakten un Seminarijsten un twischen en Candidaten mit den drütten Charakter nicht ohne Bedenken bet to den hinop mit den eersten cum laude oder in Ermangelung eines Bessern.

Dat weer wat uns angung. Un dat weern jüs de Lüd de uns vertelln vun all wat vörgan weer, al vunne Schol ut, un wer nig wuß lehr noch as Zuhörer na bi de Prüfungen. Wi hörn vun ole Geschichte un nie Geschichte, vun 666 vør Christo bet 1799 na Christo, vun dütsche Geschichte un dänische Geschichte, vun Karl den Groten un Gorm den Gamlen, un dat full kum mal op dat uns Königs inne Schol na den lezten fragen. Wat denn? Weer't nicht en Spaß wenn so'n lütten pudligen Kerl als Detels sin Better grote Landkarten mit Farben op de wittkalte Scholstubenwand tekt harr, un

Schur: Scheune. Väkers: Bübchen. vør langz un vør dweer: in die Länge und in die Quere. hæg: erfreute. Vofred: Lobrede. utteken: auszeichnen. Gorm den Gamle: Gorm der Alte, dänischer König † 936. tekt: gezeichnet.

mit en Stod as en Bohnschecht lang op de runn Plackens wi' un alle Gærn wüssen wa de Nams heten? De Schol-  
værsteher harr't sogar geern, denn he bruk in't Fröhjahr  
man de halwe Schol falken to laten. Un wenn wi uns  
Sünndags na de Predigt inn Krog stridt harrn, ob dat na  
Klas Harms sin Ansicht weer oder nich wat de Candidat uns  
predigt, wo wi op en Milwegs na hinlopen weern um em  
to hörn, so keem de vellicht nadem bi en Kinddöp merrn  
manf uns un vertell uns uterdem, wo't inne Welt utseeg, so  
wit wi't ni ut dat Iyehoer Wochenblatt un den Altonaer  
Merfur lest harrn.

So weer de Tid. En schöne Tid! Wi leben in en Ruh  
as leeg de Welt in't Ünnermeel un an Opstan weer nich to  
denken as to en ruhige Bespertid. Wen mal en Hagelkorn  
drop, de schreeg wul lud op un wech de em neeg weern.  
Awer an en Gewitter dach keen Minsch, of he nich. Un  
denn war't wedder vergeten. Wer sin groten Jung vun  
sæben Fot Läng mit Been as Tumpahln un en Kopp as en  
Flaschappel dörch Physikus sin Hölp un Rapselvagts Lügen  
mit Spetschendalers værher un Ducaten bi den Kriegscom-  
missär ni dærtobringn wuß, dat se em oppe Geschon nich na  
Kopenhagen trocken un dar vær alle Arbeit in Tokunft verdor-  
ben: dat muß en dumm Kerl wen oder en arm verlaten Wetsru.  
Un wer frag dar tolek vel derna, denn wülke müssen doch hin.

Frili wat den Gelbbütel angung, dat drop al Bele op  
eenmal. De Geschichte mit de Kopenhagener Bank un de  
blauen Zettels weer so arg, dat de rikste Bur inne Marsch  
ni wuß, wo de Stüern hernehm'. Dat weer en Wirthschaf  
so stimm, as man't sik nu ni denken kann un kum weet wa't  
mægli, dat de Lüd ni rebellisch warrn. Kaptal weer nich to  
krigen. Wi hebbt erlebt, dat en Burhof, de nu nog is,  
vær en Fürsten op to sitten, vær en Bund Toback is verkofft  
warrrn. Un doch slepen wi wedder los un snaden un ver-  
telln as værher, vertelln uns sogar, dat en Bur den oln  
magern König harr in sin Berstall söhrt, wo he sin Ritperd

---

Bohnschecht: Bohnenstangen. Plackens: Flecken. Krog: Wirts-  
haus. Klas Harms: berühmter Prediger in Kiel, geb. 1778 in Jährstedt  
bei Marne in Ditmarschen, † 1855. merrn manf: mitten zwischen.  
Ünnermeel: Mittagstuh, Siesta. Wer: wen. neeg: nahe. Tumpahln:  
Baumpfähle. Flaschappel: Kürbis. Wetsru: Witwe. wülke: einige.  
blaue Zettels: dänische Kassenscheine. vær en Fürsten op to sitten:  
daß ein Fürst auf dem Hof hätte sitzen können.

mit blaue Zettels strent harr staats mit Stroh, un beide harrn nig seggt, of de König ni.

Wat schulln wi maken? Revolutschon? Wenn bi de Geschon inne Heid unse groten Jungs harrn Stöhl un Dischen twei slan un opt Mark ropen: Wi do't dat nich! Wi sünd Landskinder un wüllt inn Lann bliben! so heeln wi dat doch vör Unordnung. Wat schull dar na kam? Wi tru'n op unse Abgeordneten, de wi wählt harrn as unse Pastorn un Scholmeisters, un de dat gründli beraten in Ipehoe. Frili gung dar bald en Leed vun um, wo de reisen Schoftergesell bericht:

Ipehoe, seggt he, anne Stær, seggt he,  
Sitt de Nawers, seggt he, vör de Dær, seggt he,  
Un de Stänn, seggt he, oppe Bänk, seggt he,  
Kriegt di Eten, seggt he, un Gedränk.

Awer dat weer toleh doch blot en Spottleed as wi se süßn to maken verstunn in jede Dörp un Flecken op jeden Minschen, de uns nich gesull. Vergliken wi doch en lustigen groten Pegelsfründ mit Kobespierre:

Was Jener dort im Großen war,  
Stellt Dieser hier im Kleinen dar,

un wat wi sunst vör Schabernack utöben, denn dar weern wi stark in.

Awer nu op eenmal keem Bliß un Dunnerslag togliß, wi flogen hell op uten Slap, un de Ahnung keem uns All mit eenmal: dat 't losgan war. In Paris harrn se ern König wegjagt. Wa stunn't mit unse: harrn wi Een? Wat? weer't nich en Dän un harr uns cunjeneert sit Minschen-gebeden un länger? Weer dat ni de Kerl ober Sænsjæn vun em, wo wi Ditmarscher uns mit hau't harrn op jeden Placken, de en Namen hett, vun de een Grenz bet de anner? un harrn em afkloppt int Swinmoor 1500 un mennimal verher? Wa het he noch? Johann oder Hans, mit sin Bröders darbi. Un endli harrn wi uns bögen mußt, blot wil wi to Wenige weern, anners harr he't sin Dag' ni fregen. Un do harr he't Land verdeelt as bi't Inslachten,

---

staats: anstatt. twei slan: entzwei geschlagen. reisen: reisende. Stänn: Landtagsabgeordnete, Stände. di Eten: (dir Eßen) Wortspiel für Diäten. utöben: ausübten. cunjeneert: kunioniert.

do harrn wi de Friheit verlarn, do harrn se uns de Kerls hinsett, Bagt un Bagtsdeenerz, vun den Landvogt an bet to den Armvogt. Schreb nich de Een darvun: Ich Anton Christian Friedrich Griebel, Königlich bestallter Etatsrath und Landvogt befehle Dir dem Eingefessenen Anton Pipip, daß Du bei Vermeidung . . Gott verdori! Dat harrn wi so lang leßt un uns gefallen laten un warn buten darvør utlacht, wenn wi mal buten keem', wi, de frien Ditmarscher — dat weer je infamicht! Un dat weer desülwige Art Kerls, de hier int Fröhjahr op Holtshoh mit jüsen Ewin na Heid to Markt keem', mit swarte Pütt op den Rumpelwagen, Puttjüten, greßige Kerls, mit er Sprak wa Hunnbelln annehmen gegen weer. Un so'n Sprak schulln wi am Ende lehrn. Harrn min Dag' keen Wort darvun verstan, al ut Mitliden gar ni dar na hört, de Kerls seegen je gottsverlaten ut, toreten, mit Haar as weern se vun Müs rugweg asgras't un en Ramm harrn se mit Ogen ni sehn. Mit de uns tosam to koppeln, wat de Mann incorporeern nöm, dat weer je arger as uns mit de Kerls an een Disch to setten. Weer kum to löben, harr de Mann 't ni schreben in sin apen Breef. Dat heet uns dat beten Privilegen wat wi noch harrn sünner Föten wegtreden. Frili wüssen wi nich wat vør Privilegen. Awer dar kunn Jeder sin Deel bi denken, en beten darvun harr wul en Jeder un weer't man fri Weid vør en Schap oppen Butendif, oder fri Schaltörf oppe Heiloh oder fri vun Utgisten vør den König vun de Papagojen-Gill. Dat arger uns.

Oppe Mæl weer recht de Plaz darto, dat all to beslæn'. Dar keem en Barg Privilegen tosam un en Barg vun Berdruf, wenn de schulln verlarn gan. De Nachtwächter harr dat Privileeg, as Eedswar Maat un Gewicht oppe Mæl un bi'n Häfer natosehn. He seeg se frili sin Dag' ni an, awer he hal jede Nijahrzsdag sin Duppeltmarkstück darvør, dat he mit en Ladung vun verrufte Wagschaln, Löth un verolmte Maatkann ankeem un de Frag de: ob't all in Ordnung weer. De Schöfteenfeger harr dat Amt, alle nien Gebäuden „into-

---

jüsen: mager. Puttjüten: Topfjüten, Zütländer. toreten: zer-rissen. rug weg: (rauh fort) oberflächlich. asgras't: abgegras't, abge-weidet. nöm: nannte. löben: glauben. Butendif: Außendeichsland. Gill: Gilde. beslæn: beschwären. Häfer: Kleinhändler. Eedswar: Geschworener. verolmt: wurmstichig, vermodert.

schaun“. Darvæer dat he dat ni de, harr he dat Privileeg, sik sin Spetschendaler intosteken. Wa scholln de Lüd op ien König vun Dänemark! Wa scholln se op de Jüten!

Genige weern wul mal wider na't Rorn, in Handel un Wandel as Schipper, Handwerksburß oder Soldat mit de Lüd in Beröhr west. De Soldaten vertellen vun dat dänsche Commando, wat se harrn lehrn mußt, eerst gar nich verstan un bi Heure un Winstre eerst menni Ohrfig vun de graben Korporals insammelt harrn, ehr se't richti begrepen. Dat weer je niederträchti! En liitt Mürmann, en heel dumm' Kerl, awer eernsthast un wehmödig, frag fast jedesmal, wenn he mit sin Achendeel Rogg keem un so lang töv, bet Detels dat dærmalt harr, un jeden de keem opt Nie: Ob he wul de Lüd kenn? Ob he se liden much? He, Mürmann Sind, much se gar ni liden, dat weer en hämisch Volk, he kenn se. He harr je domals mit sin frank Been, wat se hier ni harrn heeln kunnt, na Kiel int Hospital mußt. Dar weer't ok wedder beter warn. Awer dar harr he in en groten Saal mit vele Annere legen, jeder in sin Bett. Un dar weern ok Dän' mank west. Nu weern vun de ęr Kameraden abends na Fierabend kam un harrn se besöcht, ok jedesmal værher eerst aune Dær kloppt, bet man herein sä, denn op en Art weern de Lüd höfli. Awer denn harrn se jedesmal Go Asten seggt, ok to em, Mürmann Sind, Go Asten! Nu harr he wul später hört un sik seggn laten, dat bedü in ęr Spraak Guden Abend. Awer he harr meent, se schimpen em mit en eernsthast Gesicht vær en Ap, un he leeg dar mit so vel Behdag! He harr sik gręsi argert un de Lüd dat sin Dag' ni wedder vergeten. Ne, dat weer en hämisch Volk, de döchen ni! Un nu schulln wi mit de Lüd tohopen jüdt warrn. Dat weer je, as schulln wi mit de unsaubern Geselln an een Disch eten, oder keem' gar mit se in een Bett to liggn. Dat wulln wi nich. Wi marken nu eerst, dat wi Dütsche weern un mit de æwer de Elf tosam hörn un nich mit de ævern Belt un achter Hlensborg rop.

Nu sung wi denn ok an Schleswig-Holstein meerumschlungen un Was ist des Deutschen Vaterland oppe Strat un int Weerthshus to singn, wat wi uns fröher inne Lieder-

---

Veröhr: Verührung. Heure og Winstre, dänisch: rechts und links. heel: ganz. Ap: Afje. Behdag: Schmerzen. gręsi: schauerhaft. döchen: taugten. jüdt: gejocht. hörn: gehörten.

tafeln ebenso as anner Veder un ahn vel to denken inövt harrn, un wenn dat en dänischen Korporal, de nu bi uns Stodmeister oder Bagtsdeener wer, arger, oder en dänischen Conterför oder Brandrector ute Stuv drev, so sungn wi dat mit um so mehr Vergnügen. Ja wi æwerfetten de dänischen Hauptleder, as Kong Krüschan stod bi heuen Mast in Rög un Dampf, so fürchterli int Plattbütsche, dat of en Hochbütschen harr weglopen kunnt, wenn he't verstan harr.

Denn de Mann arger uns besunners. Wi harrn em niz toweddern dan. He eet geern Sprittbackelsch de ganze Nacht dær, as man sä. Dat günn wi em. He kunn unsfotwegen so vel eten as he verdrögen kunn. Dar harr em't gewis ni an mangelt, wenn he uns mal besöch. De ol Friedrich harr frili man jümmer en Stück drög Brot eten un en Handvuß Backwart mant de Kinner verdeelt. Dat weer netter. Un drunk Water staats Champagner. Doch dat kunn en König holn as he wull. Wi harrn em of noch dat lehtemal, as he in Ditmarschen weer, vunne Grenz mit en Garr to Per afhalt un vun Dörp to Dörp leidt, Bærspann lewert, op jede Mil veer Spann nie Per mit dree Bærriiders in Hirschleddern Bügen, schaten ut alle ollen Böllers, de wi opdriben kunn, mit de Klocken lüdt wo wülf hungn, reden un fahrt vært Störten, un dat weer sin Schuld dat he jümmer to lat keem un inne Heid velliht dat Eten kolt warn weer, denn dar keem he eerst Merrnacht. Detels weer sülb dar. De Fackeln un Bidkränz weern gewis al twee Mal vernü't, dat ganze Mark een Qualm, de Ohrn binah dof vun't Gebimmel sæben Stundn lang, as he endlig langß de Schohnakerort rin klabastert keem. Keen Minsch sä noch en Wort. He nüdt jümmer uten Wagen un de Bagtsdeener Sörnsen leep al wat de Been heeln bi an un reep alleen Hurah, bet, bi de Landvagt sin Hus Enige mit instimm. Annere repen: Swigt still! as weert inne Karl un de Andacht war stört, un oppe anner Sit 't Mark brochen se den Prinzen vun Nör en Vivat ut, wat en Mann wesen schull de op de dütsche Sit stunn. Wi kenn den Mann æwrigens gar ni un lepen bald alle möd to Hus. Unsetwegen

---

inövt: eingeübt. stod bi heuen Mast, dänisch: stand beim hohen Mast. Sprittbackelsch: Sprittgebäckes, Konfekt. günn: gönnten. wülf: welche, einige. vært Störten: bis zum Stürzen. vernü't: erneuert. nüdt: nicht. al wat de Been heeln: so gut die Beine es nur aushielten. bi an: nebenher. oppe anner Sit 't Mark: auf der andern Seite des Marktes.

bruht he nich wedder to kam. Un dat de he of nich. Wi hebbt keen dänſchen König wedder ſehn.

Noch weern wi mit dat Snacken un Schelln ni vel wider kam' as na en ſlechten Perhandel, wo ſit of nig bi maken leit, un noch weer de grote Kanonſchuß in Paris ni fulln, do lüden op eenmal wedder in ganzen Lann de Kloeden, awer nich um en König to begröten. Sunnern de Mann weer dot, un de na em keem, ſä man, weer eerſt en rechten Dän, verdreih ſogar ſin dütschen Nam in Frederik, de arf den Kram un den apen Breef darto. Wi dröm' ſo wat as vun Jerobeam un Rehabeam ute Bibel: mein Vater hat euch mit Ruten geſchlagen, ich will euch mit Scorpionen züchtigen. Nu war't eernſthafft.

Dat blev nu nich blot oppe Mael ünner Lüden, de geern wat ſnacken wüllt, wenn ſe mit er Roggnpaß' ankamt. Wenn Detelf Sünndags ſin oln Klaffen beſöch, ſo drop he dar oft nadentlige Bürn de eernſthafft æwer de Sat ſproken: wo dat hinutföhrn un wat dar ut warrn ſchull. Sogar wenn de Ol alleen weer, bleben de Böker opt Bord; nich Volten nich Biethen war hindallangt oder en Landſart beſehn wegen Strom un Grenzen, keen Luſterempel mit Bokſtaben oder Figurn beſekent. De Gedanken gungn all den annern Weg. Detelf ſülbn ſteek bet an den Hals vull darvun un harr nog to fragen, wa ſe Weid an to æwerdenken harrn. Macht un Recht, Regeern un Volk, Geſez un Pflicht: dat war all oppen Mal Exempels to bedenken, as de eerſten Rekenopgaben na de Scholjahn, wo man op eenmal marſt, dat darvun keen Facit achter in't Bok angebn is, dat man richti reken mutt op ſin egen Gefahr, un wenn wat feilt, kann man ut ſin egen Taſch toleggn. — Kunn de Mann in Kopenhagen don wat he wull? Harrn wi blot to betaln un to gehorchen? Kunn vellicht mit beraden, as uns Lüd in Iſehoe inn Ständesaal den, un denn ſä de königliche Commiſſar: dar war nig ut? Muſſen den roden Rock antrecken un denn vellicht mal gegen enanner ſtan? de na de Lüneborger Heid to Manöver weſt weern, de to'n dütschen Bund hör'n, de Holſteener, gegen de Sleſwiger?

Ol Klaffen wuß op ſon Fragen nich jüs liſ ut to ant-

---

arf: erbt. Roggnpaß': Roggenbeutel. Volten und Biethen: geſeene alte Chroniſten Ditmarſchens. Luſterempel: Rechenaufgabe. liſ ut: gerade aus, ſogleich, daſſelbe: liſ dar.



worten, denn he seeg nich vel deper hindær as Detels, man' sin Böker un wat he les', dar funn he nich jümmer wat he söch. Dat Isehoer Wochenblatt war glif verbaden, wenn't mal driest war, un keem mal en Pieler Blatt to em, so schien em, dat de Olshausens Jung doch fast to wit gung. He, de ol Landmæter, æwerle sit de Saken jümmer na twee Siden, wenn Detels lit dær wull un meen, Unrecht muß ni wæn un döß ni leden warrn. De Ol meen Unrecht weer nich all to verdriben, dar weer ni jümmer utdrücklich Een schuld an, dat broch de Welt mit sik. De Mann in Kopenhagen funn nich vel dargegen. Dat weer natürlich, dat he en Dän weer un toerest vær de Dän sorg. Dat gung æwerall so, leet sik gar ni ännern. Dar seten de Lüd um em un dicht an de Raß, jeder lang to, so gung dat. So keem't, dat man in Kopenhagen Slösser bu vær den König un de Prinzen, Kasernen vær de Soldaten, dat dar de Mürlüd un de Malers vær de Slösser un Kasernen weern, de Bäckerz un de Schosters vær de Soldaten, de Soldaten vær de Bäckerz, de Ofzeers vær de Prinzen un wa dat so tohopenhung as een Himphamp. Wa schull dar Een jüs vel Schuld hebbn, wenn se dar All Nutzen vun harrn? Je neger bi den Grapen, je warmer de Happen. So snack de Ol, un Detels funn ni mal rut hörn, ob he dar argerliger bi war oder mehr tofreden. Als Landmæter wuß de Ol vun Weg' un Stæg', Waterlöp un Ström genau Bescheed un vertell, wa dat bi uns all torügg weer. De nie Begeordnung fung bi Kopenhagen an to betern, denn gung't æwer Seeland, denn keem Jütland, Nummer ölstein keem' wi; wenn wi Schosseene hebbn wulln, müssen wi se süln bu'n, betaln awer to alle. Muß doch jeder arm Scholmeister, de sin Bestallung freeg, 53% Reichsbankschilling utgeben „zur Vergoldung des Knopfes an der Marienkirche in Kopenhagen!“ De Ol lach, wenn he so wit kam weer, un de Reichs-Bank-Schilling maten gewöhnlich dat Schlußkapitel, wa Detels bi argerli war. — So gung't her. —

---

Dat weer in'n Februar un März. Als na Hollebb de Flot, so jag de Unruh vun Westen æwer't dütsche Land. Als

---

Theodor Olshausen: ein Hauptagitator. æwerle: überlegte. döß: durfte. leden: gelitten. Happen: Mundvoll, Wissen. öltein: elfzehn, überlept. Hollebb: tiefe Ebbe, hohle Ebbe.

de grote Wagg æwer de Watten, so schum se op an jede hoge Sted. Wi lesen un hörn vun Berlin, vun Wien. Wer kunn't ruhig hörn?

In'n Utgang März en Morgen gung Detels umm Maeln-barg na den Garn, um to sehn, ob de Frost al ganz ut't Land weer. Dat weer en schön still Morgen mit hoge Luft. He frei sik æwer de eerste wille Blom an'n Wall vør de Sünn, de as en lütt golln Knop ut den Lehm rutkeek, as de Fahlnsföt se dritt, de breiden Blæd kamt eerst na in'n Summer. He plück se un beseeg se mit Andacht, de Lurk fung darto, of man noch eenzeln, un he dach an Spreen un Hadbarn un en schön warm Fröhjahr. Do keem æwert' Feld sin ol Scholkamrad Jan Pee, den he sik Jahrn kum sehn harr, in'n ivrigen Gang op em to, bög af un Detels seeg nu eerst, dat he sik en Bart harr wassen laten æwert' ganze Gesicht as Maasflütt op en Strohdack. He weer Timmergefell warn, en groten farrigen Kerl, un harr sik al temli wat herumdrehen inne Welt, weer nu wul wedder to Hus. „Nu geit' los!“ reep he Detels to, ehr de noch recht in't Lachen kam weer æwer sin Jan sin rug Angesicht, noch weniger to en Frag, ob he de Blomsche Wildnis pacht harr. „Nu geit't los!“ un darbi swunk he mit sin Dornhandstoc as en Hauer mit de Setel. He seeg op sin Art grimmi ut. „Wat denn?“ så Detels, noch half in't Lachen un heel em de lütt Blom hin: he meen dat Fröhjahr gung los un de Reif' inne wide Welt. Awer Jan Pee leet sik sin Ingrimmi ni entwei maken: „De Krieg,“ seggt he, „de Danz mit de Dän! mit de Buttsjuten, mit de Smörbröder! Den König hebbt se al affett.“

Wer denn? frag Detels, de nu doch nich blot nieschirig war, sunnern dat trock em dær nn dær, as war dat Blot in em umjagt un he hal op eenmal en anner Art Lust, nich blot Wærjarsluft, noch wat anners.

„De Kieler!“ så Jan Pee, de vør de Kieler, wo he mal arbeit harr, de Kieler Jungens, Kieler Studenten un Professors un dergliken groten Respect harr; de Kieler! güstern

---

Wagg: Woge. schum: schäumte. Fahlnsföt: Hufslattich. Spreen: Stare. Hadbarn: Störche. ivrig: eifrig. Maasflütt: Moosflümpchen. Häuschen. farrig: fertig. start. temli: ziemlich. rug: rauh. De Blomsche Wildnis: damit verglich Detels Johannis Bart. Setel: kleine Sense für Eine Hand, womit die „Hauer“ das schwere Korn in der Marsch mähen, während sie in der linken Hand einen Haken halten, um das Korn aufzurichten. Smör (dänisch): Butter, davon Smörbröder: für Dänen.

Abend! Hebbt em affett! Is en grote Versammlung west opt Markt, Hartwi Veseler un de Annern hebbt em affett un en Probevorische oder wa't heet insett. Nu regeert wi uns sülben, hal mi de Bisacker, un de Danz geit los! Schast man sehn!

Un darmit arbei he værbi, ahn op Detels sin Fragen un Ropen, wo he hinstür, wider to achten, as dat he toleh noch mal umbreih un dær de Hann reep: Na de Heid! awer ik kam noch wedder, denn kannst du ok foorts mitgan.

Detels seeg em na: dat leep em hitt æwer un æwer. — Also nu weern wi dicht an dat Geschäft, wo mit Blot betast ward! Wer war't hergeben? Wer harr den Handel ansungn? Wat war der vær inkofft? Wa sunnerbar lepen de Saken! „Dat geit nargends so bunt her, as inne Welt“, plegg de ol Klaffen mitünner to seggn, un sett den hinto: blot in Bullerwif, harr en Eidersteder seggt, weer't noch bunter. Un darbi keem' de Blöm un de Spreen, un de Luft leeg so unendlich un ruhig æwer dat Feld, so wit sin Dg reck un sin Scholksamrad verfolgen kunn, as dröm de ganze Gegend en Morgendrom. War de ok waken warrn, wenn nu de Flinten knalln un de Kanon dunnern un Minsch störrt op Minsch, um em umtobringn?

Detels blev ni lang alleen mit sin Gedanken. Denn dat Gerücht gung as en Für æwer de Heiloh. Jeder broch dat vun en anner Kant as dat Nieste, jümmer noch mit wat Nies darbi, wat de Annern nich wussen.

Detels hör dat Gespräch meist still to. Vær em keem dat darop an, wat he don oder laten schull. Egentli weer't em gräuli, wenn he daran dach, dat he sin Mael, sin still Geschäft, sin Gedanken un Utsichten verlaten un opgeben schull, um velliicht eenerwegens opt Feld oder inne Strat æwer'n Hüpen schaten to warrn as en wild Beest un bekleit, wo man em funn. Un so Dufende mit em. En still tofreden Glück keem em vær as weer't heilig, as weer't en Frevel, dat to störn. He arger sik æwer de Larmmakers, de dummen, as de groten Stöhmers Jungns, un de klofen as ol Klaffen sin Kolleg', de Landmeter Tiedemann, de al lang' int Land herum reist weer un harr mit sin Neben de Lüd den Kopp

---

Schast man sehn: sollst nur sehn. foorts: gleich, sofort. West un Bullerwif: zwei Dörfer in Eidersted, daher das Wortspiel. bekleit: begrabene.

hitt maht æwer de Koppstüer, de Holsteen alleen noch betalen muß, de Dän all sit lang' ni mehr, un æwer de Fikialbank in Flensborg. Wat weer nu dat Enn darvun?

He stimm ol Klaffen bi, wenn he sä, de harrn den Riß so grot maht, dat he nu ni mehr to needen weer, un he föhl mit em, wenn de Ol vun de Tid vertell, as he mit Tiedemann tosam de Milau dært Moor vun Dubenheid bet Meldorp utmeet un regeleert harr; wa se dar abends to Dörp na Hasted oder Heid weern int Quarteer gan un harrn Hahnrei spelt um Hasselnæet un Tiedemann nich daran dacht Larm to predigen. Denn wat schull dar toleht ut warnn, wenn wi't ol dærhaln? Wulln wi preisch warnn? Man sprok je darvun, dat de uns hölpn warn, dar weer't æwer of ni beter, warum harrn se sunst Revolutschon maht?

De Koptein muß den Oln bistimm, dat he dat Enn ni affeeg un den Utweg ni wuß. Awer wenn de Ol nadentli war, so war he argerli un scholl sik wedder torecht. He scholl op den dütschen Bund, den he denn jümmer Hund nöm. Ja, wenn wi in Preißen noch en Kerl harrn as Friedrich den Groten mit sin Stoc un Snustobadsdos! Un he bruf' sin Haar op. Awer dær muß't nu. En ordentli Kerl döß sik ni op de Näs' speln laten. Hau um di, dat ward wol kam!

Un Detels harr den wedder de ganze Wef to denken.

---

## Siebentes Kapitel.

### Dat Auwedder bricht los.

Intwischen gung't würtlk los. De eersten Narichten keem', dat uns Lüd vun Rendsborg na Sleswig rüdt weern, dat se op Flensborg gungn, dat de Dän heranrüdt, un endli dat erste Jammergeschrigg æwer 't Land, dat bi Bau de Slacht verlarn, dat unse Studenten un Turner inne Flucht, dat de Rest darvun inne Flensborger Iesenfabrik vunn Haben ut mit Kardätschen weer tosam schaten, bet Blot un Bregen

---

Koppstüer: Koppsteuer. needen: nieten. Hasselnæet: Haselnüsse. dærhaln: durchsehten. preisch: preukisch. bruf op: strich empor. dær: durch. döß: dürste. Bregen: Gehirn.

anne Wand sprütt. Darmit keem de Angst æwer't Land, dat wi dat grausame Volk nu bald bi uns hebbn warn un wat denn derut warnn schull.

Denn keem' de Preußen un de Slacht bi Sleswig, un de Bundestruppen achterher, un mit se de Hofnung æwer't Land un dat Geföhl, dat wi nich alleen un dat alle Dütschen Bröder weern. Ja würlki! Jedereen vun uns harr den oln Brangel Batter nöm mucht un wi wussen kum, ob de groten Gardeofzeers ut Berlin oder de lütten Kêrls haben vun'n Rheinsfall hindal, de jümmer lebndi weern un jümmer möd, de oppen Disch stegen mank uns ruhige Jungs un sit ni scham' to reden un to singn as opt Theater, uns lewer weern. Wi fodern se, bet se æwer Liffweh jammern, un plegen se, as harrn wi Gös' to nudeln. Sunnerbar, denn wi legen uns sülb'n eben vørher innen Haarn, wo man en Pull to faten weer. Wi Ditmarschers argern uns æwer de Eiderstæder Junkers oppe een Sit un æwer de Wilster Keesburn oppe anner, schimpen æwer de Heimer „Keesfaat" un de Swarten Holsten as æwer de slauen Angler, de en Mulwart harrn as Ierri lopen Kassemæln un prätendeern dat er Melkföh seiner Kaaß as unse weern. Weern de Kêrls ni mit wen, as de Dän Ditmarschen erober? Weern se ni halwe Jüten? Verlagen Volk weer't, nich to tru'n, harrn noch vør nich tein Jahrn mithölpen, dat unse Ditmarscher Tollfriheit ophör. Grotprahlers! De Wilstermarschers harrn de Ditmarschers noch vør enige Winter int Jhehoer Blatt to'n Wettsmitten rutföddert. Disse lütten Bækers mit er blauen Wagens. Uwer unse Smid ut Offenbüttel harr se torecht wißt. Se kunn sit bi em melden, harr he int Blatt schreben mit sin Nam, se harrn dat Gewicht vun de Bøßeln vergeten, wer mit Sunnertpundslöth smitten wull, much sit angeben: Klas Andresen, Grobschmied, Offenbüttel. — So weern wi tolek, wenn wi buten nig to striden harrn, Norder-Ditmarscher gegen Süder, Marsch gegen de Geest, de Heid gegen Möldorp,

---

fodern: füttern. plegen: pflegen. Gös': Gänse. Pull: Schopf, Hausen. Keesburn: Käsebauern. Heimer Keesfaat war der Außer der Weiber für Holmer Rübsamen, aus Holm jenseit der Eider. de swarten Holsten: aus der Gegend von Rendsburg, meist Dorfbauern. Mulwart: Maulwerk. Ierri: leer. tein: zehn. to'n Wettsmitten rutföddert: zum Wettwerfen 'rausgefordert. Bæker: Kinderchen, Bübchen. Bøßeln: Kugeln zum Wettwerfen.

inne Heid de Desterregen gegen de Wester, un de Jungß kloppen sit stratenwis'!

Sleswig-Holsteen stramm anne Wand, sungn wi nu, un dat weer as söhln wi de beiden Bindestrecken, de de Dän uns wegstrifen wulln, as en Brügg æwer de Eider un toglik een æwer de Elß, de uns na't Süden wis'. Wi müssen en Heer hebbn! Geld hebbt wi, sän de Marschburn, un uns Jungß sän: denn man los! Wo int Weerthshus en Tropp tosam keem, dar heet dat: „Wullt Du mit? Ik stell mi.“ Un Mennigeen æwerle sit dat hin un her, bera' mit Bader oder Better. Wenn en Tropp darvun gung, so gung 't nich mit groten Larm. Se repen wul noch en Bekannten to, de se mit Roppshütteln naseeg. Dar war nix gegen lud, dat muß Jedereen weten; denn dat weer keen egentlige Soldatenlust. Wi den unse Plich.

So betrach sit of Detels de Sak. Dat weer em menni mal lichter west mit to gan as torügg to bliben, wenn wedder vun sin Bekannten mit Gesang de Mæl verbi keem' un em toreepen. Wenn man eerst man mal bi sit sefer weer, wat'n muß, so weer't nich so slimm, dat man't ni ansaten kuun. Awer dat heet hier: süßn verantworten. Ol Klaffen ra' af. De Koptein meen allerdings Alle müssen mit, sit wehrn mit Ehrn, wat der na keem, muß sit sinu. Awer he weer gegen all't Friwillige. Dat broch nix, broch weder Geld noch Lüüd. Befehl muß kam, Befehl weer Ordnung, denn weer't Tid, so lang muß Jeder vær sit un't Sinige sorgen.

So töv denn Detels, as de Meisten un nich de Slechsten den, bet he ropen war. Awer jede Naricht gung em bet darhin duppelt an. Leid un Freid, Hofnung un't Gegendeel gung as Wulken oder Sünnichin æwer't ganze lütt Land. Hofnung un Freid war frilich selten recht grot bi uns, dar sorg man buten vær: in London, in Paris, in Petersborg, un bi unse Besten keem jümmer mehr de Gedanke op: En Kaiser, en Kaiser, de se mal wedder torecht sett dar buten, un uns in Respect! Wi wähln to't dütsche Parlament mit en Lust as niemals fröher en Prester to uns Kanzel. Awer nargends hett man't of wul mit so'n Jammer to nig warrn sehn as in Holsteen.

---

æwerle: überlegte. bera': beriet. wat'n muß: was einer mußte ra af: riet ab. töv: wartete.

Achtes Kapitel.

In Krieg un Noth.

Glückgüti seeg Detels den Bagtdeener ins Dags in roden Rock un mit en groten Bagen in dit un dat Fuß in un ut gan un of oppe Mael tosam'. He wuß, wat he broch: de Order sit to stelln. Dat weer em al recht, he much ni länger tosehn. He föhl sik op en Art licht, dat neem em den Zweifel vun't Geweten, he bruk nich mehr to fragen, ob he schull oder wull. „Muß“ is en streng Krut, hett awer mitünner en Smack as en gesunn Appell, kumt blot op den eersten Bet an.

He pack ruhi sin Saken, de he ni mitnehm wull, in sin Kuffer, gev den Slatel un sin æwerflödi Geld an den Möller, of Bescheed, wat dar mit warn schull, wenn he nich wedder keem. Denn verbruk he den lezten Dag, um bi en paar Nawers adüs to seggn un vun sin oln Frünn Abscheed to nehm'. Erst darbi föhl he nu frili so recht, wat he verleet an sin Möller un sin ol Klafen. De Koptein versteek sin Gefühl mit Gnastern vun Bumben un Kartätschen. Ein Anna keek ut Finsten æwer de wide Marsch, as gung er't man half an. Awer as he do gan wull, dreih se sik rasch um, gung steil op em to, seeg em klar an un sä: Nimm Di in Acht, Detels!

Wa sunnerbar! Em weer wedder jüs to Noth, as do he vör Jahrn as Jung sin eerste Reif' na Flensborg antre, un eben so dun düffel he weg un seeg sik ni um. Domals harr de ol Husholersche de sülwigen Wör to em seggt, as nu dat lütt egendömli Mäden: Nimm Di in Acht! He weer doch of nu op en Art vull Freid, oder wenigstens doch so vull, dat dat Hart em klopp. Wat war se seggn, wenn he torügg keem?

He weer also Soldat. He vertellt ni geern vel darvun, Annerlied hebbt of nog darvun spraken. Awer de Tid is æwer Keen hingan, de ni ut en Jung en Kerl warn is, oder dar steek keen in em, un menni brav Kerl hett se Ger oppen Kopp schütt oder Snee oppe Haar un Kräseln inne Baden.

---

ins Dags: eines Tags. Bagen: Papierbogen. Bet: Biß, Wissen. æwerflödi: überflüssig. dun: trunken, besinnungslos. düffeln: taumeln. Kräseln: Runzeln.

He muß sit in Rendsborg stelln. Op Vezfähr drop he al Kameraden in allerlei Optæg, mit allerlei bepadt, wat sur to dregen weer, oder so lerrig un baar mit en Stod uten Knid inne Hand, as gungt int neegste Döörp to'n Markt. He harr also nich vel Gelegenheit an fröhre Tiden to denken, as he al mal æwer de Fähr kam weer. Enige keem' mit Lachen, Annere fast mit Ween. Enige harrn al slimme Föt, Enige harrn al to vel drunken, Enige nu al keen Schilling vun er Reis'geld mehr, ahn dat se recht wussen, wo't bleben weer, un Detelf muß mit uthölpen. Dat gung awer an't Fragen un Vertelln: Woher? Wosüd? Wodennig? En groten Marschbur-Sæn weer oppe anner Sit, wo sin Batter em to Wagen hinfahrt harr. He weer en Minsch as en Bom, heet Stark Bos, un war glik Flügelsmann döfft, as he naher jümmer heet un blev. En wunnerschöne Gestalt un en Minsch as en Lamm, mit den Detelf glik Kameradschaft mak. Of de Spakmaker funn sit, de sin Amt al hier æverneem un tru verwalt hett, bet he bi Stoll int Lopen en Kugel kreeg. Man wuß min Dag' ni, lach he ut Lust oder Vertwißlung. En snurrigen Kerl.

Un, sunnerbar, as de Tropp sit in Marsch sett, folgen se all Detelf, as harr he wat to befehl, un hebbt em of so jümmer folgt, so lang' se tosam weern, beter as Leutnant un Roptein, ob he glik sin Dag' nig to befehl harr un of nig befohl. Welmehr plegg he noch später to seggn, he harr jümmer darvæ sorgt, dat weder Fiend noch Fründ, am wenigsten en Ofzeer je um em wiß war, dat weer dat beste vær en Soldaten.

Awer he sorg of al vun do an vær all de Kleinigkeiten, de em, un de na em hörn wußn, dat Leben licht oder erdrägli maken funn', much't gut oder schlimm laten: vær sin Föt, vær sin Brotsack, vær sin Flasch, vær sin Lager. He harr jümmer en Drunk, en paar Kirschen, en Stück Wust, en paar Roth Kaffe, un to Roth vær en Kameraden wat af. Frili keem em darto to Hölp, dat he jümmer Geld harr to rechter Tid to kopen. Awer he harr sit 't of markt, wat de Roptein em öfter seggt: Sogar in't Gefecht muß man de Dgen apen hebbn, un en ordentligen Soldat weer nie blot

---

Optæg: Aufzüge. Knid: Gaun. Wosüd, wodennig: wie. döfft: getauft. int Lopen: im Lauf. um em wiß war: ihn gewahr ward, beobachtete. laten: aussehn. wat af: etwas übrig.



Ranonfoder oder en dode Maschin. Un he plegg bi sllimme Tiden sit de Wör to seggn, de em bald nadrückli as ut de ol Fuszholersch er Munn int Ohr keem, bald as vun lütt Anna, sunnerbar, oldbelti: Nimm di in Acht, Detels.

In Rendsborg warn se inkleedt un inegeert. Dat weer em gressi. Wa weer he oft bod möd vör gar nix! Un wenn de Kers dat noch verstan harrn! Awer an Blöden öben se sit dat abends in, wat se annern Dags as Ofzeers bibringen schulln. Wat war derut warnn, wenn't richti losgung un brukt war! Am tröstlichsten weer't em noch, dat he mit vele Scholkamraden tosam int Glib stunn, Jan Pee weer sogar sin Nebenmann, de harr ol richti tövt, bet se em repen un de groten Stöhmers Jungs arbeiden mit ęr Flinten rum to'n Zweibresen.

Dat weer en fürchterli hitten Dag as Order ton Utmarsch gebn weer, na't Korn to, toerst na Sleswig. — Dat gung ni morgens los inne Köhlen, as Detels dacht harr un dat vernünfsti west weer. Detels harr in Rendsborg bi en lütten Häker in't Quarteer legen, de mit Lebensmittel, Grütt un Mehl un so wat en kleen muntern Handel drev. Dar weer he bald ganz hüski west, as hör he to't Geschäft un de Familie: dat Geschäft slog je bi em in, de Waarn kenn he un kunn mal mit en Handreden don. Dat weer en vergnügt lütt Hüsllichkeit un he föhl sit dar glückli un tofreden, kenn al de halwe Rundschoop, wo he mit to klæn verstunn un geern mit snack, denn he erfahr sin Deel darbi, wenn he velleicht mal wat Aehnliches bedriben war. He brü un narr de Rinner, snack en spaßi Wort mit ole Fruns un en anpassen mit junge Mädens. Dar harr he den Griff op, so dat wul mal een mehr keem um mit den jungn Möller ut Ditmarschen to spaßen. Darvun keem't nu ol, as he al lang sit den Morgen sin Ranzen packt, Portwin in sin Feldbuttel, en paar Stücken Schokolad inne Tasch kofft un vun sin Weerthsfrau en Wurst mitreggen harr, wat he man insteken wull — dat dat um em rum stunn, als weern't de Sinigen. En smuck jun! Mäden ut't Fus bian keem noch, as endli de Trumpeten blasen un he mit sin Bepackung oppe Rack un de Flint ünnern Arm rund herum de Hand ton Adjüs gev. Dar warn wul den

---

oldbelti: ältlich, altflug. Blöden: Pföde. Zweibresen: zerbrechen. Handreden: Handreichung, Hülfe. brü: neckte. narr: hatte zum besten. bian: neben an.

Dag vële Thran vergaten, de en Hart muchen weef maht hebbn. Detels heel sik tapfer, as se em Glück wünschen un hæpen op Weddersch. Awer he harr lang to don um de Ogen vun de junge Nawersdochter wedder uten Gedanken los to warrn. So weef un truri seegen se em an. Wat de wul in'n Stillen vær em söhlt harr? Vellicht noch lang dropen sik nu er Gedanken, un denn? Wa sunnerbar is de Weltlop un dat Minschen=Schicksal!

Also nich inne Morgenköhln gung de Marsch los, dat weer nu al lat Værmdag, un noch sammeln sik eerst de Dufende oppen Markplatz. Dar stunn se denn, pall inne Sün, mit en Gewicht as en Halsack Mehl oppen Rügg, in de enge Mondur, den blanken Helm op, dicht tosam drängt as Schap ton Berkop. So stunn se. Woto? Ofzeers lepen un reeden hin un her, um se rum, man se vær, rop an't Rathshus, dal vun't Rathshus, hier langs de Strat, dar wedder torügg. De Luft war to'n Sticken, dat dur Stunn, hin un wedder full Een vun se in Ohnmacht, war wegdragen oder keem mit Water oder en Drunk wedder to sik. Of de Starksten kunn kum mehr oppe Been stan, as endli en graun Kopp ut een vun de apen Finstern wat herut re, wat keen Minsch hör, as de der neeg bi weer, un as en Erlösung klung dat Kommando, wat sik dusendmal wedderhal: Vorwärts, marsch! Un as de Waggen op See blenkern de Reegen vun Helms op un dal, de de langen Straten fülln, dicht an dicht so wit dat Og reck værwarts un rüggwarts. Trummeln un Trumpeten gungn un dræhn, Hurrah war ropen, Döfer un Fahn winken, un as en Orgelton de jümmer toneem un æwer de Rööp wegtroß, ja as en Storm klung uns ol Leeb dusendstimmig inne Luft un bald ut' Dor int Feld rut: Schleswig-Holstein meerumschlungen, deutscher Sitte hohe Wacht — un is wul selten en Gesang mit mehr Melion sungn warn.

Awer nu de Marsch! De Gegend is sanni, kal un bomlos. Dat is de Heidrüggn vunt Land, truri un öd. Lillant löppt snorgrad de Schofee. De Stuff steeg as Wulken inne Höch vun all de Föt, all de Wagens vær, achter

---

hæpen: hofften. uten Gedanken: aus den Gedanken. al lat: schon spät. pall: direkt, gerade auf. reeden: ritten. apen: offen. herut re: hinaus redete. Waggen: Wogen. Reegen: Reihen. op un dal: auf und nieder. lillant: gerade aus. Schofee: Chaussee.

un to Sit. De Sünn leeg darop as to'n Braden. Harr man noch alleen gan kunnt! Awer Föt vør un Föt achter, hitten Dunst vun den Bør- un Sidenmann. De ewige Bewegung na'n Takt, wat doch am lichsten gung, awer en Indruk mak as en Bootfahrt, wer't ni wennt is ward vun't Ansehn seefrank. De Sweet leep in Ström dal, de Stuff sett sik in allens fast. De Lüd seggen bald ut as keen Minschen. Dat dur ni lang, so harr Jedereen sin Selbbuttel lerrig un bē sin Kamraden um en Drunk, de of nix harr. Dat war stumm un dump in de grote Minschenmasse, unheemli war't un greßi. De Marsch harr noch nich en paar Stunn durt, so len al Wülf sik sitwärts inn Schoßeegraben as fulln se hin, un dat hölp nix, dat Ofzeers heran reeden un se opcumdeern mit gude Wör oder Mordschelln. Man seeg se't an, se kunn ni mehr. Towilen leep Een mit en fürchterli Geschrigg, wat garni menschi klung, ute Keeg inne Heid to Sit herin un störrt mit de Arms inne Luft dal. En Flüstern gung um: dat weer de Sünnstich, de keem nich wedder op. Denn warn vun de Wagens ran befaßn, un de Starksten drogen de Unglücklichen an Been un Schullern as en Sack, um se darop to packen.

Detelf sin Scholkamrad Jan Pee war bi't Griz vun sin Kamraden meist vør'n Burn brukt. He seeg mit sin Vart, de em æwert ganze Gesicht na alle veer Winn' wuß as Bessenheid op en Moorknüll, mehr as en Wilden ut. Darto harr jüs he sik to en Redner rop arbeidt. He harr sik op sin Reisen en beten vun Berlinsch Blickensläger-Dütsch opsammelt, wat Handwartsburschen do geern mit to Hus brochen un mank uns Hækers un Kramers as Hochdütsch utgeben, womit he nu Vaterlandsgefühl und Soldatenanstand utsprott mit Handslagen darto. Recht de Mann vør den Spaßmaker, de gegen em an arbei. „Sterben für's Vaterland! ni wahr Jan Pee? Kein schöner Tod ist auf der Welt! Junge, awer Mehlbütel mit Swinskopp of nich to verachten, wat denn?“ Bet towilen Detelf em torecht wisen muß: „Marßt ni? Se narrt di je! Paß man op din Banjenett, dat du mi ni stichst“.

---

wennt: gewohnt. bē: bat. len: legten. Wülf: Einige. opcumdeern (aufkommandierten): Befehl geben zum Aufstehen. Griz: Exerzieren. vør'n Burn brukt: genedt. alle veer Winn': alle vier Winde. Bessenheid: Bessenheide. Moorknüll: Moorhügel. Blickensläger: Blechschlāger, Klemperer, Glaschner.

Jan Pee weer bi dissen Marsch de Mann. Küll un Hitten sat nich op em. Wenni arm Döwel, de kum mehr jappen kunn, lē he un de grot Starck Bosſ æwer de Leddern oppen Wagen as drogen se franke Rinner. He harr darvæerspäter dat Recht mitto sin Geföhl Lust to maken, ahn dat man em brüden döſ. He kreeg sunst den innerligen Sünnsich, sã de Spaßmaker. Sogar int Gesecht kunn he't ni laten, rich sit achtern Wall op, wo de Red achter leeg, de Dän vær sit, un sech mit de Arms: Wir wollen fallen wie die Helden! Jo nich, Jan Pee, sã de Anner, buch di man dal un scheet man. Wat he denn ruhi as en Geschäft besorg.

Oh, de Marsch weer fürchterlich! Detels harr nog to don, dat he sit bi Besinnung heel. Towilen fung em de ganze Gegend an to flimmern, as man't wul inn Fröhjahr æwer en Husdach süht oder langs en nie plögt Land, as stunn dar Water haben æwer wo de Lust mit spel. Denn vergeet he ganz, wo he weer. Stimm' keem' em int Ohr, as he wul Dreihorgeln hört harr vun de Heid her, as he noch bi Grotmoder weer, to Summer Permark oder so, Stimm' as vun vese Lüüd, wo doch wülke vun rut klungn as de finsten. Dat weern Mädensstimm! De smuck Nawers Dochder ut Rendsborg keem mit en Schal Water, rein so kold! un wa seeg se em an! He wuß frili dat't Jubildung weer. Nimm Di in Acht Detels! sã denn lütt Anna mit de ol Husholersj ern harren Ton. Un he muß sit oprichten, na Dgen un Ohrn söhln, mit sin Nebenmann spreken, wa sur em't of war, denn dat rüttel em op as en Minsch oprüttelt ward, de dat Feuer hett. He fror of mehr as dat he hitt weer. Op en groten Sootswang beweg sit dat halwe Regiment to, as Mireems æwer en Fotsig trecht, — wa lang dur't, ehr man dar weer! Detels dach an sin Reis' as Jung na Flensborg, ungefehr æwer desülwige Gegend, un sach wedder torrüg as man in en Drom torüggfalt, un sin ganze schöne Tid vun fröher stunn em lebn di vær de Seel. Bet he denn endlī of an den Ammer ran keem, wo de Minschen vær legen un sit drängn as goll't dat Leben. Wat't of wul de. — Dat weer de Anfang. —

---

sat nich op em: packte ihn nicht. lē: legte. mitto: bisweilen. brüden döſ: necken durste. Red: Rette. nie plögt: neu gepflügt. Sootswang: Brunnenschwengel. Mireems: Ameisen. Ammer: Eimer. Wat't of wul de: wie es auch wohl that.

Dat harr sit doch wul all dregen laten, harr man en gut Enn affehn. Ja, wenn dat vun uns afhung' harr! vun uns egen Lüd, vun uns egen Willn! Wier de muß je en Brett vør den Kopp hebbn, de ni sehn kunn, dat de Fadens ganz annerwärts trocken warn, wo hier de Poppen na danzen, un wi weern toles of nig anners. Wi wussen all, dat England uns verkopen war vør en guden Vott, un hörn bald of, wa man in Berlin ünnern Disch krop, wenn de grot Ruß mit de duppelte Fust darop slog. Unse Generals müssen jümmer na twee Siden kien, zweien Herren dienen, staats op den Fiend los to gan un em dat Jach wul to haun. So keem keen rechte Freid in uns, dar hung nig vør uns ut, weder grote Ehr noch jüs en anner Lohn, as dat wi unse Pflicht dan un de Kers mit enanner wißt harrn, wat en Holstenjung is.

Doch he denkt ni geern daröver, ob he't glit mit to Enn brocht hett, so gut as disse eerste Marschdag. Dat gev en Tid, wo man nich daröver denken kunn, ahn dat Een dat Haar grau war. Of domals hölp nig, as dat man de Welt gan leet as je leep un sit darmit tröst dat man sin Pflicht dan harr.

Un doch, wer mucht't entbehrt hebbn? Wer much wünscht hebbn, dat weer nich so kam oder he weer nich darbi west? Dat weer doch en schöne Tid, en grote. Dat weer en Tid, de dat Hart mal umkehr un allens utbörst wat anrußt weer, un oft dat Beste keem denn eerst to Dag'. Wer hett do ni mehr dacht un föhlt as sunst sin ganz Leben lang? Dat weer en Tid, wo de Minsch dörsichtig war bet op sin lekten Blotsdrapen. Do lehr man Minschen kenn, un wahrhafti achten, wenn noch wat to achten giff. Dat weer ganz wat anners, son Kamradschaft op Leben un Dob, as sunst en beten gude Nawerschop un en beten guden Willn. De Minschen warn dør enanner wütert as Karten bi't Spill, un oft keem Spanbur bi Treffkönig neeg bi to ligg un weer en beter Kers. Em hett menni Grafen saen de Hand drückt un he hett sehn, dat eben all' Lüd Minschen weern. Sit sülbn lehr he schägen, un as he ni mehr bang weer vør den Dob, wat schull he dat beten Leben

---

Vott: Gebot, Angebot. Krop: kroch. utbörst: ausbüstete. Drapen: Tropfen. Nawerschop: Nachbarschaft. wütert: gewält. Spanbur: Pissbube. lehr: lernte.

fürchten vær de Tokunft? So hett of em de Tid to en Mann smædt as vële Annere.

Wa geern denkt he noch an dat eerste Lager na den hitten Marsch in de fölige Nacht in en Gaudiem dicht bi Sleswig oppen frien Feld ünner den hogen Himmel! Wa söt hett he slapen! As he mal opwak, seeg he mit Verwunnern de blanken Steern æwer sik so still blank geruhig un fründlig, as lachen se em to oder winken em, un he hordh æwer de ganze Ger hin un hör keen Lut as sin getruen Jan Pee inn deepsten Rinnerlap un wit af en Ton, as wenn en Hund bell. He hett sik oft dacht, so muß de Minsch egentli jümmer husen un slapen künn.

He weet noch den Morgen, mal, dat he eben vær Dag Posten stunn buten Döörp an en Feldweg. Inne Schummern keem' en paar Hasen, speln, as wenn se danzen. As wenn se darop tövt harrn, fungn de Surken an to singn. De Dag steeg int Osten op so still, as wull he de Welt ni störn, un as he Werda? ropen muß, denn he seeg Wen den Weg lanf gan, do fahr he binah ebenso vær sin egen Stimm tosam as de Anner, de en smuck junk Mäden weer, dat na Melken wull. Se beiden waken, as't schin, mit de Hasen un Bageln alleen. He kunn't ni laten, dat schüchtern arm Kind so wit sin Maal 't toleet, lanf to bringn un vun er to hörn, wa't Vader un Moder gung, as weern dat sin egen. He seeg er lang na un dach torügg, as se mit blanke Föt vær den Dau darvun il. — Un mit de Sinn hör he Trummel un Pipen un fast in Ogenblick blenkern Helms un Banjetten in en lange Linje twischen de Knicken sit af, un en lustigen Gesang schall wit æwert Land hin. Weer't Krieg?

Ja wul weer't! Wer bi Idsted un bi Friedrichstadt mit wen is, de kann dat seggn. He süht noch de twintig Bataillons oder wa vel't denn weern, as man se op eenmal æversehn kann, oppe Heiloh. All uns Lüd. Wat vær Kers! As de Böm! Achter sin Stark Boß seeg Detels mennimal, dat en Ofzeer de Hand mit sin spizen Finger inne Höch heel um to meten, ob he mit sin Pidelshub lik kam kunn. Un weern se of nich all so: wat vær Lüd harrn wi to Per, wat vær Per harrn wi dariinner! Wat værn Artillerie! Sā doch

---

smædt: geschmiedet. Gaudiem: Heuthausen. buten Döörp: draußen vorm Dorf. Schummern: Dämmerung. Wen: Jemanden. toleet: zuließ, erlaubte. il: eilte. Heiloh: Heide. lik kam: gleich hoch kommen.

General Willisen sülbn, dat he se nich so gut sehn harr. Een kunn wul dat Hart inn Lüd lachen, se antosehn. Un wer wull ni dacht hebbn, mit so'n Heer jag' man den Döwel inne Netteln, wat denn nich den Dän' uten Lann. He süht noch den verwagen Zastrow sin Pip smöken as snüffel he inn Wind, ob man noch nich Pulver rük. He hett den oln von der Horst as vör Ogen mit sin fluddrigen Bart un en Stimm as ut en lerrige Veertiinn, as de merrn int Für reep: Man ruhi Lüd, tövt man! Rich minner den lütten Leitnant Borgfeld, en Möldorper Jung, mit man Een Arm, wo he jümmer den Säwel mit inne Luft heel un sung luden Hals vöran, un de lerrige Ärmel fludder as na'n Takt an de anner Sit na sin egen Willn bi an. Wer harr ni mit sungn, weer ni mit gan?

Sunst vun Moth un Courag' to spreken is en egen Ding. Mit de Angst geit 't as mit de Seekrankheit, keen Minsch will se hatt hebbn. Dat weern lang' ni de leegsten Kers, de dar anfang' to ween' as toerst de Kanon' brumm', un dat hölp Jan Pee nix, dat he vun de eerste Granat, de in sin Reegde plaz, en Stück opsammel un vörwif' in sin Nednerton: Mit solchen Dingern da schießen sie! Denn wenn man of vör sin groten Bart ni sehn kunn, ob he roth oder bleef warrn de, so harr de Ned doch keen Ton, un de Spaßmaker kunn't ni laten em to seggn: Du meenst wul, Jan Pee, se schulln bi mit Appelsina smiten. Jan Grunn weern wi all lik, wennt warrn kann man allns, as de Bäcker sä, as he den Uben mit en Ratt utwisch, awer de Kreatur jankt doch, un't beste is toerst, dat de Minsch ni gut umkehrn kann. Nös ward 't anners. Doch bringt dat bi uns ni licht Een so wit, dat dat Kriegsgeschäft em en Handwerk ward. Wenn dat Moth heet, so waßt dat Krut ni bi uns. Awer wenn't Moth heet, sin Pflicht to don, much de Kreatur of in Een sik umkehrn, wenn't Moth heet an sin gerechte Sak löben, wenn man of süht, dat de unrichten Hann de Raar fat hebbt un se bellicht in Dred fahrn ward — as 't bi uns so weer —: denn hebbt wi em. Dat hebbt uns Lüd bewis't in de Hauptflacht de wi lewert hebbt — bi Idsted — un wi harrn se wunn', seker, mit en General an de Spiz as wi em nich

---

smöken: schmauchen, rauchen. fluddrig; flattrig, nachlässig. leegste: schlechteste. Reegde: Nähe. wennt warrn: gewohnt werden. Uben: Ofen. Ratt: Rabe. jankt: kreischt. nös: später.

harrn un en paar mehr gude Ofzeers. Dat kunn bi uns jede Burjung sehn, de de Dgen apen hatt harr.

Dat Feld, dat dar düngt is mit Blot vun Holsteener un Dän inn Summer 1850, dat Slachtfeld vun Idsted liggt oppe Höchde vun Sleswig, an beiden Siden vun de Flensborger Schofee, de dat merrn dær snitt, dat Dörp Idsted eben rechts af to Osten. Dat grote Westergeheg reckt bet fast ran anne Schofee, un links süht man noch dat Poppel- un Elmholt, of Hüs' vun eenige lütt Dörper, as Helligbøl un annere. In disse Gegend leeg uns Heer den Abend vør den 25sten Juli, süden to, Detels mit sin Ramraden in de drütte Brigad na't Südoften, in un bi en Dörp Göldeholm, Bredling un dar hinto. Man wuß dat dat los gan war.

Den 25sten, al lang vør Dag, kat Detels sik sin Kasse. Dat plegg he to holn na de Koptein sin Rath: Sik eerst vermännern un vernüchtern, mal an uns Herrgott denken, vør sin Magen un sin Föt sorgen un denn na sin Saken sehn. — He weer awer ditmal noch kum darmit fertig un lur darop, dat de Dörpsklock veer slagen schull, do hör he al dat Telen to'n Opbruch. Mennig slaprige Ramrad muß sik mit en köin Drunk un en Stück Speck un Brot behölpen. — Dweer vør streckt sik fast en Mil Wegs rechts un links, vun't Osten na't Westergeheg, de Langsee, bi Göldeholm föhrt dar an de smallste Stell en Lopbrügg ræwer. Dat weer de Weg, wo in en lange Vinje de ganze Brigad hinæwertroch, noch in'n Morgenschummern. Dat weer en grau wætrige Luft, dat weer ni düster un weer ni hell, awer de Röhlen de gut na de langen hitten Julidag' vørher. Dat damp æwer de Reeg, de langs de Brügg marscheer bet se bewer; as vun frische Ber de eben uten Stall kamt, un as en warm Dak troch dat æwer dat blanke Water. Dat weer lusti antosehn west, harr man nich an wat Anners dacht. Awer se weern noch nich all passeert, so hör man links ræwer de

uns Heer: unser Heer. süden to: nach Süden zu. vermännern: ermuntern. dweer: quer. Lopbrügg: Brücke für Fußgänger. wætrig: wässrig. Röhlen: Kühle. Dak: Nebel.



eersten Kanonsläg', un Jan Bee greep sit mit de fiv Fingern in sin Bart un sä: „Nu geit't los, Detels! Lat se kam'n!“

Dat den se frili so gau nich, obglit de Kanondunner bald vær de ganze Front langs dræhn un man meen, bald dat dat Gesecht neger, bald dat't wider weg trock. Man formeer sit, leet en Dedung anne Brügg un trock langsam gegen den Dän an. Op eenmal keem denn ut en Krattholt en Ofzeer rut jagt, dat Perd in Schum, op den General to. Dat heet halt, dat heet Rechts in en Ogenblick drop, un nu weer't as weer dar Bul in den Dln fahrt, denn he reep mit sin Stimm as ut en lerrige Lunn: „So Jungs, ausgelangt!“ Un værwards gung't na Westen an Fahrensted verbi de Gegend to, wo man vun Stolt inne Feern eenige Hüf' harr bemarken kunnt. Se weern wedder verschwunn, denn dat sung an to regen, eerst lisen, bald in grote Drapens, denn as got dat ut Ammers, dat dat vun de Röck un Steweln leep un bald de Weg' twischen de Knicken warn as toræden Lehm bi en Tegeli. Doch dat heel uns Lüd ni op. Man schüttel mal dat Water vun de Ärmeln un de Bickelhub, man wisch mal den Hahn af, um de Flint faster to packen, man trock mal den Reem um'n Liv tosam un söhl na den Butteln un de Patron-tasch un harr de Ogen værut un na alle Siden mank de Büsch vær, ob he bald opdaken much, den man söch. Achter de Feldmark vun Fahrensted seeg man eenmal of links af vun de Höchde, wo jüs de Krüzweg æwer löppt, en Knul Winschen hin un her wogen, as man wol Meiers süht op en grot Wetensfeld bi een vun unse Hæv in't Holsteensche; dat buck sit un rich sit op, dat drung værwards un keem torügg, Gewehrsalven knattern un braschen dartwischen, as wenn man Sack Ärsen oppen Husbænen utgütt, Qualm steeg darvun op as in't Værsjahr bi't Heibbrenn. Awer dar gung de Marsch nich op to. En paar Wagens, de darher keem', müssen holn bliben, bet dat Detels sin Bataillon væræwer weer. Jan Bee leep nieschirig heran, um intokiken, un Detels bög of en Ogenblick af, as he seeg, dat dat de eersten Verwundeten weern. Wa schreckli! Dar leegen se in't Stroh! Dat Blot

---

gau: schnell. Krattholt: niedriges Gebüsch, Unterholz. Schum: Schaum. Bul: wer, jemand. toræden: zugeritten. Tegeli: Riegelei. Reem: Riemen. opdaken: austauschen. Knul: Knäuel. Meiers: Mäher. Hæv: Höfe. buck sit: blühte sich. braschen: krachten. Ärsen: Erbsen.

leef dar dær in't Wagenspor un war wegsweemt vun den Regen as vær de Dær vun en Slachterhus. He seeg man en Ogenblich hin, wo dar Een achter leeg as in't Verscheeden, un vær em seet en Annern mit en bleef Gesicht un Blot anne Hann. De harr he sohl't un sä to Detelf: „It heff Fru un Rinner un seeg se wul ni wedder. Awer,“ sä he un wenn' de bleken Ogen gegen den Regen nan heben, „dat mutt sit wul all hölpen, wenn nu uns Sat man gut geit!“ Detelf kunn em natürl'i nix seggn as en lerri Wort, dat he't of hœp. Denn muß he wider un jin Plaz holn. Denn dat gung fast in't Lopen na Stolt to. Dat seeg man wul: dat goll dat Dörp to besetten, ehr de Dän dat neem. Dær de Knicken brok man, wat to sin Afdeeling hör, æwer de Koppeln leep man, dært lange Korn wo't Een natt umme Been slog un ünner de Föt tosam sack as gung dar en Wülp æwerhin. Vet man wedder en Wall drop, æwer de Gröv sprung, sit in de Passelnbüsch fast greep, rop weer, hindal — as stör't de Ger in vun en Sandkuhl, un süden op dær de Hæv un Garns op de Hüf' to störm. Dar störrten de arm Lüd herut un uns langs er bekannten Garnstig' entgegen. Fruns, Mädens, Manns in Hemdsmau'n mit lüttje Rinner oppen Arm, ol Lüd de dat Draben sur full — all mit Dödensschrecken in't Gesicht. Wülke harrn sit in en deepe Sandkul vertrapen, wo süden vun't Dörp achter de Garns Detelf in't Lopen dicht verbi keem, vellicht al sit de Morgenschummern dar seten, denn se weern as uten Slap opjagt, deelwis' in Nachttüg un man half antrocken. So hucken se in'n Regen achter't Öwer. Detelf seeg man inne Flucht en oln Mann mit en witte bomwulln Tippelmütz op un mit grote Winterhannschen an, sunst awer Hemdsmauen, un de Regen leep em langs sin grisen Bart dal. Dicht bi em seet en junge Fru mit en Kind anne Bost, vellicht Dochder un Enkel. Achter en Busch hucken ünner en groten Regenschirm twee halswussen lütt Dierns, de gewis ni harrn utslapen kregen, Angst un Mödigkeit streden sit um se. En paar veer-, fivjährike Bækers baden mit vel Vergnögen Roken ut den natten Sand. Dat weer man mit en Blick bi't Bæræwerlophen, dat Detelf dit seeg, as en Bild

---

sohl't: gefaltet. hœp: hoffte. Wülp: Walze. süden op = süden to. vertrapen: veretrochen. Hemdsmau'n: Hemdsärmeln ohne Rock oder Jacke. Wülke: einige. Öwer: Ufer. Bost: Brust. hucken: hockten. Bækers: Buben.

in en Glasdær, de sit vær Een umdreih: awer wat he of sehn hett innen Krieg vun den Krieg, nig is em düttliger un schreckliger bleben as disse Ole un disse Kinner in'n Regen inne Sandkul. He dach gar ni mehr an sit un de egen Gefahr, de dar neeg nog bi weer, nich an sin Ramraden. He sprung achter Jan Pee an æwer Hecken un Tun weg, un weer een vun de Ersten de in't Döör rin keem un mit Enige mehr en Hus besett: so weer er Befehl. Dat halwe Döör freegen se vull Mannschafft, oppen Moorenn maken de Dän dat eben so, un man seeg, ehr man sit ordentli umsehn un inricht, so dat man wuß, wo man seker stunn un seker schot, dat vun darher en ganze Brigad intrück un dat dat hier hitt hergan war.

Detelf keem mit Jan Pee un en half Duß Ramraden vun achtern in en lütt Hus, jüs eben værher, ehr de Dän dat vun værn redden. Jan Pee weer de Erste, de glif dær de Kæf, wo man rinkeem, op de Husdær löstörst, sit dargegen stemm un sä: Dat's dat grötste Loch, wüllt dat eerst mal toholn. Dat weer wul dat richtige Manöver west, denn he stunn man eben binn ann Plaz, so war der vun buten anfat. Doch harrn Detelf un de Annern kum de Finstern redt, um vun dar den Ingank to verwehrr, so weer al de Tropp Dän ævern Weg dervun, um dat neegste lerrige Hus to faten to frigen un to besetten. Dat gev denn uns Jungs so vel Tid un Luft, sit ordentli umtosehn un intorichten, denn dat war hier säch en Spill warrn as „Harbarg is min“. Dat weer en lütt Kæthnerhus mit en Stub un Kamer vær, de op de Döörweg seegen, links gung awer of noch en Snittweg verbi ut' Döör, en lütt Eckfinster seeg dar rut. Na Detelf sin Plan, de dat all rasch æwerseeg un de dat nu to'n Wordeel keem, dat sin Ramraden geern den, wenn he blot wat sä, haken se de Finstern ut un stoppen se bet op lüttje Löcher mit Betttüg vull, wovun de inlaten Bettstelln vull legen, noch warm vun de arm Lüß, de dar eben rut jagt wen machen. Gegen de Dær bunn' se de Wænledder, stelln Banker, Stöhl, Dischen, Brød un wat los oder los to frigen weer, dargegen

---

neeg nog: nahe genug. Moorenn: Nordende. Kæf: Küche. redt: erreicht. to faten frigen: erfassen. Harbarg is min: Herberge ist mein, ein Kindertampfspiel etwa um einen Sandhaufen. Snittweg: Richtweg der abschneidet. inlaten: in die Mauer eingelassen. Bettstelln: Bettgestelle.

un gegen de beßern Fachmüern un len sich berachter, de Flintenlöp gegen den Weg rut.

Ni lang so flogen de dänſchen Spißkugeln gegen de Fedderdeken un Bürn, as gegen Mehlſäck, of wol mal twiſchen dær un gegen de Wand, dat dat Kalk ſe um de Ohren flog. Denn de Haupttropp vun de dänſche Infanteri ſtörm in dicken Strom vun't Korn de Dörpſtrat lanf. Hoge Ofzeers in en ganzen Klumpen dicht achteran. Wo haun unſe Kugeln dar hinin! Als gunz nich een feil! Detelf hett man eerſt naher hört, dat dat de dänſche Generalſtab weſt iz, de Hauptgeneral Schleppegrell mit dermant, wovun de meiften hier bleben ni wit vun den Krüzweg. Se fällt, as wenn man Bohn meiht, ſä Jan Bee. Awer in den Pulverdamp un Larm fühl man nix jüs genau. Doch beit man denn koldblödi ſin Blich. De dicke Anuel war torügg drängt, gewiß flogen unſe Kardätschen dartwiſchen, de vun't Südöſten den Weg beſtreken. Bun't Huſ ut ſeeg man blot, dat en Getümmel norden ut gung. Awer dat keem wedder torügg. En dänſche Batterie jag bet in den lütten Sidenweg dich bi an, harr awer kum mal afproht, ſo drängn unſ' Jungns dar heran dær de Tuns un Knicken, haun un ſchoten de Kerls dal un jagen mit de Per un Kanon darvun rüggwartz. Doch gung dat mit de wild warn Deerten langſam. Als Detelf ſe ut dat Sidenfinſter naſeeg hör he op eenmal en Dunnern as wenn de Ger bev. Dar jag en Schwadron dänſche Draguner achter na, de Kanon wedder to haln. Do hör he lud op plattdütsch ropen: Anne Walln Jungns, ruhig, lat ſe kam! Un as en Waterſchuß langß de Klüßbet ſo klabaſtern de Rüter in den Weg hinin, Säwel ævern Kopp. Denn ſchall dat Kommando: Feuer! Un hin ſtörrt dat as en Anuel æwer enanner, Minſch un Per in een Hupen. Unſe Jungens warn deelwiſ' bet in den Wall un Knick rin reden. Doch weern ſe kloß weſt un ſtunn meift an de linker Sit, ſo dat faſt nims vun ſe mit de Ballaſchen to reden weer. Awer vun de Dän keem of Keen lebndi torügg. Mit en furchtbar Hurah dräng' unſ Bataillon nu ut beide Weg' herut, ut de Hüſer keem' ſe, de ſe beſett harrn, of Detelf mit ſin Kamraden, un æwer de Doden un Halfdoden weg dreben ſe mit Banjenetten un

---

beßern: dünn. Fedder: Leiter. Bürn: Riſſenüberzüge. dermant: dazwiſchen. Deert: Tier. Klüßbet: Schleuſengraben. klabaſtern: ritten ohne Ordnung und Geſchicklichkeit.

Rolben de arm Lüd vör sit her, as man Schap langs de Weid  
drifft — Dat weer de Slacht bi Oberstolt. Se weer wunn'.  
Ol General von der Horst steel sit sin Pip an.

Awer dat Blot womit dat betalt weer! De Pris! Un  
de Gewinn de dar vör inkofft! Schüllt wi't vörreken?

In den Sidenweg legen de Doden schichtwijs, meistens  
Dän — of Minschen. Inne Dörpsstrat legen se, as weern  
se streit, vele as harrn se sit noch en netten Platz utsöcht,  
menni Een as wenn he sleep, dat Gesicht op de Arms, oder  
den Kopp gegen den Wall; man harr em wedden mucht, wenn  
nich en Blotstrom ut de Sit, där en Loef inne Mondur  
oder en roden Pohl rund um sin Lager wi't harr, dat 't de  
leste Slap weer, wo man nich wedder opwakt. En jungen  
dänschen Ofzeer, en smuden Minschen, de Kopp vull kruse  
brune Haar, wo em de Tschakko vun affulln weer, leeg so  
still as rau he sit, harr eben en lütt Bild besehn, wat he  
inne Hand gegen de Bost drück un denn de Ogen en beten  
tomakt. Detelsf erinnere sit, dat he em fast vör en Ogenblick  
vörher harr de Dörpsstrat mit sin Tropp hendal kam' sehn.  
Bellicht een vun de Kugeln ut sin egen Harbarg much em  
drapen hebbn. He harr nig to liden hatt. Nich wit darvun  
leeg of de Spaschmaker vun sin egen Bataillon, noch mit en  
Lachen inne Mien! Awer dar legen of Wülf, as harr de  
Vertwiflung se hinsmeten, Kopp to ünners, Been to höch,  
Wuth in't Gesicht, oder of nich mehr to kenn. Un dat weer  
noch nich dat Slimmste. Dat Slimmste weern erst de, wo  
noch Leben un Stimm in weer! Detelsf hett noch Jahren to  
don hatt, se ut de Gedanken los to warrn, so fürchterli weer't.  
Huln und Schrigen is denn fast noch ehr uttoholn as Stöhn  
un Wimmern, denn dat versolgt Een noch in'n stillen Slap,  
wenn lang de Tiden anners warn, Winter un Summer  
daræwer verlopen, Gras wussen is op de Blotstellen un Ver-  
geten æwer den Jammer. To'n Glück — oder Unglück —  
harr he of keen Tid wider, as dartwischen där to gan un  
to sehn, wo sit de Ogen nich vun aswenn' leten. Hölp  
mussen Annere bringn un hebbt se sacht brocht, so wit Min-  
schenhölp redt. Vör Detelsf sin Afdeeling war Sammeln  
blas't, un dat Commando lu: Sit af ut't Dörp südwesten to.

Do se man ut' Dörp herut weern, leem dat Detelsf vör,

---

rau: ruhte. streit: gestreut. huln: heulen. uttoholn: auszuhalten.  
lu: lautete.

as harr he't all brömt, wat he dar eben belebt: so still ruhig legen de Kornfelder, to beiden Siden vun dat Bedder, wo se in marscheern, grasen Röh un Ber, as weer gar nix Absunnerligs los west, sunnern leem' nieschirig ant Dor, noch en Happen natt suchti Gras int Mul un sehn sik dat Volk an. Dat Bedder klar sik op, de Kanondunner schall ut de Gegend vun Idsted oder Helligbet ræwer as vun en Gewitter, wat astreckt. Darto kumt Hunger un Dörst den Minschen jümmer mal to Hölp, wenn he sunst vellicht to Schann gan kunn in de grausame Welt mit sin weef Hart merrn twischen. Jan Pee eet al int Gan an en Stück Speck un Brot ut de Hand, dat harr en Döschter Ehr mak na de eerste Morgenarbeit, un bald eet de ganze Keeg vør un achter, un de Feldflasch war Ierri mak bet op den lekten Drippen, de rut to drücken weer.

Dat gung wedder na de Brügg to bi Gölbenholm, wo se morgens æwer den Langsee gan weern. Warum? Dat frigg en Soldat nich to weten. Seggt war in de Keegen as man marscheer, dar harrn sik Dän in'n Rüggen vun de Horstische Brigad wist. En Ordonnanz harr dat lut toropen. Dat weer je frili natürlich, denn se harrn se ut enanner sprengt, so müssen sacht wülk na'n Süden kam' wæn. Doch dat müssen de Ofseers weten. Awer de Soldat föhlt dat, wenn't rüggwärts geit, dat war still inne Keegen, un Jan Pee frag' Detels: „Knippt wi ut?“

Ja wul, dat den wi: wi knepen ut — op Befehl, General Willisen harr den Kopp verlarn, wi nich de Slacht. De twete Brigad heel noch still op den Placken gegen't Westergehegg, wo se hüt morgen holn harr inn Regen. Vør de heet dat so gut: Kehrt um! as vør all de annern. As man sik oppe anner Sit Gölbenholm un de Langsee oppe Schossee na Sleswig drop, do seegen sik alle Kamraden verwunnert an: dat weer en Rüggtog! So wat hebbt wi erleben muß! Wi trocken frilig mit lustige Musik derbun un in Sleswig rin, „mit klingendem Spiel“ as man seggt: awer mit wat vør Gesicht seegen de Börger uns an! Un op den annern Enn vun de Stadt fahr dat herut den Weg æwer Bustorp, wo mal de Preißen rin kam' weern, an Beamten un wat sunst Hannemann to fürchten harr, to Wagen un to

---

Döschter: Drescher. wist: gezeigt. toropen: zugerufen. kam' wæn: gekommen sein.

Fot, un en verstännigen Minschen kunn sik seggn: Is Allens umfunst west! Allens! „Unter den Mauern von Rendsburg wollen wir uns sammeln und sie schlagen“ meen Herr Willisen. Wi kunn uns dar geern sammeln, dat wussen wi noch, awer se warn keen Harrn wen un nakam, wenn se ganz Sleswig harrn. So vel wussen wi ok.

Detels seet torliggbleben op den Weg na Rendsborg den 26sten Juli an't Ower, wo en Familje ut Buxtorp em en Putt vull warm Arsen rutbrocht harr, as Willisen mit wülft to Per værbi keem. Schmedt's, Kamrad? reep he em to. Sta ni op, Jan Pee, sä Detels, un se langn beid in den Putt un eten er Supp.

Menni Kamrad fehl dar, as se sik in Rendsborg sammeln. Wa seegen de meisten ut! Düster oder ingrimmi! Dat weer as harr de Spaß mank Detels sin Tropp en Enn hatt sik de Spaßmaker hin weer. Darto Rendsborg jülbn! Detels söch glik sin lütt Härterfamilje op. Em weer as kenn he de Strat nich wedder, as em en fremd Gesicht oppe Del antwor. Do keemt eerst langsam rut, dat de ganze Familie — as menni een mehr — an de Cholera utstorben weer. Detels leep as folg em de Dod as en Gespenst, dat he ut de Gegend keem.

Un doch weer dit noch nich dat Argste. Dat Argste keem eerst as man inn Harst wenigstens noch wat don un den Dän wat wisen wull, ehr man sik de Flint ut Hand nehme leet. Dat weer de Geschichte bi Friedrichstadt. Dat dar nix ut warren kunn as en Minschenlachteri, wussen sogar de, de't anfungn. En Minsch, de as Detels de Marsch kenn, muß't as en reine Dullheit værkam. Dar sünd uns Lüd denn ok inne Gröben störrt un verdrunken as Rötten. Dit inne Nacht, æwer natt Land, wo man nich mal los kam kann bi Dag' mit en Kluwerstaken inne Hand. Detels is dær en Doß vun den Dit stegen, wo de dänschen Granaten, de de Stell genau kenn, so vele tosam schaten harrn, dat he æwer en Hüpen Dode weg muß. He hett in Klei wadt, dat he wol nich mehr en Minschen ähnl seeg: un darbi pipen de Kugeln um em rum as Hagelfornz. Awer man ward glikgültig ton Erbarmen. He steek sik mit en Riwsticken en Cigarr an, as he op eenmal de linker Arm dalsacken föhl, ahn dat he em wedder ophoben kunn. He harr en Kugel kregen. Em weer't ganz Recht, he

---

Arsen: Erbsen. Rötten: Ratten. Kluwerstaken: Springstod. Klei: Grabenerde, Schlid. wadt: gewatet. Riwsticken: Blindhölzchen.

harr nu sin Deel betalt un böß umkehrn. Em wunnert blot, dat vun den Bliregen em Kopp un Hart verschont bleben is. He krabbel in Düstern alleen torügg, bunn sit en Taschendorf um den Arm un töv achtern Dit den Morgen af.

Vele Lüd ut Ditmarschen, vun Lunn, Hennsted, sogar ut Heid weern mit Et- un Drinkwaarn kam, um vun de Erigen en Erquickung to bringn. Vær Detels weer der Nüms. He söhl sit flau un fürchterli verlaten un eensam. Do, he denkt noch mit Schudern daran, seeg he en lütten Schofter ut Heid, den he recht gut kenn, en spaßigen lütten dicken runn Mann, mit en Armtorf, wahrschynli mit Spisen, vun Tropp to Tropp gan un na sin Johann fragen. De stunn of in de drütte Brigad, eben so'n lütten dicken runn Kerl. Detels hör em, dat weer noch inne Morgendämmern, so dat he em nich seeg: Hebbt jüm min Johann ni sehn? Hebbt jüm min Johann of sehn? Un he war denn wol wider vertröst, bet Detels em wedder hör: Min Johann ni sehn? Em war greß darbi to Moth, man kunn je nich weten, wa't toleß luden war. Detels dach jümmer an den Bers, de em noch vun sin Vetter ut de Scholtid her mit en lütt Kennerung vær den Kopp un't Hart gung:

Er frug die Reihn wohl auf und ab,  
Er frug nach seinem Namen,  
Doch keiner war, der Antwort gab  
Von allen die da kamen.

He hör em toleß of noch seggn: Na, denn mutt it wol alleen wedder to Hus gan. Un he sett sin Korf dal, sit darbi in Moraz un ween bitterlich.

Alleen to Hus gan! Dat weer ungesehr of dat lezte wat Detels vær sit dach. He funn sit eerst wedder, as he in Rendsborg in't Lazareth verbunn war. Glücklicherwis' weer't keen Wunn, de em en Lid stif mak, wenn se em of en Tidlang de Besinnung nahm' harr.

Of hett he deshalb nich mit belebt, as wi de Flinten aslewern mußt, wat noch mennig Gen dat Hart braken hett, de vær alle Kugeln heel mank vær kam weer. Un wa Vele hett dat uten Lann drehen, wovun menni Gen noch inne Wildnis in Brasilsen de Kugel fregen hett, de he lewer hier hatt harr.

---

böß: durste. vun de Erigen: von den Thrigen. Nüms: Niemand. runn: runden. Lid: Glied. mank vær: zwischen durch.



Un doch hebbt wi de Hofnung nich fahrn laten, dat't an't Mal föhrn war, dat't nich umfunst weer, wat wi dan un Leben harrn.

Sogar as de Lüüd wedder keem' mit de Waffenvöck an, de se uns uttrocken harrn, mit de Flinten womit wi op se schoten; as de Farkenjüten wedder keem' mit er netigen Haar un er jüsen Swin un bi'n Handel lud mit uns sproken, as reden se unse Moderspraak, de wi blot noch ni richti verstunn atwer nu bald lehrn warn, as menni rothköppi Gesell, den wi as dänschen Korporal sin Tid kennt harrn, as Controleur oder Brandrecker wedder keem un æwer't Heider Mark spazeer as Napoleon æwer't Feld von Marengo, as de ole dütsche Bund, de seli asdannt harr, fröhli wedder introck, un de dütsche Kaiser, de wi binah opweckt harrn mit unse Kanon „an den Grenzen des Reichs“, in sin Barg wedder inslapan weer, as dat Märken vertellt, mit den Bart dær den steenern Disch wussen: bi uns blev de Hoffnung waken, dat't wedder los gan war sin Tid un to Enn föhrt. Wer noch en Büß beholn harr, de öl se in as na de Jagdtid un slot se in't Schapp oder le se inne Lad, dat dreeklört Band darbi, un wer æwer sin Fußdær dat Holsteensche Wappen harr anmaken laten, de nagel en Tafel swart Blic æwer dat Kettelblatt, seker in Gedanken, dat he oder sin Sæn dat mal wedder asdecken war sin Tid, wenn't wedder los gung, um to Enn brocht to warrn. Bet dahin faten wi wedder den Plogsteert an oder den Spaden, den wi verlaten harrn, um de Büß oppe Schuller to nehme, grepen na Hamer un Elß, je na unse Geschäft un arbeiden as weern wi dar ni vun west. Wi kunn dat, denn wi harrn unse Pflicht dan.

Awer allerdings harrn wi de Hofnung of nödig. Dar weern noch sware Tiden uttostan. Wat weert en trurige Wihnachten 1850! Wat weert en truri Niejahr! Detels sin Arm weer nich so slimm west, atwer he harr sit wul verkölt in de Nacht ann Disch oder wa't funst kam weer; he leeg lang int hißi Fener in Rendsborg. Nadem weer he swack as en Kind, un allens drop un röhr em duppelt un dreefach. He hett in sin Leben nich so vel weent as i:n Anfang vun't Jahr 1851. Dat weer astmakt, dat de Destriker de Oldstadt

---

netig: nistig. jüsen: mageren. Enn: Ende. Schapp: Schrank. dreeklört: dreifarbig. Blic: Blech. Plogsteert: Pflugstier, Pflugende. Spaden: Schaufel. Elß: Ahle.

in Rendsborg besetten schulln, de Dän dat Kronwart. De Lazarethn warn utrümt, blot wat to swach weer blev liggn. Detelf hör darto. Dag vør Dag marscheern uns Sleswig-holsteenschen Bataillons mit vulle Musik dør de Stadt, Detelf hör se een na't anner vørbi treden, he harr starben mucht, so truri weer he. Abends söch em denn wul een un anner Kamrad un Bekannte op, um Affscheidung to nehmen. Dat enn meistens mit en Jammer, denn menni Een wuß ni mal, wat ut em warrn schull, vun't Land un de Sak nich mal to spreken. Dar weern Lüde ünner, de Stunn lank bi Detelf seten, de twee groten Hann op de beiden groten Kneen, as kunn se dar nig wedder mit ansaten. He hör vun nüchterne Lüde, de daglant brunken harrn, ganz still op desütlige Stell, as wulln se sik dot drinken, un weern denn vun en paar Annere anne Arms ut Süderdör trocken, as man en Schap treckt, un se gung doch to Huß. Och dat Slimmste vun de, de ganz to Schann gungn, kreeg he ut Barmhertigkeit al gar ni to hörn; harr't ol wul ni affkunnt. Sin Scholkamrad Jan Pee keem mit en ganz verwillerten Bart. He kenn em kum wedder ahn Mondur. He wull inne Fremden. Sā egentli nig as: Na, Abüs, Detelf! wul twinti mal.

## Neuntes Kapitel.

### Alles to Eenn.

Weer't al truri nog, so war't bald vør Detelf ol noch lankwili. Lesen kunn man nich jümmer. He harr vun en Kamraden, de't verstunn, en beten Tekn lehrt, wat he fortföhr. Awer he dach tolek so vel an sin Heimat un söhl sik eensam as en Waisenkind. As Viller inn Goldrahm stunn sin Spelplatz vør Betters Dör vør sin Dgen, de Weg na de Heid to, de Mael un Garn, sin ol Klassen, de Koptein — och, wat ni all! Un as mal vun de Ol en Breef keem, de dar vørfrag, ob he nich bald torügg keem un bi em de Fasslabend verbringn un enige Wöken bliben kunn, do full dat as en Funken

---

utrümt: geräumt. enn: endete. to Schann gungn: zu Grunde gingen. affkunnt: ertragen können. ahn: ohne. Tekn: zeichnen. Fasslabend: Fastnacht.

in en Pulvertünn. Sin ganze Seel brenn em vør Heimweh, un dar weer keen Platz so wit dat Dg recht harr oppe Mael, vun de blauen Hühden oppe Geest hendal bet deep inne gröne Marsch, de stunn em innerli vør so hell un heiter un doch so wehmödi, dat de Athem em stoden kunn inne Bosz. He dach an nig mehr as to Fuß, he kunn tum de Tid aftöben, un wenn he of ni mehr bröm vun Krüzweg' un Wis'pahn un Weerthshüs' as verzauberte Slösser, so weer he doch in Slapen un Waken oppe Reif'.

As endli de Dag keem gung he al vør Sünнопgang dervun. En guden Fründ schull em innerwegens en Stred fahrn, denn hæp he to Abend na sin ol Klafen hintorecken. — Wa war em to Moth, as he nu na un na an de Grenz keem, de he as Kind un Burß kennt un nu, in Jahren, ni sehn harr! Recht bekannt war't em eerst as't al dämmer un he wedder alleen gung. He gung ni mehr, he leep. Dat war düster, do keem he toerst an en Koppel wo he süln op arbeit harr. Dat Dor stunn apen, he kunn't ni laten, he muß mal rin gan. Do war he en Licht int Dörp wis. Denn keem de düstern Böm gegen Heben ton Varschin; de Hunn belln; un endli stunn he würtl'i lebendi an Klafen sin grot Dær, un vun den Sot her sä de bekannte Stimm vun en oln Knecht in Düstern ganz fremd Sunabend. He schütter darvun un maß de Dær apen. Do keem de ol Mann ut de Stub mit Licht op em to, de paar Jahren harrn em bögt un witt maßt. Detelf kunn nig seggn, awer he scham sit ni, full em umn Hals un ween mal recht vun Harten.

---

Den annern Dag leep dat bi Klafen in un ut as bi en Krogweerth. Detelf muß vertelln. Gegen Middag keem of de ol Koptein. He ree eerst innert Finster un keek dær de Schiben. Nös keem he inne Stub. He stunn en Ogenblick inne Dær still, as de junge Soldat in Mondur op em to keem, den Arm inne Vinn. He seeg em sühn'sch vun Kopp bet to Föten an. Detelf neem sit nett ut, vørnehm, denn he weer hoch wussen un bleek vun Gesicht. Awer do greep he em op eenmal an de gesunne Hand, schüttel se em düchdi as

---

Bosz: Brust. Wis'pahn: Wegweiser. Sot: Brunnen. schütter: erbehte. ree: ritt.

en Ramrad un så mit sin gnastrige Stimm: Willkommen, willkommen to Hus! Ol Mäßen seeg darbi ut as en Vater wenn sin Søn lævt ward. Als he wegree så he noch, Anna lett of gröten! se will Se geern mal sehn, kam Se man bald! — Detels klung dat, as wenn man na en lange Tid toerst wedder de Thorkloß ut de Heimat hört: ganze Jahrn sacht weg, un wat wen is steit vør Een mit den Klang op, as weer dat nie anners wen. He versprok bald to kam, un dach an den Morgen as dat lütt absunnerli Mäden toerst langs den Stig op em to keem. He frei sit er wedder to sehn; he wuß dat se anners wen muß un lang keen Kind mehr wen kunn, awer doch kunn he sit er ni anners denken, un he muß sit vormaln wat se em nu vertelln war.

Wert Fest kunn he ni vun de Ol gan, de gar ni nog frigen kunn vun sin Detels un towilen ganz weesmödi ut sin Armstohl na em opseek. Nös mak he sit en Morgen oppen Stig. De Koptein sin Hof leeg noch as domals stuf achter den sannigen Weg, allns lif un veerkanti, blot de Garn weer smucker, dat weer mit sin Wark. He gung dær dat gröne Stadtwark ünner de hogen Eschen nat Hus herin.

Awer wat verschr he sit, as en grot slant Mäden langs de Del op em to keem! Se gung as de netten Marschburdöchter, fast noch seiner, wul steil, awer doch binah schüchtern, un dat brune Haar weer mit en Kamm slicht dastrecken. Se keem awer blid op em to un de düstern Ogen weern fründli, as se så: dat is nett, dat Se uns nich vergeten hebbt. Do kenn he er eerst wedder anne Stimm. Awer he kunn doch ni recht wat seggn, un eerst as se op er bekannte Sitz anfang von früher to snacken un wat se oft wul vør wunnerli Tüs vörbrocht harr, keem em de Sprak. Se snacken all de schöne Tiden dær, un he vertell vun de slimm' de nasolgt weern; de harrn awer of de drapen, de to Hus bleben un oft noch arger, un so vergung em de Tid, he wuß ni wa gau un wa glüclli, bet de Koptein halt war un to Hus keem.

Natürlü weer der ni an to denken, dat he em den Abend weg leet. He harr vels to vel mit em to snacken wat he bi anner Lüd ni los warren kunn. De hörn ni to Een, so wüssen se al wat gegen an, un ehr se sit recht verstunn, gnaster un braster de ol Bruskopp dat se man lewer still

---

lævt: gelobt. sacht weg: schwinden. stuf achter: gleich hinter. sit verschr: erschrecken. Tüs: Zeugs.

swegen, wenn't keen Darm geben schull, un so seet he in sin Eensamkeit fast gänzli alleen. Detelf harr al vun fröh an wat, dat de Lüüd antrock, bi de Soldaten kunn he sik oft ni borgen vær all de em anhungn, Rinner un Dln muchen em liden, de Koptein weer dat eben so gan. Nu seeg de em gar vüllli as en Ramrad an. Detelf föhl dat wul herut un wuß of, dat he in de Twischentid nog erfahrn un sehn harr um mit spreken so kunn: atwer doch stree he nie, un likes kreeg he em gelinn herum, un dat de den Dln gut, denn egentli broch he blot dat Dullste vær um sin Arger los to warn. He harr banni mit leden, dat ganze Leben weer em düster un verdreetli warn, un wa geern leet he sik ophelln, wenn man't blot antofangn wuß. He hör ruhi to un bell der gar ni mant, wenn Detelf ut' Lager vertell, nich as vun en Krieg; dat de he nich, dat weer em to grot ton Snacken. Atwer he harr of dar op sin egen Art de Dgen apen hatt un sehn wa Annere nich an denkt. Wenn he vertell vun de Wachtsüern bi düstere Nacht, un de Jägerleben in hellen Sünnschin wit æwert Feld, wa man all de lütten Dampfufeln opstigen seeg un dat Knappern lankweg heræwerkeem: so leet de gräßlige Krieg as en lusti Jägerleben in Freid un Freuden, de Koptein war blid, un Anna harr lang dat Reihn vergeten un de Hann inn Schot falln laten.

Se gung bald un leet em en Stub un Bett torecht maken. — He le sik eerst ganz glückseli dal, he wuß, dat he vel Lev op Eern harr, un dank sin Schöpfer darvør. Dat weer doch ganz anners inne Heimat, wo man nich klof to wen brukt un doch mit Minschen tosamhangt recht innerli, un nich blot mit Minschen, sogar mit jede Busch un jeden Klutt Eer, de een bekannt is. He keef den annern Morgen wit æwer de Gegend, sin Stub leeg baben, un sin Dgen gungn vun Punkt to Punkt, un bi jeden war em warm umt Hart. Dar weer he gan un dar weer he stan, un an jeden Pladen harrn sik Gedanken fast sett, de nu wedder keem as ole fründlige Bekannte. As he atwer, do de Dær gung, nan Hof hendalkeef un Anna in en witte Morgenmütz opt düstre Haar un en dicht warm Winterkleed an, flink æwer de Steen-

---

stree: stritt. likes: gleichwohl. Dampfufeln: Dampswolken. Klutt Eer: Fled Erde.

brügg gan seeg, do leep em dat hitt æwer. He maß siß rasch torecht un neem siß vær, ni länger to bliben as nödi weer; he wull siß bi sin ol Klaffen besinn, denn he söhl: hier kunn he velliht unglückli warrn as nie tovær, oder of unehrli gegen en ehrli Fründ.

Awer de Koptein weer noch lang ni to Enn, un Anna bë so fründli, un wa tofreden seet siß dat ni in en helle warme Stub. Dar kumt keen Lut, de Een stört, deyn man kennt jeden un weet wat he bedüdt, un wenn mal in wider Feern en Wagen oder en Minschen wantt, so denkt man vel darbi woher un wohin, un geruhi treedt he væræwer. Doch en glücklige Seel hört derto oppen Lann.

Endli gung he. Of besunn he siß bi sin oln Fründ. Awer he broch nig rut in sin Gedanken as en Glück oder en Unglück, so grot, dat sin egen Will to swaß weer to wåhlen. De Ol muß siß richti dervant mischen un em utfragen, denn de Jung war em gånzli wonnecli. Do swaß he dat banni drög un forthari mit em vær un schüttel oder rüß mitten Kopp, schick em awer doch af un to fast mit Gewalt nan Kley dal, un frag em toleh mal oppen Knop: ob de Diern em of liden much? Do så Detelf as he siß bedacht harr, he löv. Do seet de Ol in sin Læhnstohl un gruwel.

---

Wat Döwel? reep de Koptein den Sünndag vær Palmarum, as de Dær op gung un ol Klaffen in sin besten bergensoppom Rod un blanke Steweln in Stub keem, dat is selten Besöf! wa kumt man dar to! dat bedüdt doch keen Friwarben? De ol Landmeter leep awer ni glif anne Këd los, he sett siß eerst ruhi dal un fung glifgülti vun wat anners an, as harr he gar nig hört. Na un na rüß he rut un så, de Koptein harr doch keen Lust mehr alleen to hucken, he harr lang sin Hof verkopen oder verhürn wullt um denn na sin Schwester inne Heid to treden, he weer doch man en halven Bur, of nagrað keen Kind mehr un kunn je so leben: nu wuß he em

---

bë: bat. wanten: wandern, gehen. forthari: kurz und klein.  
Friwarben: Freiverben. verhürn: verpachten.

en Pächter, de gut weer, of sêter, denn he, Reimer Kläßen, weer sin Borg. Awer de Mann muß en Fru darto hebbn un dar paß sin Anna to, de kunn he doch ni jümmer bi sik beholn as sin rechter Hand oder sin linker Og, eenmal muß de of er egen warnn, un en bêttern kreeg se nich, se much em of liden, dat weer sin Detelf.

De Koptein weer bi dat lange un langsame Drücken ganz unruhi warn, opstan un harr gegen an gnastern wüllt, awer de Ol tüsch em mitte Hand un sprok eerst vullstänni to Enn. Awer do baller dat los! He harr as vele Ollern gar ni an so wat dacht, sin Kind vør en Kind holn un so los leet. Nu scholl he op Fründ un Fiend, op Minsch un Beh, schon of de oln Friwarwer nich, de awer ganz gedüllli darbi seet un mit sin Handstoc, de he nich wegssett harr, Figuren mak. De kenn em. Toleh grummel he blot wat inn Bart, denn stell he sik lik op ant Finster un teet int Feld. Denn gung he noch en paar mal langs de Stuv, mak do de Dør op un reep sin Dochder. As se rinkeem frag he er ruhi, magst du uns Detelf liden un kunnst du em nehm', wenn he um di vørfrag? Un as se em umn Hals full un lud snuder, da sä he forß to ol Kläßen: denn is't asfalt, awer schick em sülbn, un æwer dat Annere wüllt wi spræken . . .

---

Dar liggt en Hof oppen Klev twischen Marsch un Geest, de langn Stüden mit blanke Gröben derachter, de graun Sandbargen darvør. In den smuden Gern to Sit wannert en glückligen Menschen; warum schull he't ni wen? Dar hört weni to, wenn de Kopp apen un dat Hart gesund is. He mag ni umsunst smustern, wenn mal de Landvag op sin Witten verbi ritt, as jüs vun Abend, un de Bedeenter op en Brun en beten achteran. De Büsch künnt vør den ni frischer grönen un de Wullen an Heben ni goller wen. He süht em na un wünscht nich to tuschen; denn vun sin Hus her dør de bæwer Poort kumt en slanke Gestalt op em to mit Gesundheit

---

Borg: Bürge. bêttern: bessern. tüsch em: beruhigte ihn. grummel: brummte. lik op: gerade aufrecht. snuder: weinte. smustern: schmunzeln. goller: goldiger. bæwer Poort: obere Pforte.

oppe Backen un Lev inne Dgen, un wenn he de umfat, so  
holt he seker dat Glück mit beide Hann'.



Nord un Süd:  
De Welt is wit!  
Ost un West —  
To Hus is best.





## De Waterbörſ.



Dat weer hanni warm. Dat weer op en Sünndag-  
nambdag in Juli, as de Stidbein toripen un dat Korn gel  
war. Achterum arn Jümfernstig, wo all de niebu'ten Hü'  
stat, schin de Sün'n pall op de roden Pann'. Een lütt Dack-  
hus en beten buten de Keeg war man gewöhnli gar ni wis,  
dat versteek sit ganz achter en Koppel Böm, grot un lütt, as  
weert de Nest vun en Krattbusch, de hier vellicht in olen  
Tiden anfangn harr. Ünner de Böm leeg dat ganze Jahr  
en Stapel Ellern un Barken, de bald grot un bald lütt weer,  
denn in dat Hüschen der achter wahn Geertohm un maß holten  
Tüffeln un Lëpeln un Slev.

Wenn man langs den Stig geit, süht man jümmer vun  
een smuck Finster nat anner; wer kist wol jüs ünner den  
Bomklus dær, ob dar noch wat achter hus't? Man süht  
höchstens an Summerabends wa de Holstapel vull junge Lüd  
sitt, haben un nerrn, of wol splettbeent, denn das en netten  
Platz to sitten.

Mer vundag' keek man achter en Hautwagen an, de jüs  
ünner de Böm dærfohr un in den Kastanje stuf vært Hus  
blev en Deel behangn, en groten langbeenten Bengel sprung  
gau hemdsmauden achter ras, sunst weer he vun de Tilgens  
dalsëgt, en paar annere, de mit Forken achteran keem', of mit

---

banni: sehr. Stidbein: Stachelbeeren. toripen: reisen, zureisen.  
Achterum: hintenum. pall: direct. Dackhus: Haus mit Strohdach,  
von Dack: Keth, Schilf. Koppel: Hausen. Krattbusch: Unterwald.  
Stapel: Hausen. Barken: Birken. holten Tüffeln: hölzerne Pantoffeln.  
Lëpeln un Slev: Löffel. Bomklus: Baumgruppe. haben un nerrn:  
oben und unten. splettbeent: rittlings. das: da ist. vundag': heute.  
stuf: dicht. gau: schnell. hemdsmauden: in Hemdsärmeln. achter  
ras: hinten hinunter. Tilgens: Zweigen.

Wuppen un Hausaat bestreit op Höb un Schullern, lachen lud dat se sik anheeln, as de Grote mit bisterige Ogen un half in Slap achter ras fahr, un en öllerhafter Mann stunn anne Sit, reep mit en drang' pipi Stimm: „Anton, Jung' Jung'! nimm di doch in Acht!“ Denn him' un host he en beten un heel de Post an. He harr merrn in Summer en kalmucken Rock bet dicht ann Hals toknöpt un en warme Mäh op. Dat weer Geertohm.

De Grote stunn al fast op sin Been, he lach hartli un sä: Geertohm, wi bargt uns wul! Denn reck he de Leden mal düchti ut as wenn he den Slap affschüttel, lang na en Fork, dräng sik twischen För un Hus dær, un keem bald wedder ut de Luf babn op sin Posten: he harr den swarsten, dat Afstaken, un reep mit en Bassstimm herin: So Jungs, nu man to!

He weer wul en smucken Kerl, as he so gelaten mit de sware Fork hanteer un een Barg Hau nat anner inne Luf schov. Geertohm keef ut sin bleke Ogen mit Wolgefaßn na em op un sä blot af un to: Uwerdriw dat ni Anton, se künnst der binn' ni gegen an! Uwer wenn de denn sä: Wi mæt de Waterbörs' doch mal wisen wat en Hart is, Geertohm, lat se man mal sweten, so him' un pip de gegen de Luf an: Beten gut na'n achtern, Rinnerz, dat För is bald lerri! Darbi harr he de Ogen allerwärts un sammel jeden Dutten de to Sit full sorgjam tohopen.

He harr twee Köh un nich to vel darvæer inne Krübb. Bundag' war sin ganze Arn inbrocht, he harr Glück mit't Wedder, un de ganze Börs' hölp em, ton Pläseer, dat gung jede Jahr so. Dat weern luter junge Bengels de Abends op den Holtstapel hungn un klæn'n, oder in Winter bi em inne Stuv seten, wo dat nu bunt För so düster war, dat sin ol Süster kum de blaun Tassen int Schapp finnn' kunn; se harr al den Kaffeketel væer de jungn Lüd oppen Disch, un snüffel un wisch half in Blinn' herum.

Dat Commando harr Geert al jümmer föhrt, fröher mant fins Viten, nu as allermanns Ohm. He weer sin Tid

---

Wuppen: Geurispfen. bisterig: wirr, träumerisch. drang: feuchend. himen: feuchen. Kalmuck: langhaariger Fries. Leden: Glieder. För: Fuder. affstaken: abforfen. Waterbörs': Wasserclub. Dutten: Hausen. tohopen: zusammen. Krübb: Krippe. Arn: Ernte. Schapp: Schrank. mant fins Viten: unter feinesgleichen.

en dærdreben Gast un ævermödigen Patron wæn, de keen Dornheß torügg heel, wenn en ol Fitel streken war. Do heet he jümmer de Bur. Denn tot Hahnbeer, Fastlabend, drog he en Dremaster un en roden Rump, as de Geestburn toværn, he weer de Kretler, heel awer of Ordnung as nu keen roden Rod, un wenn he man reep: Kinnerz, Kinnerz! so broch he de argsten Hixköpp to Ruh. He harr awer domals en helle Stimm, de man mank alle rut hör, un man hör se, bet tolek de Rugsten satt un möd weern un heemli achterum brocht warn. Do heet he de Bur. He wuß sogar de Frunskliid to regeern, un harr alle Mädens ant Band. Wenn Sünndags de Melkdierns vun de Koppeln un Wischen torüggateem', so müssen se all bi de Nausted töben, bet der keen feil. Denn cumdeer he: Hakt in! un so sungn se tosam den Langn Weg herop, he mit sin Drach værut; sin Ol heel of al en paar Röh un Geert de dat Melken. Wenn man Klock sæben en Gesang hör, so sän de Lüid: das de Bur mit sin Kaltwer!

Nös weer he krank warn, se sän, he harr sit bi en Hochtid toschann' danzt un en enge Bost kregen. Wüde sän of, he weer mismödi warn, de rike Witt sin Dochter harr em verspraken, em to neh'm' wenn er Vader dot weer, nu harr se awer den dæssigen Koogsbur neh'm' must un weer ganz unglückli warn. Awer de weern all dot, of sin Vader un twee Bröders, de bi em wahnt harrn. In twinti Jahrn weer denn sin Finster ni apen kam, kum de Dær. De Böm op sin Bærplatz harrn wild wüssen un dat Maas op sin Dack. Dar harr sit nig ännert as de Holtstapel, de bald grot un bald lütt war, denn he nähr sit mit holten Tüffeln un Læpeln maken, awer se sän, sin ol Süster muß dat meiste darbi don, he kunn oft keen Lust kregen un seet krumm un stumm inn Armstohl.

So wuß en ganz nie Anplant op, de blot vun er Olen hörn vun Geert de Bur, de lustigen Gelagen vun früher her,

---

dærdreben; durchtrieben. Hahnbeer: altes Landesfest mit Wettwerfen um Fastnacht in Ditmarschen. Fastlabend: Fastnacht. tovær: früher. Rump: Oberjacke. Kretler: Schiedsmann. rode Rod: Polizist. de Rugsten: die Wildesten. Nausted: Ruhestätte, Ruhestiz. feil: schelte. Drach: Tracht, Schulterjoch mit Ketten an den Enden und Eimern (mit Milch). Nös: nachher. toschann': zuschanden, zunichte. Wüde: welche, einige. dæsi: stumpf, dumm. apen: offen. Anplant: Anwuchs, Generation.

wa se Faßlabend mit en Fahn umt Mark trocken weern un de Bur mit en Dremast un roden Rump vœrop. Dat weer nu all vœrnehm un lankwili warn, nich mal de Melldierns kunn' en orndli Leed mehr as een vun de lumpen Dreiorgel. Menni junge Burß harr wul dacht, son Rerl much he wen, un Sünndags ansungn de Dierns to reegen, awer dat stunn em ni an, un he war utlacht.

Do heet dat op eenmal, Geert weer wedder beter warn, de Nawers harrn em vœr Dœr sitten sehn un mit em snacht. He weer banni old un bleet warn, doch harr he meent he war noch mal wedder junk, as en Kunschen de rugt harr. Dat weer in Summer. De langs den Stig gungn, segen bald mit Bewunnerung en Mann in en kalmuden Rod un warme Mûg op den Holtstapel sitten un Lepels puzen. He reep mit en drang' pipi Stimm dissen un jenen an un frag na ẽr Oin un Verwandte, he kenn alle, wuß vun se to vertellen un wull vun se hörn. Lang' kunn he awer ni snacken, towilen keem der gar keen Ton rut, denn hölp he sik mit wisen mit Schrapmefß un Lepel. Awer wenn he mal host harr, so vertell he wedder los. Darbi weer he jümmer fründli un munter, un de he liden much, de müssen wedder kam, de sãn Ohm to em. Dat weern awer blot junge Lüd. So harr he bald en ganzen Tropp, de keem' jeden Abend wenn se Tid harrn, wenigstens Sünndags weert vull bi em.

Dar seet he in Summer merrn mant op en Stohl mit sin Lepelfork, oder wenn em de Post recht Ruh leet, haben op den Holtstapel. He sã denn awer selten vel, sundern leet se wirthschaften, ẽr Knep un Zug utöben, oder ẽr Kräften probeern. Doch all ẽr Hauptsaken warn bi em bereet, un denn gev he sin Meinung. To't Hahnbeer heel de Föhrrer bi em Prov mit en Bessenstœl, bi em hungn de Angeln un dat Lamm, wennt mal ton Fischen gung, un bi't Jesboßeln smeten se vun em ut. Mitgan de he awer gar ni mehr. Sobald dat in Summer köli war, gung he rin, un in Winter keem he nich ut de Stub. — Dar weert mennimal en Heidenlarm, un de Lüd stunn still, wenn se verbispazeern, dat kunn em ni lich to dull warnn, awer dat Drinken lee he nich un smöken

---

lumpen: lumpig. reegen: reihen, ordnen. Nawers: Nachbarn. Kunschen: Puter. rugen: federn, mausern. wisen: zeigen. Schrapmefß: Schabemesser. merrn mant: mitten zwischen. haben: oben. Zug: Scherz. utöben: ausüben. Lamm: Fischneß. Jesboßeln: Wettwerfen mit Holzfiguren auf dem Eise oder gestornem Boden. lee: litt. smöken: schmauchen, rauchen.

kunn he ni af inne Vost, un Swingels lee he dörchut ni inne Börf'.

So föhr he dat Regiment mant se as fröher mant sin Kameraden. — Bundag' hölpen se em sin beten Hau to Hus fahrn, as jeden Summer, un he harr Schoh an. Dat keem noch twee mal mehr int Jahr, wenn he na de Marsch fohr, eenmal to de Aarn mit Lypeln un Slev un eenmal to Harst mit holten Tüffeln.

Gewöhnli harr he en Ogappel mant de jungn Bengels. Dar weer he egen in. En lange Tid weer dat en lütten veerkantigen Möller, de fürchterli snacken un striden kunn. De heel sit nu int Holsten op. De harr em mal bi en Hahn-beer en Bivat brocht mit en lange Röd. Do weer Geertohm op sin Tüffeln vör Dær lam, harr de warme Müh vunn Kopp nam un op plattdütsch antwort, se sän as en Prester, de Lüd harrn sit verwunnert un Thran'n inne Ogen hatt. — Nu weer Anton sin Schotkind, en Kerl, umpasß mal so grot as he süßn un ganz dat Gegendeel. De seet gewöhnli still op sin Plaz ant Finster; he harr sunst mehr lehrt un les am besten vör, of harr he de Kräften, doch brukt he se ni geern.

Bundag' harr he doch de Waterbörf' mal wißt wat en Harß is. Als he den Wagen wegschov un se haben en beten Tid kregen, do seken en paar Gesichter ganz sweti un stöwirut, un Geertohm pip: Uns ünner Water? as de Voss sä, do sweet he vör Angsten. De Grote is en Rader, ni wahr Wendel? — Anton smuster un keek mit nan haben. De Gen, de ras seeg, heel den Kopp vunne Sit, man seeg glif, dat he ni scharp hör, he drog Ohrringu un seeg doch al banni flau ut.

De sä: Dat makt nig, wi frigt em wul mal wedder inne Anip! Un as he nu so ut de Luf plitsch hin un her glup, sä he mit en heemli ili Stimm to Anton: Rik mal langs den Stig, dar kumt de Pennmeister sin nie Diern, de smucke Marie ut Wörn! Darmit verswunn sin Kopp inne Bänluf, un glif darop keem he mit sachen Schritten gau un nieschiri

lee: litt. mant: zwischen, unter. bundag': heute. Harst: Herbst. veerkantig: breit. int Holsten: im Lande jenseit der Eider um Hohn und Rendsburg. umpasß: beinahe. smuster: schmunzelte. inne Anip krigen: in die Enge treiben. plitsch: listig. glupen: gucken. ili: eilig. Pennmeister: Zahlmeister, Einnehmer. Wörn, Wörden: Dorf in der Marsch. Bänluf: Bodensallthür, Bodensufe.

nerrn ut de Dær, leep eben so sinner de Böm lauk un steil sit ganz glitgülti pall ann Fotstig op.

Do keem en Mäden in Linnvullnrock verbi mit en Armstorf, se harr wol wat halt un weer noch nich int Sünndags-tüg. Awer allns weer so sauber un drepli, un de witte Müg seet er so rund umt Kinn un de roten Backen, dat weer en Lust to sehn. Se harr wol as Bele gar ni daran dacht, dat hier en Hus un Minschen weern, se seeg vør sit dal un straf wat an ern witten Platen torecht as se rasch varævergan de. Do sä Wendel opp eenmal: Das en Leben oppe Geest, ik ga min Dag' ni wedder na Marsch! Do keef se em verseert an un war roth bet an den Hals hendal, se seeg binah fee as en Kind ut de blaun Dgen, un de schüchtern Stimm pass gar ni recht bi ern sturen Gang, as se blöd Gundag sä un wider gung. — Anton stunn noch mit de Fork inne Hand ünnern Rastanje. Se harr em mit en Glup ansehen, he weer glit heran kam, awer se weer al weg. Do sä he argerli to Wendel un prahl ari, dat he dat hör: Du hest doch din Rappsnut jümmer to unrichten Tid apen, du hest je de arm Diern rein verschüchtert, wat schall se denken? Awer Wendel lach un sä: Wes' man ni bang, dats frisch Blot, de fallt ni in Umdam as Schriwers Mamsell bi't Kokenbacken, de hett al ehr Lüß sehn, wi sünd nich de eersten! Awer'n smucke Diern weert doch, Anton! Un darbi keef he em plitsch ünner de Dgen.

Do reep Geertohm: Nu Kinnerz, verget ju nich, sunst ward de Rasse warm, an kold warrn is wol nich to denken, as de Ratt sä, do gung se um en hitt Brischüttel rum; kamt man in!

Se stöben sit de Spiln un dat Hausaat vun Köpp un Schullern un gungu inne Dær. Anton muß sit buken; inne Stuv, wo man noch en Tritt dal gung, red he jüst ann Balken. Wüde Mann seten al achtern Disch un stippen Eiermaan inne blauen Tassen, de Geertohm sin Süster jümmer wedder vull schenk. Gott gev, dat en König dat so smed, wenigstens sin Ministers warn dat gut hebbn! — Anton kreeg sin Platz ant Fenster, Geertohm harr dat hilt mit Bertelln,

---

nerrn: unten. pall: steil, gerade. strafen: streichen. Platen: Schürze. verseern: erschrecken. see: schüchtern. stur: steil, stolz. Glup: Blick. ari: ziemlich. Rappsnut: loses Maul. in Umdam: in Ohnmacht. Spiln: Salme. Hausaat: Heusaamen. Eiermaan: Feingebäck in Ringform.

Alle keem' int Lachen un narrn sit, bet en niet För inbög, mehr hitte Gesicht' keem' anne Ruten un in Dær, dat Geslächter war noch luder. Awer bald heel dat vært Fenster, dat de Stuv düster war, un Geertohm sin pipi Stimm drev de Annern to Bæn: Erst dat För lerri, denn kumt an jüm de Keeg! Anton weer stumm, he seeg inne Dämmern de smucke Marie er schüchtern Ogen, un em düch son Stimm harr he noch ni hört, Geertohm sin weer em min Dag' ni so pipi vørkam. Doch as bald dat lechte För afladt un wegbrocht weer un de ganze Waterbörst' Aarnfest heel, do keem he mit int Jubeln un gung erst lat mit Wendel to Hus.

Anton harr vel Opflag mit Wendel un leep gewöhnli mit em. De meisten Annern muchen em ni liden un heeln em vær en Slifer. Awer he kunn æwer allens snacken, un Anton meen, sin glupi Utsehn keem blot darvun, dat he ni recht hörn de. Se wussen of jüs nig op em to seggn: he drunt un spel ni, de keen Minsch wat toweddern un heel Frøden mit Alle. Un doch, wenn he Abends in Dær keem un mit en Glup æwer de ganze Stuv keek, so harr he wat vun en Spitzbogen-gesich, of in sin luri sliri Gant un Spreken. Awer Anton leet nig op em kam, un de beiden gungn gewöhnli tosam to Hus; wenn he opstunn, so grep Wendel glif na de Mütz un gung mit. Denn snacken se, as junge Büd do't, æwer Bader un Moder, æwert Geschäft un er Leben to Hus, of wat se sunst rat un röhr, un wat se mal antofangn dachten.

Anton harr en wunnerligen Oln, dat weer en rechten Projectenmaker, wa he jümmer æwer lachen oder op schelln muß. Dat much he ni jedermann klagen un doch muß he't los wen, un Wendel hör jümmer gedüll to un gev sin Rath. — De harr al vel bærmakt. He harr en Steefvader, de sit ni verdtregen kunn, de kunn em awer of ni entbehrn, denn Wendel harr en beten Geld un sin Ol wirthschaf dermit. He much wol nich vær sin Moder, sunst harr he em dat kündigt un süßn in Hann' nam. So lehr he toerst de Stöfferi to Hus; se sän, he weer en Baas in sin Geschäft, mehr as sin Ole, de lewer na sin beten Land leep un püssel. Dat weer Wendel awer toweddern, alleen arbeiden wull he

---

narrn sit: neckten sich. Ruten: Fensterscheiben. lat: spät. Opflag: Umgang. Slifer: Schleicher. glupi: schielend: scheu. sliri: schleichend. rat un röhr: berührte, anging. Baas: Meister. püsseln: tramen.



nich. Do gung he vunt Hus un Lehr dat Rothgetern. Dat dur awer of ni lang'. Nös harr he dat Schirm- un Weddergläsmaken lehrt un weer en Tidlang bi en Juden in Friedrichstadt. Of harr he intwischen rostkämmert. Nu seet he doch wedder to Hus, Gott wuß wat he verhar, dar sprok he ni vun. Sin Taschengeld verdeen he sik licht, wenn he wat inne Keeg maß, wat anners keen Minsch kenn', denn he verstunn sik op allns. Sin Moder weer swach, man meen, he töv op er Enn, so war he sin Vater utkopen un en Handel anfangn. He lurger wul na en rike Brut, denn he harr dat smucke Reihmäden, wo he lang mit leep, sitten laten, of in Friedrichstadt schull he en Leeffte hatt hebbn. Sin Kamraden argern sik, dat de Dierns em doch so nalepen, he weer je en ol Knipohr, un seeg temli verdrögt ut.

Anton much mehr vun em weten, de sä awer nix na. De sin Ol harr nu dat Project na Australien uttomannern, um Gold to graben, un Anton wuß ni, ob he mitgan schull oder nich. Dar harr he vel mit Wendel awer spraken. He weer Timmermann as sin Vater, un beid weern düchdi. Awer de Ol harr narbens lang Ruh bi. Denn koff he en tosam Roh un ref sik rik an Botter, bet he wis war, dat se fährt weer; denn en mager Stück Land, broch der Knakenmehl op un sei swedsche Kaffebohn, de muß he tolekt süln opdrinken, nich mal Anton hölp em, obglit he jedesmal smack un vertell, wa schön de Kaffe to drinken gung. Nös Lehr he Proppens sniden, wo he in Winter sik alle Fingern bi toschann maß. Twischen in arbei he as en Pferd bi't Timmern un weer tag as en Keem un ni untobringn. Nu wull he Gold graben! En Windsack vun Glaser mit sieben acht grote Jungs de eben so prahln un logen as er Ol, wulln los. Dar keem en Blicdensläger, en rechten Schesterbütel, un en eben so fuln grotprahligen Slachter de allemann schüllli weern, de harrn Böker, wo dat Gold un de Rohm in bi Schepels utmeten war. De seten tosam bet deep inne Nacht un schregen un reden, dat de Nawers keen Dg to kregen. Dar smök Anton sin Ol merrn mank, sitdem blot dofskellige Zigarrn, de he süln dreih,

töv: wartete. Knipohr: harthöriger Mensch. narbens, nargens: nirgend. tosam Roh: Ruh, welche kalben soll. fährt: trocken, unfruchtbar. sei: säete. schwedsche Kaffebohn: Traganth, Astragalus, damals beliebtes Kaffeefurrogat. smaden: schmazen. tag: zähe. Blicdensläger: Klempner, Glaser. Schesterbütel: Schwäger, Herumläufer. dofskellig: taubkollig.

de steek he bet halfwegs inn Mund, so dat he man stotwis mal mitspreken kunn. Morgens fröh rē he denn desto mehr bi de Ex un arger Anton, denn he frag jümmer: Wat, wat? is ni wahr? wat meenst, Anton? Un doch heel de so vel vun em, dat he em ni alleen gan laten much un ni ut noch in wuß. Ton Glück kunn de Dl sin Hus ni los warrn, un verkopen de he ni lich wat to billi. Anton harr ok binah noch Lust, he dach blot de „glasern Büch“ schull eerst mit sin fransöschén Jungs un de gelehrte Klemptner aftrecken. So lang ra' he jümmer af vunn Bertop un maek sin Dl grotharti, wa vel Hus un Garn werth weer.

Anton weer lustiger wen as gewöhnli, nu war he wedder stiller as sunst, un doch weer em so licht to Sinn, as trock en Musik vunt sülsen dær em hin. Man hett dat so mit, wenn man junk is. Dat kumt æwer Een as mennimal en Schin æwert Feld, man weet ni, wo he herkumt. So wenn man toerst wedder en grön Saatkoppel süht mank den Snee, de wegdaut, oder en Lurk singt Een um Faßlabend unvermoden ævern Ropp: dat is man een Ton, un doch steit de ganze Summer mit em op, sogar schöner as he warrn kann.

De beiden Ramraden gungen stumm bi enanner fort. Man brukt ok ni jümmer to snacken un hett doch gut vun sik, de Gedanken sünd ni alleen un man kann se los warrn wenn man will. Anton leet se wannern, se weern all licht un sorglos. He kunn sogar an den Glaser denken ahn Arger, un vel annere Gestalten trocken so verbi, all fründli. Doch as de lezte Ramdag væræwer gung, do weer dat blidste Gesicht doch dat vun de Pennmeister sin Maria, un wo he ok anfang, dar gleden de Gedanken jümmer wedder na to as en Rad in en blant Spor. He muß sik er værstelln wa se stur un adrett verbigung, wa dat Kinn er rund ut dat Mühenband keek, un en Paar Dgen, blau un fee as vun en Kind, stunn' em vær, he kunn se ni los warrn.

Do så he to Wendel: De Diern hett doch mal wat Absunnerligs inne Dgen, awer so smuck kann ik er ni finnn! Wendel much awer ok sin Gedanken hatt hebbn un harr vellicht an ganz wat anners dacht, datz verscheden bi den Winschen. He hör man kum un så ja as in Glap. So gungn se wedder stumm bi sik hin, bet Anton anne Dær weer,

---

Ex: Axt. grotharti: stolz. blid: freundlich. gleden: glitten. stur: steil, sauber. fee: schüchtern.

do sän se sik Gunnacht, un as Anton in sin Kamer keem un sin allbägli Reitschop liggn seeg, doch he deran dat morgen Marksdag weer, he schull op en acht Dag' na de Marsch to en Bu. Arbeit is de beste Wis'pahl vör de Gedanken inne Fremden, de bringt se licht wedder op den gewöhnlichen Weg. — He le sin Saken torecht un sik int Bett, un sleep, bet sin Ol em mit Sünnopgang wecken de. —

Dat is wat eenförmig inne Marsch; sogar dat Eten un Drinken is swar un eenerlei as de Arbeit un de Vorrn, wo dat op drift un dreben ward. As Bullmacht Witt mal sin Arnklud aflohn, frag he: Na Rinnerz, wa lang sünd jü hier wen? Do antwor de mulsarri Amilink: Ik weet ni, awer sabentein mal hebbt wi Mehlbütel eten! un de Bullmacht sä: Denn lett sik dat utrefen, dat gift sabentein Dag'. — Awer wat Verännerlichs will de Mensch mit hebbn, un wenn't to selten kumt, so maht he't towilen wat buntig. De Knechten un Arbeitslud sünd meistens ari rog, un de Burn sitt wol mal mit en Nacht dör int Büsumer Mark un sinnt den annern Morgen, dat se bet anne Arnorn in Win sitt. Se sünd of mit an Sünndagabend in Wesselfurn achtern Kartendisch kam' un eerst Mittwoches wedder opstan, wenn de Lud to't Wesenmark fahrn. Inne setten Jahr, vör disse, plag redi dat ganze Land de Gwermoth, do tründeln er Jungs mit Speetschen oppe Del un de Olu mit Ducaten oppe Regelsbahn; en Bur hett inne Heid mit sin Grottknecht achter twölft Lichten un twölft Buttel Win seten ganz alleen, un dat weer keen Wunner wenn mal Een den Hals brok, de vunn Roog rut lifawer na de Geest riden wull, oder awer en Barg Stroh anne Mür na sin Schündack rop. De ganze Marsch harr den Rappel, un as de schlechten Tiden keem', do schoten se koppheister un vun Hus un Hof heraf, de fröher meen' dat stunn as op en Vossborn. Domals is menni Knecht to en Besitz kam un menni old Husholn anne Arntkass. Dat hett vel Unheil brocht un doch mit Gotts Hölp sin Guds. Vele

---

Reitschop: Gerätschaften. Wis'pahl: Wegweiser. Ig: legte. Vorrn: Boden. Bullmacht: gewählter Bauerschaftsabgeordneter im Ditmarschen. mulsarri: maulfertig. Mehlbütel: großer Mehlsack in einem zusammengebundenen Leinentuch (Beutel) gefacht. ari: ordentlich, ziemlich, recht. rog: rauh, roh. Mark: Markt. Arnorn: Knöchel. Mittwoch: Mittwoch. tründeln: rollen. Speetschen: Thaler. lifawer: gerades Wegs hinüber. Schündack: Scheunendach. koppheister: kopflüber. Vossborn: Ahlboden, Eisensand. Husholn: Familie.

de in Armoth fulln, de sünd of wul ganz dallsack, wenn se sik ni bögen kunn' un de Arbeit don vær er Plogjung vun fröher, oder mit anschn dat er Rinner dat den, un de Brannwin hett hölpen un de Krankheit darto; awer of sünd dar wüch sunken un heeln doch den Kopp haben un de Nam rennli mit Flit un Fliden. Rich Alle hebbt vergeten wa se herstammt, un ni Een wa wackeli dat Glück is. Wi künnt noch mit en Bullmacht nöm, wa de Grotöllern in Füll seten un de Bader oppen Knüll, un de doch mit en Spaden sik den Weg grab na den Hof, de sin Moder em mit Thran wißt harr as de Stell vun er Weeg. De Tid hett Ißen prövt un Stahl utsmedt: seh man uns Volk an, mit Leden as Böm, un bi de Wefern is noch dat Og apen bleben un de Hand vær de, de fröher in Wullleben toschann' gån sünd. So mag dat noch all gut wen, so bunt dat of is.

Anton much der wul op en Tidlang wen, he paß der mank un spel sin Kull mit sin Kraft, he arbei vær Twee un verdeen darna. Oppe Läng' war emt frili eensam. Man mutt inne Marsch barn un tagen sin, anners hollt man't ni ut. Als de Sünn un Maan so löppt dat Dagwart dar af, so gat of de Gedanken jümmer densülwigen Weg, darum ward se of hart un fast, un bi Bele deep un klar, dar brukt sik en Gelehrten ni vær to scham'. In Summer kannt prächtigen, wennt all as en Sammt eben is oder vun de Rappsaat as gele Sid, de Himmel unendlig un de Seelenruh op Minsch un Beh. Dat vergitt de Marschmann nich, un mank Busch un Brok un in en Paradies ward em dat enk un bedrückt um't Hart, un he triggat dat Marschweh na disse wehmödige Pracht. Meent jüm, dar hört vel Klavier un Böker to, hier en Seel apen to maken oder dat Hart to lengl?

Anton arbei op en eensam Hof. Dat weer en wunnerschön Wedder. Wenn he Abends möd op de glatten Balken seet de he Dags behau, enige Knechten bi em, sacht to klæn', denn dat weer so still, dat man de Wagens vunne Heid hendal klætern hör, un de Dämmerung le sik allmäli op de Gegend, eerst oppe Geest as en bleken Newel, denn æwer de Möldorper

---

dallsack: versunken. Flit: Fleiß. wackeli: unsicher. nöm: nennen. Knüll: Rasen. Weeg: Wiege. Ißen prövt: Eisen geprißt. Leden: Glieder. Wefern: Weicheren. der mank: dazwischen. barn un tagen: geboren und erzogen. Busch un Brok: Holz und Wald. hendal, eig. herunter, hier: von dem höher gelegenen Heide her. klætern: rasseln.

un Heider Thorn un de annern de man seeg, as en Dēf un Flor: denn war em to Moth, as wenn man si wünsch man weet ni wat; he harr dat so geern, wenn de Bur sin lütt Dochder em oppe Kneen trop, en weekli lütt Diern mit Haar as Sid un himmelblau Dgen. He dach si er as grot un slant upwuffen, denn dūch em kunn se en Māden wēn, wa he vēr arbeitn much un er leef hebbn as he nu nix harr. Un sin Dgen lepen æwer de wide Gegend un bleben hangn an den düstern Heider Thorn, wo dat noch hersumm as vun en Getōf', un em weer as harr he dar sehn, wat he si dach.

Do frag he na Wörn rund, un kreeg licht to weten dat dar en ol Weifru wahn ut en rit Familie; de slog si sauber dær mit er smucke Dochder. Se kunn wol noch mal en Arfshop don, awer de Diern harr si ni trocken in de dūre Tid to deen', un weer bi den Pennmeister inne Heid. Dat weer se wēn! He küß de lütt Fläschopp un dach an Maria. He kreeg of to weten, dat se en ol Meddersch inne Heid harr, de he recht gut kenn mitsams er Dochder, de fogar mit bi sin Vader keem, un he dach, he wull si dar en Warf maken un er mal drapen. — Darmit gungn em de Abends hin.

Sünndagsmorgens keem he mit sin Reitschop wedder to Hus. Sin Ol stunn al int smuck Tūg vēr Dær mit en Zigarr bet achter innen Mund un de Backen holl vunt Eugen, de sã em glit, nu weert richti, nu harr he en Ropmann to Hus un Hoffstell de wat orndligs geben wull. Anton war verdreetli, dat dat glit wedder los gung mit Hahnpotensanslåg' un Grabben un, as sin Ol dat mark, sã he: Wat? wat Anton? wat meenst? is't ni wahr? un nu keem dat ganze Register achterna. Doch hör he gedüllli to, so lang he't utholn kunn. He war awer ganz dæsi un wranti, as he so na en acht Dag' ruhi Arbeit un Denken op eenmal herum-bistert war. He gung glit na Middag argerli ut un wull na Wendel. Den drop he nich. As he dach wa nu hingan, full em de ol Meddersch in, wo Maria Timm mit in un ut leep, dat keem em as en Licht op en düstern Fotsstig, he gung glit vēr. De Dilsche fung awer al oppen Drüffel an, ob he

---

trop: tropf. Wörn: Wöhrden, Kirchdorf westl. von Heide. Arfshop: Erbschaft. trocken: dem entzogen. dūre: teure. Meddersch: Ruhme. Warf: Gewerbe, Vorwand. Eugen: saugen. Hahnpotensanslåg': Hagebuttenanschlāge, d. i. nichtsnutzige. achterna: hintenher. dæsi: verwirrt. wranti: ärgerlich. bistern: irren. Drüffel: Thürschwelle.

so'n Marr weer un mit sin rappeli Bader na de anner Welt w'll um Gold to klei'n? un wat ni all! He leep dat he wegkeem. Do gung de Dochder, en oldbelti Diern de en beten hinf, mit vør Dær. Awer he kunn er nix fragen, denn en Nawersch keem, un he leep to Feld, argerli op alle Minschen.

He kunn sit kum æwerwinn', dat he na de Börs' un Geertohm stür, as dat Abend war. Doch de he dat. Geertohm frei sit; he weer de Wef wat swack un pipi wen, un de Kamraden weern stiller as sunst. Dat pass em noch am besten. He snack de Ol wat vør, bet he wedder smuster un sä: Drang' Bost un lusti Hart mæt tosam holn, Anton! So seten se un vertellen, un Anton sweeg, Wendel weer ni dar. Anton lur op em, he harr geern mit em alleen wat rum lopen un sit verlüstert.

As de Maan op keem un dat bald Tid to Hus to gan war, klapper noch de Husdær, un he dach al, Wendel keem noch. De Dær war awer ni wedder tomat, un Geert sin ol Süster steek den Ropp twischen de Dörnschdær rin un sä, Anton much mal rut kam'. He stunn op. Oppe Del hinf em en Diern entgegen, daran kenn he Meddersch er Dochder, anners harr he't ni sehn kunnt, denn dat weer düster. Doch seeg he noch, dat en anner ari wat gröter mit en Dok ævern Ropp inne Stratendær stan blev, wo dat en beten heller weer. De Hinken sä blot: Anton, wullt ni mal rut kam? un humpel vøran, de anner dreih sit of um, un so keem' se ünner den Kastanje dær op den frien Plaz. De Maan full hell æwert Husdach. Dar stunn de Mädens still un as se sit umkehrn, seeg he ünner den Dok en paar verweente Dgen so schüchtern un fee na em op sehn, dat em blöd umt Hart war, un he föhl glik, dat kunn keen anner wen as Maria er. De Hinken sä: Anton, du kennst wol Maria Timm oder hest er ehr sehn, as se seggt, se kumt eben bi uns an un weent, er Moder is dotkrank, se will noch na Wörn, awer se is bang alleen un se kennt Niems, Moder hett seggt du warst dat don un er hendalbringn. Das je düster Nacht Abend, wenn of Maanschin, werkeen schall man darto frigen? it kann je ni, un se will abslutz ni länger töben.

---

klei'n: graben. oldbelti: ältlich. Nawersch: Nachbarin. stür: steuerte. verlüstert: erleichtert. Dörnsch: Bohnstube. De Hinken: die Hinkende. fee: scheu. ehr: früher schon. Niems: Niemand.

Do seeg Maria em an: he weer mit er na de anner Welt gan, so beden de Ogen in Angst un Totrun, un se sä lisen: It doch, du warst dat don! Anton sä: Geern Marie, it hal man min Müß rut, un ili gung he rin, sä Gunnacht un he harr noch wat to frigen, un gung in Maanschin, dat Mäden anne Sit, langs den Fotstig na de Westerweid herut.

In de lezten Hüs' weern al keen Dichten mehr an, un op de lange Reperbahn stunn' de Schragens verlaten as Per, de oppe Koppel slapt. As se bi den Scheernsliper sin Kath verbigungn, trock Maria den Doß dichter ævern Kopp, un bald bögen se den Fotstig in, de lif na Wörn hendalsöhrt, dat is man kum en Stunn.

Se gungn stumm bi enanner her. Anton weer eerst wat hasti wen, em klopp dat Hart vør Freid un Angsten, as em dat dærn Kopp leep, dat he mit dat Mäden alleen bi Nacht dært wide Feld gan schull. He war awer glif ruhi to Sinn, as se man en beten gan weern. He dur æwer de arm Diern an sin Sit, un doch föhl he sik so glüclik bi er, he muß nig to seggn, un gung stumm bi er an. Sobald se awer op den langn Stig keem', sä Maria mit en hasti Stimm un as feil er de Athen: Wenn se man noch lebt, wenn it er man noch wedder seeg! Do frag Anton wat er denn feil, un Maria antwor un snucker: Se hett so vel leden, dar is dat Enn vun weg, se is ganz tonicht, se is al swack, sit Batter dot is, un doch kann se sik ni schon'n. Denn wiß se sik de Ogen, un Anton hör, wa se innerli ween un dat ni marken laten wull, bet er na un na de Stimm keem un se dat verwunn. Do tröst he er, dat war noch gut warrn, un frag er neger, wa se dat gung, un se vertell em, wul truri awer doch gelaten, un er ganze Hart war apen vør em:

Se harrn dat mal gut hatt, un dat weer er nich inne Weeg værsungn, as se inn Roog op en groten Marschhof wahn', dat se noch mal ut muß bi fremme Lüd to deen. Se harr en Mäden hatt, de er wahr, un fregen wat er Hart sik wünsch; er Dellersn harrn er an Ogen hungn, un de Lüd vør er dan, wat se er affehn kunn'. Awer lang harr't ni durt; do weer Bagt un Schriwer æwert Gut kam, se harr sehn,

---

Totrun: Zutrauen. Schragen: Holzböcke der Reiser, Schlachter zc. lif: gleich, gerade. he dur æwer de Diern: das Mädchen dauerte ihn. feil: fehlte. snucker: schluchzte. leden: gelitten. verwunn: überwand. wahr: hürte

wa er Speltüg oppe Bolen verkofft war, so vel se of ween; er Vatter weer verkümmert un to Grab gan un se mit er arm Moder in't Glend. Erst harr se't ni so föhlt, denn se weer noch en Kind, un all Lüd muchen er liden. Awer bald weer er Moder anfangn to süken, un de Frünn harrn se verlaten bet op wenige ole, de noch mit en Schepel Weten schiden oder en Stück vun't Slachten, un as de düre Tid kam weer, harr se dat ni æwert Hart bringen kunnt, dat de ol Fru of noch hunger, mit Sticken un Neihn weer ni vel to maken, dat den de Mamsells nu all sübn; so harr se en Stell annehm mußst, un se wull of ni klagen, se harr gude Lüd drapen, wenn se nu man noch er Moder beheel!

Se war wedder ganz truri, un Anton harr nog to don er man alles Gude vartofnaden un dat se je ni glif dat Argste vermuden muß. He dach darbi wider an nix, as wa leed em dat de um de arm verlaten Seel, un so sprok he of to er as wenn man tröst, recht vun Harten, de Ton hört sik licht rut, un op de Wör kumt't ni an. Wenn se denn awer de natten Dgen dankbar na em op wenn', so fahr em dat dær de Seel, he harr er inn Arm faten mucht un er heemli seggn mit noch en ganz annern Ton: se schull ruhi wen un sik an em holn un Den dar haben, he wull er Allens wen mit den sin Hölp un mehr as Vater un Moder. Awer he schu sik davær, he heel sik mit Gewalt dal un sprok sik sübn wedder told. Doch seeg he nix op den langn graden Weg as dat bleke Gesicht in Angst un Sorgen, oder de sture Gestalt in Maanschin de vær em op æwer en Klamp swev: wer seeg de dat an, dat Kummer er dat Hart drück? Un as he noch dach, de Weg weer lant, se war noch ruhiger warrn un dat Wort war sik sinn', he muß er wat seggn: do weern se al an't Stegelsch bi de Wörner Mæl, un en Jung keem jüs ræwer, de Maria kenn. De sä op er hasti Frag', dat weer wat beter mit er Moder, harr de Doctor seggt, he schull noch na Apthek in Heid un Drapens hahn. Do vergeet se er Angst un Allens, se sä man kum Gunnacht un Dank to Anton, er stod dat Hart un de Sprak vær Freid un Weenn. Gottlof un velen Dank un Gunnacht dat gung dærenanner, dat weer wul all een Ved, de na'n Himmel hör: wa kunn Anton wat aners seggn as Gunnacht Maria, gude Betern to

---

Bolen: Auktion, öffentlicher Verkauf. süken: kränkeln. nog to ton: genug zu thun. Klamp: Brücke. Betern: Besserung.



Huß! un darmit fehr he mit de Jung um. Doch kunn he ni laten noch mal um to sehn, wa se hasti æwer en lütt Steg vun den Fotsstig afbög un dær en Garn op de Stigen hin un her, de se wul genau kenn, so rasch as mægli na Wörn togung.

De Jung sä, de Weg weer neger awer bisteri; se verswunn ünner de Böm un de Schatten. — Do fehr he rasch um. Vær un um em leeg de wide Marsch, de ripe Weten blenker gel inn Maanschijn, de Stig gung der merrn dær, de Jung, vær em ut, weer ganz int Korn versteinen; ut de Gröben damp dat, un de Thorkloß inne Heid weer man eben æwert Feld hin to hörn: dat muß ölbñ wen.

Anton wuß ni wa de Tid un de Weg bleben weer, em düch, dat weer en Ogenblick, dat he mit Maria utgung, un he harr noch gar nig sehn vun allns um em rum. Awer he arger sit dat he nig seggt harr to rechten Tiden, so wat funn sit ni wedder tohopen! Un sin Hart dräng em, he harr umfehrt un er nagan, harr he sit ni schamt un er schont vær de Jung bi em an. So wöhlñ de Gedanken in em rum. Un doch trock de Glückseligkeit dær em hin as en Grefen, un de Freid bet inne Hann', he reet de ripen Marn bi Hannvull af un sei se æwer de Gröb, as weer allens sin un he harr Rikdom to versleiden un weer keen Enn op dat Glück. Un lisen mummel dat Leed em dær den Sinn:

Min Anna is en Ros' so roth,  
Min Anna is min Blom,

un de Nam veränner sit wenn he opkeem un war Marie, er Gestalt swev vær em un he dach sit dat weer doch sin egen!

De Jung kreeg eerst gar keen Antwort, as he wat vertelln de, un verwunner sit æwer den groten langn Minschen, de achter em de Marn utreet, as weer he dull un jümmer bi sit sülbn snack, bet Anton toleß ruhiger war un oppe Grenz vunne Geest noch to weten kreeg, dat de ol Timmsche wul wedder beter war, awer de Doctor harr seggt, se weer to swach un kunn ni alleen bliben, de Dochder muß wedder to Huß. Gude Frönn' harrn sit of tohopen dan un warn dat sacht mægli maken.

bisteri: zum Berirren. ripe: reife. Weten: Weizen. merrn dær: mitten durch. ölbñ: elf. bi em an: neben ihm her. Grefen: Grauen. sei: säte.

Darmit verleet he em, de nat Mark to gung, un slenker alleen achterum. Geertohin sin Hus leeg düster achter de Böm. Wa seeg em dat all anners ut, de ganze Heid un wat de Dgen reden! vun morgens so verlaten un eensam un nu so vull un freidi, he harr de Böm inn Arm saten kunn! —

Sobald he den annern Abend vunne Arbeit keem, söch he Wendel op, he muß dat los wjen un wull em't vertellen. Awer as he bi em keem un de sin luri Gesicht anseeg, do kunn he gar ni recht mit de Spraak værn Dag. He vertell blot baben hin, dat he Maria Timm noch inne Nacht na Wörn hendal brocht harr, un as he so mit anbroch, so weer en herrli Diern un so, do heel Wendel em dat gude Ohr hin un sä wat spißfinni: Wefe Botter un warm Hart kann man licht inne Kruf krigen, lat di man ni fangn, Anton! — Do snacken se vun wat anners.

Na enige Dag' frog Anton mal bi de ol Meddersche vær, de harr noch keen Naricht vun Wörn, doch meen se, dat war säch beter stan. Sünndags weer Anton gern mal hendalgan, awer he harr tofälli to vjel to don un kunn ni weg, un na Fierabend ann Warteldag much he nich, do he weni in Wörn bekantt weer un ni so dribens bi Timmsche værgan kunn.

Daræwer verleben enige Wefen. Dat wunner em doch, dat Maria nich en Wort vun sik hörn leet, nich mal en Bad heropschick. He dach nich daran, wa sur se't vellicht harr bi er franke Moder, wa licht so wat versümt ward mit den besten Willn. As he mal wedder bi de Meddersch værleep un dar wat vun falln leet, do fung se an to schelln, dat weer en grotharti Volk, se harr ok noch keen Naricht! De kunn' ni vergeten, dat se mal wat wjen weern! Se harrn nu en beten Ünnerstücken kregen, nu blev Mamsell Dochder hochnäsi bi er værnehm Moder. He schull sik man ni ver-siken in en glatt Gesicht, dar weer em nig mit deent, de lur ok op ganz wat anners as op en Zimmermann, de hæp noch op Arschop un Rikdag' un wenigstens en Prinzen!

Fat man Een bi den Stolt an; wenn he en Kerl is, so tredst du em dærn Busch un blev ok Gut un Haar sitten oder dat beste Stück vun't Hart. Meddersch harr Anton sin

---

vun morgens: heut morgen. Kruf: Krug, Topf. dribens: geradeswegs. Bad: Vote, Bottschaft. grotharti: stolz.

swacke Sit drapen; he löv er jüs ni ganz, awer dat kribbel em doch bet int Blot. Dat kunn doch wen, düch em, un he wull Keen nalopen, de vör em utbö; denn kunn he den Weg alleen finn'! He maß sit süln hart, wa he't gar ni nödi harr, un quäl sin Gemöth, of wenn dat schreeg in sin Seel. He snack iwri mit sin Ol vun de Reif' na't Goldland, so dat de rein glückseli war un em een æwert anner frag: Wat? wat meenst Anton? Un Abends inne Börf' weer he de Ludste bi't Lachen un Snack.

Jüs in disse Tid kreeg en egen Art Minschen sin Stig na Geertohm, en öllerhaften lütten Quicksteert vun Kerl mit wille Ogen. De Kerl harr en Mülledder as en Aftat un steek vull vun Knep. Alle jungn Bengels hungn glik an em, he harr de ganze Börf' ant Band, sogar Geertohm. Dat munkel ni vel Guds æwer em, dat wuß he süln un maß dar sin Dünjens æwer. He schull fröher mit en Orgelkasten lopen hebbn un egentli en Jud wen. He harr of en beten krumme Näs', awer sin krus Haar weer flassenwitt. Dar ruffel he geern mit de Hand mank, wenn he recht vertell, of harr he en Snurrbart. He weer ut Elmshorn hertrocken un harr sit hier inhürt un en Laden inricht. He schull nette Saken hebbn, of en Halsswester oder Cousine, de Geld harr un banni smuck weer. — He weer glik as to Hus mank dat Juntkvolk un nöm alle mit er Bærnamz. Wendel muß em al fröher kennt hebbn, de harr em toerst mit na de Börf' brocht; he sä, he harr em ehr op Marken drapen. He heet Grewe.

Anton much den Kerl ni recht liden, awer dat weer em nu je bunter je beter, un Grewe trock em glik vör, sä of, he schull man mal hinkam, man bruk je ni glik to kopen, wenn man en Handelsmann in't Nest rük; un as he em mal Abends oppe Strat drop, ni wit vun sin Hus, kreeg he em mir nig dir nig mit rin. He wiß em sin Laden, wo he't banni anne Snor harr, un as Anton sit verwunner æwer all de nien Saken, ruffel he in sin Haar: he wull den Handel hier eerst oppe Strümp bringn! Darbi wipps un schester he

---

löv: glaube. kribbel: verdroß. Keen: Keine. nalopen: nachlaufen. utbö: ausbog. Quicksteert: Bachstelze, unruhiger Mensch. Mülledder: Mundwerk. Aftat: Advokat. Dünjens: Dünchen. ruffel: fuhr hindurch. inhürt: eingemietet. op Marken; auf Märkten. rük: röche. wipps un schester: sprang und lief.

jümmer um em rum, un as he em allns wist harr sä he: So, nu kumm man in un segg min Süster Gunabend! Anton trock sik darvæ, he harr der eerst gar ni an dacht, he weer in't Arbeitstüg un much sik ni sehn laten, dat weer all so fein oppe Bærdel. Awer Grewe harr de Klink tofaten un de Dær op un em bi't Jach: eenerlei, eenerlei! wi sünd nu eenmal Nawers un mæt uns of inn Alldagsrock kenn' lehrn! un schov em herin.

Do keem en Mäden vun en lütten Disch bi't Fenster op, de jüs er dicken Haarslechten faststeek. Se leet sik ni störn, weer glit in Ordnung un gung, as de Kopmann sä: dit is Anton, Mine! fründli op em to un gev em de Hand. Denn nödigen se em op en Stohl.

Weer he of eerst verlegen, so wussen de Lüd doch glit wat to snacken, so dat de Sprak togang' keem. Se weern man slicht Börgerlud, as se sän, awer as Kopmann muß man en beten vært Og don. In Elmshorn harrn se vær de Juden ni recht to Gang kam kunnt, hier hæpen se schull dat mit er lütt Kaptal, wat se gottlos harrn, wol gan. — Se warn ganz vertrut, hörn allerlei æwer Land un Lüd ut, dat weer nödi, sän se, un so vertelln se of allerlei wedder, besunners æwer Elmshorn. Grewe scholl op dat Judenvolt dar, dat Mäden harr awer doch en beten Heimweh, se sprok wat weesmödi, of mehr fremd inne Utred as er Broder, dat klung nübli nog vun den roden Mund, besunners as de Broder mal rut weer na en Kunden un se binah anfang to klagen.

Se harr sik fur dærslan mußst mit seine Arbeit ehr se to er Geld kam' weer un mit er Halsbroder en Handel anfangn kunn, se weer hier so alleen, doch hæp se, dat gev allerwärts gude Lüd. Un as Grewe mit Getös' un mit en brenn' Lamp wedder in Stuv keem, seeg Anton dat er Ogen truri weern, se weern düster swart. De Kopmann broch noch en nie Art Zigarrn mit un bo Anton an, awer de seeg ant Licht, dat dat sin Tid weer un leet sik ni holn, so vel he of prampeeer, un de Schwester sä: he kumt gewis mal wedder, he ward uns nich verkenn'! Anton klung dat ganz fremd un as en Klag'; he gev er de Hand un sä, an em schull't ni liggn, he war bald wedder kam'.

---

trock sik davær: suchte sich dem zu entziehen. Utred: Aussprache, Dialekt. hæp: hoffte. bo: bot. prampeern: lärmten.

En nien Ankomm in en lütten Ort is as en Suerdeeg in en Badeltrog, da kumt allns wat mit int Gährn. De ganze Nawerschop vertell vun Grewe un sin Swester, de Een un Anner leep ut Nieschir hin un koff wat. Grewe weer en Hauptkerl mit Alle to spaßen un to snacken, de Jungs mit en Gesicht bang un mit en Plumm vertrut to maken, man weet, dat geit se as de Hunn', wo man se am meisten brü't, dar lopt se am mehrsten hin. Dat dur keen Wesen, so harr de nie Kopmann en Stig na sin Hus, wo keen Grashalm piln kunn, un Jedermann læb de Waar un de Pris.

Grewe keem na en korte Tid süln na Anton un bē em un sin Ol op en Abend hin, he wull sin Hus inwihn. He harr de Ol sin Seel glik opt Sleptau. Natürli wuß he inne Golbländer Bescheed as op de Heider Straten un mak den Oln de Mund so söt, dat he sik um den Bart slied un Anton toplink, un nadem he weggen weer, sä he: Wat Anton? wat meenst? das en Kerl! en verdöwelten Kerl!

Grewe harr noch enige Nawers mehr inladt, de seten temli stif un steil op er Plätz, as Anton un sin Ol ankeemn, enige junge Lüd un Mädens weern dar, Wendel feil of ni. Grewe büg der mant rum, räsonneer un nödig ton Roken un Thee, sin Swester harr dat Opwarn. Se weer blid atwer man still, un wenn se Een de Tass' hinreck un de Dgen na em opslog, so harr se wat Absunnerligs un Fremds, un de Mund weer jümmer truri, wenigstens keem Anton dat so vær, he dach noch daran, wa se den eersten Abend mit so'n klagen Ton to em spraken harr, den hör he rut, wenn se of noch so blid fragen de. De Dierns kelen na er modsch Klee, wat er temli vun de Schullern glee un de værnehm schrege Haarscheed. Atwer se drog dat so slicht un recht, un nüel de düstre Popp so ehrbar, as wuß se der nig vun, dat hör der to un se kunn ni anners.

Grewe schester en Tidlang na'n buten, reep of Wendel na Ræf un keem denn mit Getös' un hemdsmauden mit en Punschtrin oppen Disch, de harrn de Beiden süln bru't, dat weer ganz wat utsöcht, dar keem en Hamburger Extract in,

---

wat: etwas. Nieschir: Neugier. Plumm: Pflaume. brü't: nedt. piln: aufschießen, von Pflanzen. slied: leckte. toplink: zuwinkte. büg der mant rum: lief zwischen ihnen umher. Opwarn: Aufwarten. blid: freundlich. fragen: zum Essen und Trinken nötigen. glee: glitt. Haarscheed: Scheitel. nüeln: den Kopf neigen. hemdsmauden: in Hemdsärmeln, ohne Rock.

se schulln man mal proben! Un denn warn de Glæs torecht stellt, un he schent in un maß en Larm darbi, dat dat Gludbern un Stohlrücken vun de Frunslüd kum hört war, de al vun den Geruch in Dprohr keemn, un de Oln prahln of lud un smöken starker. Do neem Wendel sin Glas un heel dat gude Ohr gegen Disch un leet den nien Kopmann leben un sin smuße Schwester. Darop stötten Alle an un drunken, un dat gev en Getös', de Dierns wulln ni un den't doch un maken en Gesicht, as wenn't sur weer, oder hosten ganz erbärmli, weern awer doch banni vergnügt.

En Rundgesang keem ni to Stann'. De Oln stunn' bald op un gungu to Huz. As Grewe do wedder rinwippst keem, ruffel he in sin witten Haar un sä: So Minners, nu stellt man en beten anne Sit! un in en Ogenblick harr he en Biglin halt un sä: nu en lütten Danz, dat is heiter: He spel op; as se stunn', so gung dat los, tofälli muß Anton bi de Schwester stan, Wendel keem sunst jüs un wull er opnehm, Anton düch he glup em fort an un dreih sik forß um, do gung de Danz al los, un Anton vergeet Wendel un allens. He harr süßn en beten drunken, un sin Gedanken weern wannert, he harr na de Marsch dacht un den Abend na Wörn, he kunn em ni vergeten un den Arger ni verwin', ni Arbeit harr hölpn noch Getös', em weer doch jümmer weh, un wenn he sik mal en Tokunst bu't harr, de em anlach, so mark he eerst naßer, dat de Spiegel darin Maria wen weer un dat se dot un düster war, wenn se feil. Doch en gesund Hart ward wul drückt awer ni bückt. He steil sik un he meen, he heel sik an sik süßn. Dat meen de of, de sik bi sin egen Ohrn ut en Däpel trock.

He weer lustiger as se Al. Dat Blot war em hitt, as he so herumsus' un hendalseeg op de feine Gestalt, de mit em slog, as weert en Fedder. Se war of lebenniger, se seeg sunnerbar darbi ut un paß ni manß de Annern. Se weer jümmer lisen un behenn', un dat Gesicht weer ruhi, awer doch weer se hasti, un de Ogen harrn wat Wilds. Se seeg Anton an, dat em dat dærgung.

Grewe weer ganz ut Rand un Band. He fung en wunnerli Melodie an to spel'n as de Annern en Ogenblick puß

---

Gludbern: Richern. feil: fehlte. steil sik: richtete sich auf. Däpel: Sumpf. puß holn: verschmausen.

heeln, darbi danz he inne Stuv rin un wink sin Schwester. De stunn eerst un besunn sik, awer op eenmal rich he sik op Töntjen op, sett de Hand inne Sit un sung son absunnerli Danzen an, knipps mitten Finger un swev op un dal, dat Alle still warn un to seegen. Dat weer, as wenn se sik bög na den Takt un rumküsel vun en Triller oder inne Höch wiipst war. Darbi vertroet se keen Mien, awer se glänz, man seeg dat Witt inne Ogen. Denn de se en Schrigg, as war se angst, slog inne Eck un smeet sik oppen Stohl, de Hand vort Gesicht. Man seeg wa de Vossen er gung, ob er wat ankam weer oder dat se sik so angrepen harr; de Mädens stunn' verblit op un schu'n sik doch er to fragen un to hölpen, so wunnerli harr sik Alls, Anton weer as dun, dat dreih em vörn Ogen, awer Grewe sa glitgülti, dat war sik geben, dat weer man en lütten Anstot, se schulln sik man ni störn laten.

Doch dar weer ni an to denken. Enige harrn al er Döker umflan, dat keem an't Gumnachsegg on een Enn' as Grewe op den annern torecht stell un to sitten nödig, un de Gesellschaft weer verstaten, ehr Anton to sik sübn keem un of sin Müß in Hand harr. Wendel weer den ganzen Abend egen wen un gung of. Do keem em oppe düstre Del en Schritt naslegen, Mine greep sin Hand un sa mit en wille Hast: „Nimmt ni ungut Anton, du warrst mi ni verkenn!“ un slog wedder inne Stuv torügg. He seeg noch Arm un Schuller as se inne Stubendær bög, un gung verbistert to Strat. —

Dat keem em vör as en Märken, de he wul kenn, nich as en Geschichte, de he in Rawers Hüsen belebt harr, as de kole Nachtlust em anweih; dat weer al deper inn Harst. He kunn awer un much sik of ni besinn', dat Hart klopp em, un dat Geweten stree sik, awer he drück Alls torügg un leet de Gestalt vör sik sweben, much't gan ast gung; denn dat ni Alls richti weer oder vör em ni richti warn kunn, dat föhl he as en dump Gressen vun binn', wat wul en Feuer bedüt. He le sik to Bett, vergeet Radenken un Beden, un wild Tüs in Ropp un Harten sleep he in.

Of de Arbeid wull ni smeken, he bu jümmer Lustlöffer,

---

Töntjen: Behen. küseln: drehen. angrepen: angegriffen. verblit: erschrocken. sik schun: sich scheuen. dun: trunken. stree: stritt. Gressen: Grauen, Schaudern. Tüs: Zeug, Gedanken.

he wuß süßn recht gut, son ut Glas mit en ewigen Summer ünner, de sit to de Ex schickt as Sammt un Sid to'n Fäherd, se müssen tolek tosam falln as Kartenhüs' vör en Athen, awer se stunn' doch jümmer vör em op mit en Glanz, de em de Dgen verblenn as en Nachtlich en arm M. Egentli wuß he doch of ni warum he en slecht Geweten hebbn schull, he bruk sit nix vartosmiten, düch em, he harr nüms wat verspraken un nüms wat braken, man kunn sit of wul mal warm', ahn sit de Fingern to brenn', eenmal muß de Minsch rasen, un æwerhaupt wull he nix, am wenigsten wat slechts; schull man glif Minschen verdächti ansehen, wenn se ni weern as anner Lüd? Frili, as Grewe anlachen keem un em frag, wa em't gefulln harr, do keem he em vör as en asharitten Sünner, de en Anfänger den krummen Weg wiß't, de Kerl weer em inne Seel toweddern; awer as een un de anner vun de Nawers mit de Pip oppen Zimmerplatz keem un æwer Mine en verdächti Wort falln leet, do sprot he vör de Lüd, as weer he er Afsat un Barmund: man muß doch ni glif æwer sin Nebenmischen herfalln, wenn se ni ganz to een passen, man muß se eerst kenn' lehrn; un re sit süßn sin Plichten vör: he wull ni vör se weglopen, blot wil se hoge Hacken ünner de Steweln drogen.

He gung bald wedder hin, dar full nix Absunnerligs wedder vör. He dach sit süßn to Ruh, so gut dat gung, he sä sit ni wat egentli sin Gedanken weern, he kunn blot ni wegbliken. He kunn dat ni entbehrn, Abends to kam un sit in en anner Welt rin to snacken un rin to sehn an de fremme Gestalt un düstern Dgen. Gut de em dat ni, wa't hinsöhrn schull, wuß he ni, awer laten kunn he't ni. Doch harr he Verstand nog of keen Gelegenheit to söken, of meer Wendel gewöhnli dar un meistens al ehr as he, de gung of mit em weg, awer se sproken ni daræwer. Mennimal schin em, wenn he keem, as wenn Mine verweent utseeg, se war awer jüs denn bald am muntersten, denn kunn se wul en Seed singn, wa er Broder to mit de Hand oppe Biglin spel as op en Guitarre oder Zither. Se sung wunnerschön, dat gung Anton dör un dör. Doch sä he nix deræwer, awer Wendel hör nip to un wuß sin Wör to stelln, dat Anton sit arger.

So versüm he ganz de Börf' un Geertohm. As he nu noch wedder inn Harst op en Wef buten Ort muß, full

---

Ex: Art. M: Gule, Motte. vartosmiten: vorzuwerfen. nüms: niemand.



em dat opt Geweten, un he gung bi em vør; tofälli muß de Ol sin eerste Tour na de Marsch hendal wen un weer ni to Hus. Do gung he of noch na Grewe. Mine weer alleen, se seeg wedder ganz verweent ut, wisch sit awer de Ogen un söch sit ruhi to stellen. Se weer awer ganz absunnerli, Anton war snafsch darbi to Moth. Dat weer, as wenn se em wat seggn wull un dar ni mit rut funn, se fung mehrmals an, denn stoß er de Athen. Tolek gung se op Anton to, as wull se em bi beide Hann' faten, do keem jüs er Broder inne Dør, de er wat böß anseeg un denn mit Anton anfang to snætern. De sä awer glif abüs un he seeg, as he ut de Stubendør gung, wa Mine de Hann' mit er Doß vørt Gesich tosam slog un op en Stohl sack, em war binah gruli, denn de Kopmann lach un schrachel oppe Del, as wenn he en rechte Freid an wat hatt harr un ganz ußlaten weer. Anton gung nadenkli fort un wanner den annern Dag mit vel Gedanken to Hann' herut.

Heide is jüs ni wat en Stadt heet, awer doch de Punkt, wo sit half Ditmarschen um dreiht in Handel un Wandel. Man brukt awer ni wit to gan, besunners na de Geest rut, so finnt man oder funn de echte egenjinni Bur, de fast hollt an Borrn un Seden, as Pick anne Fingern; dat is all tag un drang', awer dat duert ut. Wenn he Sünnaabends na de Heid wen is, so hett he sit mal recht utprahl't un derschütteln laten vun all de glatten Tungen un grabbeligen Hann' vun de slauen Heider Börgerß. Denn sett he sit deep in sin Fivkamm-Rock in sin Wagenstohl un seggt so weni as sin dicken Per vør em, de eben so to Hus lengt as he. Un denn hangt he sin Swep anne Wand, un allns geit wedder langsam un bedächti, sogar de Sprak. Son Art tage Luft weicht Gen an, sobald man den Fot op er Grenz sett, awer gesund is se, besunners wenn man Nerven hett, se deit Gen gut as en Morgentölen, wenn de Fingern of freert.

Anton arbei bi en Holtenkramer. Dar weern fast en Halßduß Sæns un enige Döchder darto, de öllste al grau, un doch de Bader noch Herr int Hus. Alle arbei'n as Per, wenn't goll, oder legen oppe Stöhl herum, wenn't ni hilt

snafsch: seltsam. snætern: schwagen. schracheln: laut lachen. ut-laten: ausgelassen. Borrn: Boden. Seden: Sitten. Pick: Pech. tag: zähe. drang': schwerbeweglich. grabbeln: zugreifen. Fivkamm: eigen gewebtes Zeug. lengt: verlangen. Swep: Peitsche. goll: galt. hilt: eilig.

weer, Keen harr oder weer wat egeß, dat kunn enmal ni angan, de Diernß weern ni smuck un de Jungs harrn keen Beiß, so bleben se all bi enanner hucken, dar war ni na fragt, ob dat Glück oder Unglück heet. Dat weern sunst verständige Lüüd, awer zart weern se ni. Dat keem Anton an as en isi Luft, as he eerst mank se keem; nig als koldgrünni Vernunft un hartmusli Beresken, wa man ehrli dærkam kunn bet an en seli Enn', denn dat Geschäft weer schlechter warn; em war dat Blot rebellisch vær son Minschenleben as en Garn ahn en Blom, mit nig as Eten un Drinken in, un dat muß he jümmerlos hörn, un wat he ni hör, dat seeg he. Fröher war he deræwer lacht hebbn as æwer en Snurrip, wa sin Ol en ganz anner to blas', awer nu gung em dat an, sin Welt weer in leß Tid gar to blümerant wæn, dat weer as wenn em in eens fort de Text lest war, un he kunn't sit ni bargaen dat de Predigt em drop. Darto weer em ni recht wol, de Arbeit war em sur, wat he sunst gar ni kenn, he fürch, dat he krank warrn much. Do war dat Leben em grau un düster; een paar Jahrn un em düch, denn weer he nich mehr junk, denn muß he of isern un verdreetli dær de Welt stigen, bet he den Kopp dal le, as so menni Een, un doch harr he so vel hæpt! — De Gelegenheit fehl, un sin gude Natur heel em haben, sunst weer he in Gefahr wæn mit Bier dat Glück to söken, wo so Beße de Dullbein finnt, de eerst dun maßt un denn dörfst, awer toleß elenni vær iimmer.

He arbei verdreetli los, mit en Art Ingrim, worop dat wuß he nich. De Holtentrumer meen, he weer krank, un as he na en Halßtig Dag' klar weer, gung he of half quini na de Heid to. He keem sit süßn jämmerli vær.

Oppe Schanz drop he een vun sin Ramraden ut de Börß, en jungn Slachter. De seet achter en Glas Eierbeer un trummel mitte Fingern oppen Disch, he lur na en Kaltwerwagen. He war vergnügt as Anton rin keem, de mit al sin Reitschop oppe Rack man kum in Dær kunn un sä: Na, kumst du endli wedder? Du süßst ari aschæwelt ut, du heßt wul en sure Wef hatt? Darbi maßt he em Plaz bi sit an, un Anton sett sit oppe Bank, leet sit of en Glas Eierbeer bringn. Em war wedder minschli to Moth, as he en frisch un

---

isi: eisig. hartmusli: hartmäusig. Snurrip: Schnurpfeife, Grille. Dullbein: Tollbeeren. klar: fertig. quini: siech. lur: wartete. Reitschop: Gerätschaft. aschæwelt: abgehobelt.

fröhli junk Blot wedder seeg, un de beiden keemn glif in't Snacken.

Anton harr fast mit Angsten ant Hus dacht. He weer so lang weg w'en düch em, wat kunn ni al vœrfall'n in so vel Dag'! He frog hasti na alle Bekannten herum; dat stunn noch all bi'n Olen, he harr sik umsunst Sorgen maht un inbillt. As he nu doch sik verwunner, ob denn gar niz Ries passeert weer, så de Slachter: Du hest doch al hört vun uns Muschü, Kopmann Grewe? Anton steeg dat Blot op, na em un Mine harr he gar ni fragt, he harr am leeffsten sehn, wenn se ganz inne Welt feiln un niz em daran erinnert harr. Dat keem em op as en böz Geweten un he så: „Wat is't mit em?“ Och så de Slachter, dat weer en Kujon! Wi hebbt al ehr vun dat Slag hatt, awer so arg doch noch nie. De hett umsmeten un is æwer de Watten! Un sin smuck Hals- oder Rahljüster? weest of noch ni? De is uns Knip-ohr, Fründ Wendel sin ehelige Gemahlin.

Anton schüttel dat dær un dær, awer he heel sik, un as he nu doch dat Enn' hört harr, so frag he ruhi un leet sik vertelln. De Slachter meen Wunner wat værn Gaudium he em maht, as he recht haarkleen utbree all wat he wuß un de Raverfchop kæn.

Grewe weer en wahren Erzschelm un Bedreger. Concurs maken, bunsendeern un ashandeln dat hör to sin Lebenslop as dat dægeli Brot vær anner Lüd. He schon' ni Fründ no Fiend, wenn he wat frigen kunn, nich mal sin egen Schwester. De er beten Geld harr he of tum Deel versleider, un binah er sülbn darto verkofft. In Elmshorn harr he en Kumpan, de muß er beswaht un herumkrægen hebbn, genug se harr sik mit em verspraken un he harr Grewe darvæ goldden Bârgen toseggt. As nu Grewe ut Elmshorn darvunlopen muß, much se doch wul nich er Broder verlaten, un harr do mit em vær er egen Refen den Handel inne Heid anfungn. — Stapelbulz kamt nu de Gläubigers achter an un de Brüdigam darto, Grewe nimmt riet ut, keen Minsch weet wohin, se meent na Amerika, denn he harr alle Baarschop mitnam un so vel darto lehnt, as he frigen kunn. Do sitt de arm Schwester alleen vær den Riß. Den Minschen harr se ni nehm kunnt,

---

Slag: Geschlecht, Art. umsmeten: umgeworfen, das Geschäft. æwer de Watten: (über das Meer) verschwunden. Rahljüster: Halbhalbschwester. bunsendeern: bonis cedieren. stapelbulz: ganz plöpflich. riet ut: Reißaus.

de weer er grēsi warn. Nu harr Wendel sit darmanf mischt, de weer of teen Haar beter as de Annern. De weer schestert vun hier na dar, weer noch inne Nacht na Möldorp wen, harr je wul de arm Diern verschüchtert un besnaect un er Angst maect vœr den Kerl un dat se de Rest vun er Geld darbi tosetten un gänzli an'n Bettelstaf kam kunn, un muß sit in Möldorp en Königsbreef wegsliet hebbn.

Genog, Sünndagsmiddags fahrt der en dichten Wagen bi Grewe weg. As de bi de Reperbahn ankumt, geit Wendel dar ganz glistgüli mit Fri Rasmus, op Tüffeln. Do hollt de Wagen still un Wendel seggt ganz munter: Na Frig, wullt mit? ik will mi gau in Möldorp tru'n laten! Darbi lacht he, maect de Rutsch apen un stiggt rin. Fri Rasmus denkt, he is je wul ni recht richti. Awer de Wagen fahrt in Galop darvun, un se seggt, Wendel hett sin Hochtidstüg in Möldorp liggn hatt un is glist mit sin Fru na't Süden trocken; hett of sin Geld bi sin Vader kündigt, de ritt he of wul mit rum. Doch dar maect de Slängel sit nig ut.

Anton war toleh ganz kold bi dat Bertelln, dat snör em umt Hart, as wenn alle Bosheit ut de Welt sit dar rund herum le. He war sülbn verstenert un harr ganz kold en Minschen dalsteken kunn, wenn em nu jüs een inn Weg treden weer. He neem sin Reitschop oppe Schuller un gung ahn en Wort weg, so dat de anner sä: Minsch, wat kumt di an? Do lach he ganz hartli un sä: Mi? gar nig! ik will blot to Hus.

To Hus stell he sin Ol ernsthaft vœr, he schull sin Kram verkopen, he wull nu mit em, je ehr je lewer. Awer de Ol scholl of op de Bedreger's: de Een weer al weglopen, de Wenrigen gungn wul bald achterna, Grewe harr em noch tein Daler aflehnt, de Annern weern of ni beter un warn em uttreden, ehr he hinkeem, he wull dörchut ni. As Anton do sä, denn gung he alleen, denn he war Gernst maken, un genauer mit de Spraek rutkeem, dat sin Vader seeg, he kæn ni blot: do war de Ol gänzli slagen un weekmödi. Wat, wat Anton? sä he, wullt mi verlaten? kannst din oln Vader verlaten? un grote Thran'n lepen em œwer de harren Backen. Dat röhr Anton so bet inne innerste Seel, dat op eenmal all

---

schestern: herumlaufen. Königsbreef: Dispens, Erlaubnis zur Heirat ohne Aufkündigung. wegsliet: erschlichen Fri, Frig: Friedrich. snör em umt Hart: schnürte ihm das Herz.

dat Is wegsmölt. He ween en Ogenblick, denn rich he sit op in sin vulle Lång, heel de Hand hin un sä: Vater, wi beiden wüllt mit enanner utholn! De Ol söhl all wat in de paar Wör leeg, he full em lud snudern um den Hals un sä: Min Søn, min Søn! Dat dur man en Ogenblick; de harren Hann' wischen sit de Ogen un se gungn anne Arbeit.

Weef as he weer, gung he fröh na de ol Geertohm, he leng na de paar Seeln, de he noch vær sin egen heel un klammer sit an se mit all sin Geföhl. De Ol war rein hittli vær Freid, as he sin grot Schotkind wedder in sin egen Hüschen harr. Awer as Anton en paar Wör to sin Entschuldigung seggn wull, dat he so lang ni kam weer un de Ol em ant Gesicht seeg, dat he bi all sin Kraft un Gesundheit leden harr un small warn weer, do trock he em op en Stohl bi sit dal un heel de Vost an, as wenn em dat dar weh de, un sä ganz sachen: Anton! dar ritt wat mit entwei in' Leben, awer dat echte hollt vær, ik heff dat süßn erfahrn. It harr di geern de Hand recht, awer dat gift Weg' mit, de sünd so egen un small, dar kann man bot alleen gan un keen Hand faten as de, de vun haben dal langn kann; wat kunn't of hölpen? uns Herrgott sorgt of noch jümmer vær en weken Fallhot, wenn man mal snübbelt. It heff tru't op din gude Natur. Darmit gev he em de magere Hand un keef em truharti ut sin bleken Ogen an. — Denn brot he af un frog Anton, ob he morgen, dat weer en Sünndag, ni mit em na de Marsch fahrn wull, em war dat alleen sur, he kunn em en beten Handrecken don. Anton kunn keen ne seggn; dat war em anners sur nog, denn he wuß, dat se of na Wörn keemn, un he harr lewer gar nix wedder sehn vun dat, wat em quält harr. He wuß dat as en Glück to schäzen, dat dat Unglück em ni Hus un Heimat düster mak, sunnern as en swaren Drom darvuntrock in en anner Gegend, dat he't ni to sehn bruk dägli un of ni darvær wegtorenn' in wille Fremdn. Un am meisten harr em't doch bitter drapen, dat Maria em ut Stolt versümt un vergeten harr, dar weer of all dat Annere ut herröhr. Doch sä he dat to un gung.

Dat weer lat inn Harst, alle Kornfelder weern kahl un de Büsch oppe Walln warn gel, de Sünne keem roth op un de Gegend weer wit un hellhöri.

---

snudern: schluchzend. Hüschen: Häuschen. weken: weichen. snübbeln: stolpern, fallen.

Anton harr lang' ni sehn, wa schön de Welt is; vør Lust un Last harr he keen Ruh hat de Dgen klar op to maken. As weer he ut en Drom opwakt, as niet inne Welt, so keef he umher. De Seel weer em empfindli, innerli weer em weh, awer he leng na't heitre Leben un de frische Natur, as wull he vun nien anfangn, as en Kind Steen un Blöm sammeln un siß frein un vergeten wat güstern wən is. Half kann man't ok, awer doch söhlt man, dat der wat twei reten is, dat mag wul toheeln, awer de Mar blüfft sitten vørümmer.

Wa blenker dat Gras noch un de glatten Röh darop, de Per stunn' slapri anne Dorn, selten sohr der en Wagen inne Feern un kum en Fotgänger wander langsam op den Stig: de Arbeit inne Marsch weer dan un de Rau lē siß ewer de Gegend.

In Wessellburen keemn de Lüd ute Mark, doch en temli biden Strom un bunt nog, de siß glik buten de Dær vun een twel as de Strahlen, wenn de Sinn Water treedt.

Na Wörn keemn se eerst gegen Abend. Geertohm weer wat hilt un hittli, he leep sülb herum na wücke vun sin Kunden un keem mehrmals pipi un ahn Althen wedder torügg; denn keef he ili inne Schenkstuv, wo Anton wat verlaten seet, as söch he em, sä awer nix. As dat al ari dämmer un Anton frag, ob se ni bald fahrn wulln, scheester he noch mehrmals na de Dærfahrt un Anton seeg, dat he noch en Jung wegstür un em nakeef.

Do gung de tolez lankwili na dat Berd to den lütten Genspannerwagen, de Geertohm siß vun de nie Möller lehnt harr, un seeg noch mal na, ob Allens torecht weer, dat se fahrn kunn', so bald he klar weer, he wull gern to Hus. Dat Berd stunn sitwarts, un he kunn jüs ut de Grotbær langs den Stig sehn. Do seeg he umme Eck en Mäden rasch ewer de Plant op den Stig kam, de na de Infahrt to söhr. Sin ganze Seel keem in Dprohr, denn jüs so bög siß Maria Timm, wenn se inne Dämmern vør em op ewern Steg gung.

Se weer awer ni mehr to sehn, un he dwung siß to Ruh, as he oppe Huzdel en schüchtern Frunsstimme na Geert Wies' fragen hör. So kunn keen Sprak klingn as Maria er, sin

---

niet: neu. Mar: Marke. Dorn: Thore. twel: spalten. hilt: eilig. hittli: sich übereilend, verwirrt. ari: ziemlich. klar: fertig.

Hart un er Stimm verstunn' sik gar to gut. De Knecht sä, he weer inne Darsfahrt, un dar püßel he of bi'n Wagen, Anton harr dat gar ni markt. Do keem de Deldær apen, wa noch en beten Hells mit rinschin, un en Kopp mit en Dot umslan seeg herin, he kenn er man to gut, dat geef keen Twete, de so fram utseeg un doch so blid.

He trock sik still in't Düster anne Wand achtert Perd torügg un heel den Athen an. Do frog se noch mal schüchtern: Is Geert Wieß' hier? Jawoll, jawoll, sä de hasti un pipi, un keem krumm inne Höch. Och, sä se, gung rasch op em to un gev em de Hand, de Jung broch mi eben Bescheed, dat Geertohm wedder hier weer un mi spreken wull, wat makt Anton? Geertohm sä lehmalz, dat war noch all gut warrn, wa heff ik lurt un häpt! He's je wul unglückli, ik hör, dat Mäden hett em verlaten, he weer doch to gut darto. —

Do fung Geertohm banni an to him' un to hosten un heel sik de Bost an, denn keef he krumm mit sin bleken Ogen herum, gung na dat Perd to, as wull he sik darmit wat to don maken un nix antworten, kreeg awer Anton mir nix dir nix bi de Hand, he muß em recht gut sehn hebbn, un trock em ant Licht.

Maria de en Schrigg, Anton fung er inne Arms op; awer Geertohm sä: Rinnerz, dar ritt wul mal wat twei im Leben, awer dat rechte holst vær! Un twee seli Harten slogen an enanner um ni wedder vun sik to wiken, so lang dat Leben vær holst op diße Ger.

---

püßel: kramte. fram: sanft. blid: freundlich.

---

## Witen Slachters.

Noch en Vertelln ut min Jungsparadies.





Wa sik dat all ännert in de Welt!

Dat fällt Een oft in, wenn man öller ward, dat full mi wedder in eben recht mit Gewalt, as ik anfangn wull vun en lütt Mäden to vertellen.

Dat Mäden sülbn — wa lang is se wul al hin! oder wenn se nich hin is, so is se nich mehr wat se weer, un Müms war er kenn' na min Beschriben.

Awer dat is't nich wat ik meen. As ik anfangn wull: En smudere Diern . . . do stocken mi de oln plattdütschen Wör, un ik muß mi seggn: Wat sik allns ännert in de Welt! sogar de Wör in de Spraak, un wenn wi noch datfühlwe seggt, so hett't oft en andern Sinn oder wenigstens en annern Smack, un ward ni mehr recht verstan, as domals.

„Schön“ harr ik Witen Krosch nich nöm' dörfst domals, dat weer en Frechheit west. „Schön“ brufen wi nich vun en Minschenkind, schön weer de Ros' un de Garn, dat Hus un de Stuv, dat Eten un dat Wedder. Nich vun en Engel harr man seggn dörfst: de weer schön, eben so gut harr man lecker seggn kunnt, as de Holländer noch do't, of wenn se vun en Prädigt, en Boek oder en Musik vertellt.

Un doch is't vör mi nu of nich anners uttospreken, nu se vör mi steit in de Erinnerung as lebndig, as wenn ik segg: En schöner Diern heff ik min Leydag' ni sehn as Witen Krosch, un dacht heff ik dat al as Jung, do ik er würkli segg. Denn all de ewrigen Wör harrn ni paßt; se bruk sik ni smuck to maken, se weer as se weer, un as keen anner.

Wenn ik awer so segg, so is't doch ni dat mi dat egentlig recht en Vergnögen mak er to sehn. Dat weer keen Wullgefaßn — woran hebbt of wul Jung's Wullgefaßn, wenn't

ni sunnerbar is oder sit eten lett! It harr en Art vun Gesöhl, wenn se Sünnaabends mant all de Lüd æwer't Markt keem — Schrecken will it dat ni nömn, awer Hartkloppen harr it, as bedrev se wat Waghalsigs un kunn darbi to en Unglück kam', un doch weer't nig, as dat se mit bloten Kopp un bloten Hals æwer't Markt gung, um vør de Wel intokopen.

Awer wat vør'n Kopp un wat vør'n Hals! It harr je ehr hört vun malte Backen, un wi maln ok, wenn wi bi Meister Bünslow, uns Tekenlehrer, mit Bliant un Wischgummi en Gesicht, wat he Madonna nöm, na en Bærlag mit sin Hölp to Wihnachten vør uns Oln fertig kregen harrn — maln wi heemli ut unsen Tuschkasten de Backen so schön an, as unse Kasten un unse Kunst dat toleet: awer dat weer all Backsteenroth gegen Witen Kroß er Farv, an de it wenigstens jümmer darbi dach, wenn it mi Tusch inrev, un mit min Pinsel versöch in dat Madonnengesicht Flesch un Blot antodüden.

It tröst mi darmit, wat min Grotvader sä, de all de Bewij' vun min Kunst un min Betenschop jümmer mit Vergnügen un Radenken opneem: „de Natur weer de Meister, de Kunst weer blot en Lehrjung un broch dat nie so wit, dat he't mit er opnehm' kunn. Keen Musik weer so schön un gung so to Harten, as wenn int Fröhjahr de Lurken wedder keemn un Een den ganzen Dag bi de Arbeit opt Feld ævern Kopp sungn. Keen Maler kunn en Farv namaken as de witte Lilg un de rode Provinzros', dat harr de lewe Gott vør sit alleen beholn. Darna getacht weer min Bild to'n Wihnachtsdisch ganz gut un brav, un it sung ok de schön Leder as „Willkommen o seliger Abend“ un „Meine kleine Gartenlaube“ heel nett, dat muß he seggn.

Maler harrn wi je nu frili nich, un Gemälde ok ni, wo man mal an nasehn kunnt harr, ob se so wit gegen den Lehrmeister torügg bleben, as de Ol behaupten de. Unse Lehrmeister, Bünslow, weer Anstriker un drog en Rod, wo he all de Farben, de em bi sin Geschäft an de Fingern keem', in afwisch, un de bunter utseeg, as na de Beschreibung ut de ol Fabel de Steilitsch, de de lewe Gott tolet ut all de Farvpütt de lerri warn weern vør de annern Bageln, noch den

---

Bliant: Bleistift. Lurken: Lerchen. Lilg: Lilie. getacht, eigentl. geartet. Steilitsch: Stieglitz.

Rest hier un dar anquast harr. Weer æwrigens gut un paßlich as Regenrock, denn dat weern meistens Olsarben un leten keen Matt dær.

Un wat de Kunstmusik anbedrippt, so weer de Sak vør mi na mehr as een Sit tweedüdig. In de Mark mak ik se sülsen mit. Wi schregen all wat't Tüg holn kunn — inn Summer vør lange Wil, inn Winter vør Küll — am ludsten: Unfern Eingang segne Gott, denn denn weer't bald to Enn. Awer intwischen seeg ik jümmer — denn ik weer de Obberste un seet em grad gegenæwer — seeg ik den Kantor bi jede Versreeg, wenn wi der merrn in weern, den Mund as to'n Sprung sik in de Pünt stellen, un ehr wi to Enn, twee oder dree Silben vun achtern dær= un natostimm, so dat dat heel bunt dær en anner gung: denn de Gemeen stimm ni mit uns, de Orgel ni mit de Gemeen, un de Kantor sett jedesmal an Enn en Art Naslagg op, je krußer je beter, wogegen de Organist mit en Trillerie, wat Zwischenspill heet, gegen an arbei, bet wi ungefehr alltosam wedder int Psalmbock uns torecht bokstabeert harrn un fort sungn: Unfern Ausgang, unsre Werke.

Allerdings, dagegen weern de Surken ganz anner Musfanten, un wi kunn't sülsen begripen, wenn wi vun de Schol achterut æwer de Börgerweid to de Supp to Hus lepen un se vun't gröne Feld ut singn hörn.

Ob de Ol mit sin „Farv vun Lilgen un Rosen“ doch ni velliicht of an Witen Kroß dacht hett, as he min Wihnachtsbild beseeg, dat weet ik ni jüs, kann mi 't awer kum anners denken, denn wa slecht min Teferi of sin much, de Madonna, na de ik arbeitd harr mit Bliant un Farv, de harr ganz gewis, do se lev, utsehn as Witen Kroß. Velliicht ni so — — ik harr bald seggt: vergnügt, un doch meen ik noch wat anners. —

Awer min Bærchrift weer gewalti eernsthast. Un wat mi am meisten opfull, wenn Witen Kroß Sünnabends æwer't Markt gung — ja, dat weer't — fast mehr noch as er blanke Kopp un er witten Hals: all Lüd bi uns sünd eernsthast oder mal spaßi: awer se gung der mant dær, as harr se dat Glück un broch dat. Un as man seggt vun de Sünn: se lacht

---

Matt: Mäße. Tüg: Zeug. Küll: Kälte. der merrn: da mitten. in de Pünt: in Form. heel: ganz. Teferi: Zeichneri. mant: zwischen.

Geen to, so weer't mit ęr, un jede ol Bur leet sif vun ęr beschinen.

Se seeg mal bi uns ant Finsler dær de Schiben — se weer Nawers Kind un kunn wol so don — harr en lütten Dot æwer't Haar, as min Bild, heel de Hann an de Siden, um dat Licht af to holn, as man so deit, de blauen Dgen wit opreten, um in de lütt dämmrige Stuv to sehn, un ol den Mund apen. Do seggt de Ol, as se Mund un Lippen gegen de Ruten drück — if seh't vær Dgen — seggt he: Schon' din witten Tähn, Witen, se fallt einmal ut!

Do rich se den Kopp torügg un sä mit en Gesicht jüs as op min Bærchrift: Mag sin, Obbe, awer if hæp værher to starben!

Mi weer't en Kapitel æwer Leben un Dob, wat if nie vergeten Leff. De Ol binn mit en spaßi Gesicht, wat ni recht lücken wull, un — dar gung se hin, de Madonna mit de Farben as Vilgen un Rosen, de uns Herrgott alleen sif harr vær beholn.

Schreeg æwer den groten Platz, wo wi an dat een Enn wahn, gung Witen Kroß to Hus. En groten Hund keem ęr in Sprüngen in de Möt, as harr he ol sin Freud an ęr, vellicht op en anner Art as Obbe, de ęr naseeg. — Er Väder weer Slachter, se föhr em de Husholn, denn ęr Moder weer junk storben. Wenn man awer, as gewöhnli, Witen Slachters sä, so doch man binah nich an Peter Kroß, ęr Ol, denn harr man noch twee Anner mit inn Sinn, as wenn se de ol tohör; un man sä wol mitünner: Slachters Witen harr keen Moder, awer dree Gevattern.

De een heet Rod'. He weer en ganzen Slachter! Lud mutt de sin, spaßig. So weer he. He weer al morgens mit den Dag to gang'. As man annerwärts oppen Lann vun de Höhner weckt ward, wenn de Hahns anfangt to freihn, so hörn wi al oft int Bett dat unbannige Lachen vun Tedohm Rod de Slachter æwer den groten Platz schalln, un wenn man rut keem, so seeg man em Summer un Winter hemdsmaun un mit bloten Kopp rumwirthschaften, wenn't mæglich snacken un lachen. De Fotstig gung em dicht verbi. He reep Lüd an, vertell un leet sif vertellen; mit Mädens, de

---

Nawer: Nachbar. Ruten: Fensterscheiben. Obbe: Großvater. hæp: hoffe. binn: drinnen. lücken: glücken. in de Möt: entgegen. to gang: im Gange, bei der Arbeit. hemdsmaun: in Hemdsärmeln.

um Eck keem' — he wahn jüs an de Eck — fung he en Rakeln un Snatern an, Gelächter un Gejächter, as wenn Aanten op en Ganner drapt, un wenn he gar nix harr, foder he in Winter Kreihn mit Affall ut de Slachterei, scholl un re mit se, versetzer, dat he se eenzeln kenn, dat geb spaßige un argerlige Geselln dermannt, un man muß ordentli vör de schüchtern sorgen, dat se wat aftregen.

Uns ut luter Gesundheit un Leben-freid! Rinner harr he nich. Sin Fru weer en wunnerli lütt ol Trutjen, de he, ebenso as all wi annern, Gredenmedder nöm', as weer se en Art vun Verwandte. He brü un narr er as jede Anner, snack keen vernünfti Wort mit er, ol keen arges, leet er püttjern un hüttjern, as se wull, säben Mal Thee drinken ann Dag un Tweeback oder Zuderkringeln gnabbeln, as se much.

Dat weer de een vun Witen Kropf er Plegvatters. De anner heet Ol. „Großer Gott, seggt Hans Ol!“ Wa oft hett Jedohm Rod dat wul seggt in sin lang Leben! Wenn he sit recht utlacht harr, keem dat achterher, as trock he en depen Athen. Dat hett wul selten fehlt, wenn he vun en gude Maktid opstunn, un wenn he man dör't Finster in't arge Wedder keek, so hör man sin: Großer Gott, seggt Hans Ol!

Gar, wenn de nu süßn langs den Jümfernstig dweer öwer den groten Platz langs keem in sin toknöpten Rock un lifut, as söch he jümmer de richtige Balancierung, so reep he, un sin ganze rode Gesicht lach vör Vergnügen: „Großer Gott, sieh dar, Hans Ole! As en Graf! Wa he sit hollt! Merrn inn Weeg! Würdig! Gravitätisch!“ Un man schull ni seggt hebbn, ob he em bewunner oder lächerli funn. Denn se weern ole Frünn, jümmer tosam, un he vertell vun em: „Ganz en Slachter, as he sin mutt! Zugeschnöpft, ernsthaft! Ist segg, wenn de Sünnaabends bi de Herschaften ant Markt nafragt, wat se beleebt vör den Sünndag, so spricht he „Braden“ ganz anners ut, as wi dat künnt, un Raksche un Madam frigt Respect. Dat segg ik. Wer kunn dar sunst wat utrichten? Großer Gott!“

To disse Beide hör Kropf as de Drütte, nich recht as

---

Rakeln un Snatern: gackeln un schnattern. Ganner: Gänserich. drapt: treffen. Kreihn: Krähen. re: redete. dermannt: dazwischen. Trutjen: Trudchen, von Gertrud. brü, brüden: naden. püttjern un hüttjern: kleine unnütze Dinge thun. Tweeback: Zwieback. lifut: geradeaus. Markt: Markt. Raksche: Köchin.

ers Lifen, denn se weern wullhebbn Lüd, aver doch, un wenn't Mod' west weer, harr man seggn kunnt vun en Cumpanie.

Wa sik allens ännert in de Welt! So'n Cumpani — en Jung war der nu æwer lachen, de eben ut de Schol kam iz. Um tosam rüggwarts to marscheern? vun Rikdom un de Werfloth bet in de Noth un de Armoth? Denn so weer't. De Een mit Lachen, de Anner: Großer Gott! mit Süßzen, un de Drütt gung mit. All mit waken Dgen. Denn de Welt weer do ganz annerz, dat Minschenhart harr en annern Slagg, dat iz vør uns nich to begripen, man kann't blot vertellen.

En ordentlichen Slachter koff domals de Ossen in Tönn, in Husum, in Bredsted oppe Grasen in ganze Stapeln. Darto reisen de Dree tosam ut gegen den Harst hin, op ern egen Wagen, natürlich, Kroß de fohr, he kenn Leid un Pitsch to föhrn. In de Weerthshüs' un op de Hæv harr Tedohm Rod dat Rieden, he broch allens in Dprohr un Gelächter. Kroß tageer. He irr sik bi keen setten Oß um en Liespund, Ole — großer Gott — slot de Handel, un snee mit en lütt Scheer, de he bi sik drog, jede Oß op de een Sid vun de Schoof en R in de Haar, op de anner en D.

So brocht't vun olen Tiden her de Handel mit sik un de Würdi vun't Geschäft.

Um Martini war en Deel vun't fette Beh na't grote Tzehoer Ossenmarkt drehen. Dar reisen unse Dree mit Geldfatten umn Vieh hin un handeln, verkofften un kofften. Wer harr dar fehl'n kunnt, de en Mann weer?

Tedohm lach, wenn se Geld darbi verlorn, Ole sä sin Spruch, as gewöhnli. Alle Dree hæpen op't neegste Jahr.

Aver dat weer de Tid, wo de junge Welt de Dgen apen freeg un klof war, un wi weern in en frie Land in Ditmarschen, wo de Böm wassen kunn, as se Wurtel fat kregen. Jedereen much sik nähren, as he kunn. — Dat iz je all recht gut, un wi wussen bald to vertellen vun mennig arm Döwel, de sik ut den Stratendreck rop arbeidt harr to en wullhebbn Mann. Aver dat sik menni wullhebbn Mann vun't Bærhus

---

ers Lifen: ihresgleichen. waken: wachenden. Tönn: Stadt  
 Tönnung. oppe Grasen: auf der Weide. Stapel: Haufen. Leid:  
 Rügel. Hæv: Höfe. Liespund = 15 Pfund. Schoof: Hüfte. Würdi:  
 Würde. hæpen: hoffen.

in't Achterhus verkrop, op sin oln Dag' kümmer un ahn Sang un Klang verschwunn, dat harrn wi of weten kunnt, wenn dat nich vel mehr lisen vör sik gan harr. Wo bleben de groten oln Kramer- un Hækerladens, wo Sünnaabends en ganze Keeg Burn un Burfruns vör de Toonbank stunn un de lerrige Rörf vull koffen an Kaffe un Zucker, Plumm un Rosin, Riez, Taback un anner Waar? All beste Waar op en Wort, ahn Dingn un Mäkeln! Luter Totrun un fründschaftlichen Verkehr! Luter Hansohms, Paulohms, Witen- un Elschenmedder, de inn Winter in Achterstuv en Taß hitten Thee kregen, sik optowarm'!

Nu warn se all na un na Tuten- un Krutenkramers. Kopmann — lop man! heet dat bald. Denn wer mit en Drach Waar oppe Rack — billig, billig — den Bur int Hus keem, oder in en lütt Hud op sin Bärdel oder op en Klappdisch Sünnaabends opt Mark sin Kram antoprisen verstunn, de kreeg de Kundschaft, snapp een na de anner weg, leet sik utschelln vör schlechte Waar, de he vör't neegste Mal beter versprok, un ut de Hunders op de Fürtiep warn Hækers, ut de Hækers Koplüd. Un dat weer dat nie Slag.

Uns of schreeg æwer an de anner Sid vun den Platz as Witen Aroß, wuß en Familje op, dree Jungs — rechte Banditen, as Tedohm in sin spaßigen Ton sä, wenn he se beschrev, „as de Kreihn! Wo 't wat to fressen geb, reten se sik dat de Een de Anner vun den Mund weg, schimpen er Oln un kregen Brügels, dat dat antohörn weer, as Mord un Dodsflag, en dullhaarige Raack! rechte Rasmussen!“ So weer er Nam. Un he lach, denn im Grunn harr he Mitliden mit de arm Bengels, de wenig umn Liv harrn un noch weniger derin. He geb se menni Dag er Fröchstüd mit as en grot Fleeschbotterbrot, wenn se krumm un verfrarn an de Eck verbi na de Armschol humpeln. Inn Summer weern se ævermödi, leegen achtern Wall un smöken, keemn æwer wedder to betteln ni lang na de Tid, wenn se Tedohm sin Appeln un Bërn berobt un sin Rastanjes vun den groten Bom vör Dær affmeten harrn. Un denn gung bi em de Arger wedder in Mitliden æwer.

As de Ölfte, Jakob Rasmus, confermeert weer, neem

---

Toonbank: Ladentisch. Totrun: Butrauen. in en lütt Hud: in einem kleinen Winkel, einer Ecke. Fürtiep: Wärmflasche. Hækers: Kleinhändler.

em Tedohm as Slachterjung in de Lehr. „Wat schull de arm Döwel sunst anfangn! Un war nett utsehn, sin Jakob, in ordentli Tüg. Mat sit! Greet sit wat op de Rippen! War en ganz anner Minsch!“ Blot he stamer, un dat de'n sin beiden jüngern Bröders of. Awer dat mat Tedohm en besunnern Spaß, denn se stamern all drie en verscheden Melodie, as he sä: de Een de stütter, de Anner de stæker, de drütte de sung'. Wat en Spaß! He harr se darvør alleen all dre dærfobert, blot um recht er Melodien to hörn un bi Gelegenheit en Stück darvun to vertellen un na to maken.

As Peter confermeert weer, muß em — Großer Gott! — Hans Ole nehme, un en Jahr darna keem Paul bi Kroß int Geschäft.

„Dree Candidaten to't Slachteramt“, nöm se Tedohm Rod, un dach ni, wa eernsthaft dat Wort en Bedüdung hebbn kunn.

Des Sünnaabends, wat en ordentlig Slachter weer, stunn to Markt. Dat weer en Hauptdag un en Festdag. Tedohm weer al fröher to gang' as gewöhnli. De drie stamern Rasmussen laden in er verscheden Melodie Stütten, Staken un Linn to en Telt, wat wi Rod nöm, Haublock, Disch un Ex, Fleesch un Speck op Jan Staben sin Marktwagen un slogen de Rod op den een Enn vun de Slachterreeg op, nich lang darna op den annern Enn Hans Ole sin. Dat weer en Festdag. To Hans Ole keem de Marschfrunz un all wat vørnehm weer, he harr sin Stand dich bi de Goldsmid. Tedohm war besöcht vun Rætsch un junge Husfrunz. Alle Be.de harrn de witten Platen vør; wenn se to Markt gungn, weer de Platen opsteken in en regelrecht Dreeck, an de Sit links en Scheed ut Saalledder to't Slachtermess un, an en langen Reem, en Wettstahl. Allns sneewitt un spegelblank — so hör sit't!

Wat en lusti Gefasel! Oder keem't mi man so vør? It heff keen anner Erinnerung, as dat de Sünnaabend dat betere Del vun den Sünndag weer. Schol harrn wi nich. Wer harr in Schol sitten kunn ann Sünnaabend? wo Dunkel un

---

stamer: stotterte. to gang: im Gange, bei der Arbeit. Stütten, Staken un Linn: Stützen, Stangen und Leinen. Rod: Bude. Reeg: Reihe. Platen: Schürze. Scheed: Scheide. Saalledder: Sohlieder. Wettstahl: Wetzstahl. Gefasel: Gekader (eig. von Hühnern).



Tante keem vœr Jedereen, vunn Lann, mit Appeln un Bern, un weer't nig anners, so weern't fründlige Gesicht. Dar keemn se an, de Oſterſtrat, de Weſterſtrat, de Süderſtrat, de Norderſtrat, un wo se na de Himmelsgegend heeten, mit er dicken brun Per un er dicken Kaputtrock, un wi harrn jümmer wat de Burjungs in Verwunnerung to ſetten, denn wi weern se æwer in Fixigkeit, wenn of nich in Knæv.

It heff je of ſpäter inn Leben Weltutſtellungen ſehn — is all nig dargegen! Man ſüht ni mehr aß domals.

Dat weer of de Tid, wo it Witen Kroß, Slachters Witen beegen. It harr aß de Obberſte in Schol Sünnavends bi den Paſtor to don, it muß op den Klockenſlagg de Gefangnummern haln un in de Karſ anſchribn. Denn drop it er, ehr de Klock ſlog, manſ de Boden, wo it dærgung. Mit en lütten Handforſ ageer se dar herum, koff Botter in, Eier un wat ſunſt, un broch den Sünnschin mit, wo se keem.

Klock een war beiert, denn weer it meistens mit min Nummern in de Karſ fertig, un ſteeg mit den wunnerligen Küſter ſin wunnerligen Knecht na den Thorn herop. So oft it't ſehn un hört harr: dat loß mi jümmer op't Nie. Dar klattern wi, an de Orgel vœræwer na den Karſenbæn, un dree lange düſtre Lebbern umhöch, wo wi na de Klocken keem', Dinger, de Gen harrn de Luſt afdrücken kunnt, wenn man darünner keem', un man kunn kum vœrbi, bet na de „Klockenſtub“, wo de Uhr ern Tiktak ſlog, wat man bet nerrn in de Karſ hör. Un mit en fürchterli Gerassel dü se an, dat se Klock Gen ſlagen wull. Awer it ſeeg vun haben ut den Thorn æwert Mark un æwer den Ort mit datſülwige Vergnügen, en Vergnügen wat man blot in en ſlacke Gegend kennt, wo man ſik hoch vœrkumt, wenn man op den Dorpahl klattert is.

Dar gungn se hinut, de Straten na alle veer Weltgegenden! Un de Burn fahrn, vun hier ut ſehn, langſam ut den ſchön Ort dervun. Dar gungn de acht Windmæln, all mit dat Geſicht na een Gegend. Dar, opt Markt dicht ünner ſeeg man op de Lüd aß op de Holtpoppen in en Spelbod, so

---

Kaputtrock: Duffelrock. Knæv: Kräfte. manſ de Boden: zwifchen den Buden. ageer: bewegte ſie ſich. beiern: läuten (der Klöppel iſt an einem wagrechten Tau angebunden, an dieſem hängt ein Tau und wenn man an dieſem zieht, ſchlägt der Klöppel an die Klocke). Bæn: Boden. bet nerrn: biß unten. dü: deutete.

lütt, de herumgrimmeln ahn en Stimm un Lut. Nisch mal de Bekannten weern all to kenn, denn man seeg se op den Kopp, de Fruns op er Strohhöt, breet un grot as Sünnschirms, de Dams op er Perköpp, as man de wunnerlige Dracht nöm. Witen Kroß in blote Haar weer to kenn, atwer ok ni to hörn, hin un wedder snacken Lüd rund um er, man seeg se sit rutwickeln un in de Österstrat verschwinn.

All de Schösteens fungn an to röckern, denn dat weer de Tid, wo dat Mark to Enn un Börger's to't Eten to Hus gungn. Dat Beiern heel op, un wenn man hendal keem, weer't, as wenn en Fest to Enn gan weer un Allemann to Hus. —

Dat dur lang bet if dat wis war, dat Johrmann Staben man mit een Pferd vun Tedohm Rod ann Sünnaabend wegfahr. Wa schull man as Jung so wat ok sehn? He fahr mit een Pferd, dat weer't all. Wat wuß if darvun, dat dat bedüden de: dat gev ni vel mehr to fahrn, un dat lohn ni mehr vör twee Per? denn Tedohm weer so lusti un lud un so früh to gang' as jümmer, sin Platen eben so sneewitt, sin Gesicht so blankroth un sin Stimm so hell — wat schull if vel denken?

As de drie stamern Rasmussen lehrt harrn en Stück Beh regelrecht aftoslachten, uttoslachten un intoslachten, do wuß een na de anner en Grund un Orsak, dat he mit sin Herrn ni utkeem un darvun gung.

Se fungn sübn en Slachterer an — Pracheri, as Tedohm sä. Rumpani — Lumpari, as sin Wort weer. Awer — se fungn't an. Harnn se opt Mark keen Bod', se harnn en Haublock un Fleisch. Stunn se nich in de grote Slachterreeg — se stunn irgendwo. Dat hölp nig, dat Hans Ole sin „Braden“ so besunner's utsprok bi all de Herschaften, de Rasmussen Jung's harnn de Kunden kenn lehrt, un wenn se noch so sehr stäkern, stottern oder fungn: wenn se den Braden en Schilling billiger lewern, so lach man awer er Sprak un neem er Fleisch, un allmählig, troß Hans Ole sin Bärnehmigkeit un troß Tedohm sin Lustigkeit — de Rasmussen Jung's harnn dat Prä un regeern de Slachterer.

Fixe Perls, besunner's de Jüngste, Paul. As en wahren Held gung he ünner en vulle Fleischmull, de en gewöhn-

---

Dorpahl: Thorpfahl. röckern: räuchern. wis war: bemerkte. Pracheri: eig. Bettelci, Bettelgeschäst. Mull: Mulde.

ligen Minschen daldrückt harr. Darbi nich trohi un trohi, as se en beten opkeem', se heeln sit ganz in er Schranken, weern höflich un demödig gegen er olen Herrn un Meisters. Dat sa of Tedohm. Se buden noch jümmer Sünabend's de beiden Boden vör Tedohm un Hansohm op, fröh morgens ehr se er egen Gerüst opstellen, un gegen Witen, vertell he, as vertell he ut en Märken, weern se as weer't en Prinzessin, un besunners Paul sung er wat in sin schönste Melodie. De Bengel weer richti verlevt, vertell he mit Lachen, as vertell he vun en Goozung un en Grafendochter — wat je of spaßi to lesen weer. Arger, Verdruß, Sorg — sowat fat nich op Tedohm Rode. Vundag' gung't noch jümmer, morgen war wedder vundag'. Großer Gott! he weer int Geschäft un den ganzen Dag to gang'. Wat weer, dat weer as't weer, wat keem dat keem. Koff he keen Ossen, so koff he en Kalb un slach dat af un verhandel 't mit desülwige Würdi un den- sülwigen Spaß.

He weer Jedermanns Fründ un Fründ gegen Jedermann. Wo vele hundert Mal ann Dag neem he sin: Sun Morgen, Tedohm, entgegen, as war em wat schenkt, un dat neem nich af mit dat Geschäft. Ganz besunners weern de Kinner, as hörn se em to. He harr jümmer en beten vör se in de Rocktasch, „Sprüzbäckelsch“ nöm he dat. As dat keen feine Saken mehr weern vun'n Zuckerbäcker, do gev he noch jümmer, mit datsülwige glückliche Gesicht sin Klienæt as Sprüzbäckelsch un de Kinner neem' dat mit desülwige Freud. Wat harr sit ännert?

Do storb sin Fru. Dat is dat eenzigste Mal, dat it em recht eernsthast sehn heff, binah so, dat it em nich kenn. Dat weer wul nich blot de Fru, de dat goll. Se weer plögli, as wi seggt, „stapelbulls“ dot bleben, so rasch, dat Paster un Rapselbagt to lat kam' weern, um en Testament optosetten. Nu weer he en arm Mann.

Dat harr he of dregen kunnt. Awer ut' Hus to gan, wenn't verköfft war, vun de Eck weg, ünner den Rastanje ut, vun de Hawers fort: denn kunn man em of na Sibirien jagen, dat weer vör em ni schlimmer.

So wit keem't of nich. He beheel en Stück darvun. Int

---

Goozung: Gänsehüter. vundag: heute. hörn to: gehörten. Sprüzbäckelsch s. S. 39, 10. Klienæt: Gebäck aus Mele und Syrup. goll: gal.

„Slachterhus“ stell he sin Bett op, tat he sin Kasse, bra he sin Stück Fleisch un weer wedder den ganzen Dag to gang' as jümmer, doch weer sin Stimm nich mehr so lud, un he heel sik nich mehr so grad. Awer en Klag heff ik nich vun em hört, nich æwer schlechte Tiden, kum æwer schlechte Minschen, mitünner — Großer Gott — æwert schlechte Wedder.

Mit em sacken sin Kumpanjons tosam un hindal. Doch war man weniger um se wis. Kros harr ok ni vel to verleern. Sin Beste harr he längst verlarn, dat weer sin Fru, un dat Beste weer em wedder towüssen, dat weer sin Dochter. Ja, de drie oln eenfam Lüd heeln sik all drie an er, as weer't en Anker vør en Schipp, wat Mast un Segeln all lang' verlarn harr, awer wo se drie tosam op utharn mußten. Awer wenn de Anker nu mal los leet, oder anderwärts Grund sat?

Dat kumt mi vør, wenn ik vun de Tid vertell un mi an de Minschen vun domals erinner, as wern dat luter Lüd, de blot levt un gar ni dachten; ik meen, wat man so denken nennt. Man leet dat all kam un gan, as't keem un gung, wenn man ni jüs wat op't Geweten harr. Dat weer ja wat anners. Awer Schicksal, de nu Minschen verrückt maken warn, de drog man as sin dägli Pflicht un Arbeit. Wat weer dat? Religion? Gottvertru'n? Glickgiltigkeit? Oder weer't Leben ok ni so vel werth as nu, dat man der vel um jammert, wenn't ni recht is as't sin kunn? — Ik weet ni.

Ob Witen Kros in er Gemöth noch to disse ole Welt hör, oder to de nie, de kloß war? Wa er darbi to Moth weer, as de Oln um er herum old un arm warn? Harr se ok den Glanz ni mehr sehn oder as lütt Gær gar ni beacht, den Verfall muß se sacht wis warnn, wenn er ok nig fehl un mangel, denn noch seten se int sülwige lütt Baderhus, dat nie gröter west weer, nich en Stück weer dar fort, womit er Moder mal Stuv un Kamer utsmückt harr. Awer se muß't doch wil marken, wenn't ok ni fehl wat Tedohm un Hansohm er mitbrochen vun't Ijehoer Markt oder utsöchen to Wihnacht, Permarkt un Pingsten, dat dat darmit gung as mit dat Sprüßbadelsch, dat sik na un na in Alienæt verwandel. Awer wer schall't seggn, wat se doch oder söhl? Ik am wenigsten, denn Schönheit is vør en Jung, as de Sün vør de Dgen: dar kann man keen Pladen an sehn

bra: briet. sacken: sanken. Gær: kleines Kind. Pladen: Fleden.

un löbt nich an Kummer, Sorg, Krankheit, Zweifel oder Unglück.

Um de Tid vun't Winterpermark war vun Olen her in den Ort en Fest vör junge Lüüd un Börgerz fiert. Dat war Hahnbeer nömt. Man trock Fastabend Sünndags mit en Fahn umt Mark un dör de Hauptstraten un trummel sin Lüüd tosam. Dat Fest stamm wul ut de Tid, do man noch Lichtmeß fier, wo de Dag so vel länger ward, dat man na de ol Rimspruch dat Licht entbehrn kunn:

Lichtmeß is't herten:  
Schast dat Fier utgeten,  
De Dör tosnappen  
Un in't Bett stappen.

Un de Hahn bedü de Bagel, de dat Fröhjahr rüf un mit sin Ropen andü.

De Ort deel sik in twee Partien un de jungn Lüüd boßeln Süden hinut en Stunn Wegs bet in de Gegend vun Dufenddüwelswarf, wo de Ditmarscher mal um er Friheit kämpft un siegt harrn. Dat Isboßeln weer en Kampfspill, dat goll um en Priß vör de düchtigsten Smiter.

Jede Parti stell ern Kretler, den Rechtspreker bi de Gegners an, de dar op holn muß, dat allens na Regel un Recht togung. De Boßeln, as en Wallnæt grot oder gröter, ut Holt, mit Bli dærgaten, harrn er asfalt Gewicht. De Südereggens Lüüd fungn mit Nummer een genau bi den Milensteen to Enn vun de Gastwurth an. Wo de Boßel hinslog, stell sik de Kretler op un le sin Stoc dal vör Nummer twee. De Destereggens Lüüd folgen vun de sülwige Milensteen. Jedesmal wo de Boßel liggn blev, weer vör den neegsten Mann ut sin Eggn dat nie Mal. So smeet man, bet man tolekt int Weerthshus vun Hogenheid mit den Boßel dært Finster smeet. De Kretler passen op, dat de Smiter ni stört war, of dat he keen falsche Mittel bruk, t. B. de Kugel nich vun en Gavel utsmeet, de he heemli in de Hand harr. Man hör dat glik an den Klang, de Kugel harr en glattern Wurf.

Löbt: glaubt. vun Olen her: von alten Zeiten her. Fastabend: Fastnacht. rüf: ruf, ahnte. Ropen: Rufen. Dufenddüwelswarf: Wurthen süd. von Hemmingstedt, wo 1500 die Ditmarscher König Johann von Dänemark gänzlich besiegten. Boßel: Kugel zum Werfen, Regelfugel. Eggen: Ecke; Abteilung der Kommune. Gavel: Gabel.

De Parti, de dar wunn, bestim den Fahnenkönig, meistens den grötsten un smucksten Mann oder den besten Smiter.

De jungn Lüüd harrn sik al lang vørher inövt. Natürli öben wi Jungz uns mit, un en Tidlang weer't um Fastabend een Smiteri un Kugelgeteri, wobi menni Kopp un Finster in Gefahr keem, menni Büg un Finger bi verbrennt war.

Bi dat egentlige Spill weern wi natürli all mit to gang', smeten bi de Sit na, um uns to meten, wo wit wi al recken, wenn wi mal der mank keem'. Dat Wedder kunn ni duß nog sin, so trocken wi de Facken ut, un in Snee un Is kunn man en Anuel Jungz un Junkferls sehn, de hemdsmaun un in blote Haar hier stunn un lurn, un dar na en Wurf hinstörreten un er Hurah oder er Gelächter æwer de Hellden oder de Kræpels hörn leten. Denn dat keem of mit vør, dat Een mit fürchterlige Anstalt in Gesicht, Arm un Been op sin Wurf los gung, as wull he de Meldörper Mark drapen, de man eben sehn kunn — un dar glee he op den glatten Borrn ut un full dar hin, oder em glitsch de Bosel ut de verklamte Hand un he smeet se achterut mank sin Rumpans statt vørut gegen't Mal.

Dat passeer Tedohm ni selten. Denn he hör, versteit sik, mit mank de Hahnbeerslüüd, wo harr he fehl'n kunn't? Alleen al wegen de Lerveranz an Braden un Fleesch vør't Abendeten, wat man em ni neem un günn de.

De Rasmussen Jungz weern fürchterlige Smitters, de harrn sik in er Scholtid ann Ostenpohl darop inövt, as war dat mal er Geschäft. As war he ut en Flint schaten, flog de Bosel ut de Hand. Een vun se war jümmer achter Tedohm inrulleert, um sin Wurf wedder gut to maken.

Mit vel Getös' un Gelächter trock man endli, wenn't utmakt weer, in Hupen wedder na den Ort torügg, mak sik smuck, un nu gung egentli dat Fest an. Man trock mit sin Dams noch mal umt Mark, de König ünner de Fahn, Musik væran.

Natürli war bi de Gelegenheit vel drunken, eten, snackt un redt. De Erinnerung war opfrisch't vør all, de 't wussen

---

wunn: gewonnen. meten; messen. Kræpels: Krüppel. glee: glitt. glitsch: glitt. verklamt: erstarrte. Lerveranz: Lieferung. inrulleert: in die Rolle, Liste der Werfer eingetragen.

an de ole ditmarscher Friheit un er Helden, an de Slacht bi Hemmingsted gegen den Dänenkönig Hans, gegen Junker Slenz un de swarte Garr, an Wulf Isebrand vær allen un Telsche Kumpen ut Wörn, un de 't nich wussen lehrn dat — wi Pinner all — vun Öllern un Lehrer (denn of de Schol neem de Tid wahr) un dänsche Oppassers, wenn se't al geben harr, muchen gefährliche Geschichten na Kopenhagen to vertellen hatt hebbn.

It kunn ni laten an Wulf Isebrand to denken, as if Paul Rasmus een Fastlabend ünner de Fahn gan seeg, en wahren Held, so keem he mi vær mit sin breiden Schullern. Un bi em gung Witen Slachters as dat schönste Mäden inn Ort. Harr se de Fahn dragen, dücht mi, dar harr man mit gegen de Dän an muß.

Danz un Gelagg harrn de jungen Lüd vær sit alleen.

Weern dit uns egen Lüd, so keem' Dingsdags un Mittwefs glik darna to't Bermark de fremden Gestalten. As Jung weer Een in de Tid to Moth, as reet dat gar ni af un man harr blot vær all dat Nie de Dgen apen to holn: Orgeldreiers, Muskantens, Varentreders — wat ni all.

Dar keem dit Mal en Mann to sehn — nich vær Geld un nich vær Annerlud Pläseer — awer doch, wil he opfull. It seeg em op't Mark gan as Een de spazeer un sit't beseeg, nix egentli to don harr, nix to kopen noch to verkopen. En jungen Mann, de mi of, as if domals nich harr seggn dörfst, „wunner schön“ værkeem. It scham mi binah, dat it achter em anleep, un scham mi vær em, dat he so opfull. Nüms kenn em, man sä, he weer al enige Dag' hier un logeer int Landschopshus, de eerste Gasthof inn Ort. De Jungs harrn glik en Nam vær em, se nöm' em den Pelzrock, denn so'n Art Kleidung harr he an. Wo he gung, dar keeten de Lüd em na, de Dierns fchern un kafeln, un Lüd vertellen sit gar bald, he weer en riken Mann, harr wide Reisen makt, weer bet na Paris west. Darvun of sin egen Art un Klebasche, in Paris gungn Alle so un keen Minsch full dat op. He harr vun't Landschopshus ut Finster den Amtog vun't Fahnbeer mit ansehn un den Weerth na de Lüd utfragt. De heel em vær ganz wat anners, sä't frili ni na, wat he meen, wink awer in de Himmelsgegend na't Korn, so dat dat düfli

---

Telsche: Mathilde. Varentreders: Bärenführer. kafeln: Lachen. Klebasche: Kleidung.

nog weer, he dach an de Dän, an Kopenhagen, an Minister oder Spijon oder so wat. Em of eenerlei, wenn de Mann gut betal, un dat harr he dan.

He weer noch enige Dag' æwert Børmærk ut bleben. De Ort gefull em, harr he seggt, un dat Landschopshus besunners, en Weerthshus as dat kum in Paris gev, harr he seggt, tomal wenn man de Utsicht hinto neem æwer den groten Markplatz, de nich fins Glikken harr in de halwe Welt, un dat Letzte löv jede Inwahrner.

De Lüd gefulln em of. He weer Markabend herum west, dat weer ordentlich un nett, dat muß he seggn, smude Mädens.

Natürli weer Danz ann Markdag, wo man Platz weer. Dar harr man em allerwegens sehn, wo he en Glas söddert, en Drippen drunten harr, æwerall fikt, as betrach he sik jeden eenzeln, oder söch wjen, den he nich funn, un weer wedder verschwunn.

So verschwunn he of ut den Ort, un Mähm un Meddersch harr æwer em to reden bet he vergeten weer. Wat de ni noch all æwer em utdachten, ehr dat so wit keem, denn de Frunslüd harr he doch besunners gefulln. Wenn Een op den Infall kam weer em vør en russchen Prinzen to erklärn, so harr man 't lövt, denn so wat harr he an sik. He drog Snörsteweln, harr de Husknecht ut Landschopshus verraden, en Dracht, de blot vellicht Landvagts Döchter drogen, en Mannsmensch so wenig as en Snörlif. Wul wuß, ob of ni dat of, denn he weer knebsch umn Liv as en Jümfer. Un Gold as Knöp un Spangn un wat nich harr he allerwärts in Hemdn un wo nich, na de Husknecht sin Red.

Harr de Mann wat mit Witen Kroß to don? Dat kunn of de wunderligste Menschenfeel vun en ol Meddersch ni insalln. So weni as de Herzog vun Glücksborg, de of mal, as he dar den Ort fahr, na er felen harr. In de Österstrat weer he er verbi fahrt, as se dar gung, do harr he de Müß trocken un sik noch lang mehrmals na er umsehn. De ganze Ort weer stolt darop.

So much de junge Mann er sehn hebbn bi 'n Umtog umt Mark. Dat harr he wul, un harr er vellicht of ann

---

Löv: glaubte. Snörlif: Schnürleibchen. Wul: wer. knebsch: schlant in der Taille.



Markdag söcht, awer gewiß of ni funn, denn dar keem se nich.

Un doch, wenn man an den Unbekannten dach, so sproß man vun Witen Slachters, un wenn man Witen Krosß seeg, so dach man an den jungn Mann, as hörn se tosam. Weer he en Prinz — wi harrn de Prinzessin vær em. So wat leeg in Lüd Gedanken. In min of. Denn wenn ik mi harr en Mann to min Madonna teken schullt, so wuß ik genau, wa he utsehn war.

So is't — dat is en Unglück vær Lüd, oder bedüdt een, wenn se nich sünd as de annern; mag't Fehler oder Værtog sin, dat is binah eenerlei. Dar ward um snacht, bet man deran hadt, un man mak't to Schann, wenn't nich heel stark is. Dat geit bi de Minschen as mit de Bageln: lat mal en goldgeln Kanarjenvagel ut Bur: dar sünd de Huslünken so lang' herum, bet he ajmödt is un bet he vertummt. Dar mag of ni mehr bösen Willn mant sin as oft twischen Minschen.

Værlöpi weer Witen Krosß de goldne Vagel.

To Osten den Ort an de Weid leeg en Hus, man nöm dat den Trummelsaal. Dar schulln in de Russentid de Tamburs sik inövt hebbn. Dat Hus leeg eensam, en Farwers Familje wahn dar. Er Geschäft verlang Plaz, un den harrn se: binn an Rümlichkeiten, buten op de Weid un op den Hofplatz um farvte un drückte Waaren to'n Drögen optohangn.

Dat weer recht en Plaz, en Hus un Familje, as sik domals junge Lüd opsöchten, do Danz- un Weerthshüs' vær sünndägli noch keen Mod weern. Dar weern nette opwussen Pinner, un mant de Farvergeselln ut de domalige Tid funn sik mit to en fein smucken Minschen. Denn de Farveri weer noch en Handwerk domals un keen Fabrik, verlang awer al mehr vun Geselln un Meisters, as de meisten annern Geschäfte. En Farwer much sik mant de besten Lüd sehn laten, dar keem' Geselln vun de Sweiz hindal, vun Wien herop, Lüd de de Forms to de Drückeri sülbn uttosteken, de of en Wort mit so snacken verstunn, de dar sungn un Zither spelen. Fein in Tüg gung jede Farwer.

Ut son Hus un Gesellschaft hal sik wol en Schriwer, en Lehrer, en Afsat sin lütt Fru. Bi Farwers oppen Trum-

---

mak't to Schann: richtet es zugrunde. Huslünken: Sperlinge. ajmödt: ermüdet.

melsaal keem of Witen Kroß. Dar gung't ni hoch her, awer vergnügt. Keem wul gar mal en Bolje Punsch oppen Disch mit Rundgesang, un en Hoppsa achterna. En Freud wær Ole un Junge.

Paul Rasmus weer so to seggn mit Slachters Witen opwussen. Bi Jarwers hör he der egentli ni hin. Dat weer sunnerbar, dat en Minsch, de ni spreken kunn, sit ran arbei bet in disse Gesellschaft mit sin Gesang. He arbei sit jümmer achter Witen an, dat wuß Jedereen, un mak sit en Weg dar, wo se gung. He war sit wær er dot slagen laten oder sit wær er dot arbeiten, dat wuß man of. Singn kunn he würlki, wat man domals so nöm, he wuß un kenn alle Leder, de umlepen, un weer un war en ganz anner Minsch, wenn he de brede Bost fri kreeg un ni stamer noch stæker. So weer he mit Jarwers Sæn bekannt warn un war op en Art bewunnert, wenn de Gesell em op en Guitarr begleiten de.

Bi Jungns horden mit to ünnert Finster un leken twischen de Gardin dær, wenn sit en Rez funn. Dar seeg if denn Witen Kroß sitten un Paul Rasmus sung, as goll dat er ganz besunners. Dat kunn of wi Jungs sehn.

Dar weer, in so'n Gesellschaft, of en Abend de Unbekannte kam. Op welke Art? Weg' weern der am Enn genog, de Jarwer harr Waarn to verkopen un en Dochder to vergeben. Wer wull dat seggn! Warum? Dat wuß Jedereen! Un he much wær Witen Kroß sit of noch en swarern Weg apen makt hebbn.

Awer nu leep't dær den Ort as lopen FÜR. Nu wuß man, dat dit ni dat eerste Mal weer! Nu harr em Wul sehn bi de Schanz un bi Hogenheid, bi Wesseln un Weddingsted, bi alle Dörper herum un bi alle Togäng vun den Ort, as leeg he lurn, un he harr also nog Gelegenheit hatt mit er so wul as mit de Olu tosam to drapen.

Dar much wat an wahr sin.

It harr mal bi en Gelegenheit de nadenkliche Obbe to Witen Slachters seggn hört — se keek bi uns in't Finster un harr besunners rode Backen: Witen, de Tähn sitt noch fast, awer verleer din Hart nich!

Do sa se mit en fründlige Mien, de mi of besunners værkeem: Verleern nich, Obbe, dat is to seker.

---

umlepen: in Umlauf waren. Bost: Brust. Rez: Riße. Wul: wer, Jemand. Obbe: Großvater.

Denn hö dat, Witen!

„It warr don, wat ik kann,“ weer de Antwort.

Awer nu gung't in den Ort of æwer den Unbekannten her, as weer he de Hæv de den Golbvagel nastell, un harr man früher en Prinzen ut em makt, so harr man em nu geern to en Schauspeler dalsnackt, weer he darvæ nich to nobel west. Denn unbekannt blev he de Lüd un wuß si to holn, dat em Müms to neeg keem.

Awer — he weer der wedder! It kreeg binah en Schrecken, as ik em seeg. Ganz de Mann, de man achterna leep, un doch ganz anners. Niet vun de Steweln an, de Snörsteweln sin muchten, bet to de Kopp, Rock un allens, as leet he si vær Geld sehn.

He gung geruhig æwer't Markt, as en Mann de spazeer, awer all Lüd stunn un seegen, als wisten se mit Fingern op em.

It harr vær't letzte Jahr mit min Paster un min Nummern in de Park to don. Wat denn ut mi war, dat much mi oft in de Seel væræwergan. Bellicht weer ik deßhalb æwerhaupt nadenklig. Denn ik dach glif an min Madonna, as ik em seeg, den Pelzrock ahn Pelz, mi nu fast noch mehr en absunnerligen Mann, un dat weer mi as seeg ik op jeder Sid vun em, de dar so gelaten hingung, dat Schicksal vun drie Mann un noch mal drie. Wer dach ni an an de drie Olen un an de Rasmussen? Mi weer't as hör ik Paul eerst stamern un denn singn, as hung sin Leben darvun af.

Min Geschäft söhr mi to Park un de Gewohnheit na op den Thorn.

Weer ik æwerhaupt in de Lebenstid, wo man Ahnungen hett un Gespenster süht, of bi helligen Dagen? Dat kumt mi binah so vær. Denn ik klatter herop an de Kloden værbi, as warn se si uthaken un mi bedecken, un bi den groten Perpendikel an de Uhr, as dü he de Ewigkeit an, de nich utblifft, he de sin gewaltigen Schlag hin un her, dat man si kum an em værbi wag'.

Endli seeg ik hendal vun de ol bekannte Galleri op den Thorn, hindal op de Straten, de Mæln, de Schösteens un dat Markt. It weet ni, warum weer mi trurig un wehmödig inn Sinn? Weer't dat ik bald ni mehr wedder keem un de

---

hö: hütte. Hæv: Habicht. Müms: Niemand. dü: deutete.

ol wunnerlige Knecht mit en annern Jung heropwanner, de Klock optrock un kunstgerecht beier, wenn de Klock een slog?

Ik seeg hindal op de Lüd opt Mark, as neem ik Affscheed. Dar stunn de Wagens mit Roggen un Weten, dar in de Allee de smucken Dierns mit Körb mit Botter un Eier, dar hucken de Krautfruns, dar stunn de Boden mit er Herrlichkeiten, vunn Goldsmid an bet to den Nagelsmid. All beschütigen. Ik seeg se op un dal wannern, snacken un handeln. Un dar, dweer vör, heel de Reeg Slachterboden! Un beide Enn noch Tedohm un Hansohm.

Awer wat vör'n Knul Minschen op eenmal dweer dervör! As wenn sik dat wültert un rullt! Keen Lut keem herop. Awer ik seeg Arms æwer de annern hin un Köpp, de ik kenn. Merrn in den Knul weer Witen Kroß!

Wat denn? Wat weer't? Dar stoben se ut enanner! Een Knul leep mit Paul Rasmus dervun. He weer hembd-maun un harr en Stück Dings in de Hand. Een Knul drog en Minschen dervun. Witen Kroß ern blanken Kopp seeg ik dalken. Dat weer allens.

As ik dal keem, weer dat Mark as ut enanner stoben. Doch hör ik glif vun Lüd, de nableben weern, dat Paul Rasmus den Fremden anfulln harr, de harr mit Kroß un Tedohm snackt, un as Witen kam weer as gewöhnlich, harr he em angrepen, as gung he op en Offen los. En fürchterlig Gewöhl. Se harrn sik wrungen op Leben un Dod, un as Paul Rasmus daran west weer, an em sin Meister to finn, harr he't Slachtermess ut de Scheed reten un em in de Bost stecken — Gott much weten ob nich to'n Dod.

Wat en Dprohr! De störrten hierhin, de darhin! De Markplatz weer, as weih de Wind de Bläder weg, so stoben de Lüd ut enanner un to Hus oder to Lann.

Ik leep to Hus. De ganze Ort weer verstört. Man wuß ni, ob man waß oder dröm, lev oder sunst wat. Doch hör man abends, dat de Stich ni gefährli west weer un de Kranke ahn Gefahr. Paul Rasmus weer dervun, na Hamborg, Bremen — Gott wuß wohin. Sin Bröder sän nix, wer frag', kreeg keen Antwort.

Mit Dgen, noch nieschiriger as fröher, seeg ik na Witen Slachters. Weer nix an er to sehn, weer schön as jümmer. Awer unsen Platz keem se mit ern Handkorb, Tedohm Rod

---

Kraut: Krabben. wültert: wälzt.

gröt er as sunst; wenn se torügg gung, de grote swarte Hund keem er entgegen.

De fremde junge Mann weer gesund un fort. Man kreeg nu endli vullständi to weten, dat he en Marschburs Søn weer ut Eidersted.

As se mal wedder in uns Finster sit, do seggt de ol Obbe to Witen Kroß: Ik bün nich tofreden, Witen!

Weer dat wat Besunners, wat de Ol sä, oder wat he dach? Se antwor nig dargegen, dreih sit um, keem in de Dör un sä mit datfüllwige Gesicht, wo ik nig as Schönheit in seeg: Obbe, ik kann ni anners.

Wat denn, seggt he, nich künn'?

Ne, antwor se, de Natur dwingt mi.

Oh, wat, Natur, seggt de Ol böß, un nimmt sin blauwitte Bomwullnmüß af, dar snact Zi all vun! Segg, glatt Gesicht un värnehm Utsehn.

Großvader, ne, seggt se. Ik kann ni anners.

Awer wenn't nu Wind is, un scheef geit?

Denn ga ik mit em ünner.

Un de Ol'n?

Mutt Gott väer sorgen, ik kann ni anners!

Un darmit wanner se tum legten Mal hinut ut uns lütt Stub äwer den groten Platz, un leet sit begrüten vun den groten Hund, de er entgegen keem.

Wi Beiden seegen er ut Finster achterna.

Na torten weer still un so to seggn heemli Hochtid west, un Witeu trock mit er Mann weg, man sä na Tönnning, wo se sit inhürn, denn sin Familje weer't ni recht, he harr as smucke Kerl wat anners belopen kunnt. Sin Vermägen reck ni wider, as dat he gelegentli en Pachthof funn.

Un de drie Ol'n, de alleen torügg bleben? Ik heff al seggt, de Raaf vun domals verstunn dat anners as wi: Schicksaln to dregen. Ole storb äwrigens bald, un wenn Lüß sän, he harr der nich mehr äwer sin macht — Großer Gott — so löb ik dat ok, denn dat Wort heff ik vun mehr as Een un äwer mehr as Een hört. Dat paß ok ganz darhin.

De beiden Annern hucken un slachten tosam un vertellen sit vun er: „Eenmal wull jede Minsch mal sin egen wesen. Dat weer Natur, dat weer Schickung.“

---

inhürn: einmieteten.

It heff se oft drapen, wenn se in Tedohm sin „Slachterhus“ mit all de Anstalt un all de Anstand, de to en Staatssoß hörn much, en Kalb slacht harrn. Dar hung dat un war tazeert. Dat Slachterhus weer schrubbt un spölt, de Rothsteen-Notborrn blenker, de Kasse weer kast. Dar seten de Weiden an den Disch un stippen Stuten in dat warm Gedrünt un smusen, as wer't en Livgericht, un vertellen un snacken. De luden Stimm harrn sik verlarn, lachen hör man nich jüs, awer Kummer heff ik of ni sehn, so oft ik se seeg.

Dat giff je wol Lüd, de in de Vergangenheit leben künnt, un disse Weiden hörn darto. As unser Een dat kann mit en Dag un en Jahr, denn güstern rekt in vundag' herin un vergangen Jahr in dit. Awer de Weiden mit en ganz Leben, wat achter se liggt un wat keen Tokunft hett, keen Hoffnung.

Se seten noch, wenn of krumm, doch ni stumm, wenn of kümmerli, doch ni verkümmert, un reden vun er Reisen na de Marsch, na Ikehoe, vun ern Handel, vun de Tiden, vun Gredenmedder ern Dod, un dat se keen Testament to Stann fragen harr, vun Kroß sin Fru, wa se smuck west weer as Mäden, jüs as Witen nadem.

Vun de keem mit to en lütt Summ, de se sik affpar, vel awer harrn se nich, se mit er Mann. Un dat heel of op, as se en Pachtstell in Jütland funn, denn nu muß eerst mal allens daran wendt warrn. Wider weg weern se je of, un vør ole Lüd so gut as ut de Welt. Awer se snacken vun er, as vun de annern de würlki ut de Welt weern un doch as mit se fort leben.

Na Jahren drop ik Tedohm ganz alleen wedder. Of Kroß weer derhin gan. Harr nich lang leben, vertell he mi, Großer Gott, as Hans Ole. Dar much he wol den leben Gott um beden, dat em dat eben so gung. — Dat weer en schön oln Mann, Tedohm Rode, sin Gesicht harr wat, as man't nich wedder süht, vun Frieden oder Blidheit, as harr Lachen un Liden sik darop tosam utglickt. He slach nich mehr, he eet bi sin Frönn, de beiden Rasmus Jungns passen fründli op sin beten Saken. Sunst wanner he so herum un weer den ganzen Dag to gang'.

As he vun mi gung, hör ik Rinnerstimm „Tedohm!“ ropen, he nüß mit den Kopp, as weer't wat Fierlichz.

Nort nadem funn man em morgens inslapen op sin Bett un nich wedder opwakt.

He harr nich vel leben un sin lekten Wunsch erfüllt fragen.

---

mit to: bißweilen.

Trina.  
(Vertelln II.)  
1856.



Seinem lieben Ohm

Herrn Louis Koeffer in Hamburg

als ein Zeichen dankbarer Treue

gewidmet

von

dem Verfasser.



Jan Niklas Preen wahn in Odderab. He keem jeden Sünnaabend to Markt na de Heid hindal, mit en Dorf vull Botter un en beten Rogg oppen Wagen, obwol he't jüs ni nödig harr, dat weer awer jümmer so wen, un he maek dat of so. He seeg blid un fründli ut sin lütt Gesicht, wenn he morgens langs den Lannweg rinkeem, he seet deep un bequemli achter sin dicken Ber inn Wagenstohl un heel de Pitsch hoch herut. Op den Marktplatz harr he jümmer desülwige Sted, dar wanner he bi sin Wagen op un dal, bet he Botter un Rogg verköfft harr, un seeg sik de Lüd un de Welt so vergnügt un nieschiri an, as wenn't tum eersten Mal weer. Denn sohr he süln na'n Häker un na'n Möller, um en beten Waarn un Finmehl mit to nehm. Dar stunn he gedüllig oppe Del, steek de Kassebohn un den Zucker bet oppen Borrn vun en lerrige Roggenpas', finger de Schilling ut en eben so langn Geldbütel, un sett sik wedder deep achter sin dicken Ber. De Ladendener brü em noch mit enige Plummstöverwizen, de sik so lik seht as een Tut vull de anner, de hör he doch jedesmal eerst vullstännig an, as wull he se of mitnehm, in en lütten Drüppeldraff gung dat denn Namdags den Lannweg wedder rut, un vun achtern weer vun Jan Niklas ni vel to sehn as de grote Hot un de Pitsch, am wenigsten, dat he Verstand un Vermögen harr.

---

Odderade: Dorf, 7 km südöstlich von Heide auf der Geest. hindal: hinab. jüs: gerade. blid: freundlich. wgn: gewesen. lütt: klein. Lannweg: der Landweg führt von Osten über die Schanze (Kampf 1404 gegen Graf Gerhard von Holstein s. Quackborn S. 135). süln: selbst. Häker: Kleinhändler. Del: Haussflur. Borrn: Boden. lerrig: leer. Roggenpas': Roggenstroh. Schilling: 9 Pfennig. brü: neckte. Plummstöver: Pflaumen-, Gewürzkräuter. lik: gleich. Drüppeldraff: Trippeltrab.

Jan Niklas harr sin Burstell vun Vader arvt, mit temli Grund un Borrn derbi, to en Tid as dat Land oppe Geest noch keen Pris harr. Dat Beste weern domals enige Holtbüten neeg bi't Hus, un Törsmoor inne Dösen. De Wischen legen op Milen verstreit, sogar bet Tellingsted hin anne Au. Dar sohr he Summers al as Jung op enige Dag' mit hin to de Hauarn. Se lehrn denn bi en witslöstigen Better vør un maken dar toglik en Besök af. Tellingsted, mit en Rark un en Dik, weer as en Stadt gegen Odbderab mit man sib Buern, un de Jungs in alle Künst un Undæg vel wider as oppen platten Lann. Jan Niklas war gewöhnli vørn Griesen brukt, denn he weer man spinkeli wussen un mehr nieschiri as næswif', gegen de Better sin Søn, en groten Flats, kunn he am wenigsten an; so keem he der meist ünnerdær un lehr al do Geduld un Stillswigen in vullen Maten. Dat weern awer doch schöne Dag', wo he vørt ganze lankwilige Jahr insammel, un as he gröter war heel he sik mehr an sin smuck lütt Möhm Angreten, de orri wat jünger weer as er Broder un nich so unbanni.

Na sin Vaders Dod heel he mit de Moder Hus. De Olsche besorg Melk un Botter, wöhl in Ræk un Garn rum un scholl op de Dierns, un Jan Niklas plög un sei', arn Hau un Korn, verdrog sik mit en jeden, un mak dat as Vader dat to maken plegg. He harr in Anfang wul Lust un Moth hatt wat to ännern un to versöken, he harr geern enige Placken Land verkofft, de doch afgelegen weern, tomal de Wischen anne Au, den Kram en beten afrunnt un en Summ opnahm Bu un Gebäuden beten in Stann un to Gang to bringn, awer dar weer vør de Moder nich an to denken, de weer mit er Hoffstell tosam wussen, en Lappen

---

arvt: geerbt. temli: ziemlich. Geest: das höhere ältere Land im Gegensatz zu dem jüngeren fruchtbaren Alluvialboden der Marsch, in Ditmarschen nicht sehr fruchtbarer Sand- und Heideboden, mit viel Moor und jetzt wenig Wald; daher der Rat des Ditmarscher Bauern: Min Søn, bliv du inne Marsch, da buten (draußen) is allens Geest. Büüt: Landstück. Holtbüüt: kleines Holz. Döse: Moos, Moor. Wischen: Wiesen. Tellingsted: 12 km nordöstl. von Heide. Hauarn: Feuernte. Dik: Teich. Undæg: Untugend. vørn Griesen brukt: als Esel (Grauer) behandelt, geneckt. spinkeli: schmal, hager. nieschiri: neugierig. næswif': naseweis. Flats: Grobian, roher Mensch. al: schon. Möhm: (Muhme) Mutter. Angreten: Anna Margaretha. orri: ordentlich, ziemlich. unbanni: unbändig. sei': säete.

darvun af heet en Stüd vun er Seel, vør er weer wat Nies so vel as wat Slimms, un noch arger. De Welt is nu beweglicher warn, de Isenbahn bringt nich blot Rufferz un Reisernde vunne Stell, se hett Grund un Vorrn röhrri maht un de Minschensinn wackeli; wi wüllt er jüs ni dar vør schelln, dat Gude kann noch kam: awer vør er Tid gung de Welt mehr in er Spor, un dat hör mit to de Religion, dat man Hus un Hav leef harr, nich wil't so vel Dufend weerth is, sundern wil't Bader un Moder to hört hett, un Bader un Moder gefull.

Jan Niklas heel sit an den Globen, un vør em broch de of noch sin irdischen Segen. Nich blot dat he mit de Dlsche eni un tofreden leb; as na un na de Mergelwirthschaft opteem un dat Land oppe Geest in Pris steeg, do harr he fins noch all to hopen, heel dat of troz alle Mätkler un Spikelanten, de em op de Dør lepen, un war half in Slap en wullhebbn Mann. He fung süln an en Stüd Heidland mit to breken, een Roh na de anner muß mehr inne Bos, een Fack na't anner muß anne Schön an, de Beerodenbargen stunn um sin Gewes' as de Thorns um de Walln vun Rendsborg, un mank all den Uwerfloth seet Jan Niklas lütt un fründli twischen, in sin ol Dachhus, mit sin ol Moder.

He sohr noch alte Summer na sin Tellingstæder Wischen un fehr vør in sin Better sin Hus. Dar weer awer of Bader un Sæn to Rau gan, un Meddersch un de lütt Mõhm huden alleen bi enanner fort. De Diern weer grot warn, ja sogar smud; wa geern harr Jan Niklas se mitnahm na Odderad! Awer he kenn sin Dlsche, de kunn am wenigsten leern, dat Kinner of mal ol Lüid ward, he muß, wenn he en Fru mitbroch, so war wenigstens Een vun süm Dree unglückli. So töv he denn gedüllli un leet Gott un't Schicksal walten.

Wi wüllt dat ni all mit aftöben. Sogar sin Nawers

---

wackeli: unbeständig. Hav: Habe. to hört: gehört. de Dlsche: die Alte. tohopen: zusammen. Spikelanten: Spekulant. Heidland breken: urbar machen. Bos: Kuhstall. Fack: Fack im Fachwerkbau. Beerodenbarg: Heuschauer, bestehend aus vier Ständern, die ein Dach tragen, das auf- und niedergeschoben werden kann. mank: zwischen. Dachhus: mit Schilfstroh (Dach) gedecktes Haus. alte: jeder. Meddersch: Muhme, auch jede weibliche Anverwandte. leern: lernen. vun süm: von ihnen. töv: wartete. Nawers: Nachbarn.

un Frönn reet towiln de Geduldsfaden. De ol Ted sä: Jan Niklas, du warst old derawer, wes' keen Karr, du kannst de Olsche je warm hinsetten, dat er nig mankeert! — Denn smuster Jan Niklas, as wenn he noch wat Besunners vær sit vunt Glück hæpen de un sä: It mag de Olsche nig to weddern don.

Se storb in Freuden.

Ob Jan Niklas jüs truri weer oder dat Gegendeel, lett sit ni seggn, denn he sülb sä ni vel. Awer bald weer sin smuck Möhm Angreten sin lütt Fru Angreten, regeer Kæk un Keller, de Dierns un dat Hus un Jan Niklas darto, mit man en Wink. Awer snacken kunn se ok, troß sin seli Moder, doch hör he dat gern, sogar wenn se en beten gnatter, dat leet er beter, he seet un smuster un hör er to. Un smuck much he dat hebbn, dat Hus spegelblank un den Garn hakenrein, un vær sit sülb wuß se ok wul, wat er stunn. Dat gefull Jan Niklas banni. He spandeer sit sogar en nien Stöhlwagen vær Sünndags na Hasted to Kart. Wvrigens awer weer nu bi em de Bærzicht inwurtelt, Kop- un Bulust weern vergan, an Hus un Hab wat gründli to ännern keem nie mehr in sin Gedanken.

Sin Angreten weer dat eerst ni ganz recht. Se harr geern en niet Bærhus sehn ut Finstern mit grote Ruten, dat weer ok rümliger wen un lichter rennli to holn. Als se glückigtiger dagegen warn weer, klag se wenigstens, dat se in Summer de Mest ni laten kunn, un ton Winter weer allns proppenvull bunt Hahnholt bet an den Sell, man kunn sit ni rippen un röhrn vær Wvrsloth, un vel gung der doch bi to Spill: Jan Niklas harr der awer jüs sin Vermaß ut, he öv sit ordentli as op en Kunst, alle Löcker vull to proppen, dar seet man warm mank, sä he, un so seet he ok.

Wenni Jahr is so versluten; jeden Bærjahr bu de Hadbar op dat ol Hus un klapper sin Segen, un Erwülk oppe Del nesten un sung er Vers: as it hier lehmals weer, as it hier lehmals weer, weer dit Jach vull, weer dat Jach vull — denn

---

Ted: Theodor. smuster: schmungelte. hæpen de: hoffen thäte, hoffte. sä: sagte. Kæk: Küche. man: nur. snacken: reden. gnattern: brummen. leet er beter: stand ihr besser an. banni: sehr. Hasted, Nordhasted: 5 km nördlich von Odderade. Ruten: Scheiben. Hahnholt: Firshalken. Sell: Schwelle. rippen un röhrn: rühren. to Spill gan: vergeudet werden. harr sin Vermaß derut: hatte seine Freude daran, es gefiel ihm. öv: übte. Hadbar: Storch. Erwülk: Schwalbe

dar harr dat nie an fehlt. — Eenmal, al dat eerste Jahr, harr de Hadbar Angreten en lüt Böppen mitbrocht, dat weer en lütt Diern, un se nömn er Trina.

Dat giff Minschen mit twee Gesichter, vun jeder Sid een, as Schipper Dreßen, den sin een Back weer jümmer vergnügt un de anner verdrügt. So giff dat ok Dr un Nester as Timm Steen sin Bernhom, de drog op de een Sid Summer-titten un op de anner Winterpermitten. Möldorp is son Nest. Um den Thorn verspaft dat Gerüst, ehr man to't Utbeteren kunt, man meent, dat war Een oppe Nack falln, wenn man langz de schlechte Steenbrügg rumpelt, wo nix Een be-  
gegent as ole Wiver in Snippen. Awer bi de Holthandler sin Eck drippt man en ganz nieu Anwasz, dar stat de Hüf mit niesogte Müern, dar ligt de Gærn bi Duzend int Gras, de ni gan künnt de krupt, de lüttsten slapt oppen Arm oder inn Schot, un een oder de anner smuck Kinnerdiern süht Een lang achterna, wenn man na Odderad herutfahrt.

Ahnli stunn Old un Niet tosam in Jan Niklas sin Gewes'. — De Weg vun Möldorp föhrt in en Wagen um dat Fieler un Heider Moor, man süht den spizen Heider Thorn jümmer to Linken inne Feern. Gelinn kunt man mank de Knicken op de Höchden, de vunt Süden na't Norn dær ganz Ditmarschen treckt, un hier finnt man, verstenen mank Hölter, Odderad, jüs an den Ahsang na't Moor hendal.

Man kunn wol seker wen, dat achter irgend een vun de Knicken en groten Hot opduk, denn Jan Niklas sin Land leeg na dis Sid herut. Dar weer he mit bi't Plögen un Sei'n, un wenn he nich vel hölp, so seeg he doch to. Awer he hæg sik innerlich, wenn he stört war, lang sin Knecht Swep un Leid hin, keem mit sin blid lütt Gesicht oppen Wall mank de Büsch, un weert man en Ditmarscher, de verbi gung, so kenn he em oder sin Better oder sin Dhm, un man muß mit em,

---

Dr: Stellen. Steenbrügg: Steinpflaster. Snippe: dreieckiges Kopftuch, das besonders in Trauer getragen wird. Gærn: kleine Kinder. krupt: kriechen. achterna: hinterher. gelinn: ohne allzuvielse Mühe, allmählich. Knicken: wildwachsende Dornzäune aus Wälsen zu beiden Seiten der Landwege in Holstein. Norn: Norden. treckt: ziehen. opduk: auftauchte. hæg sik: freute sich. Swep: Peitsche. Leid: Bügel. blid: freundlich. Dhm: Dheim.

un sin Angreten muß en „slanken“ Rasse taken, dar hölr keen Remedi gegen.

Wat vörn lütt ol Hus, as wenn dat sik dal huft harr ünner de groten Böm rund herum, dat Maas wußt opt Dack, dat Gras bet ünner de Sidenfinstern, de Köh kunn rin liken. Hier hus' Angreten int Gröne. Un wat vörn lange Schün, wo de lezten Facken noch splinterniet vun weern, un en glatten Kruthof to Sit.

En Paar fralle Dgen taken gewöhnli al ut de Husdær, wenn se wat Besunners hört harr, un mit vele Wör nödig se herin.

In uns olen Burhüs' na den echten Schnitt kumt man vun de Grotbær op de Grotbøl, en netten Rum, in Summer schatti un köhli, na en Tour inne Sünn vun Möldorp her oder de Heid en prächtig Untre, tomal wenn de Husfru mit Rasse un egenbackten Stuten draut. Links kumt man de Ræk værbi, un achter, an den ruhigsten Platz in dat ruhige Nest liggt de Dörnsch.

Bi Jan Niklas weer dat noch stiller as annerwärts, dat much bunt Oller kam, ole Hüs' hebbt dat an sik, man söhlt sik as bi ole Lüüd, de lisen umherscharrt un sachten sprekt. Smokige Ständers un Valken mahnt an Grotvader un Grotmoder, de man sülb'n hatt hett un an de stille Tid, wo man öfter hör: sachen, sachen, Grotvader slöppt!

Inne Dörnsch nu gar weer't noch binah schummeri darto bi helligen Sünnschin. En Reeg Linnböm, glatt scharn as en Ligustrumtun, læhn buten dicht ant Finster as en gröne Gardin, un de helle Sünn leeg darünner op den Grasshof, dat de ganze Stuv grön schimmer. En Ruhbank mit weke Küssens, de in Uwersloth herumligt, dreichte Armstühl mit eben süde, wo man in versacken un ahn en Gerdwinn kum wedder rut kann, sehn natürlig ni, un eben so weni en groten Rachelabend mit mischen Stülper un Knöp. De weer gewöhnli dat Gerste wat man wis war, wenn de Dgen sik

---

huft: gehödt. liken: gucken. splinterniet: nagelneu. Kruthof: Gemüsegarten. krall: munter. Stuten: großes schenkelförmiges Weißbrot. Dörnsch: heizbares Wohnzimmer. slarren: auf Pantoffeln schleppen. Smokig: rauchig. schummeri: dämmerig. Reeg: Reihe. scharn: geschoren. Tun: Raun. læhn: lehnte. dreicht: gedreht, gedrehselt. süde: solche. versacken: versinken. Rachelabend: Rachelosen. mischen: von Messing. Stülper: helmartiger Zierrat und Aufsatz zum Warmhalten von Speisen. wis war: gewahr ward.

towennt harrn, un Jan Niklas seet denn al deep in en Stohl, mit en Knop twischen de Fingern as Handgeber, un nödig Een of dal.

Ruh weer dar un Frieden! un allens paß tosam, as weert to hopen wüssen un opgan. Awer de tum ersten Mal keem un de Dgen eben erst apen kreeg, de markt gewöhnli man int Sitten un wenn Jan Niklas sä: Lütt Trina! dat noch Wull inne Stuv weer. „Lütt Trina! lang mal den Taback her!“ Ehr harr man en ol Grotmoder vermoden mant all dat Ollerdom as son frisch Blot, un lütt weer se am wenigsten, wenn se dat Neistüg wegschob, weef un smidi ut er Eck rut keem, ahn en Glup Taback un Kalkpip hinstell, Kael in en mischen Fürsatt hal un höfli sä: Willkam, bebeen se sit! Ant Spreken hör man, dat se noch junk wen muß, so vüllli weer de Gestalt, blot de Popp schin en beten torrüggeblebn, dat weer ganz Jan Niklas sin Gesicht, fast en beten lütt vör dat dichte Haar. Ehrnfast gung se glif wedder an er Arbeit, man blot dat Knistern un Knirrn, wat so öfern un fredsam deit, leet noch hörn, dat se dar weer, un wenn mal int Snacken wat Besunners vörkeem, so heel of dat op, un en Paar glänzen Dgen seken ruhi un klof ut de ruhige Eck.

Verleben Winter harr der oftmalß en Visit bi Jan Niklas inteken un ton Vörjahr keemn se noch öfterß. Meistens weern dat Mäklers, denn dat Korn steeg noch jümmer inn Pris, of keem wul en Möller oder Brenner sülb ut de Heid oder vun Möldorp herop, wo Odderad in en Wagen twischen in liggt, un Jan Niklas plegg se to holn un leet sit utföhrli vertelln vun allns wat op Geest un Marsch passeer, vun Land un Lüden, denn Avisen warn ni leß as dat Ijehoer Blatt, wat bi de fiv Burn gemakli herumgung, dat broch Jan Niklas jeden Sünnaabend mit ute Heid vun en Volkbinner.

Au awer weer of en jungn Bumeister hüpi bi em vörloopen, de mit Hans Grimm to don harr, vör den Riß un Anslag mak un vel beklæn. Hans Grimm weer de jüngste Bur int Dörp. He harr sit hier vun Angeln her infriet

---

Handgeber: Spielzeug. Wul: Jemand. vermoden: vermutet. Ollerdom: Altertum. smidi: schmeidig. Glup: Blick. Kael: Kohlen. öfern: stillschweig. verleben: vergangenen. Wagen: Bogen. Avisen: Zeitungen. fiv: fünf. gemakli: allmähli. Anslag: Plan. beklæn: besprach. infriet: hineingeheiratet.

un vun dar de Bulust mit herbrocht. In Angeln weer dat Buden en Tidlang binah en Krankheit warn. Dar muß jede Bur vør sin Enn en Palast opsetten un en nie Art Stöhlwagen inföhrn, anners kunn he keen Rau finn. Et in Ditmarschen sung dat hin un wedder an un gev wenigstens vel to snacken.

De Bumeister harr al hier un dar herum in Lann Niebuten opsett. He weer en thäti driftigen Minschen, wenn of ahn vel Wör, he weer lang in Hamborg as Meistergesell wen, un harr wat vun dat Rasche an sit, wat son Art Lüd frigt, vør de de Tid Kaptal is un Zinsweerth hett, wogegen de Bur darmit umgeit as de Dis mit de Moltmæl, un gedüllli sitt un tövt as de Katt vørt Muslock: kumt der wat so ward dat wol kann.

Jan Niklas hör gern to un frag nip un verstänni wenn de Zimmermann sprok un vun Hans Grimm sin Ansläg' vertell. He frag em ut ewer en bequemli Schün, ewer en warm Bos un rennliche Lohdel, ewer sin Buten, de he opsett oder innern Hann harr. De junge Meister sett em dat kunstversänni ut enanner. Dar lepen wunderlige Wör mit inner vun Swerter, Hahnhölter, Krüz- un Tappenverband, vun Streß- un Hangwart: dat muß all verdütscht warnn, wat Jan Niklas fat, dat muß he of begripen, un de Meister harr darto jümmer Tid nog as't schin, dat much mit to't Geschäft hörn, Ansehn thut gedenken sä de Hæker inne Heid, oder em gefüll de Kasse un de Stuten, de Angreten bald broch un geschäfti af un to leep. Trina seet darbi inne Fenstered to knüthen oder neihn.

En Mann ute Heid, mit en Sprak, de wat to Enn bringn will, is al so vør en Burhus as en Lufttog in en Busch. Leet Jan Niklas sit værreken, so süß Angreten intwischen wenigstens noch na en nien Keller, wenn se jüs binn mal so lang Tid harr, un Trina bu in Gedanken Schün un Hüsen na er egen Gu un Pläseer. Se dach sit darbi ut, wa in son Hus to wahn un leben weer, as de Meister nu jüs ut enanner sett, Dörnsch un Ramer den sit vør er op, se gung un

---

Buden: Bauen. Enn: Ende, Tod. driftig: thatkräftig. ahn: ohne. Moltmæl: Malzmühle. Lohdel: Dreschdiele. Swerter: Querbalken. Hahnhölter: Tragbalken. Krüz- un Tappenverband: Kreuz- und Zapfenverband. Streß- un Hangwart: Strebe- und Hängewerk. knüthen: striden (eig. knoten). reken: rechnen. süß: feuszte. binn: drinnen. Gu (goût): Geschmaç. Pläseer: plaisir. den: thaten.



verkehr darin, as stunnt inner Dack un Jack, seeg ut de Finstern æwer de Gegend, seeg de Lüd, de der keemn un gungn, un er Gedanken speln mit umher. Wenn de ernst-  
hafte junge Mann denn Krit un Mastock ute Tasch lang,  
op den brun Disch Tassen un Romguß torügg schov, un ute  
Hand mit wenige grave Streken Grund- un Dpriß hinteeft,  
so keem se of herbi, keef æwer Bader sin Schuller mit ver-  
ständnige Dgen to, un Kopp un Gedanken harrn noch lang  
to don, wenn de Meister al op den Weg na de Heid uten  
Sicht weer.

Gen Morgen um dis Tid, as Jan Niklas mit ut weer  
de erste Hawer to sei'n, keem he all fröhtidig Barmdags  
wedder mit wul Fremds torügg, so dat Angreten, de den  
Meister vermoden, em al vun Feerns inne Möt fik. Denn  
gegen sin Gewohnheit snack he mit, dat man em hör, un se  
seeg, hat he dat iwri harr. Den he mitbroch weer en jungu  
Minschen, hoch wussen un mit edige Schullern, de jüs ni ut-  
seeg as Gen, de op en Pip Taback herum to Hus hör, un  
doch so betemli gung, mit dærtrocken Kneen, as gung he  
nawern, un mit Jan Niklas snack as en ol Fal mit sin  
Moder. Wat Bærnehms weert jüs ni, un de Hann harr he  
inne Tasch. Awer Angreten heel fik doch inne Schul un leet  
se eerst langs de Grottdel passeern, wo he fik of ni buck noch  
stülter, as harr he dar al ehr in Düstern Eier langs dragen,  
un gradut mit nan achtern nan Dörnschen tostür. He weer  
wat bleef vun Gesicht, jüs ni ungesund, awer as uns Lüd  
nich to wen pleggt, de de Botter vunne Karrn et un de Mest  
vunne Roh, en beten knaki oppe Been, dat much doch en  
Sadler oder son Art wen, de toles doch noch en paar Proben  
ut de Sidentasch frigt. Un de Heiders sünd gar drof, Jan  
Niklas la' fik nagraad allerlei op, he nödig em blid herin:  
kumm in Dörnsch! un de Fremde seeg noch na alle Kanten  
na Ræk un Sidentamer, un tre in Dær. Trina weer der  
binn to wischen, de seeg kum um, op de gung he to, un as  
he beide Lippen as en Paar Kirschen tosamtrock, plitsch de

---

Krit: Kreide. Romguß: Rahm, Sahneguß. grave Streken:  
grobe Striche. teef: zeichnete. wul: einige. uten Sicht: außer Seh-  
weite. inne Möt: entgegen. iwri: eifrig. betemli: ungewungen.  
gung Nawern: ginge auf Nachbarschaft. Fal: Füllen. Schul: Ber-  
sted. stülter: stolperte. tostür: zusteuerte. Karrn: Butterkarre. knaki:  
knöchern, steif. drof: grob, zudringlich. la': lud. tre: trat. trock:  
zog. plitsch: pfliff.

Ogen kneep un müffel as en Kanink, seeg se em eerst verbligt grot an, dat he en Schritt torüggtrê, awer in en Ogenblick lach er Kinnergesicht ünner ern langn Koppdot herut, un alle Dree warn lud as se sä: Peter, du Knepmaker, wo kumst du her? Dat harr Angreten buten ni umsunst hört, of schin de Stimm er bekannt, so keem se achterna un hör wa he sä: It bün al en Tidlang wedder inne Heid un muß doch of Odderad un min Spelkamrad mal wedder sehn. Un nu gung dat an en Herrje, Hannschütteln un Verwunnern.

Dar harr fröher in Odderad en Smid wahnt, en Mecklenborger, as gewöhnli. Denn de echten Ditmarscher weern vun Oln her blot Landlud un kum wat anners. Handwarfers keem oft ute Fremdn, Handelslud meistens, se sunn Verdeenst un Fortkam bi uns, een trock de anner in sin Geschäft ut sin Bekantschaft na, un vele gungn toleh mit Geld torügg in er Heimath oder bleben of hier behangn un besitten. So fregen wi de Keteldregers vun de Hollandsch Kant, wo fröher wul uns Grasmeihers er Geschicklichkeit öben un Dalers un Geschichten mitbrochten vun Langerwil un Rennlichkeit, — de Linnmannskramers ut Westfalen, sogar de Zigeuners keemn, un noch in unse Tid kamt de jüsen Lippischen to't Steenbaden. En Jeder broch uns so ut sin Land bi de Waar un Kunst wat vun sin Slach un Art mit, gut un slecht, de Mecklenborger meist en Portschoon Grofheit, woran wi süln sunst jüs keen Mangel harrn. De Smid in Odderad heet Stamp. He harr nig besunners an sit hatt, en beten to vel Brannwin drunken, to vel rog Speck eten, of wul to faken flökt, wenn ni nöddi weer, awer ehrli un fliti weer he wen, un twee Kinner harr he optrocken, de öllste en Mäden, de jüngere Peter, de Knepmaker, as Trina sä, en sib süß Jahr öller as se, doch awer er Spelkamrad wen menni schöne Dag lank. Denn de Smid weer stapelbulz dot blebn as Peter noch en Kind weer, de Moder leet em sin Willn un leet em herumspeln as he al harr mit arbeiden kunnt, se heel de Stell blot so lang, bet er Dochder na Meckelnborg weg an en Verwandten verheirath war, do weer de ganze Familje weg-

---

kneep: kniff. müffel: mit den Lippen kaute. verbligt: starr vor Staunen (eig. vom Blicz gerührt). Dot: Tuch. achterna: hinterher. behangen un besitten: hangen und sitzen. Keteldregers: Kesselsleder. Linnmannskramers: Leinenhändler. jüs': ausgehungert, mager. Badstee: Biegel. Slach: Geschlecht, Wesen. rog: roh. faken: oft. flökt: geflucht. fliti: fleißig. süß: sechs. menni: manch. stapelbulz: plötzlich.

trocken, un de Smêd ingan. Un as dat so kam kann, dat Een ganz alleen opwasst merrn mant Minschen, so weer of Trina nadem alleen wen, ahn en Kumpen. Rinner weern der nich int Dôrp as gar to junge vâer er, ol Ted sin Dochder weer to grot. So kenn se nûms recht as de se inne afgelegen Schol drop, un Spêlcamraden harr se ni hatt as Peter Stamp.

Keen Wunner wat dat vâern Fragen un Bertelln bi't Weddersehn gev. Angreten much gar to geern weten wa emt gan weer un wat he nu bedrev, ob de Moder noch lev, ob de Schwester dat gut gung: awer se tôv na er Gewohnheit selten recht de Antwort af, so frag se al wat anners, un Trina weer of redseliger as sunst, so dat de Snack um leep as en dûsi Mantküfen um de Melkbütt. Trina wull weten, ob he noch wedder na Odderad finnn kunnt harr, ob he er Hoffstell, ob he noch allns wedder kenn, ob he er glîk wedder kennt harr?

He harr er seggn kunnt, dat se opblôht weer vun en Baton to en Ros', de jûs ut den Knuppen brîcht. Blôd weer he of nich, sâ awer doch blot, se weer banni wussen un grot warn, awer er Gesicht weer noch grad so as dotomalen, do he er toerst bi de Hand mit na Schol brocht harr. Se weer domals süß Jahr wen un en ganz lütt fin Ding as en Hôhnerkûf, awer grote Ogen harr se hatt, un domals ûnnern Arm en grote Tafel. Unnerwegens harrn se op den langn Stig gele Hunnblôm plückt, denn dat weer inn Frôhjâhr, ut de Stengeln en Red maht, de Trina umfreeg, un ut de Blôm en Kranz umn Kopp. So marscheern se na dat eensame Scholhus, Perzepter stunn mit de Pip vâer Dâer to sünnbaten, den kenn Trina ganz gut vun er Vâder her, wenn he em besôch un de Zeitung mitnehm, un weer gar ni bang. So vel Rinner as hier Tid un Pêrd spêln deen, of Raasball, Hînterputt un Produkten harr se awer noch ni eenmal sehn.

Smêd: Schmiede. merrn: mitten. nûms: niemand. drop: traf. emt: ihm es. Snack: Rede. dûsi: taumelnd. Mantküfen: Entenküchlein. Melkbütt: Milchbutte, Bottich. Baton: Schößling. Knuppen: Knospe. dotomalen: damals. gel: gelb. Hunnblôm: Taraxacum, Kuhblume. Red: Kette. Perzepter: Schullehrer. sünnbaten: sich sonnen. Tid: Greifen. Raasball: Ballspiel. Hînterputt: ein Spiel, bei dem der Spieler hinkend einen Stein durch mehrere von im Sande gezogene Linien gebildete Fächer mit dem Fuße in den Topf (Butt), das letzte Fach, stoßen muß. Produkten: Kinderspiel mit 4—5 Steinen, die man im Sitzen vor sich legt, allmählich aufgreift, aufwirft und fängt.

Se weern of all ut Sackbüttel, Bunsloh un Offenbüttel herkamn, un keemn nu all um er herum un gungn mit se herin. Awer binn weer dat slapri, un rüf wunderli, un wat Perzepter sä, dat knarr so, un Peter muß anne Tabelln. Do fung se an to ween all mit ern schön Kranz oppen Kopp, un as Perzepter er frag, do sä se: It mag ni alleen wen.

Dat vertell de junge Mann mit de nüdblichsten Gebern, dat dat vör all Dree en Freid weer, un Jan Niklas rev vör Freid sin Abenknop.

Peter Stamp weer bi ol Ted vörkehr. He keem ut't Dörp ni so bald wedder fort as he seggt harr. Ol Ted sä, inner en acht Dag' goll dat bi em vör keen Besök, he schull sik man eerst mal utreden, nös muß man doch of noch wat klæn'n, Stöhl un Betten harr he vör em un noch wüch mehr, un de Tid keem jümmer vunt sübn. Vör Trina weer dat en Freid, er gungn in Stilln de Gedanken dör, wat't nu all geben schull, de Dag' seggen er frisch un heiter ut. Grote Dingen weern't nich, se harr nich mal angeben kunnt wat se hiep un hoff, awer er weer't wichtig genug un harr dat man ern Kanarjenvögel angan. Frei se sik doch al vun Wihnacht an op den stameln Hans Ruh un sin Süster, de inn Fröhjahr ton Törfgraben keemn. Wat kunn de gar bringn? nich mal en ordentlichen Snack, denn sin Süster hölp em jümmer umsonst to de Wör. Awer dar keemn denn doch twee nie Gesichter jeden Morgen to'n Kaffe un Abends to't Eten, un vör er keem en ganze Welt der mit, of wenn se se blot bi sik wuß.

So sünd einmal uns Lüd, un son junk Mädensseel is schüchtern un nieschiri as en Nachdikal: wa geern süht se de Welt, awer jo verstecken un jo nich to lut! Bi wull Fremds kunn se lurn as op en Geheemnis, de Klang vun de Stimm, de Dgen, de Mien weern er wichtiger as de Wör; dar prób un prüf se er Seel daran. Vör son Gemöth is en Minsch as en Bos, wat man Blatt vör Blatt dörgrunvelt un innerli in sik vertehrt, keen Wunner, dat vör se en Wort, en Spruch wedder lebenni ward as en Minsch, de

---

slapri: schläfrig, langweilig. rüf: röh. knarr: s. Stimme schnarrte. Tabelln: Wandtafel. rev: rieb. goll: gälte. utreden: ausreden, ruben. nös: später. wüch: welsche. stameln: stammelnd, stotternd. Süster: Schwester. verstecken: versteckt, heimlich. wull Fremds: einigen Fremden. prób: stellte auf die Probe. dörgrunvelt: durchgrübelt. vertehrt: verzehrt.

to se reb. Wenn se man ut Finster æwer de Gegend seeg, so sproken Büsch un Böm to er vernehmli, dat gung der umher un dær er hin as de Athen ut en Blomhof. Man süht dar vun de Höchden æwer ganz Norditmarschen as æwer en Teller, dat Moor to værn, de Dörper verstreit, lant hin streckt sit de Heider Bomalleen dær de roten Hüß, un wit achter de Marsch blentert vun Wesselburn bet Mül- dorp as en sülwern Stremler verlockend de See. Wat vær Gedanken harrn dar nich Platz? un de Weg stunn vær se apen bet Hamborg herop un bet æwer de See na Engelland.

Peter Stamp weer den annern Morgen al fröhthidi wedder bi Jan Niklas. He harr ol Ted sin groten kalmuden Rod antregen un en Paar bunte Tüffeln vun de seli Tedsche. Denn he harr sit ni richt op lang blibn, un muß doch wat anhebbn, så de Ol, wo he in rumrungzen kunn. As Angreten ut de Ræfendær glup un em wedder ni keun, kraz he mit de bunten Föt as en Hahn, baller mit de widen Maun anne Sit as mit Flunken un freih hell op. Darmit gung denn Gelächter un Snack wedder los, wat gar ni asriten kunn. Bi sin Knepp full Angreten sin Klüteri in, un wa he al as Jung nett anstelli wæn weer. Se kreeg em mit na Ræk na en Slött ant Schapp wat drang gung un æwersnapp. Dar hüd he bi un dreih, as de Frunslüd iwri tofeken, kreeg dat of mit en par Griffen in Ordnung, leet sit dat awer ni nehñ, dar in alle Ecken herum to glupen un to funkeln, so vël Angreten of hølphool, un trock mit en Knast Zucker af, dat smeet he hoch inne Höch un fung dat denn glitgülti ünnerwegens mit den Mund op. Dat geb awer noch anner Klüteri un Gebreken, dat weer Angreten to nett gelegen, Trina keem of mit wat, Peter kunn allns hølpen, fliden un pladen un verstunn mit allns um to springn. He wuß noch wo in Hus' de Nagelfors hung, Sag un Betel, Hamer un Frittbahr hal he tosam, as harr he dat güstern abend weg-

---

Blomhof: Blumengarten. achter: hinter. Stremler: Streifen. Tüffeln: Pantoffeln. Tedsche: Ted's Frau. rungzen: sich träge und nachlässig reden. glup: guckte. baller: lärmte, schlug. Maun: Armel. Flunken: Flügel. Klütern: an Kleinigkeiten hämmern und fliden. Slött un Schapp: Schloß und Schrank. drang: schwer. iwri tofeken: eifrig zusahen. funkeln: ungerufen betasten. hølphool: Lärm schlug. pladen: s. v. w. fliden. Sag un Betel: Säge und Meißel. Frittbahr: Frittböhrer.

hungn, plant sik en oln Disch inn Pesel op mit Schrubsticken un Hæwelbrett, as wull he dar wær de Tokunst sin Warksted opslan, un as Jan Niklas tot Lüttjmiddag vunt Feld to Hus keern, funn he em wær vull int Püsseln un sin beiden Frunsliüd bi em mit spleten Naschen un reten Aschern, mit lahme Scheern un krumme Wirn, un wenn't man Trina er drange Matelbüß oder en verbögten Fingerhot weer, so war dat halt un beduert, un Peter muß dat bedoetern un beplastern.

Dar harrn se't hilt bi, un Jan Niklas hung sik mit ævern Disch. Denn nebenbi vertell de Peter gar to nüdli. Dar drück he en ol blickern Theedos' de Buln ut un wrung mit de Hand derin rum, un kunn denn anfangn un vertell vun sin Meisterinsche, de banni gizig wen weer. De harr of son grote blickern Theedos' hatt binah as disse, awer grön lackert, un en beten affellt, un gröter, umpaß as en Botterkarrn hoch, awer man weni Krut derin. Dar harr se jeden Abend mit den opkrämpften Arm, un de weer as Annerliüd er Dorful, bet oppen Borrn in hendallangt un mank de drie vørsten Fingern en paar gröne Spirn wedder mit rut brocht, wo se en heel Pohl Water op schent. Botterbrot gev dat darto, wenn of nich to smerri, un Sünndagsabends meist Bratelsch inne Schüttel. Nu harr he markt, dat se jedesmal een Sid vunne Sett genau wær sik dreih un harr dacht, wat dat bedüden much. Lang harr he umfunst gruwelt un der ni achter kamm kunnt. Do harr he mal ins opsehn, as wenn oppe Strat wat Absunnerligs værgung, un ropen: nu süh an! un as Meistersch un Meister sik um sehn, harr he de Sett dreiht un do of richti markt: Meistersch wenn' sik jümmer de fettste Sit to. He harr awer keen Mien vertrocken un sik dat smecken laten. Sit dem weert beter warn.

---

plant op: stellte fest hin. Pesel: der große Saal im bitm. Bauern-  
 hause, der dem Eingang in die Grotzel gegenüberliegt. Ein uns er-  
 haltener „Pesel“ ist im Museum bitm. Altertümer in Melbors aufge-  
 baut. Schrubsticken: Schraubstöcke. Hæwelbrett: Hobelbrett. Lüttj-  
 middag: Frühstück. spleten: gesplissen. Naschen: kleine Holzschachtel.  
 reten: zerrißen. Ascher: Pappschachtel. halt: geholt. harrn dat hilt:  
 waren stark beschäftigt. blickern: von Blech. Buln: Beulen. Meister-  
 insche: Frau Meisterin. affellt: hatte die Farbe, gleichsam das Fell,  
 verloren. umpaß: beinahe, ebenso „um un bi“. Dorful: Thorstraße.  
 Spirn: Spizen, Blättchen. heel: ganz. Pohl: Pfuhl. smerri: mit  
 Butter beschmiert, bestrichen. Bratelsch: Ausgebratenes. Sett: „Seße“,  
 große, flache Thonschüssel zum Hinstellen der Milch. mal ins: eins-  
 mal. wenn: wendete.

Darbi keem't nehenbi rut, dat he bi en Sadler ordntlich utlehrt harr, reist harr he of, smuck Tüg harr he un Geld oppe Fick, awer wenn Angreten nu nieschiri mehr frag, so dreih he jümmer mit en Zufall de Schüttel um, un de lustige Sit weer gewis jümmer vær em.

So blev Peter Stamp een Dag na de anner, denn wat behagt, ward licht en Gewohnheit, keem een Morgen na de anner vun ol Ted ævern Weg, eet bi Jan Niklas sin Fröhstück, oft of sin Middag, hör bald mit tot Dörp as de Bönn, de dar waht, un de Bageln, de dar bu't. He gröt un sprok en Jeden, harr vær Jedermann en egen Art em to Wort to bringn, vær jede Hus sin Tid un Wis' to kam un to gan. He seet dar en Minut opt Geländer vær Dær, keek dar bi't Verbigan en Ogenblick dært Finster, Rümz dach mehr wohin un woher, vær de Meisten weer he de Spaßvogel, de der kam weer as de annern un sin Melodie op sin egen Wis' sung. Awer allerwärts weer he derbi, smök Abends mit ol Ted sin lange Pip, vertell de sin Dochter Spöselgeschichten, bet se gruli war, un wenn he oppe Grotzel Knechts un Jungs drop, so drill he of de un wipps mit en smerri Gesicht dervun. En Sünnabend weer he mal mit ol Ted na de Heid wen un harr sit Hemdn un dagli Tüg mitbrocht, en Sünndag sohr he mit em in sin besten Stat na Hasted to Mark, ut Dag' warn allmähli Wæfen.

Dat Fröhjahr rüd heran, mit dem keem de Arbeiders na Odderad, de dar blot vær den Summer to don hebbt, am meisten bi den Dörf. Richti keem of de stameln Hans Ruh bi Jan Niklas antrecken, as de Swüll oppe Del un de Hadbar opt Hus, mit sin ol Süster, de em bi't Dorfsgraben hülp, ebensovöl of bi't Snacken, wenn de Wör em to swar fulln. Trina gung se blid oppe Del entgegen un weer glückli, as de truharti Arbeiter er mit de groten Hann æwer de Backen straf un er vertell, dat se en vullstänni, smuck, witt Jümfer warn weer. Peter weer jüs derbi, lach as en Spitzbob, un drill er dat se son Freid harr an en tobraken Red un stækern Leef-Leef-hebber, wobi he glik den arm Hans verbister un em genau

---

Tüg: Zeug. Fick: Geldtasche. de Bageln bu't: die Vögel nihten. smök: rauchte. Spöselgeschichten. Spußgeschichten. gruli: bange. drill: quälte, foppte. wipps: entwichte. smerri: schmierig lächelnd. Wæfen: Wochten. Wör: Worte. blid: freundlich. straf: streichelte. tobraken Red: gebrochene Rede. stækern: stotternd. verbister: verwirrte.

nabeer, un sä, he muß man bi em inne Lehr gan, um bi Trina en Steen int Brett to frigen, sin Süster harr al gut prosteert. Un nu funnt sik denn of, dat de wütkli en beten stülter un anstött, wenn man er oppen Mund keet, un as Peter se denn foorts beide int Bertelln broch un sik quanswis mitöv un tolek beid vertörn, do gev dat en lächerli Babelsnack, dat Jan Niklas dat Liv anholn muß, awer Trina war böös un gung weg.

Se kunn dat ni utstan. Se kunn dit un dat ni liden. Lachen much se of, awer op annerlüd Kosten, dat weer er häßli. Se kunn ni liden, dat man vör Spaß Een weh de, dat man Een wat wiß maß, brüden un drilln weer er toweddern. Se much ni mal hebbn, dat he de Ratt ni in Freden slapen laten kunn oder de Spiz narr, ahn dat de em mark un dat arm Deert as ut Gespensterfurcht hul un utneih, un de boshafte Ullenspiegel vertroek keen Mien un lock em wedder an mit fründlige Wör. Se weer ni peeweef, se kunn wol en Duv slachten wenn't wen muß oder en Fisch utnehm, awer ehrli muß dat hergan. Doch denn seeg se wedder, dat Spiz un Pudel em nalepen, un de am meisten, de he am argsten quäl, un he weer wedder fründli un deensfarri, wenn man't gar ni vermoden de; wenn man sik Abends argert harr, keem he Morgens as de Sünnschin int Hus, wo allens bi ophell un Bader un Moder redseli bi warn. Wat schull man denken?

Mit Hans Grimm sin nien Bu war't richti Cernst. De Platz war affsteken, dat Hus keem wat wider vörwarts herut, dat he mehr Rum to de Hoffstell un to en groten Garn kreeg, den he anleggn wull. De Garn schull na den Ahsang dal gan, dat Hus reck half in den Appelhof rin, half keem dat in en apen Koppel, de sik na't Moor affenkt, de gewöhnli int Gras leeg un mit Melkföh beweidt war. Dar müssen wülf vun de uroln Appelbööm umhaut warnn un en grote Esch inne Eck, de wol Jahrhunderten darstan un noch de

---

nabeer: in Gebärden nachäffte. prosteert: profitiert. stülter: stotterte. foorts: sofort. quanswis: „gerade als ob“, nur zum Scheine. mitöv: mitübte. vertörn: erzürnte. Babelsnack: wirre Rede, wie zu Babel, 1. Mos. 11, 7—9. brüden: necken. narr: soppte. Deert: Tier. hul: heulte. utneih: austriff. peeweef: weichlich. Duv: Taube. deensfarri: dienstfertig. ophell: heiter ward. apen Koppel: offnes Stück Land. int Gras leeg: mit Gras bewachsen war. wülf = wüde: einige. uroln: uralten.



Friheit un de Slachten sehn harr æwer dat Zieler Moor. Jedermann duer deræwer. En lange Streck vun den Wall mit de hoge Knick war dalreten, dat geb en grot Verännerung int Dörp, as gevt en Erdbbeben un allns war unseker. De Büd lepen darhin ann Fierabend tosam, um den Gruel mit antosehn, vær de jungn doch en lusti Spektakel. All wat ut den Grund keem war bewunnert, de vertifzten Wurteln inn Wall, de groten Grausteen inne Deep, Renners verssekern, de wußsen nu ni mehr, wenn de Sünn se beschint harr. Un wat kunn dar ni noch sunst all rutkam? vellicht mal wat ganz Sunnerbars!

Trina kunn sik dat toerst kum denken, dat son Verännerung mægli weer. Se harr dat hier nie anners kennt as schatti ünner de Böm un köhli in den Amtmannskohl, nie anners as sünnig ævern Wall um den twelsten Schirpahl un mank de ruhigen röthligen Röh. As de Esch umhaut war, stunn se fast ängstli derbi un seeg de Eren er int Fleesch faten.

Man harr bet den Abend mit de lekten Släg' tövt, wo allemann int Dörp weern bi't Umhahn to hölpn. De junge Bumeister stunn un comdeer lut un steenharti, he seeg er häßli derbi ut, un doch værnehm, se harr en Gruen vær em frigen kunnt, denn allemann faten mit an de Keep un trocken na de Taft, den he angev, sogar wüll Fruns un er egen Bader, de dat Enn heel, un schändli repen se hurah, as de prächtige Bom gnasch un brasch un demödi orpe Sit full. Do wißch de Bumeister sin Hann af as en Slachter un befohl wedder wat nieß.

Na enige Dag' weer de Platz ebent un de Grund affteken. Man wenn' sik an den Frevel. Dat geb ganz nie Weg', de man sunst ni gan harr, un wo nu Jedermann tre ut Nieschir, ganz nie An- un Utsichten keem apen, man kunn sik ni genug verwunnern, wa de Gegend en anner Gesicht kreeg, man keef sik noch wedder mal mit umher un entdeck wat, wo man sunst jeden Dorpahl kenn, so wit dat

---

Zieler Moor: s. Quidborn S. 195 ff. duer daræwer: bedauerte dies. dalreten: niedergerissen. Gruel: Greuel. vertifzt: durcheinandergewachsen. Grausteen: Granitblöcke. inne Deep: in der Tiefe. Amtmannskohl: Geißfuß, eine Schirmpflanze. twelst: gespalten. Schirpahl: Scheuerpahl für das Vieh. Eren: Aste. Umhahn: Umreißen. comdeer: kommandierte. Keep: Seil, Tau. gnasch un brasch: knarrte und krachte. wenn' sik: gewöhnte sich. keem apen: eröffneten sich.

Dg redt. Dat war en netten Tidverdriv un rein en Bläseer, besunners wil man of annerlied drop. Ol Ted harr sit bald en egen Siz op den Eichenstamm erobert, de blot utpult war un liggn blev, en Ast deen em as Rüggelächelich, dar funn man em den ganzen Dag, wenn gut Wedder weer, wo he toseek un mit de Arbeiders klän oder de em sunst ann Weg keem. Peter Stamp weer der gewöhnli to drapen, of de Frunslüd int Döörp keem mitto mit Knütttüg darhin.

Trina verwunner sit, as de Grund to de Müern leggt weer, wa lütt alle Gelaten warn. Se harr den Bumeister mehrmals den Riß wisen un teken sehn un sit in Gedanken ganz wat anners to recht stellt. Se sprok mit Peter derawer, mit den se wol allerlei beklän. He brü er un sä de Timmermann harr den Riß na de Grashüpperhüf' nahm, de Trina as Kind ut Swewelsticken un Kartenbläd ut Mitliden vör de arm Thiern, de Nachts buten sitten müssen, opbu. Awer he war doch ernsthaft, as he seeg, dat Trina sit ungedüllig umwenn', he bedü' er vernünftig, dat dat jümmer so leet, bet de Müern umhöch weern; un as se tosam dör den Appelhof to Hus gungn, weer he sogar de Gerste, de sachmödi op er Rinnerpilln torüggkeem, wat se so geern harr. Trina weer in de Jahn, wo son junk Seel toerst sit besinnt un ahnt, wat kamm kann, un wol al wehmödi torügg süht op en Tid, de kum to Einn is, wo awer dat Hart ni lengt, as nu mitüinner, un doch sülbni ni weet wona? En Minchenhart is en wunderli Ding, en Mädensseel is as en Blom, wo kumt er de Duft her? Se seeg ut er blauen Ogen besunnerli umhöch, denn plegg se de Hann an sit to drücken, un se sä: Wa weert en schöne Tid, Peter! do weer alls gut, du weerst of anners! He schu sit to lachen, as se so re an sin Sid as en Prester, weer se doch antosehn as en Engel vun haben, er Haar glänz in den Abendschin, so fram seeg se ut. Fast as in Andacht gung he op er Gedanken in: „Am schönsten weern doch unse Gärns, de wi anlen, weest du noch, lütt Trina?“

Dch ja, bedü se, op den Steendisch ünnern Bernbom,

---

utpult: geköpft. mitto: bisweilen. Knütttüg: Strickzeug. Gelaten: Gelasse, Räume. wisen: zeigen. Bläd: Blätter. buten: draußen. leet: schiene. umhöch: in die Höhe gebaut. sachmödi: sanftmütig. Spilln: Spiele. lengt: sich sehnt. schu: scheute. vun haben: von oben. fram: fromm, sanft. anlen: anlegten.

den Grotvader uten Goldbarg grabt harr. Wi fülln em uten Raben vull witt Sand, wat id inn Platen hindrog, du makst dat eben un plantst de Böm, if plant de Blöm. Gott wa egen! wi maken dat blot ganz fröh inn Fröhjahr, wenn wi toeerst wedder buten durn kunn, denn awer of alle Dag' vun Morgen bet ton Abend, nös war't ganz vergeten, awer alle Fröhjahr keem dat wedder as de Bageln kamt. Ik weet dat noch genau darbi: din Böm dat weern de Kättchen vun de Wicheln un Fleddereschen, de so nüddli roth un gel ut de Bull rut kift, se sünd dat Gerste, wat man süht, wa de Im in summt. Du sammeltst jümmer vun alle Arten un fullst noch mal darbi uten Bom. Dat Maas, wat wi funn, weer unse Krutwark, wi fragen dat lüttste vunne Mur af, dat lett jüs as en Duß, de man fröher vör anne Steweln drog, wi fän of Dussenmaas darto, dat stell unse grön Borgen vör. Ik kunn mennimal ni slapen vör Freid, ni eten vör Hast, dat wi wedder rut keemn, un wenn wi int Schummern rin ropen warn, keef ik noch innerwegens torügg na all de Herlichkeit.

In en frisch Gemöth gift de Wehmoth keen Smarten, un dat Vengu is vör de Seel as en Dau; awer de Welt hin ilt de Gedanken un klammert sik warm an allns, wat se redt; keen Wulk ann Heben, dar gat se mit, keen Fuß inne Feern, dar lat se sik dal, keen Ton dörch de Abendluch, he kumt mit en Klang merrn ut dat Geheemnis, wo dat Glück sitt, wo de Freid winkt mit beide Hann, un dat Hart kloppt blot wil't to vull is vun den groten Strom, de lebndi treckt awer en selige Welt.

Dat war en munter dristi Leben in Odderad. So vöf Arbeiters harr man hier wol noch nie oppen Dutten sehn as nu an Zimmer- un Murlüd, Glöffers un Dischers tosam lepen. Vun morgens fröh an hör man de Ex un dat Breetbil an de langn pommerischen Balken drähn', de Klustsag'

---

Goldbarg: Hünnengrab. Raben: Roven. Platen: Schürze. durn: aushalten. Kättchen: Kätschen. Wicheln: Weiden. Fleddereschen: Bitterpappeln. Im: Bienen. uten Bom: auß dem Baume. Maas: Moos. Krutwark: Kraut. Duß: Rosette auß Pflisch. Smarten: Schmerzen. redt: erreichen. Heben: Himmel. Luch: Lust. dristi: thätig. Dutt: Haufe. Breetbil: Breitbeil der Zimmerleute, zum Behauen der Balken. Klustsag: Säge, mit der Balken zu Brettern zersägt werden.

gnasch inn langsam' Takt un leet dann un wann den Ton hörn, de scharp un lud as vun en Thornkloß klingt. Fremde Murgeselln harrn nie Leder mitbrocht, se hebbt eher Tid un Aihen bi er Arbeit, unvermoden keem een oder de anner vunt brumm int singn, un de Annern fulln in, un within æwert Moor schalln de Gesängn wehmödi oder vull Lust. Gelächter gev dat, oft böshasti nog, denn dats keen Volk, wat sit schont. Na Fierabend trock oft de ganze Mannschafft in Marsch un Kriegsgefang dærn Ort herum, oder dar warn brodlose Künst oppen Knüll un Buplaß utövt, mennimal halzbreken æwer-mödi mit klattern un springn, radslan un wettlopen, op Kopp un Hann stan. Mitünner seeg man den Tropp ruhi lagern, um irgend en Bertelln totohörn.

Dar weer kum so vel Plaz int Döörp, alle Leden ünner Deck, all Lüd ünner Dach to bringn. Hans Grimm harr keen Gelat mehr vør sin egen Bett un sleep inne Affsit mit apen Mur, man harr rin langn un em bi'n Kopp frigen kunnt. Wenn de Bumeister af un to enige Dag' æwer blev, so wuß he keen Rath vør em to en anstänni Lager. So be he Angreten, de doch noch vun sin Fru her en Stück ut de Fründschopp weer, um er Westerkamer, un leet dar en Anstalt opslan. Daræwer keemt wul, dat de Bumeister Abends gewöhnli bi Jan Niklas seet. Peter Stamp keem of, denn plegg of Ledohm mit sin Dochder nich to fehl'n, Hans Grimm darto, faken bet deep inne Nacht, denn dat weer, as wenn alle Ordnung doch ophört harr.

De Meister kenn so wat all ut Erfahrung, he harr al ehr en Summer oppen Lann tobrocht. He leet dat ni ganz oppen Tosall ankam un de so to seggn sin Deel, dat man sit ni lankwil. He broch allerlei mit, wat he værweisen kunn, wat vun sin Reisen, allerlei Merkwürdi, Burisse vør de Klofen, vør de Jungn Biller oder mal en Bok, dat wiß he orndli vør un verdütsch dat, dat verstunn he.

Trina hör em geern to. Se hör geern wa annerlüd lebt, gar in ganz anner Gegend, mit ganz anner Geber. Bi't Lefen blüfft dat fremd, man kann ni nafragen, dat is

---

gnasch: schnarrte. unvermoden: unvermutet. nog: genug. Knüll: mit Gras bewachsener Hügel. utövt: ausgeübt. radslan: Radschläge. Leden: Glieder. Deck: Decke. Affsit: Seitenraum an der großen Dresch-diele im ditm. Bauerhause. af un to: ab und zu, bisweisen. be: bat. faken: oft. wißen: zeigen. Geber: Gebaren, Sitte. blüfft: bleibt.

all glatt maht; man list wul, wat de Lüd do't, awer nich wa se't utholt. Dat weern jümmer er Gedanken. Se muß mal weten, wat son Mann den ganzen Dag værharr, wat he maht, wat sin Fru, wat sin Dochder, wat se eten, woken der keem, wat se dachten — anners harr se keen Ruh. Un wenn't man de Fierter Bessenbinner weer, so frag se em genau ut, wat he de ganze Wæk denken de, bet he Sünabends na de Heid fohr un sin Værrath verkoff, un se gev sik tofreden, as he er vertell: sin Gedanken lepen jümmer so herum vun een Hus na't anner, wo he sin Kunden harr, un he dach sik ut, in woken he am leeffsten wahn much.

De Timmermann weer meistens eernsthast un stramm. Wenn he wat erklår, sprok he alleen un war lud, wenn der snacht war, as harr he Kinner um sik, de der tohörn un lehrn müssen. He seeg stur ut, wenn of ni unfründli, doch weer he of ni eenmal verdreetli, un wenn Trina nafrog, de gewöhnli bi em seet, denn he schov er jümmer den Stohl an sin Sit, so maht he dat nett er allns to verklarn. He seeg sunst of jüs ni smuck ut, mehr breet un stark as slant un behenn, of weer er sin Nam toweddern, se much em nich geern utspreken, he heet Wulpert, se så lewer Meister to em, se war binah bang, wenn he er anseeg, un doch war he denn blid. Awer he rük streng' na Rienholt.

Peter Stamp kunn em ni utstan, dat wiß' sik glif. De seet oft ganz mudsi still oder full em, wenn he wat betet wuß, lud inne Red, denn he harr of vel sehn un mehr as man löv, wat nu eerst to Dag' keem. Awer he maht keen Profeschon darvun, dat harr keen Tohopenhang, he wull der nig mit, he lev blot vun Infälln. De kunn em denn mit kam, dat allns op den Kopp to stan keem. He vertell nich, he maht allns vær, as wenn man derbi weer, dat drulligste Tüg, dat allemann lud warn un he süßn ævermödig, denn nebenbi kalk oder swart he denn noch Een mit de Lichtæs an oder snör em ann Stohl fast, denn he harr Fingern as en Hegenmeister un nümß war derum wiß, of schon' he nümß, sogar old Ted ni oder Trina ni oder de he am neegsten weer.

---

woken: was für einer, wer. Fierter Bessenbinner: Besenbinder auß dem Fiert (einem Stück öder Heide, wo Ginster muchß). stur: steif. verklarn: erklären. toweddern: zuwider. rük: roch. mudsi: tüdlich. löv: glaubte. swart an: schwärzte an. Lichtæs: Lichtschnuppe, noch glimmender Docht. nümß war wiß: niemand bemerkte.

Dat gesull doch am meisten, of stunn em dat nett an, he weer en beten ntlandsch na Gesicht un Ogen; man seeg an er Hæg, dat alle em liden machen. Awer he kunn of neti un asi wen, kunn den Snack störn un de Lüde quäl'n as wull he Larm hebb'n oder Stank maken recht mit Will'n. De Timmermann weer to ruhi un wull nich, op den harr he dat meistens affehn, doch of sogar mitto op Trina, un eenmal mak he dat op en Abend so arg, dat Angreten bö's war un Trina lisen sä: Peter, schust di würkli wat scham'! Do fahr he op, grappel na sin Müß, leep ah'n en Wort uten Dörnsch, un muß ünnerwegens wul noch den Redenhund en Tritt geben hebb'n, de em vellicht na sin Gewohnheit ansichelt harr, denn man hör dat arm Deert ludut janken. — Ol Ted sä, Peter harr Grill'n, he löb, he wull frien, he harr en nett beten Geld arbt, as he man hör, un dar kunn wul noch mehr kam, nu much he am Einn lewer Bur as Sadler war'n. Dat geb siß wedder, he weer doch en verdöwelten Bengel.

Jnn Grunn weer he dat of, un am nettsten, wenn he alleen weer oder dat Regiment harr, dat kunn man ni jümmer angan. Dat is de Lust un de Last in en lütt Dörp, dat man siß so neeg kumt un ni vun enanner kann. Man mutt siß an Menschen wenn' un mutt siß na Minschen schicken jüs as se sünd, un dat is mennimal sur nog. Herr un Deensten blivt darum gottlos of tosam sowit ast paßt. Dat söcht siß awer doch ut, wat am besten paßt, un bi son Gelegenheit as nu in Odderad, bleben de Arbeiders lewer vær siß un Knechtens un Dierns bi se, denn dat geb vel Nies, jüs ni ümmer vel Guds, de Buern klagen bald awer mehr as Unordnung. Sünndags gungn vele Handwarke to Hus, of wul en Tropp oppe Swier, de in Offenbüttel oder Hasteb siß noch mehr Recht neem un Spektakel maken as in Odderad. Towiln keem der Besök vun Arbeiders ut anner Dr, un Gelagg un Danz war hier int Dörp fiert. Darbi keem allerlei Tag vær, lustige un grave, all ast full. Of de Burn harr'n Bisiten vun Bekannte un Verwandte, dat leep der so där enanner as op en Jahrmarkt, un de Buplaß weer de Sammelplaß vær dat

---

Hæg: Freude. neti: nissig, zänkisch. asi: tückisch. Stank: Streit, Zank. schust di wat scham': solltest dich schämen. fahr op: fuhr, iprang auf. grabbel: griff schnell. ansicheln: schmeicheln. ludut janken: laut winseln. wenn': gewöhnen. Swier: „Schwärmerei“, leichtes Leben, Tringelag. Dr: Orte. Tag: Züge, Streiche.

ganze Döörp. Bi allerlei Uttakeln un Schabürkenspill vun de lustigen Gesellen seeg man to, Peter Stamp misch sit wul dertwischen un broch Smack un Schick hinin, bi en Danz war wul een vun de jungu Mädens oder Fruns mit opnödiget, un Peter süm denn nich, mal mit Trina rumtowlzen. De Bumeister gung jümmer al Sünnaabends to Hus na de Heid un plegg eerst inne Wef wedder to kam.

Di Ted spandeer sogar mal een Sünndagabend, un op sin Lohdel war danzt. He muß en ganzen Lustigen hebbn, he harr heemli en paar Mustanten bestellt, de er best den. Dar weern wüß Verwandte ute Südermarsch bi em, en paar junge Dierns in bannigen Staat mit siden Kleider un Goldwerk, un enige Bengels in Stulpensteweln, de op de Burnschol Bengehm lehrt harrn. Dat weer awer darna. Se danzen banni un sän Trina allerlei, wat se nich mal verstunn, nös warn se bald dun, un Een wull dorchut en Kuß hebbn. Darbi jachdern se dær de Affit un den Besel, wo de Olndrunken un tosehn, un Trina flüch sit an Tedohm, de den Kuß vullstänni kreeg. Dat stör nich, dat de Bengels grotprahli warn un de Dams en beten vørneghm leien, dat gung lusti bet inne Nacht.

Jan Niklas weer al fröh weggan, Peter Stamp sä er bi en Danz, dat he er to Hus bringn schull, un vergnögung gung se weg, as alle sit verstrein un de Wagens mit Gesang dervan fahrn.

Do awer war Peter as kreeg he en Schur, dat he er eerst drill un kneep, he weer of wul dun, denn sat he er um un küß er op Mund un Hals, dat se stücken schull, un as se bös war un sit los reet, blev he stan, sä op eenmal wat dumm Tüs, un leep in vullen Drav den Weg nat Moor hendal. Do leep se rein in Angsten to Hus.

Wa weer se verdreetli! Se kunn sit gar ni besinn un scham sit vør sit jülbn. Denn seet se nadentli in er Kamer un dach verwunnert hin un her. Se harr sit so freit, as Peter Stamp vør enige Wefen kam weer, se harr sit freit, dat de Summer keem, de Köh vunn Stall, dat Hus grot un

---

Uttakeln: Verkleidung. Schabürkenspill: Maskenspiel. Smack un Schick: Geschmack und Geschick. süm: säumte. den: thaten. bannig: gewaltig. Burnschol: landwirtschaftliche Schule. dun: trunken. jachdern: jagten. vørneghm leien: vornehm thaten. Schur: vorübergehender Anfall. dumm Tüs: dummes Zeug.

apen; dar weer so vel Nies kam, wat dat Leven frisch un lebndi maken kunn, un doch weer wat ganz anners warn, as se dach, weer wat ni recht, dat föhl se deep innerlich. De Maan gung int Westen ünner un leet en langn Glem æwer Moor un Marsch bet anne See hendal. Dat weer still un dot, un doch hör se en Ton, as wenn dat Haf bruf', wat man mitünner bet oppe Höchden hin hört: wull wuß, wanehr de Wind keem un woher? dat steit je al inne Bibel. Er weer binah as kunn de of æwer er tofreden Seel treden, je wuß ni wasüß, se much wat wünschen, un hæp, dat dat ni so keem, er weer wunnerli to Moth, er Hart klopp gegen de Finsterpost.

Do seeg se inn Garn en Mann, de in den geln Schin tre. He seeg sik um, schull't en Deef wen? He keem na't Hus lant, gegen er Finster blev he stan un læhn sik an en Bom. Dat weer Peter Stamp.

Se föhl dat as den Storm, de der kam will, se slog schüchtern in er Bett un trock de Deck bet ævern Kopp. Noch hör se ant Finster kloppen un mehrmals Trina ropen. Dat weer, as wenn en Bliß dær er Seel gung. Doch ruhi war dat buten, de Nacht war düster, er Hart war still, un lang sleep se bet an den Morgen.

Wat sik röhrn schall, will blot en Anstot hebbn, un dar seht dat ni an inne Welt, wo nix still steit. Of de Seel kamt Gedanken un ript to as en Næt int Sluv, en Bagel hüppt oppen Twig, so fallt se: wer harr se dar söcht?

Trina dach ni an güstern Abend, se wull der ni an denken, se wull sik er Ruh bewahrn, Peter Stamp weer er toweddern, he weer er as Een de er belurt harr un er int Ohr sä, wovær se roth warrn muß, man muß sik scham, so wat gebör sik ni. En langn Drom harr sik daran spunn, de leeg er deep inn Sinn un leet sik ni affschütteln un folg er inn helligen Dag herin. Se weer op den Buplag wen un in den Appelhof, awer se harr ni gan, sundern lisen bahn de Ger hinswept, as slog se, dat mark se eerst fülbn kum, as hör sik dat so, awer ünner de Böm stunn dat vull Lüd, de in Verwunnerung to sehn, do war se dat wis un föhl sik stolt

---

Glem: Schimmer. Haf: Meer. bruf: brauste. wull: wer. wanehr: wann. wasüß: wie. Finsterpost: Fensterposten. geln: gelben. Deef: Dieb. ript to: reisen. Næt: Nuß. Sluv: Hülf. wovær: weßwegen.



un værnehm un as wat Besunners. Se nüch den Meister vun haben to, de ernsthaft utseeg, de Arms æwer enanner schränkt, un slog an em værbi. Peter Stamp wull er gripen, awer se glipp em weg, as he de Hann na er tosam slog un se denn utstreck as nan Heben herop. Do kunn Vader un Moder er ni holn, denn dat gung æwer en grote Koppel mit ganz glatt Gras, dat alle fulln, de er bister achterna lepen. Half weer se truri, half glückseli, mit son wunnerli Gefühl, as se gar ni kenn, dat de Athen er stoß un dat Hart er slog; denn ann annern Enn stunn en jungn Mann, as Een, de op er töv, sin Gesicht weer as en Bild, sin Ogen so hell. Winn in er så wat: dat iz he! Nu do war se seker, leet sik ansaten bi de Hand, leet sik küssen vun em, un mit em gung se in de wide wide Welt.

De lezten Wör muß se lud spraken hebbn, se waß der-vun op un så se noch mehrmals bi apen Ogen, ja noch lang naher in Gedanken, un dat wunnerlige Gefühl dräng er, so-bald se se wedder så. Ja se seeg noch as in Drom ut Finster æwer de Gegend, wit ant Moor kunn se en glatte Koppel schimmern sehn. Dar keek se lang æwer hin, denn seeg se sik int Spegel, as se er schön Haar kämm, wat er deep ævern Raden un Schullern full.

Oppe Geest leggt de Wullhebbn noch süßn mit Hand an. De Bur geit achter de Plog oder driift de Per un mött wenigstens mit bi un deit Handlangn, wenn em't vær wull to sur ward. Enige brüst sik sogar æwerflödi darmit, jüs den dißten oder den smerrigsten Enn to treden oder er Rinner darhin to höden. Ol Ted sin Dochder klei den halwen Summer inn Dorf rum, weer de Meister bi't Ringn un Klöten, wuß Abends genau to berichten, wobel Dufent jeder Graver un Schuwer rut un rop un rum brocht harr. Se süßn natürlk harr alle æwerdrapen. Trina harr keen Lust to so wat, un harr se't hatt, so harr Angreten dat ni leden, de er nich anners as vullstänni bi er Döpnam Kathrina nöm; de föhl en beten Tellingsteder Værnehmheit in sik, denn se harrn bi den Kaspelvagt bitowahnt, as noch er Moder de,

---

nüch: nichte. glipp weg: entschlüpfte. bister: verwirrt. töv: wartete. Wullhebbn: Wohlhabende. mött: hält auf, an. smerrig: schmierig. höden: hüten, jagen. klei: grub. Ring und Klot: Dorf-haufen nach Regeln gesetzt. Schuwer: Schieber (mit der Karre). rut, rop: heraus, herauf. rum brocht: beschafft. leden: gelitten. Döp: Taufe. Kaspelvagt: Kirchspielvogt. bito: nebenan.

un mit den sin Swoester tosam Knütten lehrt. Int Huß muß awer Kathrina düchti mit deran, muß wul mal vör en Deenstdiern mit inne Bug springn, wenn der een krank oder na de Öllern weer.

So harr se nu al enige Dag' de Moorarbeiters den Middag hendalbrocht. Darbi snack se mit er stameln Hans Ruh un sin Süster int grüne Gras, bet de aseten harrn. De Tour mak er deshalv vel Vergnügen. De Weg weer ni wit un weer nüdli. Achter ern Garn, dör en lütt Kratt, keem man as in en Wildnis. En small Heilohstret liggt dar noch int Rus twischen Geest un Moor, mit Porst un Barkenbüsch, mit Brahm un Bänk un Sied un Ginster, un all wat kräfti stormt un verdächti utsüht, bet op dat Bettstroh so witt un dat Slangkrut so grön, un de Käferspör un rasselige Gernslipers. Sünd doch de Nams sogar wunnerlich, un wenn't man de Krüder sünd, as Alderjan un Balderjan, Nachtvijoln un Brummbein. Se lach nu derawer, awer egen weert der doch, weert nich so neeg, dicht achtert Dörp, dat man de Sagen hör, un platt ant Moor, wo de Törstarn janken un de Schüffeln glinstern: Een kunn gru'n warn.

Hitt weert in Summer hier jümmer. As Kind weer se mit Peter herlopen, um Blöm un Vickbein to plücken, denn harr se jümmer en Angsten hatt. Se harr er lütten Schoh ut trocken, de lepen in den smallen Patt er vull Sand, un barfot dör den hitten Smull wadt, de er twischen de Tön dör leep. Malins harr Peter na en schön Pull Krutenblom gegen en Knüll ropstappen wullt, de weer jümmer barfot, do harr se en Slang wis warn, de in en Krink leeg un mit de Angel fissel, jüs op den Platz, wo Peter hintreden wull. Wa harr er de Angst vun de Föt heropkräpen bet inne Fingern un inne Schullern, as wenn se opflegen muß! Se harr

---

inne Bug springn: in die Reihe treten, vertreten. aseten harrn: abgeessen, d. h. die Mahlzeit beendeten hatten. Kratt: Gestrüpp. Heiloh, Heideloh: Heidewald, Heide. int Rus: im Wilden. Porst: Myrica Gale. Barkenbüsch: Birkengebüsch. Brahm, Bänk, Sied: Ginster, Biesen- und Rietgras. Bettstroh: Unser lieben Frauen, *Galium verum*. Slangkrut: *Calta palustris*. rasselige Gernslipers: raschelnde Eidechsen. Brummbein: Brombeeren. janken: quieken. glinstern: glänzen. Patt: Pfad. Smull: Staub. Tön: Rehen. Pull: Buich. Krutenblöm: Eideheide, *Erica tetralix*. Knüll: Hügel. Krink: Kreis. mit de Angel fissel: mit der Zunge spielte.

schregen un Peter harr dat Thier dot makt, se wuß noch ni wasüß!

Wenn se heræwer keem un Hans Ruh inne Feern öfern bi't Törfgraben seeg, so full er jümmer en Rinnersecd in, wat se mit en wunnerlige Melodie vun en ol Wartsfru lehrt harr. Dat goll egentli vær en Mullwarp, awer se dach derbi an den oln Arbeiter:

Achter unsen Huße  
Dar wahnt ol Peter Kruse,  
Nu gravt he dar  
Al sæben Jahr,  
Un ward ni eenmal eenmal klar.

So grav Hans dar of, un war ni klar un war ni untofreden.

De Snittweg hendal is grön as en Sammt, æwert Moor geit jümmer en Röhln, de Borrn is weck un bögt sik ünner de Föt, de Bageln sünd ni schu un bu't anne Grövkant, un wa weer er Hans dankbar vær jede Mahl tid, dat weer en Lust em Eten to bringn.

Dar dach se of vun Dag' an as se gung. Se harr Hochmoth un Eitelkeit hendaldrängt mit Vernunft. Se wuß nich, wa schön de flacke Hot er stunn op de dicken Flechten, nich, wa er Gestalt sik smidi wunn' den smallen Patt dært Heidrut lauk. Se dach nich daran dat er Wull na- oder entgegen sehn much oder mit er wünsch, demödi gung se ünner er Drach un acht' op de Hangelpütt mit de gedüllige Hans sin Middagsmahl.

Op den Weg där de Heiloh seten enige Lüd, de se in Gedanken gar ni sehn harr. Een seet op den Knüll, de se noch jümmer den Slangbarg nömn. Se kreeg en flegen Angst, dat Peter Stamp dat wen kunn, un dach an weglopen. Awer dat weern fremde Lüd mit Rock un Stock de er na den Richtweg na Alversdörp fragen. Se segen er wat drof un drist an, dat se sik binah scham, awer as se doch de Dgen opflog un den oppen Knüll, de der opstan weer, wis

---

öfern: still, fleißig. Mullwarp: Maulwurf. klar: fertig. Snittweg: Richtpfad. Röhln: Röhlen. Grövkant: Grabenrand. smidi wunn': schmeidig wand. Wull: Jemand. Drach: Tracht, Schulterjoch mit Ketten zum Tragen. Hangelpütt: Henteltöpfe. flegen Angst: plötzliche („fliegende“). drof: zudringlich.

war, do slog er dat dær, dat dat Blot er still stunn, denn he keem er vør as de junge Mann uten Drom: so schön sin Gesicht, de Ogen so hell. Se seeg wul glif, dat dat en Inbilln weer, se wuß nich mal recht, wa he utsehn harr, doch do gungn se al, un se seeg sik ni um, wat de jungn Lüüd wul den, dat hör se ant Singn, womit se fort marscheern, wat er winnerli dærtrock.

As se na Hans hendalkeem, frag se em, ob he an Bærdüden löv? „Jawull,“ sä he stamern: „Arbeit bedüüd Ruh,“ un ob de Wiß em keem, as he ut nette witte Döcker en warme Mahl tid rutwickeln seeg: „Ruh bedüüd wul Arbeit, darum hett uns Herr Gott mi ton Arbeider maht.“ Daræwer lach he hartli, un le sik bequem int Gras, un war ni wis, dat sin smuck witt Jümfer witter un nadenklicher weer, as se to wesen plegg.

Op den Ruggweg seeg se wedder en Minschen jüs bi den Knüll op er tosam. Gott! se dach inn eersten Ogenblick, un wünsch, un hæp, dat de junge Mann dat weer, weer umkehr, keem er to möt! Doch ditmal weer dat Peter Stamp. Se gung em glifgülti entgegen, awer he hast, he harr en Pertom æwern Arm, he muß wat besunner's vør hebbn. Natürlig dach se an güstern Abend un meen, he keem na er. De Kopp war er dumm, wat wul mit er værgan weer, dat se nix mehr drop un dach as Minschen un Gedanken, de sik ünner enanner „verklagt und entschuldigt.“ Do sä he er inne Hast, dat er Vader krank warn weer, se much to Hus ilen, he wull oppe Koppel en Pferd nehmen un vun Möldorp den Dokter halen.

As en kolt Water leep er dat æwer de warme Vost. Man en Ogenblick föhl se, dat er Gedanken witlöfti wern weern, wenigstens keem er dat so vør, dat se Vader un Moder vergeten harr, un nu, fürcht se, keem al de Straf. Nich to hart, be se, nich to hart! All Begehr weer as erstarrt vør en isige Küll, dær de Heid slog se, wat er bewern kött er dregen kunn.

So störrt se in Vertwiflung, as weer he al dot un se harr em umbrocht, int Hus un reep, wo he weer, wo se em hinleggt harrn! Angreten harr ganz den Kopp verlarn,

---

Inbilln: Einbildung. Bærdüden: Vorbedeutungen. Döcker: Tücher. to möt: entgegen. hast: eilte. Pertom: Pferdezaum. drop: traf. be: bat. bewern: behenden.

jammer op de Del herum un wis' na de Stuv. Denn Müms weer wennt, dat mal Een wat fehl, am wenigsten Jan Niklas de ni frisch awer jümmer liker süd utseeg, so lang em Een kenn. Dar flog se herin. Ol Ted seet ant Bett, de Kranke leeg un stæhn, se sübn harr keen Athen mehr weder to schrigen noch to fragen. Furchtbar beklemm er dat de Bost, se harr dalsacken kunnt, wenn de Angst dat tolaten harr, un se seeg in Dodensnoth um sit rum. Do war se den Meister wis, de gelaten den Kopp nül un ute Feern den Kranken betracht. De keem op er to un seeg er mit sin truhartigen Ogen an, he fat er bi de Hand un sä, se much ni vertwifeln, se much sit faten, de Athen gung den Kranken noch gut, de Dokter war bald kam un Hölp bringn. Och wa klung er dat tröstli vun son setern Mann, den dat Mitliden opt Gesicht stunn un de Kraft inne Gestalt, dat er Leben un Hoffnung wedder warm æverkeem. Se drück em de Hand un süf op mit en luden Schrigg, er Hart kreeg wenigstens Lust, un he tüsch er, trock er op en Stohl ant Bett, un maß ahn vel Wör er un alle gedüllli un gelaten.

To don weer ol nig, as to töben, wenn man den Kranken ni noch störn un quäl'n wull, denn he leeg so hin, un darto weer Trina to verstännig bi all er Sorg. To wæten kreeg se nig as wat ol Ted er lisen vertell: dat he bi den Duplaz op eenmal likenblaß warn weer, he muß dat al sinner sit dragen hebbn, he weer al güstern Abend nich op sin Schid wæn un fröh weggan, un dat he æwer Koppweh klagt harr un weer bit Tohusgan inn Appelhof dalslan. Dar weer Wulpert, de Bumeister, to sprungn un harr em tohus leidt, un Peter Stamp nan Dokter wegstürt. Wenn de nu man bald keem!

So seten se denn un hochen, bet endli en Wagen rassel un Peter Stamp den bekannten langn eernsthäftigen Mann inne Stuv leet. Wa les' Trina an sin underännerli Gesicht, bet he endli sprok! He funn den Kranken nich ahn Gefahr, awer ol ni ahn Hoffnung. Dat Glimmste weer nich dat he

---

wennt: gewohnt. liker süd: immer gleich. Bost: Brust. dalsacken: niedersinken. tolaten: zugelassen, erlaubt. nül: senkte. war kam: würde kommen. son: so einem. süf op: seufzte auf. tüsch: beruhigte. töben: warten. lisen: leise. sinner sit: in sich. op sin Schid (eig. „nach Gebühr“): sich wohlbefindend. dalslan: niedergeschlagen, gestürzt. tohus: nach Hause. leidt: geleitet. wegstürt: weg geschickt (gesteuert).

ahn Besinn leeg, dat much se ni angsten. Se schulln man genau befolgen, wat he vorschrieb, he war glik en Rezept na de Apthek schicken, se schulln man en Knecht nastürn. Morgensfröh, sä he bi't Wegfahrn, keem he wedder.

Darmit weer de eerste Stot æwerstan, man muß astöben un kunn sik besinn, de Sorg war en Toestand. Oh, awer denn ward se eerst de Last, de allmähli daldrückt un en junk Gemöth bögt as en Rip de Twigen. In en Stunn harr se de ganze Husholn verännert, as en Frost, de in en Bostwetenfeld fällt, as en düstre Wulk de æwer de Gegend treckt, wenn eben de Sünnschin lach. Langsam un mit bliern Föt un swar as de See, wenn se stiggt, as en Thier, wat der kruppt, as en Nachtmahr æwer de Bost, keem se op un herop un wülter de beklommen Angst as de Waggen æwert Hart: wat der kam much mit de Tokunst! Nix leet sik aswenn, rund rum kunn man langn as mit lerrige Hann, mit de Arms inn Schot muß man sitten un tosehn. Ja alleen! Denn Jeder muß sin Geschäften na. Un as ol Tedgan weer, un de Bumeister inne Dær sä, he war wedder inseh'n, so oft he kunn, wenn wat passeer, muchen se em ropen laten: do weert as wenn de blasse Dod man lur, bet of he weggan weer un de Dær topannt harr, un mit sin sachen sekern Schritt langs de Lohdel sach dat Hart hölplos inne Bost hendal, un en Ween' keem æwer de arm Trina, wat gar ni opholn wull.

Man mußt sik faten, dat is oft dat Lettste un dat Dullste inne Welt. — De Dag' weern böz, de Kranke leeg so hin, he wenn' kum den Kopp, wenn Trina em mit er Kinnerton „beste Bader“ nöm, um em intogeben, he æpen nich de Ogen, he sä keen Dank, wenn se em vørsichti Kopp un Rüffen torecht schob, he stæhn nich enmal, awer de Athen, worop se nu jümmer horch un lur, gung hasti un ängstli. De Dokter keem un gung, sprok vun Trost un schüttel doch den Kopp, ut sin Gesicht weer ni mehr to lesen as ut sin Wör. Angreten weer ganz verbaßt, kunn ni binn noch butenburn, sik jülbn ni faten un annere nich betemen laten, Trina

---

Besinn: Besinnung. much angsten: möchte ängstigen. war en Toestand: ward ein Zustand. Rip: Reif. Bostweten: Buchweizen. Nachtmahr: engl. nightmaro „Nachtreiter“, Alp. wülter: wälzte. Waggen: Wogen. inne Dær: in der Thür, beim Fortgehen. lur: lauerte. topannt: zumachte. lettste: späteste, letzte. dullste: ärgste. verbaßt: verwirrt. burn: aushalten. betemen laten: gewähren lassen.

muß sik dwingn. Se söch Trost, se söch Stärken, wo se se finnn kunn, se rich sik jümmer wedder umhöch, wenn se of hundert mal tosam sack, se heff er Dgen op dat bleke Gesicht, se klammer er Seel an dat frame Gemöth, er düch, se kunn em holn, wenn se fast heel, nich vun sin Bettstell wil se, un so freeg se am Enn en Gewalt, dat se en Held warn weer, wenn't nödig de, un en Globen an en Hölp vun haben, de er Gedanken hoch heel, sogar æwer Dod un Graff hinut.

Dat Wichtigste inn Minschenleben, dat wat em recht smüllt un umsmüllt, dat he ward wat he is: dat is doch vær alle glik, denn dat kumt gradto ut uns Herrgott sin Hand; bi Vele verdeckt de Noth dat un Hunger un Kummer lett dat ni dærshin, bi Vele verdeckt dat de Glanz, un de Pracht hangt bunte Gardin dervær, awer genau beschn is't weni anners ünner en Kittel un ünner en Mantel, denn de Kern is de arme nakelte Minsch.

Trina harr lang er Geduld to öben. Als de eerste Stot en Gewohnheit war un al de Hoffnung mit opwaken leet, keem wedder wat Nies vær Furcht un Schrecken. Er Kräfte recken ni ut, de Natur verlang er Recht, se muß sik mit dal leggn un en Fru to Hölp nehm, denn Angreten kunn ni ut de Husholn, wenn nich allns verkehrt gan schull. Se neemn Hans Ruh sin ol Süster darto. De weer gutmödi un anstelli, awer toerst kunn se doch ni mit Allns so to gang' kam, dat de Kranke ni klag' un Trina ni untosreden war. Oft muß se de merrn ut den besten Slap wedder opropen, wenn se blot en Doß oder en Glas ni finnn kunn oder in Angst un Zwer hittli un angelsarri war. Trina weer nix to vel, war nix to sur, Nacht un Dag weern er glik, se wuß't kum, ob buten Summer weer, een Sorg neem er ganz hin. Awer de leet of ni na. Inn Drom kunn se opfahrn, dat Telsche Ruh er tüschen muß, denn se sleep inne Stuv bi den Kranken, bi't Opwaken weer er eerste Wort: wa is't nu mit Vader? hett he slapen? hett he wat nödi? is't en beten beter? Den ganzen Dag gungn er Gedanken ni vun em, un all wat se hör un seeg, buten un binn, leep darmit tosam as de Faden um en Spol. De Wanduhr picß as in Angst oppe Del, de Hund hul er Schrecken to. Ut't Dörp hoch se ut den Arm

---

dwingn: beherrschen. heff: heftete. wil: wich. smüllt: schmelzt. nakelt: nackt. neemn: nahmen. hittli: hastig. angelsarri: verwirrt. Spol: Spule. as in Angst: wie in Angst.

blot den Docter sin Stöhlwagen herut, dat lustige Getöf' harr den Klang vær er verlarn, gar dat Singn vunn Buplaz her, dat Jauchzen un Jachdern ann Abend maß er truri. Wat sunst buten Hus' passeer, gung er gar ni an, kreeg se nich mal to weten, se seeg nümß un hör wat vun nümß, un inne Krankenstuv keem Keener. De Welt harr vær er verwandelt warrn kunnt, se harr dat ni markt, dat gev keen Welt mehr vær er.

Sunnerbar, wa denn doch mal ute Welt mit en Klang herkummt, de inne Seel en Matklang opröppt. Trina keem he vun de ol Telsche. Als dat so wunnerli mit Minschen gan kann, man meent as en Bom, de der waßt, hier weer he of wurteft, un is doch umdragen æwer Land un Water, so weer de in er jungn Jahrn mit en Prediger op de Halligen as Kinnerdiern wen un harr dar hus't. De Lüð sitt dar as op de Planken vun en Brack, merrn inne See, keen Arm kann se hølpen. Jede Floth schælt vun de Borrn af, de se driggt, dennoch blivt se. Se lövt, dat Een de Welt regeert, de höllt mit sin Hand of er Knüll, so lang em dat gut dünkt, un so mutt dat gut wen, de mutt dat weten. Mit den gat se um as mit er Bader, seht se em ni, so seht se doch sin Macht un Gewalt alle Dag'. Wenn inn Winter de Floth bet anne Mür stiggt, dat se de Weeg oppen Ben slütten mæt, wo se mit Hund un Schap tosam huckt, so bed se getroßt vær de unschüllli Beester un er unschüllli Kinner, un vertwifelt nich, wenn de Storm rast' un de Waggen bargenhoch schümt un dat Wort inn Mund verstumm mutt. Se sünd weni, oft man een Familje op en lütt grön Plack, atwer de kennt sik bet op de Faser int Hart un trut sik in Noth un Dod as den lewen Gott dar haben int Blaue. Darum kamt se of wedder ut allen Enden der Welt, dat Heimweh treckt Jeden torügg na den Plaz, wo sin Hart sin Wurtel hett.

Dat harr Telsche Ruh en paar Jahrn mit söhlt, vun den Dodensschrecken an bet to dat Lengn un BURN un de unendliche Ruh, de man blot op en Hallig kennt. All dat kreeg Trina nu na un na ut er Munn, un dat paß to er Gefühl, as weer se sülbn mit Bader un Moder op en Eiland utsett, un blot de Allmächtige heel en gnädige Hand haben se.

buten Hus'; außer dem Hause. opröppt: auf-, wachruft. Telsche: Mathilde. Halligen: Inseln an der Westküste von Schleswig. schælt: schält. Knüll: Erdhügel. Weeg: Wiege. Ben: Boden. slütten: (flüchten?) umziehen. Beester: Vieh. Plack: Fleck Erde. Lengn: Sehnen. ut er Munn: aus ihrem Munde.



Trina full toerst op, wenn se in Sorg weer, wa vel schöne Vers un Bibelsprüch Telsche wuß, de as var er gradto opdacht weern, denn se sproken vun de Noth un vun de Hölp vun baben. Se klungn er fast noch um so tröstlicher, je sunnerbarer se rut keem, Telsche harr, as stameln Lüd, en egen Ton dervær bit Hersegg. As allmähli en beten Ruh un Lust tum Spreken keem, snad se ok utföhrli vun er Deensttid, weer glückseli, dat Trina to hör, un keem ni to Enn mit Stameln un Beschriben. Denn de Sagen un Geschichten vertell se wedder mit en Ton, nadrückli un jümmer mit besülwigen Wör, as harr se se ut en Bok utwenni lehrt. Een vun disse Geschichten weer var Trina besunners röhrend, Telsche muß se oft hersegg, se sä denn:

Dat Licht op Dog.

Op een vun de lüttsten Halligen, vertell se, wahn blot een Schwester mit er Broder. In Summer weer de Broder ut to See, as dat Mannsvolk meistens, denn weer sin Schwester ganz alleen. Se besorg de Schap un dat Hau, sammel de Eier vun de Seevageln in, un tell jeden Abend de Dag' bet ton Harst, wo he torügg keem.

Een Fröhjahr, as he afgung, be he er um wat besunners: se much en Licht ansteken, wenn de Dag' förter warn, un dat int Finster stelln, dat he æversinn kunn, wenn he bi Nacht keem, nn sehn kunn, dat se op em lurn de.

Dat versprok se, un he gung af.

Se besorg de Schap un dat Hau, se sammel de Eier in vun de Seevageln, se tell jeden Abend de Dag' bet to den Harst, de noch na weern, un as de Nachten längn, do stell se jeden Abend en brenn Lamp int Finster, dat he æversinn kunn, wenn he in Düstern keem, un al vun Feerns seeg, dat se op em lur.

De Harst keem, awer de Broder nich. Jede Nacht schin dat Licht æwer de See, op de Halligen wüssen se, wat dat bedü', de Schippers fahrn værbi un richten sik derna, de Winter gnung to Enn, dat Wærjahr keem, awer de Broder keem nich, un de Schwester blev alleen.

Se besorg er Arbeit as gewöhnli, se lenng un lur un

---

opdacht: erdacht. Dog: eig. Auge, Insel (Wangeroog), hier Eigensname, vgl. Müllenhoff, Sagen, S. 163. Hau: Heu. tell: zählte. Harst: Herbst. æversinn: über die See die Richtung finden. längn: länger wurden. bedü': bedeutete. lenng: wartete, sich jehnend.

hæp op den neegsten Harst. As de Dag' afneemn, stunn wedder dat brenn Licht jeden Abend int Finsster. Un so hett dat dar schint dær menni menni Jahr.

Genmal en Abend weer dat nich to sehn. De Lüüd oppe Halligen sän: he is kam. Se setten æwer un gungn int Hus. Do weer de Lamp lerri brennt un utgan, un ant Finsster nül de Swester, se weer lang old un grau, nu harr se den Kopp nült un weer dot.

De Kranke keem endli inne Betern. Ol Ted weer der al mal mit wen un harr em besöcht, en fründli Wort keem al mal mit vun de bleken Lippen. He kunn bald en Minut mit ut Bett in en Stohl un Trina mal op en Ogenblick vær Dær. He kunn bald al mal ut Finsster sehn un gar ann Arm rut vær Dær. He kunn endli mal inne Middagsünne æwern Hof ünnern Bernbom krupen. Dat schöne Wedder de em gut, he seeg wedder blid ut sin lütt Gesicht. He seeg blid æwer de gröne Gegend, allns weer em niet, un Trina weert eben so. Angreten weer glückseli, un dat Hus ley wedder op vun den Druck. He kunn ann Sünndag mit Trina al en Reis' dært Döörp maken. Hans Ruh slog beide grote Hann tosam, as he de beiden anne Schön værbi wanken seeg, Arm in Arm un Jan Niklas mit en Stock. He kunn vær Freid kum en Wort rutbringn, un Angreten leep mit de Mädens vær Dær un seeg se achterna. Endli reep he: nu war't bald gut warn, de Kräften kreeg man licht wedder! Awer sin smuck witt Jümfer weer je noch gröter un smucker warn, man kenn er kum. So stamel he lud vull Berwunnerung achter se an. Un he much Recht hebbn, weer't doch keen Wunner, wenn ol Trina sit verännert harr. Keem er doch de ganze Welt vær, as wenn se se ni wedder kenn, so vel harr se dærmakt. Awer se weer still tofreden as Kind in Moders Arm, seeg op er Bader, wenn he sit fründli um keef, seeg op de Böm un de Hüf', de inne Sünn glänzen, seeg na den Heben un na de Wulken, un dank em, de der æwer regeert, se utbreedt as en Dok un de Er as sin Schemel. De paar Arbeiters, de se begegen, neemn de Müß af, se gungn as to en Fiertog dært Döörp. Ol Ted glänz op beide Waden, as he ankeem, he harr Peter Stamp mit, de wunnerli nog en

---

nült: gesenkt. vær Dær: vor die Thür hinaus. Fiertog: Festzug.

paar Wör mak. He weer Trina fremd warn, se gungn as er Weg', dat neem sik wol ut, as gung se værnehm wider, un he blev torügg.

Still un eenjam gungn se bet an de Heß, wo de Weg na Möldorp rutföhrt un de Utsicht is æwer't ganze Land of süden ut. Dat nie Hus schin al baben de Böm rut, oppen Buplaz weer dat ruhi. So paß allens tosam un weer sierli as bi en Markgang. — Wa selten is son Glück inn Leben, un niemals as na de Noth.

Jan Niklas harr de Hann folt, as he herumseeg. Do warn se den Docter sin Wagen wis, de nu al seltener keem, se kenn em an de beiden lütten Schimmels. De Last vunt Glück weer of binah to grot wen, se harrn stumm stan un wussen ni wedder weg un keen Wör to sinn, de se verlüstern. De Docter keem se gelegen, de Freid kunn Lust krigen mit den Dank gegen den prächtigen eernsthafte Mann, de se nu so bekannt un so leef warn weer.

Trina seeg mit grote glänzen Dgen lang værut, awer se verkehr sich, as se den Fohrmann betrach, do se neger keemn. Dat weer nich de Docter sin dicke Kutscher mit dat rode Gesicht, dat weer en fein jungn Minschen, er düch, se harr em ehr sehn — warum war se so unruhig? — och, dat weer de junge Mann vun den Slangbarg, den se domals drop, as er Vader sik leggt harr, un de nu jüs kam muß, do he sin eerste Utsucht mak! Wa sunnerbar!

Se harr nich lang Tid, sik to bedenken, do heeln se al bi süm, de Docter reep un læhn sik mit en Smustern rut: so recht! so recht! awer man nich to vel op en Mal! De junge Mann sprung heraf, gröt, un as Trina em do neegbi anseeg, sä he munter, ob se sik ni al mal drapen un sehn harrn? He löv, he kunn sik ni irrn, he harr mal mit en paar Frünn Wills um den Richtweg na Alversdörp fragt, gewis, dat kunn nims anners wen, he vergeet ni so licht. Un sä Trina of ni ja, so leet sik dat doch verstan. — Se weern do likæwer vun Möldorp lopen un harrn den Zufall hatt, snorgradut na sin Öllern to stürn, he weer in Alversdörp to Hus, un

---

süden ut: nach Süden zu. folt: gefaltet. verlüstern: Lust, Erleichterung bringen. verkehr sik: erschrat. Utsucht: Ausgang. bi süm: bei ihnen. Smustern: Schmunzeln. en paar Frünn: ein paar Freunde. Wills: Jemand. Alversdörp: Albersdorf, Kirchdorf 15 km östlich von Heide an der Gieselau. likæwer: gerade herüber. stürn: steuern.

de annern weern Möldorper Schölers wên. He wuß of ganz gut hier herum Bescheed, awer se weern lusti wên, un harr domals op er tövt, um en Wort vun er to frigen. So snack he. He sohr nu mit sin Onkel ton Tidverdriv en beten rum, dat Wedder weer je schön un allns in Blöt. He weer of al mehrmals in er Hus mit wên, as er Vatter noch gefährli krank legen harr. De harr sif gau betert, he gung je al ganz strewi an sin Onkel sin Sid, sin Onkel harr seggt, dat keem mit vun de gude Dochder er Pleg un Opwahrn. So suacken se mit enanner los, wenn Trina of ni vel sä, achter de beiden her, bi'n Wagen an, de junge Mann harr dat Leid æwern Arm nahm un leet de Per langsam gan.

Bi't Hus verwunner Trina sif, dat Hans Ruh den jungn Mann kenn, so vel Mal kunn he doch kum in er Hus wên hebbn, se sproken as ole Bekannte tosam, ja in Dær kreeg Telsche, sin Süster, em bi beide Hann to faten un weer vær Freid binah wunnerlich, klopp em de Arms un sichel em de Backen un nöm em er Friz eenmal æwert anner.

He lach un spaß, frag wa er dat gung, un er Broder Hans, un ob se beid gesund un munter weern. Darbi keem er de Thran inne Ogen æwer sin Guthartigkeit, de se ansung gegen Trina to röhmn. Un as de junge Mann seeg, dat Trina dat ni begreep, sä he: „dat is ganz eensach, Telsche is min Möm wên un hett mi menni Dag oppen Arm dragen, as ik noch nich so gutharti weer, un dat wit vun hier, ni wahr, Telsche? merrn mank de Watten un de See.“

Och, stamer de, ja lütt Trina, min Friz dat is je de Herr Pastor sin Sæn ut Alversdörp, de fröher op Hogenort weer, wobun ik di so vel vertellt heff. He will of Bur warrn! och min lütt Trina, wat weer dat en Mann vær di!

Mein Gott, sä Trina, Telsche, wat fallt di in! un darbi war se roth bet inne Haar umhöch, un seeg versehrt op den jungn Minschen. De versehrt sif awer ni mit un lach darto. He seeg er an, as wull he seggn: dat keem man op er an. Do war se noch eenmal roth un dat weer wul gut, dat Angreten dartwischen keem un den jungn Muschü, as se sä, mit inne Dörnsch nödig.

Herr Docter seet al dar bi Jan Niklas. Herr Docter

---

strewi: strebig, rüstig. Opwahrn: Aufwarten. Leid: Bügel. sichel: streichelte. Möm: Ruhme, auch Amme. Hogenort: eine der Halligen. Muschü: monsieur.

harr vun Dag' richti keen Fl. Wull he ok keen Rasse ann  
Barmdag, so leet he sik doch en Glas frische Melt gefallen,  
de vun süten Rohm stampendick weer. De slubber he mit  
Behagen, stütt dat Kinn op sin Stocknop un keem mit Jan  
Niklas op Landbu un Commüngeschiedten to snacken. He harr  
vun velns Inichten, awer he harr nich jümmer den rechten  
Bescheed fragen. Dar leet he sik wat seggn un hör geern,  
doch harr he denn meist ganz anner Meenung deræwer as  
anner Lüd un as Jan Niklas, den war oft darbi to Moth,  
as wenn he em rund rum küsel un em op en ganz anner  
Plaatz stell, wo he de Dingen op den Kopp to sehn kreeg.  
Nüs muß he seggn, ja, nu schin dat Dink em eben so, awer  
löben de he't nich. Dat weer drulli, dat weer awer nett,  
man doch æwer wat, arger sik ok wul, war kribbeli, wo man  
sunst al mit sik eni wen weer, un am Enn seeg man doch  
noch mal niper to. Dat weer sunnerbar!

De Docter weer gegen den Kantüffelbu. Dat kunn Jan  
Niklas ni begripen. Denn wenn de Krankheit ni wedder  
keem — un dat Los leet je noch sund — so geben se doch  
mehr as de Roggn. De Docter sä, se weern en schlechte  
Nahrung, un Jan Niklas much se jüs geern, wenn he't man  
eerst wedder verknusen kunn, to en lütt brate Ripp oder  
sunst en beten Solts vun en dot Swin. Ja, tovel weer  
jümmer ungesund, un dat much wen, dat man in Irland gar  
to vel darvun eet, um solten Heern, wo sin Angreten fast de  
Fingern na slied, gev he ok nix. Dat weer je schlimm vør de  
arm Lüd, wenn se nix anners harrn, awer dat harr in Dit-  
marschen ni Moth, meen he.

De Docter gnatter, dat man bi Möldorp un Heid herum  
so vel Landstücken in lüttje Placken toreet, dat söhr tolek to  
Armoth, in Thüringen un annertwärts weer dat so wit, dat  
dat Land utseeg as en Probenbof vun en Bandjuden, jede  
Lappen weer nich mal en Flicken, um nims harr wat  
Ordentligs derbun. Dat muß ni leden warrn, dat muß man

---

vun Dag': heute. Barmdag: Vormittag. Rohm: Rahm, Sahne.  
stampendick: dick wie gestampft. slubber: schlürfte. küsel: drehte.  
Plaatz: Platz. löben: glauben. kribbeli: ärgerlich, gereizt. nip: ge-  
nau. Los: Laub. jüs: gerade. verknusen: vertragen, verdauen. Solts:  
Gefalzeneß. solten Heern: gefalzene Heringe. slied: leckten, gierig  
waren. gnatter: bruminte, war unzufrieden. toreet: zerriß. Proben-  
bof: Probenbuch.

vun haben verhinnern, de Stellen müssen as ordentliche Burstellen tosam bliben.

Dar harr Jan Niklas nig gegen, as dat „vun haben“. Dat much wul gut tosam bliben, wer dat tosam holn kunn. Awer doch meen he, lüttje Lüüd müssen of wat Egens hebbn kunn, un wat Grotz kunn de nich bærn, dat weer doch nett, wenn Jeder sin Placken vør sit harr, wo he sit an frein kunn, sit fastholn, sin Hüschén hinstelln, dat em nümms döß vør de Dær setten, sin egen Kobl un Früchten bu'n. He harr nu sit dörtig Jahrn jeden Sünnaabend sehn, wa dat bi de Heid smucker warn weer vun Garns un Kruthæv, dat weer doch nüdli. Dar halm al inne Morgenköhln de Schofters en beten Suppenkrut vør de Frunz, sliden en beten Dau un snappen en beten frische Luft, un Abends draben se mit er Kantüffelhacken oppe Schullern rut so vergnügt, dat dat Schotfell rassel as en Trummel, wenn se dat ni jüs ünnerwegens vull Perappeln sammelt harrn, dat weer wul nüdli. Wat de Docter em vun de groten Stellen un de staatsche Wirthschaft in England to vertelln wuß — dat weer wit weg, liden much he't wul, dat kunn he ni anners seggn, awer „vun babn“ dar gev he ni um, dat weer ni sin Weg, in Ditmarschen weer he vør de Friheit, em düch, dat sunn sit vunt sülbm to recht. De Marsch hier herum seeg doch of noch ni ut as en Damm-brett un heel jümmer op de groten Baltens, de em fast to grot un witslösti weern, man kunn je de Ramm krigen, wenn man dar langs en Fohr en beten achter sin Knecht gan wull to snacken, un Per un Plöger war de Tuggn hangn, ehr se en Bærwenn to reden kregen. Of oppe Geest fulln de Stüden je ni utenanner, wenn man se wat lüttjer mak, as Puttscharten, se legen noch jümmer dicht to hop, man bruk se je nich to neden, wenn man se wedder op en Dutten kopen kunn. Dat muß sach sin Willn hebbn.

---

leden: gelitten. bærn: heben, tragen, halten. döß: durste. Kruthæv: Gemüsegrärten. de Schofters: in Heide mit seinen 7500 Einw. wohnen etwa 700 Schuster. Quick. S. 195 de Fischtog nach Ziel. sliden: lekten, nippten. draben: trabten. Schotfell: Schurzleder. Perappeln: Pferdekot. staatsch: statlich, vornehm. Baltens: Flecke, Stücke Land. Ramm: Krampf. langs en Fohr: neben einer Furche. Bærwenn: Ende des Ackers, an dem man beim Pflügen wendet. to reden krigen: erreichen. Puttscharten: Topfscherben. neden: zusammenmieten. op en Dutten: in einem Haufen.

Gar nu dat dat Meentwarcken ophörn schull un de Eggns un Commün nig mehr æwer Weg un Ström sülbn raden un besluten schulln, dat begreep Jan Niklas nich vun den Docter. Wer denn de Arbeit de? un dat Geld gev? — Ja, dat löv he, de Docter much sach luter Iſenbahn hebbn vun Möldorp an as en Spinnwibbnest æwert Land, dat much of nett wgn mit all de Schoſeen bi de Preißen, awer de freten of mit de Per dær de Röpen un lepen denn mit en Hartdraver inne Wett, de Lüd kenn' wi. Wi hier to Lann wulln eerst mal en Mehlbütel oppen Diſch hebbn, nös dachen wi of anne Grausteen to'n Weg. Un æwrigens, schull Jedereen sin Schüllgns darto geben, so muß he of sin Verschel darto seggn künn, dat weer jümmer so wgn in Ditmarschen.

So sprok Jan Niklas sik binah neti. Gut weer't, dat ol Ted ni jüs keem, de harr anners al lang oppen Diſch hant un prahl't: all enerlei, Herr Docter, dat do't wi ni! Nu war dat wenigstens ni lut, denn de Docter sprok sachen un wuß licht de Sak wedder umtewenn'.

De junge Mann, sin Better, snack bides mit de Frunslüd. Sproken se of vun Garns un Kruthæb, Angreten vun de Kantüffeln un den Kohl, Trina vun Blöm un Böm un de rothbackigen Appeln: vun Lüd weet man doch am meisten, un in Ditmarschen weet man op en eensam Dörp vel mehr vun Lüden uten ganzen Lann, as man denken schull. So sunn sik dat rut, dat de junge Mann un Trina ole Bekannte un sogar witlöftige Verwandte weern, as frili de meisten Ditmarscher, de as en Red toſamhangt, ſat man op een Enn to, bi't Opröppeln, so kumt man gewis bi't anner Enn rut un hett se all drapen.

Friedrich (as sin Onkel em nöm) sprok nämli toſälli vun en ol Fru in Tellingsted as vun sin Goshemöhm. Dat weer nümz anners as Trina er lifli Grotmoder. As Kind harr

---

Meentwarcken: Gemeindarbeiten an Wegen zc. Eggens: Zeile, Quartiere eines Ortes, deren Bewohner gemeinsame Verpflichtungen hinsichtl. der Erhaltung von Kanälen, Deichen zc. haben. raden: beraten. Spinnwibbnest: Spinnwebbe. Röpen: Krippen. Hartdraver: Rennpferd. Mehlbütel: großer Mehlkloß in einem zusammengebundenen Leinenbeutel gefocht. vgl. Waterbüß S. 84. nös: demnächst. Grausteen: Granitsteine. Verschel: Urteil (eigentl. abweichende Ansicht). neti: ärgerlich. prahl't: gerufen. umtewenn': ins Geleise zu bringen. bides: inzwischen. Opröppeln: Aufreißen, Austrennen gestrichter Gewebe. Goshemöhm: Großmuhme. lifli: leiblich.

se de jeden Summer to de Hünnitid mit er Vader besöcht, wenn he na sin Wischen to de Hauarn fohr, un se besunn sik, dat dar een Summer en Paar Jungs bi den Raspelvagt op Snörsteweln rumsprungh weern, de den sin Vettters wesen schulln. De een vun de beiden weer mal ins ut Grotmoder ern geln Plummboom kam, as en Bohnsack ute Luf, jüs as se mit er ute Pefeldær tre, un mit eens as en Hæw æwer de Betten weg dærn Tun schaten. dat se nig vun em recht sehn harr as de Snörsteweln, so vel erinner se sik noch; se löv, dat weer de lüttste vun de beiden wen, den se doch al nich utstan kunnt; dat harr of er Grotmoder meent, de harr en Spigbobengeficht, un keem gewis noch mal an den Galgen, harr se seggt, un dar harr Trina do menni Jahr Sorg um hatt. De anner harr er beter gefulln, doch weer dat en Waghals wen. As se op den Markhof umt Klockenhus spelt harrn, weer jümmer gegen Abend de Klüster to de Betkloß kam un harr mit en fürchterligen Clätel de Dar opslaten. Do weer de Grote foortsen rinsprungh un um höch stegen, nich langs de Trepp, ne, merrn mant de Valken hin un her, bet he doch haben richti lebndi ut de Luf na se hindal= ropen harr.

Dat weer richti de Pasters Sæn vun de Hallig wen, dat gestunn he mit Lachen, un vertell noch allerlei darto, wa Trina sik op besunn. He besöch do ton eersten Mal de „faste Wall“ un den Ohm in Tellingsted mit sin Ollern, un weer vör Freid utlaten wen æwer all de grön Böm, wo man in ropflattern kunn fast bet anne Wulken.

Wat weer't en schön Sünndag! Dar leeg en Schin op allens. — De Docter harr bi't Wegfahrn seggt, he harr nu nig mehr mit disse Hoffstell to schaffen, denn Trina seeg ni na Krankwardn ut (un darbi fat he er ünnert Sinn un beseeg er wat droß op un dal) un er Vader wull he ditmal vör gesund erklærn.

Friedrich harr to Telsche Ruh seggt, he war noch mal

---

Hünnitid: Sonigzeit. malins: einmal. Luf: Luke, Bodenfallthür. Pefel: großer Saal im hinteren Teile des ditm. Wohnhauses vgl. S. 146. Hæw: Habicht. Betten: Beete. schaten: geschossen. foortsen: sofort. merrn mant: mitten zwischen. faste Wall: Festland. utlaten: aus= gelassen.



wedder inseh'n, wenn dat sik paß, un Telsche broch dat mit en wichtige Mien an. He neem Hans Swep un Leid af un stapp lichtfarri inn Wagen. Bi de Eck gröt he noch mal wedder torügg un seeg sik um, ol Telsche weer entzündt æwer sin gut Hart un wa grot un wa smuck he warn weer, man schull dat ni denken! se harr em as en ganz lütt quinkeli Jung oppen Arm dragen!

Wat weer't en schön Sünndag! De Böm stunn as in Fierkleider, de Freid stunn op de veer siv Gesichter to lesen, de den Wagen achterna, un as he verschwunn, æwer de Gegend sehn, Ruh un Freuden trock sik derhin, streck sik inn Schatten æwer dat ol Hus ünner de Böm, ævern Hof wo de Hühner hucken, inne apen Dörn æwer Del un Dörnsch. Trina seeg sik um, as in en nie Welt un föhl dat Glück as en warm Strom dær de Vost.

De Docter harr Jan Niklas Berlöf geben wedder mit ann Disch to eten as gewöhnli, nu weer Trina eerst recht to Noth as war se seker, as weer dat Heck to makt, dat Noth un Dod ni in funn. Se dacht nu ni mehr vœrwarts mit Hartkloppen as sunst, se lev wedder as vœr den Dgenblick, de nu weer, morgen un ævermorgen gung er nix an, se muchen man kam, se weern gewis eben so schön. Se döß sik frein as en Kind, döß sik frein æwer dat Leben, dat de Angst ni bedrau, döß sik frein æwer vel gude Minschen, de nich bedrückt weern as vœr en Abscheed op ewig. Er Hart war buck vœr Dank un Lev æwer den eernsthastigen guden Docter, de Gotts Hölp brocht harr na vele Sorg un Mœg. Se slot of den jungn Mann in er Seel, se dach an de Halligen, wo he herstamm, as weer he dat alleen, wobun Telsche all er Geschichten vertell: bald de Broder, de vun sin Süster Abscheed neem, bald de Mann in Dat un Nêwel, de eenfam æwer den Elid wanner, bald de Stürmann int Bot, de dær Storm un Wedder de Mannschaft rett, oder de Fischer inn Rahn, de æwert spegelglatte Haf hindreb un within bi de Angel sung, dat Fisch un Bagel em tohörn muchen.

In de neegsten Dag' eerst, un as Trina na un na wedder mit de Bekannten in Veröhr keem, full er dat süßn

---

inseh'n: vorsprechen. lichtfarri: behende. quinkeli: verzärtelt: weinerlich. Berlöf: Erlaubnis. Heck: eigentl. Gitterthür von Holz am Eingang in eine Koppel. buck: straff, gerührt. Dat: Nebel. Elid: Schlamm.

op, wa de korte sware Tid allns muß verännert hebbn. Oder leeg wat inne Lust? Oder weer an er süßn wat ganz anners warn? Peter Stamp weer gänzli schu un schulsch, ol Ted sproß jümmer æwerlud, as wenn nims recht hörn kunn. Wulpert keef man eben mal in, bellicht harr he man weni Tid, as he sä, doch leet he er so streng, un se harr em doch so hartli un tottruli sehn. He sproß man weni un seeg banni brun un mager ut, as harr de Arbeit oder sunst wat em drückt. An er Freid neem nims recht Andeel, so keem er dat vær, as weern de Minschen weker bi't Unglück as bi't Glück. Dat gung glik all wedder sin Gang, as muß dat so wen, kum ol Telsche hör er to, wenn se jümmer wedder sproß vun en Glück, wat ni enden kunn, de Dlsche dacht bald of blot mehr an er Arbeit. Trina drog binah as an en Last mit er Freid, dat weer, as wenn man en Sünndag alleen fiern schall, schön mag he wen, awer wehmödig is he un bringt mehr Gedanken as man op frigen kann.

Gerst allmähli wenn' se sik darto, mit sik alleen to denken, vertell sik er Gedanken in er egen Seel, seeg se weg, ut Finster hinut, söch se op vun Heben hendal, un se keemn bald to er as Gestalten, oft bunt süßn inne Düsternis, deep inne Nacht as Drom un Schatten.

Dat hoge Wedder dur an, dat Gras rip to, Jan Niklas harr dat al op de drögen Moorbütten dalslan laten, wo dat sunst versor un um Kraft un Kurr keem, he muß nagraß an sin Tellingstæder Wischen denken, de em menni Jahr en Kräkel un Knütten in sin Wirthschaft slogen: denn keem se to lat, denn keem se to fröh, wenn dat Hau of en prähti Foder gev un krüderiger weer as de beste Klee. He harr al Hans Ruh mal vunne Arbeit affschicken muß, um natoßehn, dat dat Quastgras ni all de Saat verstreit, dat muß man doch mitnehm, op den Steenklee to lurn, lohn sik ni, de wucher op de sandschiwi Stelln jümmer wedder vun den Grund vær un hung kohlgrön inne Pipen as en Bettdeck ævern Sell. Jan

schulsch: verlegen. tottruli: zutraulich. weker: weicher. opfrigen: bewältigen. hoge: trockne. Moorbütten: Moorbesitzungen. Quidborn S. 147. dalslan: mähen. versor: verdorrte. Kraft un Kurr: Kraft und Saft. Kräkel: eigentl. Falte, Runzel. Knütten: Knoten. Foder: Futter. Klee: Klee. Quastgras: Rispengras. Steenklee: Stein-  
klee, wilde Wicken. sandschiwi Stell: Sandgehebe. Pipen: Abzugs-  
gräben. Sell: Bettwand (auch Schwelle).

Niklas söhl sik beter, he wull süßn mal mit hin, dat sin Holsten Meiers em ni kneehoge Swadbalkens stan leten, de em tonös op Jahren de Marv verspaken; süßn is de Mann, wo man ni kumt, ward Een de Kopp ni scharn, un wat man mit Ogen süht, dar hett man sin Fingern mank. He wull toglik sin ol Swigermoder en Besök maken, de noch jümmer in Sorg fast jede Wet nafragen leet, wa't stunn, un ob se em noch mal wedder seeg, denn bi er kunn uns Herrgott æwer Nacht inspreken; wenn he kunn, schull he man den Weg mal maken, ehr se den Weg antre, den wi all maken müssen. He wull of Trina mitnehm, dat war de arm Diern gut don, se harr so lang bi em achter de Finstern huckt un de Welt dært Glas ansehn, dat weer er noch binah as bleieri vær de Ogen, so stumm un vær sik pütjer se umt Hus herum.

Grot vel Umstänn hörn der ni to, as Angreten man mit menni Wort er Ja seggt harr, un dat se sehn wull, ahn Trina klar to warren, awer dat gev doch vel Bewegung int Hus vær Allemann, fogar Spiß marf, dat der wat los gan schull, un heel sik an de Hauptperson, dat he jo mit derbi weer.

Al fröh mit de Dämmern hör man de Per prusten un unruhi warren. Eten un drunken war man oppen Lohp un half int Sitten. Enige Aschern müssen vær Katharina oppen Wagen, Angreten lee dat ni ahn dat, de Knecht harr noch wat an Sel- un Tomtüg to stücken, Hans Ruh smer værlichti de Trumpen, dat se sik nich etwa in Brand lepen, un söhl ut Seferheit na alle veer Rungn. Endli seten se oppen Wagen, Trina kreeg noch en Dot vull oppen Schot mit vel Gröten an Grotmoder un alle gude Frünn, se seeg blid heraf ünner ern breiden Hot un nick Hans un Telsche fründli to, un bi er, Jan Niklas, hör gedüllli de Vermahnung, dat he sik in Acht nehmn, un nu man nich Abends to lang buten bliben, un de Föt gut drög holn, un nich to warm drinken schull, he kunn sik of sacht en Täß Flederthee vun Grotmoder maken laten — un lusti trocken de dicken Per mit

---

Swadbalken: nicht gemähte Streifen Strohgrases oder Schwadens (Glyceria). tonös: zunächst. verspaken: verschimmelten. inspreken: vorsprechen. antre: anträte. bleieri: wirr. pütjer: kramte. klar: fertig. prusten: niesen. oppen Lohp: „im Stehen“. Aschern: Schachteln. lee: litt. Seltüg = Seiltüg: Sattels- und Baumzeug. Trumpen: Rabenbüchsen. Rungn: die Rippen, welche die Leitern tragen. Flederthee: aus Hollunderblüten.

süm Dree in de köhlige Morgenluft rin; na sin Gewohnheit  
seet Jan Niklas deep inn Wagenstohl un de Pitsch keet noch  
lang æwer de Knicken hin herut.

Trina er Grotmoder weer een vun de kralln oln Lüüd,  
de utseht as weer der keen Vergang in. Bergnögt as en  
Kainik, gau as en Spitzmus, mit eben son lütt Gesicht, de  
Kopp gung er as en Bagel rund herum, as en Sittbohn  
kluder se er lütt Rücken in Dörnsch, sichel er de smucken  
Backen, tründel sit vør Freid int ganze Hus un mak se dat  
hægli. Vør Jan Niklas harr se en weken Stohl torecht, de  
föhl sit awer doch so vel Manns, noch eerst en Gang int  
Dörp to maken; vør Trinaken en Spelkamrad, denn junge  
Lüd müssen nich alleen wæn, dat brö Grilln, se harr ok ni  
geern alleen huf't; vør all Dree den Kaffe — jüs as er  
Dochter Ungreten in Odderab, dat leet er awer noch derbi  
posseerli: so weer se. De Kamrad keem glif, dat weer en  
Sweester vun den jungn Schollehrer ann Ort, en flinke lüttje  
runne Person, nüdli, mit brune Haar un Dgen, keem mit  
lachen Mund in Dær, Grotmoder er dægli Besök, ok glif mit  
Trina bekannt, as dat junge Mädens so geit.

Se beseegen inne eersten fiv Minuten Hus un Kamer un  
alle Heemlichkeiten tosam, Hof un Garn un Schön un Schuern.  
De Lütt weer klof, de Lütt snack plitsch, wat se de, harr all  
en Schick, jümmer weer't drulli un nüdli.

Se streken fortz tosam herum, na er Broder toerst, ili  
as keemn se sunst ni to Enn. Er Broder weer en bleken,  
jungn Mann, eerst vør korten verheirath, sin Fru weer still  
un fein, se sprok ni vel. Dat Huswesen weer all noch niet,  
as Trina dat gar ni kenn, nie Stöhl, nie Schülleratsen, nie  
Blömpütt vært Finster. Dat keem er vør as noch nich to-  
recht, un er weer dat ganz egen.

Int Dörp weer er Fründin ok noch niet, awer al allbe-  
kannt un belevt. Er Hauptfründ weer de Mawer schreeg  
æwer, en oln Snider, en steenoln Mann in en karkenold Hus,  
wo he ganz alleen wahn. Dar sprungn se tosam hin. Bi

---

krall: munter. Vergang: Altern, Untergang. gau: schnell. Sitt-  
bohn: Bruthenne. kluder: rief zusammen. sichel: streichelte. tründel:  
lies herum, eigentl. rollte. hægli: behaglich. Manns: bei Kräften.  
brö: brühte. dægli: täglich. plitsch: schlau. Schülleratsen: Wand-  
bilder. Pütt: Töpfe. karkenold: kirchenalt, uralt.

den seten se oppen Disch un de Ol strafel se een umt anner mit de Hann æwer de Baden. Morgen wulln se na den Prediger, så se, dar müssen se æwer ernsthafti wæn, dat war er indes of ni sur, wennit nich to lang wahr.

En egen Paar! en Paar Fleeerlinken, de in dat ruhige Döörp umherflattern, een witten un een brun, beid vull Glanz, de een vull vun Ewermoth. Awer of in Trina wat alle Freid mal op, as keem de Slusen apen vunt Hart, de se lang harr toslaten holn, of se söhl de Flinken un segel mal mit in Jugendseeligkeit. Harnn se sit möd gan un sehn, Strat op un af, to Dit un to Mael, achterum un dær de Grasweg, so seten se tosam in Garn un vertellen sit, se harnn dat wunner wichti, un dat bur keen Mahltid æwer, so wussen se all er Heemlichkeiten. Se puzen sit tosam un probeern, wat se sunn, se fahrn sit op en Rinnerwagen langs den Stig, se maken sit en Hüschertau int Dærgericht mit dat Mäden er Hölp fast, bummeln un hungn, as weern se half in Slap, un jagen sit mit Darm as de Rinner dær de Jehannsbühsch. Wer kennt nich de Tid? un den Rikdom vun en jung Gemöth?

Abends natürli weern se bi Grotmoder in Dörnsch, de Rætsch seet bi se, en Nawer keem to Jan Niklas. En Spill ole Karten muß ton Utleggn herholn, de Rætsche wuß dat to maken. Bær beide keem en smucken jungn Mann herut, de bald keem, trotz allen falschen Zungen, to de Een mit en grot Papier, to de Anner in Steweln un Sparn. Wa brüden un frein un necken se sit deræwer! Ja se kunn sit to Slapenstid noch ni trenn, un as Grotmoder dat mark, harr se nig dargegen, dat se tosam to Bett gungn, un noch bet deep inne Nacht glubdern un flüstern se, bet Ruh un Drom se de Dgen to brück.

Den annern Morgen brunken de Beiden bi er Handarbeit den Kaffe inne Löw. Landlud sünd sunst nich dervær, de hebbt frische Luft genug bi de Arbeit, bi't Eten un Drinken sitt de lewer achter de Ruten. Awer de lütt Mathilde weer of ut de Stadt Sleswig. Ern smucken Reihkasten,

---

strafel: streichelte. Fleeerlinken: Schmetterlinge. Slusen: Schleusen. Flinken: Flügel. Dit: Reich. Hüschertau: Schaufel. Dærgericht: Thürschloß. Rætsch: Köchin. Spill: Spiel. Utleggn: Kartenlegen. Sparn: Sporen. brüden: foppten. glubdern: kichern. Löw: Laube. Ruten: Fenster Scheiben.

vertell se Trina as en Geheemnis, wat noch keen starbens Minsch wuß un wat Trina of heili verspreken muß keen Minschen wedder to seggn, weer en Geschenk vun en riken winnersmuenden jungu Mann, de sin Nam mit R anfang. Darvun kreeg Trina nu natürli de ganze Geschichte to hörn: wa he er tum eersten Mal drapen harr, bet to de Tid, dat se alleen mit em spazeern gan weer, un endli harr en Discherburß er den Kasten brocht, as harr se em in en Verlosung wunn', dat weer awer gar ni so, dat harr de junge smucke Mann sit blot utdacht, um er en Freid to maken, se harr gar keen Loos hatt, un süh dar! achter in den Kasten wiß se Trina achter en verstecken Schuwer, wo man an en Fedder drücken muß, en utleggt Schild mit en M un R darin.

Trina wuß nich vel to vertellen, as vun en eensam fründli Leben to Hus, dat keem er bi son Rikdom binah armseli vör. Junge Lüüd spelen der gar keen Rull in, Peter Stamp weer fast de Hauptperson, de Mathilde na er Beschriben awer gar ni gefull. Er eenzi Ebentür weer dat mit den jungu Predigerssøn vun de Hallig, awer dar weer nich vel vun to spreken, dat leb mehr blot in er Gedanken un as en Drom. Se sä awer doch, de smuckste junge Mann, den se kenn, de heet Friedrich, doch wuß se blot, dat he en Predigers Søn un op Scholn wen weer, dat he Landmann war, un se meen he weer op en Gut in Holsteen wen, he heel sit smuck int Tüg un adrett, un wa fründli seeg he ut un sprok he!

Do weer't doch en egen Tosall, dat ævern Tun in Rapselbagts Garn en Kopp heræwerkeek, en Mann sprung mir nix dir nix ævern Tun, keem op de Löw to un gröt se — Friedrich weer't!

Se besöch tofälli sin Better, den Rapselbagt, sä he, un dat weer se nübli, dat he Mamsell Kathrina hier drapen de — dat se verreist weer, harr he tofälli wußt, Telsche Ruh harr em't seggt.

Trina muß keen Funken vun Verstand hatt hebbn, wenn se ni dacht harr, Telsche Ruh kunn ni anners seggn, as dat se na Tellingsted weer, se muß keen junk Diern wen hebbn, wenn er dat Hart ni en beten klopp: dat Friedrich kam weer ertwegen! Awer warum versteek he dat? Wellich um

---

Discherburß: Tischlerlehrling. Schuwer Schieber. Ebentür: Abenteuer.

Mathildens wegen, de der bi seet! Doch wær de schin allns, as hör dat sik so. Un as Friedrich nafrog, weer se dat, de der sprok, se antwor em gewandt un seker, nödig em to'n Sitten un broch Snack un Sachen rasch in Gang'.

Trina weer to natürlích, se neem de Dingn un de Minschen eenfach as se keem. Dat seeg er wider ni ebentürlí ut, mit en jungn Mann to snacken in er Grotmoder ern egen Garn. As he er frog, wa se herkeem? vertell se em, wat se hier mak, dat se er Grotmoder besöch, un as em wedder insull, dat se je al mal vun er spraken harrn, gungn se tosam, um de Olsche gundag to seggn. — De kenn em fríli nich mehr, awer se neem dat vun de drullige Sit, as he er Goschemöhm anre, er mit enige Wör vertell, dat he de Rasselbagt sin Better weer, awer nich de Lütt, de de Plumm staln harr. Se antwor em lusti, un he broch noch en Wort an, dat he so driift ævern Tun sprungn weer, awer he harr den Richtweg nahm, um sin Goschemöhm mal wedder to sehn, un toglik drop he hier of je en lütt Cousine.

He verstunn dat schidli in Wör to bringn, un Grotmoder, de noch ut de Tid stamm, wo de Redensarten ebenso wítlöfti weern as de Rök un op hoge Sacken stolzeern as de Schoh, sprok der zierli gegen an, dat dat hergung as op en Theater un nümms daran dach, wa eigentlich allns keem un wat der an weer. Wær de Mädens gevt rein en lud Bläseer.

Nös seten se bi de Olsche herum, as hörn se all Dree lang int Hus, un hölpn er mit bi't Bohnaftrecken. Darbi snacken se vunt Eten, wat jeder am leeffsten much, un Friedrich vertell vun dat Leben op de groten holsteenschen Güter. Dat weer wat wær de Olsche, denn nieschiri weer se as ole Lüd oppen eensamen Lann, un unscheneert weer se int Fragen. Se harr wunnerlige Inbilln daræwer, denn se erinner noch de Tid, as de Lifegenschaft in Holsteen ophaben un darvun int frie Ditmarschen noch mehr spraken war as in de Gegenden sübn, wo se hinhör. Fast meen se as gungn dar de Lüd mit Kalwerklaben um den Hals un de Wægt mit de Pitsch achterher, un dat hölp ni vel, dat Friedrich dargegen sprok. Denn menni Wort, wat se sä, drop doch den Nagel op den Ropp, un se sprok, as wenn dat dar noch en Art vun Slaweri gev as bi de Swarten. He döß sogar ni recht seggn, dat he

---

gundag: guten Tag. staln: gestohlen. hörn: gehörten. Kalwerklaben: hölzernes Joch, vgl. Quickb. S. 128, 2. Swarten: Schwarzen.

sülbn son Art Bagt oder Verwalter wjen weer, denn dat weer vør de Dlsche dat sülwe, am wenigsten, dat em dat Leben un Befehl'n gefull'n harr. He wenn' den Snack denn mehr op de schön Hüf' un Hæb, wat er wul behagen de. Denn awer frog se em wedder, wat he dar egentli bedreben harr, un as he sä, he harr de Landwirthschaft lehrt, frog se em oppen Knop, ob he oder sin Vader Geld harr, em en Birstell to kopen. Pachten un hürn, dat verstunn se man as en Pracheri un beteln, so wat begreep se ni, un Friedrich muß man vergnügt wjen, dat he half legen un half dat verdrein kunn, um wedder op dat Eten un den Engländer op Rißwohld to kam, wo he of en Tid lang wjen weer, dat weer wenigstens binn Lann in Ditmarschen, un de Dlsche hör geern de Geschichten ut de sin wunnerlige Ræk. De eet dat Beaf rütergar mit sin Doggen inne Wett, sä he, un wisch sit un de Hunn na de Mahl tid mit de Serviett dat Blot uten Bart. Dargegen kreeg sin Ritperd fakte Hawergrütt ut en Paßleintrin. Friedrich frag de jungn Mädens: mit woken se am leefften to Disch sitten muchen? — Ob er Brun of so herschaftli fodert warn? wenn' he sit an Trina, se weern frili dick nog. Un so snacken se vunt Utsfahn un wat vørn Vergnügen dat weer. Dat broch eerst Leben in den Snack. Dar wuß noch en Jede er Deel to vertellen, ganz Ditmarschen war bereist un alle Frün'n bespraken, Bagelscheten un Permarken keem an de Keeg, Goschemöhm leb mal wedder mit op, as gung se sülbn noch to Danz. Do wuß Friedrich dat to leiden, dat Goschemöhm jüs nix dargegen harr, wenn se Jan Niklas sin beiden Brun op en Namdag en beten vørspann. Sin Ohm, de Rapselbagt, harr en lichten Stöhlwagen, de war de oln Run nich warm maken, dat Fahrn verstunn he, vel Angst kennt man ni oppen Lann, un Totrun hett man licht, wenn en Minschen een gefallt. Se wulln wedder to Hus wjen, ehr Mamsell Trina er Batter vun de Meiers keem, dat he nich jüs to brumm harr, oder se kunn em of afhaln! un Goschemöhm kunn je mitreisen! Dat wull se indes partu nich.

---

oppen Knop: geradeaus. hürn: mieten. Pracherie: Bettelei. legen: lügen. Rißwohld: Dorf und Gut nordöstl. von Obderade. Beaf: Rindfleisch. rütergar: roh, nur geklopft, wie bei den Hunnen, die es mürbe ritten. fakte: gefocht. Paßleintrin: Porzellanterrine. fodert: gefüttert. leiden: leiten, bewirken. Run: Wallach. Meiers: Mäher. partu: durchaus (partout).



As denn man de Middag vertehrt weer, keem Friedrich herum un hal de Per, he heel bald mit en nüdligen Fedderwagen vör Dör, un dat Rutscheern gung los. De jungn Mädens weern ganz inne Hitt, Friedrich seet staatsch oppen Bärstohl un klattsch mit de Pitsch. Gosche bë um Bärsticht — er weer dat al half leed, dat se ja seggt harr — un um langsam fahrn, un nich to wit — wat se all Dree versproken — un weg rulln de Glücksräder.

Se sohrn eerst en beten op de Feldweg, allns weer grön, de Knicken in Staat, dat gung as æwer en Döf, de Fleerlinken speln um de Speken, de Blöm weern fast mit de Hand to plücken. Denn full se dat in, Schaltholt mal to besöken. Vel Holt is dar nich mehr, awer dat Dörp liggt smuck, de Sandbargen sünd hoch, de Per weern flink, de Wagen licht, de Utsicht geit wit æwert Land: se kunn Bahlen an de Eider sehn un kregen Lust un meen, se kunn dat ol wul noch recken, se weern so vergnügt, Friedrich sohr so seker un lisen, he læhn sit ævern Stohlrand torügg, wiß allns un snack so allerleefft: se neemn dat wahr un rutschen gau mal an de Eider. Dat weer vör Trina ganz wat nies: Schep as merrn int Land, denn dat Water is man small un ute Feern nich to sehn un löppt hin un her manß luter gröne Wischen, en Dampfer harr se noch gar ni sehn, de Brahm. Oppe anner Sit qualm dat noch arger, dat weer de Glashütt. Se leten de Per en beten Ruh un maken sit dat Bläseer, mal æwer to fahrn, gungn de paar Schritt op den Dik lank twischen Reth un Dutteln, as op en breiden Fothorn, un seegen sit dat Glasblasen mal an. Friedrich kenn Weg un Steg op Schritt un Tritt un versprok, dat se recht Tidz to Hus keem. He kenn vun de Hüttenlud, vör en Drinkgeld, wat he værnehm spandeer, kregen se allns twee mal so genau to sehn. Se mußen sogar en Butteln blasen, dar war vel æwer lacht, wat værn Mund se darbi maken, Trina schull dat heel drulli laten, so spiß war er de lütt Snavel, Friedrich neem er rasch dat Rohr af, sett dat sülbn annen Mund un wiß wodenni er

---

staatsch: statlich. bë: bat. Döf: Dede. Speken: Speichen. Schaltholt: Dorf, 13 km nordöstl. von Odderade, Quidborn S. 234. Bahlen: Dorf, 5 km nördl. von Tellingstedt. Schep: Schiffe. Brahm: Fähr. Dik: Deich. Dutteln: Vinsen. breiden: brettern. Butteln: Klafche. heel: sehr. er leet dat drulli: sie hatte ein seltsames Gesicht. Snavel: Schnabel. wodenni: wie.

dat stunn. Se weern all vull Freid, in awer doch torügg, un as de Prahm ni glit keem, war en Boot nahm, un Friedrich drog een na de anner mit vel Lachen dær den Slick. He harr mit Trina besunners vel Umstänn, dat he er bequem oppen Arm kreeg, se weer luddiger as se leet, un nich so drist as er Fründin, se muß em umn Hals faten, dat se nich full, un binah harr he de Müß darbi inbüßt, de Haar flogen em um de Nack, dat gung awer doch ahn Gefahr af. He harr sin Dams geern of noch mit Win trakteert, awer dat leden se dærchut nich; se keemn of so al temli dun inne Dämmern wedder to Hus.

Wa Schad, dat se sobald wedder vun enanner müssen! Friedrich kunn ni bliben. He be de Beiden, mal na Alversdörp to kam, oder se wulln sik op en Sünndagmorgen mal in Hasted oder Arkebø drapen, oder he keem mit Mathilde mal na Odderad, wenn er un Ramsell Trina dat recht weer.

Och, awer dat weern all doch man Plans! eerstmal bleben de Beiden wedder alleen. Doch of Plans sünd nüdbli ut to denken, un Mathilde weer en Meister derin un mal se ut, as wenn se't ut Böker leßt harr. Dar war de Weg beschreiben, un de Wagen bepackt, un de Antog bespraken un Gröten un Drapen un allns war utmaakt, dat dat ni schöner wen kunn, wenn't würkli indrop, ja as weern süm Dree de Prinz un de Prinzessen, un nümms inne Welt as de se ade fan oder mitneem. Se meen of, un so keck snack se sik, se war dissen Prinzen noch bezaubern, wenn se em blot lang nog ünnern Dgen harr.

Trina weer den annern Morgen en beten still un fast en beten krank vun de Tour. Dat weer er nich unrecht, as Jan Niklas meen, se kunn wol al Namdags mit en Knecht wedder to Hus fahrn, he muß noch enige Dag' bliben, un er Moder leng al na er, se weer of sacht nödig to Hus. Se föhl, dat er dat am eersten gut don war. Dat weer er as na en Danz, wo man de Musik nich uten Ropp los warn kann, denn is't am besten, mit de Hann na wat togripen, dat hölpt. Och se harr wol Lust hatt bitobliben! Awer se föhl

---

war nahm: ward genommen. luddiger: schwerer. temli dun: ziemlich angeheitert. Hasted: Dorf, nördl. von Odderade. Arkebø: Dorf, 8 km nordöstl. von Odderade auf dem Wege nach Alversdorf. Antog: Anzug. Drapen: Treffen. leng: sehnte sich.

noch den Schreden, as se of mal levt harr as in en verzauberte Welt, dat er de Seel hoch gung, un dat Hart binah æwerleep: do weer de Schlag achterna kam, so wat fürcht se wedder. Se dach jüs nich vel deræwer, awer dat weer, as söhl se: dun wen döch ni, un se muß sik vernüchtern. Dat stimm of ni recht: er Vader in sin verschaten groten Hot un dat Döörp in Arbeit, un se as en Brutjümfer dermant, se harr binah Heimweh na dat allbägliche Hus. — Ja gewis, nüdli weert wen! un Friedrich weer as en Prinz! Ünnerwegens harr se em öfter lebndi vær Dgen.

Man kann en Jahr to Hus sitten, so passeert nix: man geit man mal eben ævern Drüffel, so is't, as gung Een ton Tort achtern Rüggn een Steeu ute Fog', un de Kalk fangt an to ruffeln, keen Mür steit seler un keen Borrn liggt fast. Mutt ni jüs denn en ol Roh nüttli warrn un væran in Nawers Wetenskoppel breken, de ganze Tropp achterna? oder de Wind en Beerrodenbarg umstöten, de dörting Jahr stan hett? oder en Junkbeest de Windbut krigen op eben slicht? Dat harr Jan Niklas so oft seggt un erfahrn un gung deshalb al gar ni geern vuane Knüll, un Trina much de Angst arvt hebbn, dat se meen, al de eerster Törfringers müssen er wat to vermelden hebbn, de mit opschörte Röcken er bemöten. Se sän awer blot guden Dag. Doch kum heel se vær Dær, so vertell er Moder al: ob se sik dat dacht harr un denken kunn, wat hier sitdem passeert weer! Trina muß dat natürlich nich un kunn dat of ni denken, wat endli rut keem un er jüs ni in Angst broch, awer er banni vernüchter un alldagsmässi anweih: Peter Stamp weer verspraken mit ol Ted sin Wiebke, de binah sin Moder wen kunn! Dat weer glik güstern, as se afreist weern, bekannt warn, ol Ted harr sülbn de Naricht brocht.

Dat harr Trina sik allerdings ni dacht, un dat vermünner er as ut en Drom. So weern de Mannslüd, sä Angreten, as wull se noch wat anners seggn, un dat klung banni all-

---

döch: tauge. verschaten: verschossen. Drüffel: Schwelle. ton Tort: zur Qual. ute Fog': aus den Fugen. ruffeln: poltern. nüttli: stöckig. Wetenskoppel: Weizenfeld. Junkbeest: junges Kind. Windbut: Trommelfeuche. op eben slicht: unerwartet. arvt: geerbt. Törfringers: Leute, die den Dorf in kleine Häufen setzen. bemöten: begegneten. banni: sehr. vermünner: ermunterte, weckte.

dagsmäfi in Trina er Seel, so dat se't lisen nasä: so sünd de Mannslüd! Se doch darbi an Friedrich torügg, an Tellingsted un Mathilde, un al op menni schöne Blom un Drom, föhl se, drusel en koln Newel un Regen.

Nu weer er't frili klar, warum Peter Stamp so schulsch un tüdsch wen weer, mehrmals of ganz verlegen, un ol Ted so prahlsch, dat harr al lang ünner se bröb, un se harrn all beid sit schamt. Peter harr er mehrmals alleen anred, noch den Abend vær er Reis' na Tellingsted, se harr sit awer wahr, eenmal harr he sogar anfang: he muß er wat seggn; dat weer't also wen! se harr an en ganz anner Geschicht dacht.

Dat weer awer noch ni dat eenzige Nie, wat Trina al binah oppen Wagen to weten kreeg: Meister Wulpert sin Moder weer dot blegen un de arm Mann daræwer ganz slagen.

An em harr Trina so lang ni dacht, dat er dat as en Sünn værkeem. Se frog hasti, wo he weer, un Angreten sä, int Dörp, he keem wol bald to't Abendeten, he seet jümmer still vær sit alleen, se harr rein Mittliden mit em.

Trina harr sit man eben en beten torecht kramt, so keem Meister Wulpert in Dörnsch, so trag, as weer he dot möb un slep een Fot de anner na. He meen, he weer alleen in Stub, dat dämmer al, he neem de Müß af, de Abendschin spel æwer sin brun mager Gesicht mit de truen Ogen, wo he sit mal mit de Hand æwer streeß, Trina kunnt ni laten, so lang still to bliben un em antosehn. Weent harrn de Ogen wol nie, awer of ni smeichelt un lagen, un nu glänz dat Sehnen derin un heel se wit um höch, un de Kummer leeg um den Mund. En Ogenblick weer nog, um all dat to sehn; as in en Spiegel seeg man deep in en Mannsfeel.

He wull langsam ant Finster gan, as Trina op em to keem un em de Hand gev. De neem he hasti sat, un dat leep em blank æwer Gesicht un Ogen: „Min Moder is dot blegen“ sä he as en Kind, „nu bün it ganz alleen!“

He weer je nich alleen, sä Trina, gude Lüd weern je dar, de Andeel neemn.

Dch, sä he, de weern doch fremd, un de Dlsche weer so

---

drusel: rieselte. schulsch: scheu. wahr: gehütet. slagen: niedersgeschlagen. Sünn: Sünde. trag: träge, langsam. slep: schleppte. lagen: gelogen.

gut wên, harr so vâer em sorgt vun Kindsbeên an, he wuß ni, he kunn dat gar ni recht verwinn'.

Trina heel doch an, un se föhl ton eersten Mal in ęr Leben, dat ęr Wort Gewicht harr bi en Mann, den se vâer seler holn aß en Mür. So sprok se denn of brist un fat ęr Wör ordntli tosam: harr se doch süßn lehrt, wat Sorg un Kummer weer. Un diße isern Natur smö op un war wzel, he leet sif her allmäli gegen ęr to klagen un sif astospreken, dat eenzige Mittel vâer en kräftige Seel, den Drud loß to warrn. Wer schull dat bi em söcht hebbn? son Kindsgemöth ünner son Gerüst aß Stahl!

He vertell ęr all sin Freid un Kummer, sin Freid, wenn he fröher to Hus kam weer un de Olsche harr en beten Guds vâer em inne Râel oder achtern Stülper oppen Aben hatt, oder he harr ęr de blanken Speetschen inne Schörrt smeten, de he verdeent harr. Vâer allns harr se sorgt, harr em dat Tüg torecht leggt, em de Strümp stoppt, em dat Halsdof umbunn un em börrst un wischt, wenn he sif smud maß. Nu leeg dat warme Hart ünner de kole ęer un allns weer vâerbi.

He sä dat ganz ruhi vâer sif hin, awer dar muß doch wat in sin Ton liggn, wat Trina so ansat, dat se, statt em to trösten, snudern ansung to ween. Do besunn he sif, sä, he wull ęr doch jo ni of noch truri maken, dat weer je of nich so slim, dat weer je de West Lop so, wi müssen dat all mal liden, dat dę em so leed, wenn he ęr ween' seeg — un darbi straf he ęr awer de Bâch — he wull of keen Kind wên, sin Moder weer je wul ophaben, un he wull sif nu den Globen bewahrn, dat dat noch gude Lüd gev, de Mitliden harrn.

Un nu frog he Trina na ęr Besöf in Tellingsted, un erkundig sif mit son bliden Ton un Gesicht darna, ob se recht vergnügt wên weer, man hör, he wull ęr op anner Gedanken bringn un ęr opheitern. Awer se wisch ruhig ęr Thran af un frog na sin Moder ęr Krankheit un Enn, un do vertell he still un gelaten, vël leden harr de ol Fru ni, se harr man enige Dag' to Bett legen, un he harr bi ęr wakt, awer se weer al lang süfi wên, un he harr al sif Winter Sorg um

---

verwinn: überwinden. smö op: schmolz, taute auf. leet sif her: ließ sich darauf ein. Stülper: halbkugelartiger Deckel, Speisen warm zu halten. Aben: Ofen. Speetschen: Spezieszihaler = 4,50 M. smeten: geworfen. snudern: schluchzend. straf: streichelte. süfi: kränzlich.

er hatt. Trina drop dat binah int Geweten, se harr in Angst um er Vader Trost un Mitliden vun em hæpt un fregen, as he sülb'n sin egen Last still bi sik alleen drog. Se harr dat geern wedder gut maken mucht. So frag se denn, ob he keen Swestern un Bröders harr? un he vertell er truharti, as hör se derto, un se harrn vun Kindsbeen an so inne Schummern tosamseten. Ja, een Schwester harr he hatt, de weer swadli wen. Daræwer harr he ute Fremdn to Hus mußt, as sin Vader storben weer. Vær er un sin Moder harr he sitdem sorgt un lebt. He harr er Hüsch'en anne Weid na un na inricht, den Garn umleggt un to recht maht, un se weern tosam glückseli wen. Vun sin Schwester harr he fast noch mehr as vun de Moder hol'n, se weer so klok wen, son feine Seel, se harr æwer so vel nadacht un de Minschen kennt bet op den Grund. Ganze Abends harrn se mit enanner æwer Lü'd un Schicksaln spræken kunnt, æwer Dingn, wona annerluid gar ni hörn, un de man ni seggn kunn, as wenn man sik bunt sülb'n versteit, un dat weer em ni lankwili warn. Dat weer em wen, as wenn allns dütliger un allns beter war, wenn se dat besprok.

Trina kreeg ordentli en Respect, as se sik na Wulpert sin Beschriben værstell, wa de lütt Person mit den sin Kopp dærn Garn em entgegen kræpelt weer, un he harr sik dalbögt un sik vun er sicheln oder draun laten, oder he harr er Abends gau oppen Arm nahm un er na Nawers Hus dragen oder er op Händjen torügg halt, dat se sik ni angreep: dat muß en rechten Schuzengel wen hebbn, as Wulpert er nöm. Se dach dærbi an de tru Süster op Dog, de mit er Broder alleen lebt un mit't Licht op em lurt harr bet an er Enn, denn de Welt dar spel jümmer sunnerbar in er Gedanken herin. Ganz vun sik sülb'n, as kunn dat ni anners wen, stell se sik Wulpert sin Hus of eensam an en Aseel vun Heide vær mit en Graskoppel rund herum.

He muß lachen, as se em darna frog, as en Kind fragen kann, un se muß mit lachen un vertell em, wa se op de Gedanken keem. He sä, dat ole Hus stunn gar ni mehr, he harr dat lang al dalriten muß un harr en nett stattli Gebäud wedder hinsett, dat weer se to unbequem warn. Of harr dat

---

hæpt: erschöfft. Schummern: Dämmerung. swadli: schwächlich. kræpelt weer: sich mühsam herbeigeschleppt hatte. sicheln: hätscheln. draun: drohen. dalriten: niederreißen.

keen Strohdach hatt un nich alleen stan. Un nu muß he Trina doch beschriben, wonghen denn, se much so geern, dat se't kennt harr, in de Gegend weer se wen, se harr mal mit er Moder dar en Namdag bi en Wewer bi't Trenn' tobrocht, un vør Bankwil ut Finster kelen, vør een Hus weer en grot Schild mit Nummern wen un dar harr jümmer en Mann mit Haar as uthelst Flap rutsehn, æwer een harr achter en Bernbom haben æwer hin kelen; un richti, dat kunn dat wen hebbn! Se warn beid ganz heiter daræwer, dat weer, as harr sit en Faden opfunn, woran se tosam gungn in en glücklike dämmrige Tid vun fröher herin, noch ahn Dod un Sorg.

Wat Ruh is, weet man blot na de Unruh. Dat Hus weer Trina en Tidlang so still, as leet sit de Frieden mit Ohrn hörn. Wenn se morgens er Stub seg, er Stöhl wisch, den Disch boner, so söhl se wa sachen dat weer, de Toch keem lisen dært Finster un funkel ann Verhang, de Sünnschein spel ahn en Lut oppen Fotborn. Se leet er Gedanken gan, de vel to don harrn, dat se sit torechtfunn, de Höhner störn er nich, de inne apen Dær kafeln, nicht dat Wirthschaften inne Kæf un værn Hof, wo dat Mäden jeden Morgen de Melkammers schrubb, un nan Takt darbi sung. Alle Dingen sän dat sülwige, wenn se of ganz still swegen, se sproken all dat, wat de Melkmäden er Leder hörn leten: vun Leb, vum Starben, vunt Glück, vum Totrun, vunne Noth, vun Scheiden un Meiden; ganz heemli wecken se Gedanken in Trina, as weer se feierlich, as weer allns inne Feern oder inne Dämmern, weer wit weg oder nie to reden. Dat Furchtbare, dat Unglück harr noch en Ton, klung wehmödig as dat Glück mit den Gesang dært Hus, dat weer as mahn allns to Geduld. Sit dulden, dat weer dat Wort, wat Trina rutfunn, dat weer er as entdeet se wat, as lös se en Räthsel. Se weer tofreden darmit, ja glückseli, denn nümms kunn er darin störn, nicht mal Rü un Twifel, er Gedanken muchen ern Gant gan, wa rik weer se, dat Unglück kunn er ni faten, Geduld! prebig se sit sülbü.

---

wonghen = wongem: wo. Trenn': Aufschlagen. uthelst: ausgehehelt. sachen: sacht. Toch: Zug. funkel: rührte heimlich. kafeln: gaderten. Melkammers: Milcheimer. schrubb: mit dem kurzen Reissbesen scheuerte. Leder: Lieder. Rü: Reue.

Son Art Ruh lett sik nich bewahrn, de geit as schön Wedder. Dat gist noch en anner Art, se mag nich so selig wjen, awer mehr seker, doch de harr Trina noch ni fat.

Peter Stamp un sin Brut keem'n na enige Dag' ton Besök. Trina leet er Moder dat Bertwunnern un Snaden don, se harr sik in Allns torechtfunn, meen se; se un Jan Niklas seten still un leten dat kam. Egen weert, wa Trina ern Bader noch liker warn weer, Gant un Bewegung weern noch sachter, dat sine Gesicht noch geruhiger as sunst. De Berlegenheit gev sik op de Art am eersten, ol Ted mitsams de Beiden weern heiter. Warum schulln se ok nich? Ol Ted harr nu Een, de em de Opsicht oppen Kram afneem, sin Bertelln tohör un mit snack. Bun Peter sän all Lüß, dat weer en Glück, so int Bulle to kam, he hör dat oft süßn un hör dat geern. Geit dat doch meistens so: wat de ganze Welt seggt, schint tolez Alle wahr, man friet je ok nie blot de Brut, de Anhang ward mitnahm, de Umhang deit ok sin Deel.

De Brut weer reinut glückseli. Er Dgen hungn an Peter Stamp sin Gesicht un folgen em, se fat em anne Hand, se heel em ann Arm. Se weer en olbbelti Diern un lang en beten rufi un nalässi wjen. Nu op eenmal weer se wedder junk warn, Trina meen toerst, binah kindsch, so lach se, so harr se sik. Se kreeg Trina alleen, as de Mannslüd ernsthafti Schün un Gewes' besehn. Do vertell se er vun er Glück, dat weer grenzenlos, Trina kunn dat ni begripen noch faten.

Trina harr fröher so gut as niz vun er wust, ok niz vun er holn, se weer er to drang wjen. Nu weer er de Sprak kam. Se vertell er ut fröher Tiden. Wat vörn Schaz vun Leb kann der versorn un vermulschen in en een-same Seel! Wa vele gat der um un sökt vergebens, bet se drang un verdreetli ward. Nu weer se opbaut, sogar er Stimme weer wedder junk. Se sprok vunt Glück as en Kind vunt Bemark. Nu weer er en Sleif un Mäßenband wichtig, de fröher keen Ding as mit koldgrünni Berstand anseeg, se mak sik smuck vör er Peter, se harr Geld un Gut vör em.

---

liker: ähnlicher. reinut: geradezu. olbbelti: ältlich. rufi: wild aussehend, nachlässig. harr sik: gebarte sich. drang: kurz angebunden, verdrießlich. der: da. versorn: verdorren. vermulschen: vermodern. koldgrünni: kalt.



„Schull ik ni lewer min Pannmügen affetten, en lütt Hub, löb ik, steit mi beter, wat meenst, lütt Trina?“ Un Trina er Puffer un Komod warn dar framt, um uttosöken, um to proben. — As ganz junk Diern harr se noch Spenzers dragen un Snippen mit Zondersche Spiken. Och, se harr allns vergeten un versmēten, as dat Unglück kam weer mit sin harre Hand! — Do ween se helle Thran, awer as se sik afwenn' un truri ut Finster seeg, keem Jan Niklas mit Peter Stamp æwer den Grashof, do full se Trina umn Hals un sä, se wull nu blot glückli wen, se wünscht, dat all Lüd glückli weern, se harr dat so lang ni wünscht, nu wünscht un dach se gar nig anners. Trina ween mit er.

As Kind weer se en Better toseggt wen, wenn se opwus, dat harrn de Öllern ünner sik utmakt. Se harr dat hört un lövt, se harr mit er Better spelt un dat geruhi ansehen, bet de Tid keem. De Tid weer kam. Do harr se em leef hatt. Se weer en geruhigen Minschen wen, grot un ehrbar, un sin Hof de beste in Offenbüttel. Se weer jeden Sünndag ton Besöf kam, denn harrn se mit enanner eten un drunken, utfahrt un utgan, dar weer nig anners warn, as se dat kennt harr vun Rindsbeen an. So weer se tofreden wen. — Op eenmal ward he krank, unvermoden, binn ach Dag' hebbt se em herutfahrt na'n Alwersdörper Karkhof, un se is mitfahn un hett lang klagt un truert. Do starvt er Moder. Se mutt er Bader trösten, de Husholn föhrn, arbeiden un wirthschaften. Of darin finnt se sik. — As de Landmeters de Milau un dat Hasteder Moor utmēt, um en nie Kart un Gerdbok to maken, is en jungn Mann hüpi na Odderade kam. Se harr ni weten, wat leef hebbn weer. Danz un Gelagg harr se of wul al fröher mit besöcht hatt, se weer menni een gut wen. Nu harr se Better un Batter vergeten, Bader un Moder, harr Nachts vun em drömt un Dags an em dacht, bet se em kenn lehrt un em küßt harr, mal bi en Pandspill, do weert noch slimmer warn. Am Enn harr se em vergeten mußt, he weer wider gan, un se harr em nich wedder sehn. — Du weest ni wat Leb is, lütt Trina, sä se, gev Gott, dat ik min Peter behol! — Trina wuß dat würt-

Pannmügen: aus drei bunten Stücken zusammengesetzt; diese Art Mügen findet sich nur noch in Altertumsammlungen z. B. in der des Herrn Dr. Hartmann in Marne. Spenzer: kurzer Umhang für Frauen. Snippe: dreieckiges Tuch vorn an der Hai be. unvermoden: unvermutet. Gerdbok: Grundbuch. hüpi: häufig. mei ni een: mancher.

lich ni, dat keem er binah vœr aß en Abergloben, dat dat Glück vun Een afhangn schull, de nich to een hör, dat de Freden schull ophörn, wenn man dat Glück ni reden kunn. Se dach anners vun er Freiheit, awer se wünsch doch mit Witen Ted, dat se er Peter beheel.

So dach Trina daræwer. Er Moder dargegen snack vel darvun, dat he nich ut en orndli Familje weer, wo man wat vun wuß; er Vater sä, dat weer wul to wünschen, dat he süln much en beten Klei ünnern Föten hebbn, dat stunn sik faster. Trina dach, dat weer nog, wenn man sik man op em süln verlaten kunn. Int Dörp hör se noch vel anner Meenungen; er düch, da war to vel æwer snackt, warum kunn man en Paar Lüd ni gan un don laten, aß se't gut dünk? harr man se doch lang so gan laten.

Gewiß harr Witen vun allns wedder hört, denn in en lütten Ort blüfft nig heemli. So much dat kam, dat se sik op eenmal an Trina heel, de sik fröher so weni kennt harrn, un Trina lee dat geern al ut Mitliden un gegen dat Snacken un Snætern æwer de arm Diern. De leep nu Dags mehrmals ævern Weg na Trina, towiln al Morgens fröh oder Bærmdags ute Kæk vunt Eten af, un jedesmal broch se en hilt Gesicht un en Deel hastige Fragen mit. Trina war er Berader, aß weer er Oller umgekehrt, un Wiebke de jung' un unerfahrn. Trina muß sik ordntli bedenken un er Vernunft tohopen holn, denn de Anner weer oft aß uter sik un unbanni. Dat weer nich jümmer Freid, dat weer of Sorg un Twifel, un keem se oft mit de Hæg æwert ganze Gesicht un vull bet ton Uwerlopen vun Herlichkeit, so keem se of mennimal mit robe Backen un blote Arms, de se eben afdrögt harr, aß mit en ganze Schürt vull Unglück, un seet bi Trina op de Stohlkant un kram er dat ut.

Am Enn ward ut so wat en Fründschopp, hier en ganz egen, denn wat Een plagt, dat plegt man, un wat man hægt, dat hægt Een. Trina hör meist gedüllli, of wul mal ungedüllli mit an, wat Witen er vertell un værdrog. Se leb mit er dær, wat er süln doch ni drop, se predig sik süln, wat se de Anner værsprok an Geduld un Trost, se tehr mit an de Anner er Rikdom, se wuß umhöch mit fremde Ranken un

---

Klei ünnern Föten: Marscherde unter den Füßen, Grundbesitz. lee: litt. Snætern: Schnattern. en hilt Gesicht: eilige Miene. unbanni: unbändig. Hæg: Freude. tehr: zehrte. wuß: wuchs.

egen Gedanken. Oft le se sit Abends to Bett un gruwel vør Witen er Lust un Last, deep in er Seel broch se dat torecht un stårt darbi er egen Gemöth. Bald war dat en nette Gewohnheit, se dach nich an er ahn en Freid oder Mitliden, er Gedanken warn er sur, wenn se se ni los war gegen er Witen, de allns hinneem as de Borrn en Saatkorn, de Tid war er lank, wenn se er ni jeden Dag mal seeg. Se wuß mit er tosam as en Ros' mit en Hartdorn, wo de Een de Annere opholft. Se föhl ganz dat Glück, wat en Minsch seli maken kann: wenn he vüll verstan ward, dat is, as keemn de Porten apen, wo de Freid fri herin geit. Wat vør Abends, wenn se Arm in Arm gungn un vergeten, dat de Tid leep, nich to Enn weern, wenn de Nacht keem, jede Schritt en warm Hartslag! vør jeden Dag op dat Sülwige hæpen as op wat Schöners! en Totru'n ahn Enn!

Peter Stamp kunn geern derbi wen, dat war blot mehr munter, he drill wol Een um de Anner, de Brutlüd weern glücklicher as alleen, un Trina vergeet darbi, wat se an Peter nich liden much.

Sunst sproken se of wol æwer Frünn un Bekannte, æwer Wulpert, de Bumeister, den Witen banni bedur, denn se weer weel gegen alle Minschen warn; he verhal sit allmähli vun sin Slagg un gung wedder still sin Weg: æwer Vater un Moder; un Trina kreeg darbi de Ogen apen vør menni lütt Haken un verlor doch nich Leb un Achtung; æwer den Docter un sin Better, de vør Witen en beten to städtich weern, æwer vele Minschen. Dat is en egen Freid, man hett en Minschen mehr, wenn man em kennt. De Welt war Trina gröter, as hör er mehr to. Wünsch un Hoffnung keem of darbi op, vør sit, vør Vater un Moder, vør menni gude Seel. Kunn se't ni maken, se kunn doch daræwer denken un spreken, un dat weer as hülpe dat. Dat weer, as wenn se de Guden faster heel, se kenn se. Se kenn sit süln, se wuß wo er Seel an hung, se ahn er Schicksal, as seeg se inne Tokunft. Se kunn weel darbi warrn, denn dat lach ni jüs all, awer Witen tüschel er un fichel de Fohn ut er Seel. — Wefen verlesen so as Dag'. De Tid is de schönste, de der gau löppt un doch lang durt, denn jede Ogenblick is vull.

---

le: legte. wuß: wuchs. opholft: aufrecht hält. derbi: dabei. banni: sehr. verhal: erholte. tüschel: beruhigte. fichel de Fohn: strich die Falten.

Witen Ted er Denken un Don red jüs ni deep, awer en Minschen, de sik man richti süßn vergitt un in annere lebt, de finnt doch jümmer dat Echte rut. Minschen to kenn, dar hört weniger Verstand as Leb to, en hingeben Seel, un rein mutt se wen. Denn finnt sik of de Wör, dat vun sik to geben, ja jüs in son Seel ward de Spraak bu't as de Bom int Holt; wo schull se anners her kam? De Kloten maht se nich, de trigt se, un wonen her as vun de annern? De betracht sik en Ding so lang un söhlt dat so seker, bet de Mund dat ut-spricht, deshalb oft so wunderbar. Bi Süde mutt man lehren, wat Snacken un Klen is, wa dat Hart lacht un licht ward, wenn Twee sik verstat, wa dat smeckt, wenn man na de Arbeit dært Dörp wannert, oder de Husholn vör Dör sitt un en Nawer darbi, un de Gedanken kamt geruhi, as de Im, de ut den Stok gat.

So seten se een Abend, as de Arn to Enn gung, an Jan Niklas sin Dor, ol Ted, Peter un Wibke, Trina un wer jüs darto keem. Utsicht gev't dar nich, awer man seeg de Lüd, de vörbi keemn. Do keem of noch en Stöhlwagen vun de Tellingstedder-Weg her. Wer derop seet, dat wiß' sik bald, denn he sohr rasch na Jan Niklas sin Hofstell to un herop, nümms anners as de lütt Mathilde ut Tellingsted, un Friedrich as Johrmann. Mathilde broch Maschen un Aschers mit, se wull Trina op enige Dag' besöken. Trina harr kum mehr dacht, dat se er Wort utföhrn war. Angreten harr se al vunne Huzdör ut sehn, un stunn nieschiri mit de Hann inne Sit, dat keem er fast en beten ungelegen. Awer Mathilde kenn er Lüd, se wuß glik de richtige to finnn, se leep de Annern vörbi un sä Angreten guden Abend, as weer der nümms mehr togegen, gung mit er int Hus un sichel sik an er as en Ratt an en Stohlpulster. Bald keem se mit er ann Arm wedder rut vört Dor, ehr noch de Weirigen sik besunn harrn.

Trina weer ganz verfehrt. Friedrich wull ni in kam, snack blot en paar Wör mit er un er Väter, Mathilde nüß un lach em to, as he adjüs sä, do fahr he dervun. De Beiden müssen sik gut kenn, as't leet. Dat keem Trina noch

---

hingeben: ergeben. wonen = wohnen: wo. Süde: solche. Im: Wiene. Maschen un Aschers: S. 146. sichel sik an: schmiegte sich an. verfehrt: erschrocken. in kam: herein kommen. as't leet: wie es schien.

mehr so vœr, aß se de Lüttje fragt harr, wa se op son Art herfam weer? Denn de lach, aß hör sif dat so, un sã, se harrn dat so verafrebt, un küsel um Jan Niklas un de Annern herum, dat se all dun warn æwer dat lusti hartli Ding. De weer al vun Abend nich aß vun güstern un harr er Plaz nich blot inn Hus', sundern in Jedermanns Hart, en verdöwelte Diern!

Un so gung't den annern Morgen glik wedder los. Se sung al vœr den Kasse in Garn, se leeg vœr Jan Niklas sin Stohl oppe Kneee un strakel em de Backen, dat he binah verbligt war, se tründel mit in Kamer un Keller bi Angreten herum, Trina war binah æwerflödi.

So gung't of bi Teds mit de Ol. De sã, nu gev't doch wedder nien Spaß int Hus, denn de Brüdigam kreeg nagrad en so ernsthafti Gesicht aß de Katt bi't Kindelbeer. De dar lütt Grasshüpfer war den Spaßvogel wol wedder opwecken, de weer vun't sülwige Glach.

Sunnerbar weer't of, wa ähnli de Beiden sif weern in all Hebbn un Don, ob se Een drilln, ob se Een sicheln, awer sif ni ankam leten. Un doch so verscheden, denn bi Peter weer't Infall un Lun, Mathilde weer klof aß en Boss sin Husholersch. De Mannslüd marken dat nich so, Fruns hebbt en Rükker darvœr. Witen seeg er glik scheel an, „de wull, aß't schin, alle Mannslüd ann Rocksom knüthen.“ Se weer rein in Sorg um Fründ un Fründin, um er Peter un er Trina. Ganz recht weer se Trina of ni.

So mutt jeder Minsch jümmer eerst sin Plaatz erobern, sogar wo he aß Fründ kumt, dat mutt jümmer eerst gährrn, denn kann't sif klärn. Dat weer natürlig, dat Mathilde sif an Trina heel, un Trina weer gut. So aß in Tellingsted wull't jüs ni, awer se muß er doch wisen, Hus un Hab, Nawers un Frünn, muß Besök mit er maken, hierhin un darhin, muß er en Tidverdriv schaffen, wenn der keen weer. Dar weer un frili en anner Art Fründschopp twischen kam mit er un Wibke, en Fründschopp, de vel deper gung, vel faster

---

küsel: schwirrte. dun: trunken, außer sich. verbligt: starr vor Verwunderung. aß de Katt bi't Kindelbeer (Taufe) (Sprw.), weil man sich nicht um sie kümmert. De dar: jener. in all Hebbn un Don: in allem, was sie angingen. leten sif ni ankam: ließen sich nicht beikommen. Lun: Laune. hebbt en Rükker (Nase) darvœr: merken es bald. Som: Saum. Hab: Habe.

hät; de war sogar en beten stört, denn Mathilde paß nich recht dermanf. Dat Männ un Falpen gefüll Trina ni jümmer, se meen egentli, se weer daræwer weg, se dach an Freden un Ruh, dat weer oft, as war se derut verjagt. En ordentli Snack leet sik kum anfangn, dat war entwei lacht, un man kunn ni allns seggn, as man wol much. Doch war Trina nich untosfeden. Se neem dat as en lütt Geduldsprov, se stell Witen dat of so vær.

Weer de lütt Fründin je doch of nüdli, gut un nett, un dat geruhige Leben kunn naher wedder los un fortgan as jümmer. — Trina schull eerst lehrn, wa oft de Minsch vergebens lövt: nu kumt de ruhige Hawen. Se weer noch ni mal ant Utsegeln un dach al an Anker smiten. Och wenn de Storm kumt!

Mathilde maß dat nix, wenn Trina vellicht weniger vernögt un vertrut weer. Se heel sik ni an Een un wenn' sik an Alle, de er inn Weg keemn, se neem en Jeden as he weer. In enige Dag dreih sik dat um er herum, wat der los int Döörp weer, as um de Unruh in en Uhr. Dat beten Fremdartige geb er en Værtog, dat is jümmer so, un en snucke Diern, de drist is un ni frech, hett allns ant Band, wat se bindn will.

Trina seeg dat verwunnert mit an. Se blev ni ganz glükgülti derbi, gefallen will jede junk Mäden, se neem glit wat vun er an. Mathilde weer geschickt, se maß all er Saken süßn torecht, se kunn sticken un stricken un allerlei nüdliche Handarbeiten. Ut enige Hahnsfeddern, de se funn, ut Lippen un Lappen, ut rode un swarte Bohn, ut en Stück Sidenpapier um en Bandstück oder Dok, ut en paar Parln un Perhaar maß se wat, wat man bruk oder geern harr. Darmit weer se ni wichti un heemli, sundern wiß' Trina allns. Dat geb to don un to öben, un Trina seeg, wo er't feil. Se kreeg en Respect vær de lütt Unbestand, de doch so vel Geduld harr, se marß, wa ungeschickt se süßn allns Nie anfat, se scham sik fast un harr mitünner ween' künnt, wenn se wat ni glit begreep. Mit en stilln Zwer öv se sik heemli, wat künnt' düch er en Herlichkeit, un wenn dat denn doch ni gelung, so stunn se Gefahr misgünsti to warnn, un wol mal fahr er mitto

---

hät: hatte. Männ und Falpen: lautes Lachen und Spiel. feil: fehste. öv: übte. mitto: bisweisen.

de Gedanken dær de Seel, dat se en rik Bur sin eenzi Dochder weer.

Mathilde verstunn en beten Französch, dar gung se mit bi, er Gnomon un Wagners Lehren warn er wichti. Se öv sit sogar inne Sprak un se dach sit ut, noch mal na Möldorp oder de Heid to kam un recht wat to lehrn. So war Mathilde er ok wichti un unentbehrli.

Darto wat Mathilde ut en Stadt, ut Sleswig vertell! Dar gev dat Gesellschaften, Bälle, dar gev dat seine Herrn un Dam'. Sünndags gung man dar na de Lohmæl spazeern, drunk Kaffe dær de Dær, un oppe Sli kunn man to Boot fahrn, sogar in Manschin. — Er Vater weer Korfmaker un stamm ut Magdeborg. Darvun harr se noch en beten inne Sprak. Vun em harr se flechten un Sponarbeit lehrt, se kunn Fransien maken un Ligen dreihn. Se kenn ok vele Leder, de Trina nie hört harr, ganz drullige mit, in en sunnerbar Dütsch, de er Vater mit vun sin Reisen brocht harr. Bi er Ollern keem alle fein Lüd, um Korfarbeit to kopen. An ern Laden gungn de Primaners verbi un gröten herin, wenn se dar seet. Dar harr se ok den jungn Mann sehn, de er den Rasten schenkt harr.

Wenn se denn in Lust un Fröhlichkeit herumsprung un jubel, so steek se ok Trina mit an, un de beiden jachdern dær Hus un Schün, inn Grashof, æwer de Koppeln, as weer allns uten Rand. — Dat weer wat vær Jan Niklas!

Se harrn int Dörp en arm blödsinni Minschen, de jümmer de tein Geböd opsä. He heel vel vun Trina, de ernsthaft mit em umgung un dat ni æwert Hart bringn kunn, em to narrn un to brüden, as man wol deit. Se gev em Sünndags en Stuten, den he sit hal, un hör em gedüllli an, wenn he darvær ton Dank opsä. Den harrn se mehrmals int Dörp drapen un Mathilde harr wichti mit em spraken un em verhört. Dat gefull em so, dat he jeden Morgen dær Jan Niklas sin Stacket keek, ob se noch nich to sehn weer. Denn wink de lütt Schelm em un frag em, he klopp er den Arm un sä enige Geböd op. So wat stunn er prächt an, se kunn ordentli gnädi darbi utsehn.

Se much vær er Leben geern riden. Na Fierabend heel se keen Fred, un Trina muß öfter mit to Ber, un se brochen

---

Gnomon un Wagners Lehren: Schulbücher. Spon: Span. tein Geböd: zehn Gebote. Stuten: großes Weißbrot.

se wenigstens tosam na de Graßkoppel, Hans Ruh war as Begleiter mitnahm, de den Tægel heel un biher drav, un dat passeer wul, dat de Blöde se wis war, achterna leep un ahn Athen opsä: Du sollst nicht töten! Du sollst den Feiertag heiligen u. s. w.

Ton Utsfahn gev't of Gelegenheit, as de Aarn to Ennung. Peter Stamp muß op mehre Döörp herum, mit sin Brut Besök maken. Se neem Mathilde geern as Gesellschaft mit, nicht blot, wil ol Tied er geern liden much un jümmer vær er Plaz sorg, egentli harr se alle in Tasch, un Witen löb na er Snacken, dat se sik mit Friedrich genauer verstunn, un fürch ni mehr vær er Fründ. Darto weer se nüdli oppe Reis' un mak menni lankwili Besök lusti un angenehm, un Trina harr intwischen Geduld un Tid, er Arbeiten to besorgen.

Bi't Tohuskamm Abends weer se denn jedesmal as niet un broch Sack un Taschen vull Nies mit sik. Wa harr se sik freit! wat harr se ni sehn! wa weern de Lüüd nett un arti wen! Se weer vun Harten gut un vergnügt, se much blot en beten geern gefallen un darvun vertellen, wa se gesulln harr. De Küß, de se jedesmal mitbroch, harr Trina er geern gönnt. — In Offenbüttel harr en ol Rohharr er den Fot reben, den se en beten vertreden harr. Se weern awer en Koppel gan un harrn ann Wall Brummbein plücht, as en Bull op se to kam weer. Do harr de Scheper dat Thier mit en groten Knüppel entgegen prahl un er inn Arm opfungen un er indringli fragt, ob se of wat fregen harr? un as se en beten humpel, harr he er de Schoh uttrocken un er den Fot reben, un dat weer en ganz oln sunnerbarn Mann, de of bespreken kunn, dat de bi son lütten Fot awer gar ni nödi, harr he seggt.

In Tennsbüttel harr se en ganze Weerthsstuv vull Lüüd in Dprohr brocht. De weern bi't Kartenspeeln wen, un Wüch harrn tosehn. As se rin keem, mak de Gen en banni Spektakel un Weswark: he verlor jümmer! wenn ni en junge smucke Diern keem un bi em seet, so wuß he nich mehr, wat opstellen! awer dar keem se je jüs! Un darmit weer he opsprungen un harr er an sin Sid nödig, un Alle harrn sik

---

Tægel: Riegel. biher: nebenher. Offenbüttel: nordöstlich von Albersdorf. Rohharr: Kuhhirte. Scheper: Schäfer. Tennsbüttel: 4 km südöstl. von Odderade. Weswark: Wesen, Aufsehn.



verwunnert, denn dat Glück weer glük kam! Un he weer en riken Brenner ute Heid! So kreeg se allerwärts er Abenteuer.

Dat anner Mal harrn se bi Gasted Friedrich drapen. Se mal dat ut, wa se mit ern Wagen bi de Smed umme Eck bögt weern un gegen dat Holt langsam heropfohrn: do kumt vun de Watermael her en Küter, de glükglükli langs den Weg drüppelt. Als he se wis ward, richt he sik op, sett dat Pferd de Sparn inne Sit, dat dat sik opbömt, un jagt op se to. Wa harr he vergnügt utsehn, he harr ordentli as en Offizeer mit de Ritpitsch nüdt un anne Müß tüdt, un harr er noch gau vertellt, dat he op en Tidlang wedder op Rikwohlnd un neger bi Odderade weer, dat frei er noch am meisten. Of schull se Trina velmals gröten.

De Freid harr Trina er gönnt, aver dat se jüs er dat so beschrev, utfohrlicher as irgend wat, dat se keen Opholn kenn un Friedrich un jümmer Friedrich wedder anröhr't war: dat muß Trina wul süßn ni recht, warum as't er as en Bosheit vær keem, as wul se er jüs quäl'n un weh don, un vun Friedrich weer't er, as harr he er recht mit Willen fränken muht.

Trina harr vel to grutveln un torecht to leggn. De lütt Mathilde broch Verdruß un Freid mit, as jeder Minsch, de mank annere kumt. Aver war man mal böß, um so mehr war man wedder gut, verdreetli kunn man ni bliben, keen Stunn lang. Abends, wat vörn Unruh, jüs wenn man to Bett gan wull, un Trina fast andächti er Tüg asle! De Stub weer small, se kunn er vunt Beet ut reden. Dar hölp keen still wen, dar hölp keen beden! Jümmer nie Zufäll, de se værbroch, æwer Peter, æwer ol Ted, æwer Friedrich, æwer irgend Een, de se sehn harr, æwer allus wat er værkeem. Un weer dat Rætern to Gnn un keen Sprak mehr dar, so keem dat Gludern un Gnitern, bet keen Minsch mehr still bliben kunn, un leeg he oppen Dod, he muß mitlachen. Un wenn denn endli Trina würlki verdreetli war: op eenmal weer se an er Lager, full er umn Hals, tüschel er, as en Moder er Kind, flech er lank Haar ut, bewunner dat, sichel er, un wenn se er dat hübsch wedder inflech, seet se as en

---

ute Heid: aus Heide. drüppelt: getrabt. tüdt: gerührt. asle: ablegte. Rætern: Plappern. Gludern un Gnitern: Richern. tüschel: beschwichtigte.

Unschuld un vertell vun de Prinzessin, de sit so geern vun en ol Umm harr oppen Kopp kraueln laten, vun Rapunzelen mit er lank Haar, wo en Prinz an harr na'n Thorn heropstigen kunnt: „Rapunzelen, lat din lank Haar hendal!“ un bi er huch se inner de Deck, un Arm in Arm slepen se in, bet de Morgen heiter se opweck.

De Lustigkeit sticht doch an. Dat weer ok nich Mathilde alleen, de se broch. Deelwiß' keem dat vun Peter Stamp sin Brutstand, de all junk Volk inne Neeg en beten int Wogen broch, besunners de jungn Mädens, de grote Bu int Dörp keem darto mit menni Jurrt un Umswiern darbi. Dat gift awer doch ok so Tiden int Leben, wo Lust un Vergnügen dat Enn vun allns is, wo een dat anner aflöst as de Nacht oppen Posten, wo sit dat en Tidlang so fögt, as weer dat Leben vör nix anners dar. Jūs weert ok noch en Summer un Harst, de gar keen Enn nehm wull. Man seet noch jümmer vör Dör, as de Dag' al förter un de Abends schummriger warn, man spel un jagder noch jümmer oppen Grashof. Dar seten, innert Dörnschfinster, de beiden Fründinn' towiln den ganzen Nambag to neihn un stiden, de Jöt int Gras, de Köh um se rum, ganz Ditmarschen in Sünnschein vör se. Dar smöt Jan Niklas sin Pip to ut Finster rut un harr sin Vermaak daran. Enige Pahl stunn hier sitwärts ton Tügdregen, dar weer de Hauptspelplatz vör Daben un Gripen. Wenn Peter Stamp keem, Hans Grimm Abends, so kreeg Mathilde glik dat Beereck awern Schüttfaben in Gang, un Jan Niklas oder ol Ted müssen uthölpen, wenn de fösde Mann fehl. Jan Niklas war heel junk mit, he leep lächerli mit sin lütt Gesicht herum un wunn' sit as en Worm, um sit ni frigen to laten, ol Ted pust banni, heel awer ok mit ut. Awer jüh dar, gewöhnli keem Friedrich to Per vun Riswohl herawer un lös em af. Jagdern un Lachen dur denn lang, ehr se möd warn, tomal wenn ok de starke Bumeister darto keem. Nös seet un leeg man herum, bet allns to Hus muß.

De flinkste weer Friedrich, smidig as en Snak. Lopen kunn Keen as he, springn kunn he as en Fahl. He sett awer en hogen Tun as nix, he kunn sit bögen as en Haffelnwid,

---

inne Neeg: in der Nähe. Jurrt: Vergnügung. Umswiern: Schwärmen, Ausgelassensein. Vermaak: Freude. Daben: Toben. Beereck awern Schüttfaben: ein Greißpiel. wunn': wand. smidi: schmiegsam. Snak: Ringelnatter. Fahl: Füllen. Haffelnwid: Haselgerte.

ünner en Hamerstael dærkrupen, sif achteræverbögen as en Kramp un all wat junge Lüüd so an Spill un Rnep vør hebbt. Dat stunn em nett darto, much he lopen, dat em dat Haar slog oder een vun de jungn Mädens gripen, wenn he as en Hæv op se los schot un se as en Pöppen zierli op greep.

Doch of Wulpert kunn mit to Gang kam, de weer nich so smetsch, awer de Baas in all wat Kraft verlang. Int Boßeln, Haken un so wat neem dat nümms mit em op, un dat seeg lächerli ut, wenn he Friedrich wul mal ævermödi en krumm Finger hinheel un em glitgühti an sif trock oder wenn se int Gras seten, mit en Stock anfat un he em inne Höch hal, as leet he em danzen.

Dat Commando hör em of hier, Ordnung muß der wen, awer dat gung ahn Gewalt un denn jüs am besten, of de Dln müssen oft mit derbi un de Reeg vull maken. De Arbeiders seken wul dært Stacket to, as weer't op en Theater, so nüdli gung't mit to her.

So sä Mathilde mitünner en Gedicht op, wobun se vele utwennt wuß. Wenn't paß, müssen denn de Annern hölpn. Bi des Sängers Fluch muß Friedrich den olen Sanger vørstellen mit en witten Dok ævern Kopp, Peter Stamp den König mit en Bohustaken inne Hand. Dat gev en Freid vør alle Tokisers. De Blöde feil nich vør de Port, he kreeg sif of en Staken un sä op: Du sollst nicht töten! Du sollst nicht töten! Mit em værut trock de Tropp int Dörp herin, man hör noch lang dat Getös', as man sif inn Grashof wedder dalsett un noch anner Gedichten opschöch, de of so nett passli weern. Dar funn sif awer keen, obglif Mathilde un Trina noch en Bok haln un nasegen.

Wulpert leet se darbi wirthschaften. Mit em snacken de Dln al wittlöfti vunt Theater. He harr dat in Hamborg, Berlin un annerwärts sehn. Sin Geschäft broch dat mit sif, dat he besunners de Gebäuden beschrev, de grote Rum, de Gallerien un Hangelskamer, wat son Gebäud an Geld kost, wa vel Minschen der Platz harrn, all de Pracht un Herlichkeit.

Peter Stamp weer of wit inne Fremdn umher wen. He harr mehr dat lustige Tüs beholn un vertell darvun. He

Rnep: Kniffe. smetsch: schlanf. Baas: Meister. Boßeln: S. 119 fg. Haken Bd. I, 182, 29. Staken: Stange. Tokiser: Zuschauer. Hangelskamer: der Schnürboden. Tüs: Zeug.

harr mal in Hamborg in en lütt Spēlbod infēken, wo en Ap un en Hund mitspelt harrn. Nu mak he dat vāer, wa de een in en Bom klattert weer un wa vernünſti de anner hinop-  
bellt harr.

Friedrich kenn de Fremdn nich. He wünsch sik dat Glück, mal de Felsen to sehn, de Een ævern Kopp hangt mit de Hūs' daran pekt, mit de Winstöck rund herum, mal op de Bārgen to stan, de halve Welt to Fōten, mit de eenſam Lüd, de egen Art Minschen vun ganz anner Sprak un Geber.

Dat weer egen nog, wa verscheden de drie jungn Lüd sik darbi wiſen.

Wulpert harr nix mit dar buten in Sinn. He keem jümmer wedder op de Lüd, de passen nich vāer uns, „Ost un West, to Hus is't best.“ Wi weern in en fri Land, meen he, de wenigſten wuſſen, wat dat to bedüden harr. Uns seet de Friheit inne Knaken, wi kunn al nich anners, wi weern all liker Herr un liker hoch un kenn nix haben uns, as de Heben un uns Herrgott. Dar buten keem' de Lüd vāer Höſlichkeit gar ni an enanner, deſhalb harrn se ok keen Tru un noch weniger Globen to een. Dat weer en lütt queſi Volk, jümmer lebenni un jümmer möd.

Dat meen ok Jan Niklas un full em bi, em düch, he kunn dat annerwärts ok ni utholn, gut muchen de Lüd wen, dar wull he nix gegen seggn, awer de Elach weer anners un paß nich vāer uns. Dat harr he man markt an de Lüd, de wi hier hatt harrn.

Awer Friedrich meen, dat muß doch wunnerbar wen mit all dat Schöne, wat't dar buten gev, beſunners mit de Gegenden.

Do ſā Jan Niklas, vāer em weer dat schönſte de Heben un de Sünne un en grön Lappen derünner, tomal wenn man de See blenkern sehn kunn as nu hüt Abend, un he much weten, wo man so wat optowiſen harr. Un Tru un Globen weer ok ni to verachten. He harr man hört, dat man in Berlin de Huzdārn bi helligen Dagen toſlaten heel, vun Riſt un Kaſten ni mal to ſpreken, man muß buten stan un klingeln in Snee un Wedder, het een vun binn opmaakt war. Dat weer je as in en Tochtus.

---

Ap: Aſſe. pekt: geſiebt. queſi: verdreht. Elach: Geſchlecht, Art.  
Tochtus: Ruchtus.

Nu heel de Bumeister Friedrich an, dat de vun de Halligen vertelln muß, wa man dar en Slött nich mal kenn, of bi Nacht allns apen leet, keen Minsch full mal in, dat een wat weg nehm kann. Friedrich læv dat of un wuß daræwer to spreken, awer lankwili funn he't dar doch.

Ja, dat kann wen, så Wulpert, atwer he harr in Berlin toleht lövt, all Lüd weern Schelm oder Wafzfiguren, wat Minschlichs harr he kum mehr weten un en grēfi Heimweh fregen na sin Ditmarschen, wo de Röh un de Böm Gen mehr sän as dar de Minschen.

Daræwer keem man op dat Heimweh to snacken. wat de Marschlüd as en Krankheit æwerfallt. Ol Ted wuß vun en jungn Minschen, de twee Mal dot krank to Hus kam weer. Dat weer en Gnegelputt, vertell he, en rechten Thierquäler, de niz beters kenn' as Duben slachten un Anten köppen, wat he oppe ganze Nawerschop as bestellt Arbeit besorgen de, he wull of Slachter warrn, un sin Oln schiden em na Fzehoe inne Lehr. Dar ward he bald leeg un krank, un de Docters seggt, he muß na Hus, anners storb he. Nu keem he, un seet heemli bi sin Ol, en Schoster, un trock de Drath, plitsch un lehri weer he, dat fog em all, awer vær Scham keem he blot inne Ulenflucht Abends herut. He war Gefell un muß wannern, gung of munter los, if seeg em noch weggan, as he lusti sin Pip smök. Ut Thüringen kumt do na en half Jahr en Brees vun de Harbargsvader an den Schostermeister so un so, un de Ol much kam un de Jung haln, he leeg opt lehte. De Ol reis' richti los un hal em. Kum is he mit den swack elenni Kräpel æwer de Grenz, so athent he op un ward bald gesund un sniden fett. Bet he sit na de Geest rop verheirath. Do hett he awer bi Fru un Kind doch keen Rau hatt un jeden Morgen mit Daggraun op en Ledder na de Först stegen, um enmal de Marsch un de See to sehn. — So vertell ol Ted, un man hör em recht wul anne Stimm an, dat em dat of so harr gan kunn.

Un darto de Sprak! så Wulpert. Wi leten uns je tumber wiß maken, dat unse platt un grof weer, ne, fort un bünni weer se. He harr so vel Feins hört, awer wenn se

---

læv: lobte. lövt: geglaubt. grēfi: schauerlich. Gnegelputt: Brummhart. leeg: leidend. plitsch: schlan. fog: fügte sich, gelänge. Ulenflucht: Spät Abends, wenn die Eulen flogen. Kräpel: Krüppel. sniden fett: fett wie eine Schnecke. Föst: First.

noch so vel sän, dat bedü je nix, he harr tolesh nix mehr lövt un allns vör Höflichkeit nahm, as't of weer. He harr mal na en lange Tid in en Weerthshus dör de Wand na sin Stub en ol plattdütsch Nachtwächterleed hört, do harr he binah de Dör insopen, so harr em dat umt Hart trocken, un he weer den Minschen umm Hals fulln.

Do weer't wul en Handlungsdener mit Haarpomad, lach Peter Stamp.

Ja leider, lach Wulpert half in Scham, he handel mit Seep.

Awer Friedrich meen mit Begeisterung, wi müssen doch dat grote dütsche Vaderland ni verachten.

Dat wulln wi of nich, sä Wulpert, awer wi wulln uns of achten un nich alls annehm, wat de annern uns prisen, lat de sik of en beten na uns richten. Wi löben all, wat de snacken un warn dumm un blind vör uns süßn, dat gung uns je as de Kinner, de jümmer nan buten lengn. De Lüd kenn' uns je gar ni mal un klæn' uns vör, wat wi nagrad al vullstänni vör de Wahrheit neemn: wi weern as Klümp un Klußen gegen se, wil wi nich so vel rætern. Ne, de kunn je en Gefühl nich so lang bi sik dregen, bet dat rip war, dat muß all glük rut schüttelt warren, de schulln man eerst mal to uns kam un lehrn, wat en Mann is, un uns nich jümmer er Borgen wisen.

Wulpert war ganz hitt darbi.

So weern se doch ni all, meen Friedrich, un Wulpert sä, dat kunn geern twen, de dat drop, much sik dat totrecken, awer wi wulln fast holn, wat wi harrn un uns dat ni mit glatte Wör affnacken laten, de rechte Stolt weer en Mannsdægd, un dar feil uns dat noch jümmer an.

Als he so in Zwer re, dat de Dgen em grot warn un mit sin breiden Schullern dar stunn gegen den Abendhimmel, do seeg he süßn ut as Gen, op den man wul en rechte Last dal leggn kunn, wenn se Gen drück, un he war seker bliben.

Trina seeg em an mit son Gefühl, se seeg op Mathilde, de bi er int Gras huck un den runn' Kopp an er læhnt harr. Dat smucke Gesicht schin er lerri, so blank dat weer, un se dach, wenn se Witen er Dgen darbi anseeg, de weer dargegen

---

Seep: Seife. Klümp un Klußen: Klumpen und Klöße, grobe ungebildete Leute. rætern: plapperten, räsonnierten. Mannsdægd: Mannestugend.

een vun de Seeln de allns geven künnt, wat se hebbt; wenn Peter Stamp dat man erkenn un schähen much!

Dennoch leng er jung Hart inne Seern, in en unbekannte Welt de er och! so schön vörkeem.

As de Lüüd ut ennanner gungn un Friedrich wegree', gung se noch mit Peter un Witen dært Dörp un hör den Hoffslag verhalln un en Jung, de de Per wegbroch, en Leed æwert Moor hin singn. Se gung eenfam to Hus; schull se sik denken, dat Mathilde un Friedrich mal en Paar warn? Lee dat er Ruh?

Bi den Dörpsfoll stunn en Deenstmäden mit Waterammers, en Knecht tre hinto un sprok lisen mit er, ut den Ton klung er en Lev un Hingab de se sülb'n sik wünsch. Se il to Hus mit er Gedanken un weer tofreden dat Mathilde möd weer un still to Bett gung.

Wenn dat so all nett un nüdlich is inne Welt, denn kumt faken en lütt Bröckel dartwischen, un allns fangt en rutschen an. Oppen Festdag, wer denkt jüs ant Enn? Un wenn wi dar inne Welt würlki jümmer an dachten weert gar ni de Mög weerth antofangn. As kunn se ni all warnn, so seht man an jeden Summerdag, den man den Harst affteht. Awer denn kumt slecht Wedder un man mutt sik schuln.

Dat brok of in Odderad de schön Abends buten entwei; frili binn schulln se wedder anfangn, lütt Mathilde harr al en Register æwer de Festlichkeiten, wat noch fast smucker leet, as de se oppen Grashof opföhrt harrn. Awer do keem Naricht vun er Broder, dat se bald na Tellingsted un vun dar to Hus na Sleswig kam schull. Nu eerst dach man daran, dat de Summer afreis' mit all sin Herlichkeit. De ol stamern Hans Ruh mit sin Süster trock af na de Heid un sä sin smuck witt Jümfer op en half Jahr ade, he hæp op wedder kann. Trina weer dat as de Anfang vun en Affscheidung nehm, wo se kum dat Enn vun affsehn much. Er war mit eenmal eenfam um de Seel, se föhl, dat of Mathilde dar en lerrigen Platz laten war. Dach se an Friedrich un ob de denn noch wedder kam much? Dach se an den Meister, de of sin Warf bald klar harr un na de Heid trock? Denn

---

leng: sehnte sich. ree: ritt. de Per wegbroch: auf die Weide. lee: litt. Dörpsfoll: Tränke. faken: oft. schuln: schützen, bergen. klar: fertig.

dat nie Hus weer bald fertig, en Nichtbeer weer man noch nich fiert, Hans Grimm harr dat opschaben bet he dat gänzli ünner Dack harr, denn schull dat wat Ordentlichs geben. Alver er keem vör, as wenn Hans Grimm æwerall ni recht sig un bi 't Wort weer. Enige Arbeiters weern al afgan, dar haper wat.

Jüs mit dat schlechte Wedder keem mehrmals en Brenner ute Heid mit en grof roth Gesicht, den Trina nich liden kunn, de harr vel mit Wulpert un of wul mit er Ol to don. Se mak sik allerlei Gedanken daræwer. Tolez mark se, dat dat en Creditor vun de nie Bur weer, Hans Grimm har sik wul bi den Bu verbært un weer nu in Verlegenheit. Er Bader muß of mit dartwischen steken, denn Angreten harr binah den Kopp verlarn, süf un hachpach, sä awer doch nig na, denn wenn Jan Niklas wat Earnsthafths vörharr, so weer ni mit em to spaßen. He püttjer vel herum un harr den Hot deep æwer't Gesicht.

Vör Trina harr dat Bedriben wat Unheemlichs, tomal wenn se Wulpert so ruhi anne Arbeit gan un kam seeg, as gung allns sin ungestörten Gang. Se keem sogar op de Gedanken, dat se er süßu mit dertwischen kregen, denn de Brenner gev er mehrmals so fründli de Hand un sä er adjüs, as wenn he jeggan wull, se bruß ni ernsthaft to wön, he keem bald wedder, he war ni fehl. De Mann weer er awer gresli. Er düch, de war of Minschenfeeln in sin Brennsetel distelleern, wenn der blot Sprit un Geld rut to trigen weer. Wenn he so in Hus un Schön rumsnüffel, as gung he tageern un dært Dörp na den Buplach slenker, de groten Hann op den Rügg, tosamhaft as twee Stigenharken, as hör he vullstänni to't Dörp un he wanner na sin Arfsted: so kunn er en Hut æwerlophen.

Darto leet sik dat mit Müms æwerspreken. Mathilde weer to jalpsch un lichtslünki darto, de keem æwer alle Sorgen hinweg as de Fleerlink æwer de Disteln; Witen haar keen Dgen as vör er Peter; Peter Stamp mak se nich wedder to ern Vertruten, un de Bumeister kunn se der unmægli mit

---

opschaben: aufgeschoben. da haper wat: da stockte es, war etwas hinderlich. sik verbært: sich überhoben, zu viel gewagt, sich verspekuliert. süf: seufzte. hachpach: atmete schwer. püttjer: framte. slenker: schlenderte. Stigenharken: Harken, Rechen für die Gartensteige. Arfsted: Erbe. Hut: Gänsehaut. jalpsch: albern. lichtslünki: leichtsinnig. Fleerlink: Schmetterling.



ankam. Wenn se man dach, se much em fragen, so keem er dat vœr as weern't Schatten un Wulken, de man nich mal faten un in Wör bringn kunn. Denn wedderum düch er, dat weer allens nich slimm, dat weer sülbn man en Wulk de æwer er Seel lager, dat weer de Harst de jümmer Wehmoth bringt, dat düstre Licht full op all Lust un Freid.

Awer doch sunn se de junge Burfru bleek utsehn un de Rinner allmähli rüsteri un unproper. Un darbi jagen de Blæd vunne Böm un de Regen klattsch op de blanken Weg.

Weer nu vun allens wat mit, oder muß sik dat jüs man so drapen: Jan Niklas frog er een Morgen, ob se den Brenner Rod wol liden much? Do sä se ne, as harr he er en Tuts vœrholn. Nös sä he den sülwigen Morgen: Trina harr je Lust einmal ordentli neihn un sticken to lehrn, em düch, dat paß noch am besten so vun nu bet vœr de Wihnachten; he harr dat al mit er Moder en beten æwerlegt, em düch, denn muß se man neegster Dags op en Tidlang na Möldorp gan. Se kunn nett bequemli bi Jan Meth wahn, he har dar al bi Mutter Methsche mal wegen Kost un Slopstell nafragt, dat war alle Welt ni kosten, un Lotte Theßen weer je de best Sniderische inne Landschop.

Trina hör mit Bewunderung, dat er Vader dat al länger muß bedacht hebbn, ahn dat he er en Wort seggt harr; dat plegg he nich to don. Un se kenn sin Ton: wenn he so as vun en Klenigkeit sproß, so weer dat as en Befehl.

Er slog dat dœr de Seel, as harr se wat bös dan, se wuß doch ni wat. Se dach glif an Friedrich, un egen weer't, dat er Vader of jüs glif vun den anfang. He harr, as't schin, dat nich ganz gut op em. „Dat weer of beter, wenn se fort weer,“ knurr he, un to knurren plegg he nich. — „Wer wuß, wat ut't Dörrp warren kunn. — To grof un to fin kunn he beid ni lidn. — Dat paß of ni vœr er. — Awer to junk muß man nich to verslagen wen, dat lev he nich un læv he nich.“ — Dat gung op Friedrich, denn he heel den, as of annere, vœr en verslagen Minschen. De harr of mit Hans Grimm to frigen, harr vœr em al mal en Reis na Angeln maßt, man snack, um en Kaptal to lösen oder wegen en Urschop. Enige sän gar, dat he op de junge Bur sin Stell spikeler, mau snack wenigstens, dat he Riswohld wedder

---

rüsteri: vernachlässigt. Tuts: Kröte. verslagen: verschlagen. lev he: liebte er. læv he: lobte er.

verlaten harr un vellicht op längere Tid na Odderade treden war.

All dat leep as en Alun vør Trina tosam un vertiſſ ſiſ vør er Gedanken, dat ſe ni Eunn noch Anfang ſinn kunn. Mægli weer't doch of, dat all de Fadens, de ſe anſat, nich de rechten weern, un de Spol leep blot in dat gewöhnliche Nutt. Deun ſe wuß, dat Angreten vel derop gev, ſin Hann Rath to weten, mehr noch as Trina harr ſe Mathilde er Geſchicklichkeiten bewunnert; ſe bedur faſt am meiſten in Leben, dat ſe domals, as ſe mit Kaſpelvagt ſin Süſter harr knüſten un neihn lehrt, dat domals in Tellingſted nich en beten ordentli Anleiden wən weer to ſeine Handarbeit, denn harr ſe't gewiſ lehrt, er Moder war nix an er ſpart hebbn. Katharina ſchull mal in allns utlehrn, dat harr ſe jümmer ſeggt un in Dgenmark hatt. — Vellicht weer er dat nu eernſthafter inſulln, nu Mathilde darvun gung. So kunn de ganze Sak eenſach tohopen hangn, Geheemniſſe weern ni nödig. Awer warum weer ſe denn un Jan Niklas all beid ſülbn ſo heemli? Dat pleggn ſe gar ni to wən un niemals achter de Gardin to ſpeln.

Vertiſſt weer't nu eenmal, un ſe dach an er verborgenem Fehler un all er ſtillen Gedanken. Darmit leep ſe bald mægli na Witen un broch er ſe vør. Se maſ de of wichti mit un verſner er un ſiſ ſülbn noch mehr, denn as ſe ſe utſproſ, warn de Dingn noch all grötter un laſtiger. De beiden ſnacken ſiſ inne Dämmern rein düſter un mær, ſe fungn beid an mit enanner to ſnuckern — denn ſcharp nachdenken weer nich Witen er Dægd — as gung dat na den Richtpſaß, weg op ewig, un wul verdeen.

So funn Peter Stamp ſe. He wull der eerſt na ſin Gewohnheit en Snurr ut dreihn, und fung al an:

En dralle Deern bin iſ,  
Krallen Tweern ſpinn iſ,  
Lehr knüſten, Lehr neihn,  
Lehr Sülwerdrath dreihn —

Awer as dat nix verſlog un he an Trina ern depen Ton hör, wa toweddern de Spaß er weer un wa eernſt ſe dat

---

Alun: Anäuel. vertiſſ: verwickelte. Spol: Spule. Nutt: Nuß. Anleiden: Anleitung. verſner: verſchnürte, verwickelte. mær: mürbe. ſnuckern: ſchluchzen. Dægd: Tugend. knüſten: ſtricken.

neem: do wenn' he op eenmaal um, fung mit an to beleggn un to begruveln, wat vörn Grund de Sat hebbn much, kreeg awer of nig rut, un fung nu an op Wulpert to schelln, as weer de an allens schuld. De harr Hans Grimm inne Patsch brocht mit Grafenaußlag' to en Bu as en Sloß. Darvun keem nu all dat anner Unglück. Trina wuß wul, dat se of int Döörp em al mit Geld stütt un ünner de Arm grepen harrn. Den arm Lichtlövschen drev he nu vunn Placken, un Trina drev he ut Döörp, un wat war he noch vör Unheil anrichten. So arg harr Peter dat op den Bu-meister. Trina harr genug to don em to verdiffendeern, und darbi seeg se recht eerst, wa vel an den Mann to læben weer. Doch Peter keem jümmer wedder op dat Ole torück, un sproß vun Trina er Reis' op en paar Wöken na Möldorp as vun een na Gündsit dat Water, as vun en Unglück vört Döörp, so dat Trina dat gar ni begreep un noch düßseliger to Hus keem, as se gan weer.

Also fort muß se, denn sin Willn harr Jan Niklas. Se muß al in de eersten Dag derbi er Saken torecht to frigen. Mathilde gung er darbi noch to Hand so lang se bleb. De kreeg awer Naricht vun er Broder, dat de Tid asloopen weer, un Jan Niklas leet er denn na Tellingsted fahrn.

Jüs ni glickgülti seeg Trina er achterna, se weer sogar in de lehte Tid noch smidiger un smödiger wen as gewöhnli, awer en Seel, wo man en Sorg inpacken kunn un harr se wul verwahrt, weer se nich, dat harr keen Naklaug, wenn man herinreep mit Angst un Weh. Un darto harr Trina al alln Affscheidung vörher darsöhlst. Se ween' noch hartli tosam, sproken of vun Wedderkam un Weddersehn, awer Trina harr keen rechten Globen mehr, se seeg er blot truri na as Een, de man verleern mutt, un se dach an Glück un Unglück op er egen Wi'.

Un as dat eerst so wit weer, do sat se sik of mit allerlei Gedanken; man kann ordentli sin Kraft tosamnehm as to en Sprunk awer en Gröb. Se harr je sülbwünnscht, wat nu keem, dat dur ni lang, bet dat to Een weer. Se gung den lehten Abend tofreden na ol Ted um Witen adüs to seggn. Se drop de Brutlüd alleen to Hus in Dörnsch. Peter seet

---

beleggn: überlegen. Lichtlövschen: Leichtgläubigen. Placken: Fleck. verdiffendeern: verteidigen. Gündsit: jenseit. düßselig: betäubt, unklar. Gröb: Graben.

int Fjnstcr un harr den Kopp stütt, Witen sä, he harr wat Koppweh un weer en beten quini un denni. He keem awer glif æwer Enn un sä, dat harr nix to bedüden, fung of glif en Snaden an. Nöös bë he Witen, se much doch na den Holtenkramer gan un em en Medizinglas vun den sin Drunk hahn, em weer doch en beten slimm; se much awer süßn gan un nich een vun de Jungz oder Diernz schicken, de vertru de Ol dat nich geern an. — Witen weer glif bi de Hand, bunn man gau en Dok um, denn dat weih ari, un leep in Drav to Dörpen an.

Kum weer se langs de Hoffstell un æwer den Weg, wo de beiden er noch lopen segen, as Peter Trina bi beide Hann sat neem, binah vær er dalsack, un er bë, se much doch ni weg gan, se much doch bliben; wenn se gung, so kunn he dat ni mehr utholn, denn verlor he er gänzli.

Trina harr ehr dacht, de Himmel kunn infalln as son Opstand. Se seeg em ganz verschüchtert an, denn trock se em de Hann weg un drück se an sik, wat se to don plegg, wenn er wat to neeg gung. Se weer opstan un wull gan, awer Peter treë er inn Weg un bë er vun Himmel to Ger, se schull doch bliben un em anhörn, he harr nix böz vær, awer he wuß nich wa em weer; as he dat bedacht harr, dat se wegung un dat der denn Gott wuß wat passeer, dat kunn he ni utholn!

Do frag Trina em, ob he Witen denn nich leef harr?

Ja, sä he, dat weer en brabe Seel, awer he föhl nix bi er, he kunn allnz vær er don, awer he kunn er dat ni wen, wat se vun em hæp.

Do keem dat in Trina op as en hilligen Zwer, un se sä em ruhi un ernst, wat he værn Sünn bë, de weer nich wedder gut to maken. Gewis harr he na den Rikdom lungert un nu maë he en arm Minschenseel versmachen, de op em trut harr. He schull sik tosam nehm, he muß nu Wort holn, keem wat keem. Grilln harr he, Rinneri un Infäll, he schull beden un arbeiten, un er gan laten.

Dat hör he gedüllli an, as en Lamm, wat den Kopp nüst. Awer do lepen em de Thran æwer de Vaden, un he

---

quini: jämmerlich. denni: kümmerlich. keem æwer Enn: stand aus. Holtenkramer: Händler mit Holzwaren. slimm: übel. weih: wehte. ari: ziemlich stark. Opstand: aufregender Umstand. Rinneri: Kindereien.

neem Trina er Hand, küß se mehrmals un sä, he wull don, wat in sin Kraft stunn.

Witen keem al torügg, vergnügt un geschäfti mit er Medizin. Glücklicherweise markt se inne Dämmern un bi all er Vertelln, wat de Holtentrainer seggt harr, wa man dat innehm muß un wat vør Wunner dat wirk, gar ni wa verstört de Beiden weern.

Trina blev man fort mehr, neem awer Peter sin Hand un le se in Witen er un sä: nu schulln se tosam holn vør ewig un jümmer, un Peter versprok dat mit Bèwern inne Stimm.

Geit't ni oft so? Wo man meent, dar sitt dat ni, wo man't finnt, dar sücht man't ni. Dat Fremde hölpt Een æwer een sülbn hinut, Gedanken æwer de Sorg, Arbeit æwer de Gedanken. Vellicht harr Trina den annern Dag, as se weg fahrn schull, an wat anners dacht, vellicht ni ahn Rummer markt, dat Friedrich nich noch mal keem, as he doch de, awer he keem en Dag to lat, vellicht den Abschied swar bedacht un verwunn: nu leeg er man jümmer dat Een inn Sinn. Se seeg wul. wo dat hinwis', se seeg wul, wa de Minschenweg geit: hier en Lunt un dar en Kul — wer stürt twischen dør?

Dat de er schreckli weh um Witen, un doch weer der nix to don un to hölpn; seggn döß man nix, bedenken kunn man nich, warschun nich einmal: dat muß all sin Willn hebbn un sin Gang vunt sülben gan. Dar hung sit nu en arm tru Seel an en Mann, as en Fliederlingpopp an en Ast, se hæp op dat Glück as de Popp op er Flünken, de Lucht war er dregen, de Blöth er wegen, wenn de Bom ni wanken war. Schull se Peter Stamp anklagen? Ja, vør sit sülbn. Awer vør de Anner weer't to lat, de weer inspunn. Un vun em keem er dat vør, as vun Een, de in Düstern geit un süht en Licht winkn, denn geit he to, un wenn't of en Irrlicht weer. Wa vel hett en Minsch Schuld, un wa vel is he to bedurn? Dar lurger nu in Drußregen de Blödsinnige den ganzen Dag um de Port, warschwinli wuß he op en Art, dat dat wegfahr, wat em gut un fründli weer. Em klappern de Tähn, wenn he sin Geböb bi sit opsä. Wa vel Schuld drog he an sin Viden? Wohin gung vør em de Weg? Awer jümmer mehr

---

Lunt: Vertiefung, Loch. Kul: Grube. warschun: warnen. Flünken: Flügel. Lucht: Luft. Drußregen: Nieselregen.

düch er, man muß op sik süßn oppassen un dennös sin graden Stig gan, int Düstre gung he, man muß wul op en Annern budn, de em lenken de.

So gruwel se den ganzen Morgen herum. Se much tolesz an fremde Lüd gar ni mehr denken, Vader un Moder kunn man noch tru'n, dar hung dat Hart an, mit all dat anner, mit all de Annern weert ungewis.

Jan Niklas harr er ann Morgen süßn na Möldorp fahrn wullt, war awer aßholn, denn he muß mit Hans Grimm na de Heid, wil de Brenner wedder dar wen weer. De annern Per weern tofälli vunt Fuß, un de Knecht keem eerst to Middag wedder torügg. Dat leet sik of geern inn Namiddag asmaken, denn bet Möldorp is man en paar gude Stunn. Angreten kunn nu awer, as Moders dat hebbt, er Kind ni vun sik laten. All de Leb, de sunst in Arbeit un Getös in Kamer un Keller tobröckel, de keem nu bin Abscheed in en groten Strom in er Seel op, se foder un sichel un bemantel er, geb er noch so vel Lehrn un noch so vel Saken mit un leet er eerst na'n Kasse dervun.

Endli seet se warm inpact oppen Stohlwagen un sä mit vele Gedanken un swar umt Hart adüs, do keem noch rasch de Meister herbi. He reck er de harre Hand, un as he er seker un tru anseeg, do söhl se, wat in sin Bör leeg: er much dat gut gan, un he hæp er mal wedder to sehn. Mehr schin he nich to verlangn.

Do klattsch de Knecht oppe Per, nüms weer in dat schlechte Wedder buten. Witen harr er lang oppen Weg vermoden, se sohr nu tum eersten Mal alleen inne Welt hinin, nicht jüs in en ganz fremde, awer er doch eensam un unheemli. Se kenn frili den ganzen Weg un keem to bekannte Lüd, awer all wat son Rücken jedesmal noch empfunn hett, de nu vunt Nest mutt un unseker de Flinken probeert, dat muß se of dærsöhl. Er weer, as sack de Himmel achter er dal un blev op Odderade beliggn, un de Port, de rin föhrt, war achter er tomakt. Er ganze Lebenslop leeg rüggwärts hell inn Sünnschin, un vør hin full of nich en Glimps oder en Glem. Kold weer't darto, de Wind blas', dat Moor leeg smoti un verdeck den bekannten Heider Thorn, dat weer all düster.

---

dennös: darnach. budn: bauen. tobröckel: zerbröckelte. foder un sichel un bemantel er: gab zu essen, liebteste und kleidete sie an. Glimps: Glanz, heller Fleck. Glem: schmaler Lichtstreifen, Schimmer. smoti: rauchig, nebelig.

Ton Glück sprot de Knecht noch allerhand un se kunn em wat seggn un fragn, um sik to trösten. Dat tröst er besunners, dat he neegsten Fridag to't Möldorper Wefenmarkt kam war, un he schull er denn noch Kleinigkeiten mit bringn, de se bi all er Packen vergeten harr. Tolez gung Allns in en buseli Wehdag æwer. Se dach, de Iewe Gott weer je bi er. Dat Rütteln un Fahren mak er möd, er war, as wenn man de swaren Gedanken nich jüs æwerwinnt, atwer se opschust to en Tid, wo man Moth hett se antosehn. Se leet dat gan, as't gung. Drömig seeg se op de Hüf' in Sarzbüttel, op de Frachtwagens, as se an den Hauptweg keemn, grot as Hüf', mit Lakens æverspannt, ünner een an en Rifut en paar Kinner, dicht inbündelt un blau anfrarn. Se seegen er mit nieschirige Ogen an, as se værbisfahrn, mægli to Vader un Moder, mægli alleen inne Fremdn. Se harr dat geern weten, natürli wuß atwer de Knecht nix derbun, se kunn se also blot mit er Gedanken folgen un se bedurn, doch er egen Gedanken warn darbi asleidt, dat geb noch harreru Abschee inne Welt, as se em makt harr, ja se frei sit, as se en half Stunn vær er Mal, in Rindörp, Jakob Schütt sin Weerthshus mit de warme Infahrt kenn.

De Knecht harr hier værtosfahrn un en beten to holn, denn Jan Niklas harr de Gelegenheit wahrnahm un em en Prob Saatweten mitgeben, de he bi en Bekannten umtuschen schull, Trina kunn sik so lang verhaln un bewarmn. Dat de er of nödi, se weer binah verklamt, so harr de Wind, de jümmer starker war, er dærhalt.

Bi Jakob Schütt harrn se al Licht an un den Disch na'n Aben trocken, wo de ol lange Jakob mit den Rugg gegen stunn. Twee Lüd seten an Disch un smöken, apenbar Bekannte, de en Partie Solo maken wulln un, as sik wiß', op den veerten Mann lurn, denn dar legen Spelkarten vær se. Se weern op Tüffeln, un seten eben so gedüllli an de een Abensit as Jakob sin ol Husholerisch achter de anner. Dat keem Trina warm un hægli an, as se sik dar bi er dalsetten un Doß un Hot asnehm kunn. En Glas Warmbeer de dat

---

buseli: träumerisch. Sarzbüttel: Dorf, 7 1/2 km nordöstl. von Meldorf. Rifut: Guckaus, vorderste Stelle unter dem Wagenleinen: anfrarn: gefroren. asleidt: abgeleitet. harrer: härter. Mal: Ziel. Saatweten: Saatweizen. bewarmen: erwärmen. verklamt: erstarrt. dærhalt: durchgefältet. Aben: Ofen. Solo: Kartenspiel. as sik wiß': wie sich zeigte. keem an: kam vor. hægli: behaglich.

Uwrig, un se leet sit dat ankam, as Jakob enige Fragen na er Bader de, un wa lang se dat Beh al binn harrn, dat Wedder war je rufi, se harrn al en beten inbött. De Husholersch wull noch wat mehr weten, un wat se so lat in Möldörp to don harr, neem dat awer ganz licht un gar ni as en Bærnehm, wat Trina darhin föhr, se weer je neeg bi't Hus, meen se, un kunn jede Wet mal na Moder un Bader kam. Dat klung Trina ordentli tröstlich. Uwerhaupt gefull er dat binah al ni æwel, mal so ganz alleen to wen. Se hör nip to, wat de Mannslüd wedder ansungn to verhandeln, eben niz anners as sunst to Hus, awer se hör gern na Stimm un Ton un weer nieschiri, wat dat wul bær Lüd wen muchen, Burn gewis, awer wonen her un wat bær Slach. So, meen se, war man dat maken, wenn man wit bær de Welt reis', denn war dat na un na fremder un unbekannter, bet man toleß nüm's mehr kenn un verstunn, un darbi schuder er.

Se hör glif rut, dat de beiden al neger bunne Seekant weern, denn se snacken vun Schep, vun Stranden un Haverie, velliht keem dat of blot vun den Storm, de buten hul. As de Husholersch man mit Fragen to Enn weer, hör se bullstänniger, wat de bequeme Snack vun de Mannslüd so utgev, un se leet er Nieschir mit lopen. Vun Röh, Per, Melt un Botter gung dat as gewöhnli of to Hus. Man mutt doch nich jüs denken, dat dat Hart jümmer an den Pris hangt, dar kummt jümmer wat beters mit int Spill.

Hest din ol Brun verkofft? frag de Een den, de deep un makli inn Stohl hung, as dach he an niz as sin Bequemlichkeit.

Ne, weer de Antwort, ik kunn dat ni æwert Hart bringn, ik will em sin Gnadenbrot geben, mag he noch sin paar Jahr bi mi kräpeln, wat he kann.

Mös snacken se wedder steenharti æwer de Armcommun un æwer dat Lumpenvolk, wat se man all na Amerika jagen schulln.

Hebbt son Lüd en Hart? oder hebbt se keen?

Trina leet sit ni störn, se wuß, wenn man so Een as dissen Breden oppen Dik seeg, de nu drähnt un bewert, wenn de Floth der gegen pallscht, denn war man't wis warrn.

---

rufi: rauh. inbött: eingeheizt. lat: spät. Bærnehm: Unternehmen. schuder: schauderte. Seekant: Seeküste. hul: heulte. utgev: mittheilte. Brun: Brauner, ein Pferd. makli: gemächlich. kräpeln: sich durchs Leben winden. pallscht: plätschert, schlägt.



Schull de nie Dit bi Marne dat dissen Winter dørhahn?  
frag Jakob Schütt.

Dat löv ik, sä de Brede glitgülti.

Dats en dull Wedder vun Abend, sä de Jüngere, as  
wedder en Windstot gegen de Lulen brasch, uns Made kumt  
wul ni mehr.

A, dat is so arg ni, sä de Brede, wenn man eerst buten  
is, oppe faste Wall geit't wul, oppe See is't sacht arg nog.

Man schall denn al en Seehund wen as Schipper Kroß,  
sä Jakob Schütt un lach, de nömt dat en beten Bris'.

De is je of waterdicht, smuster de Brede.

He hett awer doch mal en paar Jahr ni seilt, smeet de  
Jüngere dartzwischen.

Ja twee Jahr lant, betüg Jakob Schütt, neem de Pip  
uten Mund un dreih sik langsam in en Positur, dat de annern  
em bequemli hörn kunn, wenn he vertell. He harr domals  
en Storm belebt, de em bet anne Hut kam weer, do lav he  
dat af, awer he kunn dat doch ni laten. Ik keem jüs na  
Büsum hindal, um mi en beten Strandwin intokopen, de dar  
verbolt war, as nachts en greßigen Nordwest huf't harr, de  
morgens noch anheel, so dat de Schum ævern Dit spei, do  
leep he grad mit sin lütt Matschal in. He keem dærnatt ant  
Dand und smeet bi min Föt de Konterlörs de quattschigen  
Papiern anne Ger hin un sä: dar hebbt jüm de Schit, nu  
will ik ni mehr, halt man min Jung! Den harr he ann  
Maß bunn un süßn en ganz Ebenlit ant Nor stan. Nu  
weer he blot in Sorg, dat de Jung noch lev und seeg as en  
Isbar to, as se den rindrogen, wültern un reben.

Sin egen Kind? frag de Junge.

Sin Sæn, versetzer Jakob Schütt, vun en tein twölv Jahr.

Keem de denn wedder to sik? frag he wedder.

Ja, sä Jakob, de Müll harr em man en beten benahm.  
— Na twee Jahrn weer de Ol doch wedder in See, sett he  
hinto, un as ik em mal in Möldorp drop un frag, lach he  
düchti un sä: ole Sünne heeln Een taag fast, he kunn't ni laten.

---

brasch: schlug (mit Klappern). Made: Genosse, Kamerad. faste  
Wall: Fesland. sacht: leicht, wohl. smuster: schmunzelte. seilt: ge-  
segelt. smeet dartzwischen: machte den Einwurf. lav af: gelobte es  
nicht wieder zu thun. verbolt: versteigert. greßi: grausig. Matschal:  
Ruschschale. quattschig: durchnaß. Schit: Dreck, Kram (verächtlich).  
Ebenlit: 24 Stunden. Nor: Steuerruder. Isbar: Eisbär. wültern:  
wälzten. reben: rieben. benahm: gepackt. Sünne: Sünden. taag: zähe.

So geit se dat all, sä de Brede glitgütti.

Wenn awer Jakob Schütt int Bertelln keem, tomal vunne See, vunt Strandlophen, von Friedrich Wida un Schipper Kroß oder Jon Seehund, denn stunn de Mael so gau ni wedder still. He vertell — un Trina hör nip to — wa he mal — ob Kroß oder en annern, dat weer of een Dont — inne Kriegstid twee Militärs vun Helgoland brocht harr, een Admiral un een Landkoptein. De Admiral harr sit ant Stür sett — dat weer of bi en sware See un en harren Nordwester, un Kroß harr bi de Segeln stan un int Wedder lefen; he harr wol al sehn, dat dat ni richti weer. Do geit he op den Admiral to, leggt em sin Füst as en paar Waschhölter oppe Schuller un seggt: Herr, en Fregatt mägt he comdeern künn, awer en Schallup, dat mutt ik kenn, weg vunt Nor, uns Leben steit dar op! Darmit . . .

Jakob keem ni to Enn, denn de Wesenfohrman na Igehoe baller un Klabaster inne Infahrt rin un fluch op Licht un Dær apen. So sä man de Husholerssch, as de na Rækgung, em Grogg to maken, se kenn em an sin schremmigen Hals. Als Jakob wedder rin keem, lüch he en junk Mäden vær sit op un nödig er, nan Aben to sitten, um sit to bewarm. Dat de se. Se weer of nich op warmste antrocken, awer en Gestalt, de küll noch Hitten nig andon kunn. Als se sit den Dok torechttrock un an Trina er Sit sit dalsett, schin Hals un Schullern witt un warm, de se sit bedeck. Eben so weer er Gesicht mit en smalle Näs', allens hoch as er Gant, do se dær de Stuv gan weer, doch sä se sachmödi guden Abend, un Trina düch, dat er Dgen verweent weern, se schin er bleisteri.

Trina verdrot dat binah, dat de Burn sit ni röhrn un sit gar ni um er kümmern, nicht mal de junge; se seten, as seegen se er kum, vellicht keem dat blot darvun, dat se nich in Sammt un Sid un man mit en Fohrwagen kam weer, un se wuß doch ni, wa en Königin beter utsehn kunn, se kunn sit ni satt an er sehn, se seet ganz in sit vergeten un betrach de Farv, de mähli in de Wacken trock, un de prächtige Gestalt.

---

een Dont: ein Thun, einerlei. Füst: Fäuste. Hölter: Hölzer. baller: lärmte, knallte. Klabaster: fuhr ein. fluch op Licht un Dær apen: fluchte man sollte Licht bringen und die Thür öffnen. schremmig: heiser. lüch: leuchtete. sachmödi: sanftmütig. bleisteri: glänzend vom Weinen.

De junge Bur frag endli, ob se na Ikehoe wull? Ja, sä se schüchtern un seeg hasti um. Vellicht to Verwandte? Ja, sä se noch eenmal, un de Backen glöhn er op.

Trina harr geern mehr hört, denn er full wat op in den schüchtern Ton. Do atwer keem de Fohrmann herin schremm. He kenn de Burn, nöm se bi'n Bärnam, un schrachel æwer Per un Weg un Wedder, trock witbeenti sin Tüg un Ünner-tüg umhöch, dat he Been un Arms fri kreeg, sin Grogg to drinken, un smack un smeck daran herum mit vel Ambraasch' un Grimassen. As he't bet op den lezten Drippen utteitert harr, comdeer he: Lütt Ramsell! nu mæt mi wul wedder inne frische Seelust herin! Dat is hüt en Nordwester, schrachel he, as weer dat en Wiß, de schufft uns na, as de Slachterhund de Schap, wenn he se inn Steert bitt — biten deit dat, biten deit dat! un so host he ut Dær. Dat Mäden folg em un sä gunnacht, man seeg bi em recht, wa hoch se weer.

Wull weer dat? frag nu doch de Brede nieschiriger, as Trina vermoden harr, do de Dær achter se toklapp un dat Geballer buten astrock: weer dat ni en Krossen?

Jatwul, antwor de Junge, awer nich vun de Schipper Kross, sunnern vun sin Broder, de Schollehrer ut Gesch.

Dunnerwetter, wat en Diern! sä de Brede.

Ja ja, sä Jakob Schütt, de wedder inkeem un dat lezte hört harr, dar is Raasß in, ni wahr? Dat kunn wul en Telsche Kumpen wen hebbn oder en Nakum vun de lange Reimer ut Wimersted. A, wi hebbt noch son Slach, mit de echten blaun Ogen (un de Ol war ganz lebndi):

Lant vun Leden,  
Nik vun Gode,  
Un vum allerbesten Blode,

as inne Krönk to lesen steit; so ünner de Bosen, wobun de Gen ni lik op inne Schündær kunn, as se dar oppe Lüneborger Heid Reue afheeln, oder inne Rolsß Familje, wo se opscheet as de Pappeln, un an Geld keen Mangel. Disze

---

schremm: räuspern. schrachel: lachte laut mit heiserer Stimme. Ambraasch': Aufheben (embarras?). utteitert: ausgefogen. Steert: Schweif. Wull: wer. Gesch: Dorf, 4 km südwestl. von Meldorf. Telsche Kumpen: aus Hohenwöhrden, gelobte vor der Schlacht bei Hemmingstedt ewige Jungfrauenschaft und trug das Banner voraus. Reimer ut Wimersted erschlug den Junker Glenz in dieser Schlacht. Leden: Glieder.

hett awer nig æwer, se is de Perzepter sin Dochder ut Gesech, de Seehund sin Brodersdochder. — Uns lütten vunne Geest sünd awer ok gut, sä he op eenmal un seeg Trina an. Se war ni weni verlegen, as se so mit merrn in de Sak herin-trocken war, un de Mannslüd er all scharp ansehn.

En hellische Diern, tün Jakob wedder los! de ganze Sipp is so, er Wader is ok en groten farrigen Kerl.

Un wa kumt de denn to de Scholmeisteri? frag de Brede.

Schicksaln mak Minschen, verdütsch Jakob as en Professor, un de Lev is tolesh en wunnerli Ding. Darbi seeg he wedder Trina an. Sin Fru weer en eben so smuck Diern as nu er Dochder. Ik heff er recht gut kennt, un menni Danz mit er mak, as de Schol Ten noch wat lichter weern. Groß trach er banni na, se wull em awer ni hebbn, wenn he Schipper blev, er weer dat ruhige Leben togegen. Daræwer leet he sit ton Scholmeister in Gesech maken.

Se is dot? frag de Brede wider.

Al sit, och, wenigstens föstlein Jahr, bereken Jakob Schütt anne Knöp vunne Pipenspiß, as ik min Sidentoppel insre, do mutt se storben sin.

Also de Ole is alleen? frag wedder de Brede, un denn fahrt de Dochder so ton Harst na Ikehoe?

Se seeg je toweent ut, sett de Junge hinto. — Also dat harr de ok doch sehn, dach Trina.

Ik weet ni wa't togeit, sä Jakob Schütt, se hett je doch wul Fründschopp in Ikehoe, ni wahr? frag he de Husholerich, de eben wedder ute Ræk keem.

De wuß awer gar ni wat der los un wer der wen weer, un bedur nu ludut, dat se de ni sehn harr. Man harr dat je ni denken kunnt, se harr nümms hört, as den Fohrmann sin schremmigen Hals, keen Lut sunst, un harr ni anners löbt, as he weer alleen un darum so schracheli, do harr se je man lopen mußt, em sin Grogg to maken, dat he ni ok noch scholl. Ne, dat se de ni sehn harr! Ja, wull, de harr Frünn in Ikehoe vun er feli Moders Sit. Awer dar gung je allerlei Wunnerligs æwer er ünner Lüd um. Se wuß je frili nich, wat wahr daran weer, dar war je ok allerhand opfunn, denn se schull en heel smucke Diern wen, un dat wuß se noch recht

---

tün: schwakte. großfarrig: breit, lang und grobknochig. trach na: tief nach. Knöp: Knöpfe. insre: einhegte. toweent: verweint. ludut: laut. schremmig: heiser. gung um: wurde erzählt. opfunn: erfunden.

gut, as se süßn junt wien weer — nu weer se dat je frili nich mehr — do harrn se er of meennimal wat anhungn. Wahr kunn't of je wien, se wuß dat nich, se harr dat man hört.

Nu Antje, vertell se man mal, sä de Brede, er ward der keen Ged op asverlangt.

Ja, se schull je mit den Holthandler sin Sæn to don hebbn.

Mit de junge Pauls? sä de Brede. Ach, anners man niz, den weer't noch ni slimm, dat weer en fixen Kerl.

Uwer en ganz verwagen Minschen, betür Antje.

Dat warn jüs de besten, dar löppt keen Hund sæben Jahr dull, sett de Brede dargegen, so is he op oder en stillen Hushund.

Ne, awer en ganzen Brascher, en unnosen unnaschen Minschen! de harr al inne Schol de ganze Jugend opwegelt un alle Appelhav bet na Borg hin unseler makt. Wa oft harr de wul en tweien Kopp oder en natt Fell to Hus dragen! de weer ünner Is un Steen, ünner Ber un Wagen rut trocken! den kenn man in half Ditmarschen. Un nu eerst gar troß he op sin Knaken as en Heid. Ree he nich bi düstre Nacht likæwer Gröben un Graff na Gesch hindal, um gegen sin Vaders Willn de Perzepter sin Dochder to besöken, un röhm sik, dat em keen Graben to breet un keen Kerl to stark weer, he keem em æwer? So weer nu de Jugend, en Jægd ahn Dægd, harr er seli Vader al seggt, wat de wul eerst nu harr seggn schullt!

Wahrschinli, keen Dægd as inne Jægd, smuster de Brede, denn he weer nu wul æwer de Hunnert hinut wien.

Dat broch Antje op eenmal uten Text, denn se fung an to bereken, wa old er seli Vader wien much, wenn he noch leb, un sä, se löv dat binah. Do fung se all an to lachen, un as se verlegen war, drilln se er: wat se denn vörn Brüdigam hatt harr, Jakob schull dærchut dervun vertelln, un so leep se dervun un smeet de Rækendær achter sik to.

En ganzen Wilden is frili de junge Pauls, neem de Brede wedder dat Wort, vullns so arg hebbt wi dat ni makt. Se haut sik, dat de Baltens dervun fleegt, dar is keen Hol

---

er wat anhungn: ihr Böses nachgesagt. Antje: Anna. verwagen: verwegen. he is op: er ist zugrunde gegangen. Brascher: übermütig: unnos: fabelhaft. unnasch: schlecht. ree: ritt. keem æwer: überträfe. Jægd ahn Dægd: Jugend ohne Jugend. drilln: soppten. Baltens: große Stüde.

oder Stür op em. Awer wenn he disse Diern richti liden mag, so schull de Vader keen Marr wen, de wull em noch int Gängelband krigen un em fast holn. Geld hebbt se doch mehr as annerlud Heu, vun dat, wat de Jung int Jahr verballert, kunn geern en Fru mit en half Duß Værn mit leben.

Dat is wis, meen Jakob, he ritt alleen mehr an Per toschann, he hett nu al wedder en nien, en prächtigen Schimmel, de gewis mit em æwer en Heckdor setten kann. — Na, wull kumt dar noch anklabastert? sä he, un horch op en Galopp-schritt, den man dær Storm un Huln wit her hendær hör, wa he jümmer neger keem. Und mit dem rappß de al oppe Steenbrügg ant Hus ran un rin oppe Dærfahrtsdel, dat dat gnaster, un still heel he. Jakob greep hittli na't Licht, um natosehn, de Rüter keem em awer al tovær inne Stubendær.

Trina hör man, wa de Brede as bi sik fülbn sä: dar hebbt wi em lebnid! do frag en gewaltige Stimm, ob de Wefenwagen værkehr't harr, ob en junkt Wäden mitfahn weer? un so bald, as he man ja hört harr, störm he ahn gunabend un gunnacht wedder rut. Man hör op dat Perd comdeern, de Ißen gegen de Steen krazen, de Dær ballern, un weg klabaster he, inne Nacht herin, bet de Hoffslag inn Wind verdunst. Dat gung all so rasch, dat man kum seeg, wat et wen weer. Erst as man sik besunn harr, sä de Brede:

Dar hebbt wi em lebnidig! de schall bald mit de Diern wedder torügg kam, wenn he er sunst hahn will.

Das je en rasigen Geselln! betür Jakob Schütt, wenn de ni stör't — na Süderhasted künnt se noch kum wen — so is he se in en half Stunn achterna. Wa damp de Schimmel! as en Köhlsatt! un de Kêrl herop as de Bud oppe Harverkist! de Sparn inne Sit, un rut mit dat Deert ut de grot Schündær as en Bund Schof ut de Bænluf.

De Beiden lachen æwer Jakob, as he so in Bewegung keem un mit beide Hann gegen de Dær manöver, as smeet he wat rut. Awer Antje slog de Hann ævern Kopp tosam, denn se weer ut Rieschir al wedder rinkam, as wull se seggn:

---

Sol oder Stür: Halt oder Steuer. verballern: mit Lärm durchbringen. Værn: Kinder. wis: gewis. toschann: zugrunde. wull: wer. rappß: rasche, ritt wie toll. gnaster: krachte. hittli: eilig. Ißen: Hufeisen. ballern: knallen. das: dat is. Köhlsatt: Köhlsatz beim Brenner. Sparn: Sporen. Schof: Stroh zum Dachdecken. Bænluf: Bodenlufe.

nu stunn dat Sünregister apen gegen alle tein Geböb an, vun de Verheißung nich mal mit to spreken.

Doch intwischen weer Trina er Knecht wedder kam, un so geern se noch tövt un wat hört harr oder gar dat Paar torüggkam seeg, so muß se doch opbreken, da Per un Wagen noch wedder torügg schulln. Se wünsch gunnacht un hast op ern Sih, un man en Ogenblick, so fahr se eenfam inne Düsternis vörwarts.

Gung't ni bunt nog her inne Welt vör Gen, de eben den Got herinstelln schull? Kunn man en junge Seel dat bedenken, wenn dat der sunnerbar hendärtoch un se süßn ni recht wuß, woran se weer? Un de Minsch denkt sik denn toleht jümmer as de Stippen in de Centrubahr, warum sik de ganze Maschin herumdreih, wenn he ok man blot meent: uns Herrgott harr dat jüs so makt, um em mal wat to wisen, wona he sik richten kunn. So duselt de Gedanken, de um sik süßn lopt, un wenn't to vel ward, makt se sik dun, as weern se Dröm, un en gesund Hart slöppt merrn dertwischen in un lett se ern Gank gan.

Trina keem half inslapen in Möldorp an. Dat Rasselun oppe Steenstrat un de Lichten inne Hüs' wecken er. Se weer hier sunst blot an Bader un Moder er Sit herinfahrt, fremd weer er dat nu, awer dat weer er, as harr uns Herrgott er noch vel wat bunteres wist, un wenn se an dat arm Mäden oppen Wägentwagen dach, so weer se tröstli.

Wenn man vun sin Rinnerjahren vertellt — man weet nu, wat man do vör Gedanken harr, wo man doch egentli blot mit grote Ogen stunn un toseeg un dat lütt Hart kloppen föhl —: so kunn Trina eerst Wäken naher sik besinn, wat hüt Abend all in er rund gan weer. De Knecht harr mit de Bitsch ballert, an en Eck harrn se sik fast fahrt, he harr nös dat Hus ni sinn kunnt un Lüd un Jungs oppe Strat utfragt. Jan Meth sin Fru weer mit Licht inne Dör kam un harr sik verwunnert, dat se nu eerst keem, dar se den ganzen Dag op er lurt und er nu kum mehr vermuden. De Knecht harr abüs seggt un se harr innerlich Angst un Ween föhlt, as de Wagen glit umkehr un wegrumpelt weer. De Thee harr

---

tein Geböb: zehn Gebote. Stippen: Spiße. Bahr: Bohrer. dun: trunken, träumerisch, wirr. Wäken: Wochen. Ween: Weinen.

oppen Aben stan, se harr awer kum drinken kunnt. Tolesk weer Jan Mëth mit sin röthli Gesicht un de witten Haar to Hus kam un harr seggt, se schull man bald to Bett gan. Dar weer se rinsackt, as schull se ni wedder opwaken.

Se waf awer doch den annern Morgen wedder op un muß sik besinn, dat se in Möldorp weer. Un dar weer se.

Wo dreedusend Minschen tosam wahnt, dar is en Grimmelwimmel vör Gen, de ut en Dörp kumt, wo man't glik wiz ward, wenn Gen en Paar nie holten Lüsseln anhatt, de der mehr ballert as de oln Slarrn. Wer ut Hamborg kumt, vör den mag't in Möldorp still nog wên. Wewigens fahrn jeden Dingsdag= un Sünnaabend=Nacht de Frachtwagens ute Heid na Brunsbüttel hier dör, dicht an Jan Mëth sin Hus vörbi, se dössen frili nich kunstgerecht ballern, dat harr de Landvagt se leggt, de darvör ni slapen kunn, awer een Klatsch to Tid weer nich verbadên.

Schräg awer vört Finster stunn en Pump, de al morgens fröhtidi jank. Dar stunn oft Mädens mit blote Arms un klên noch gau en beten vört Wegdraben, denn hilt hebbt se dat hier all.

De Stuv leeg deep, so dat sogar de Kinner hindalkelen, wenn se verbigungu, un alle wüssen bald, dat dar en nie fründli Gesicht achter de Blompütt seet to arbeiten. Wa gau ward frische Dgen ni bekannt mit dat Nie?

Still un ruhig weer dat inne Stuv, de Panarjenbägel weer de Genzige, de sin Hals keen Tom anle. Dat giff en Art vun Sauberkeit, de allens still maakt, de harr Mutter Mëth an un um sik. Fröher harrn er Kinner dat Sand inne Stuv dærknojet un de Stöhl berangelt, nu se grot oder dot weern, rücf der Müms an en Fol vunne Gardin oder er witte Snipp as er egen mager Fingern. De Foln int Gesicht weern frili deep warn.

Jan Mëth harr sik runner holn, ruhig awer of. Se harr fröher en temlichen Handel hatt mit Sünnig, Botter, de

---

rinsackt: hineingesunken. holten Lüsseln: Holzpantoffeln. Slarrn: Schuhe. Brunsbüttel a. Elbe, 25 km südl. von Meldorf. dössen: dursten. Landvagt: erster königl. dänischer Beamter der Landschaft. jank: freischte. hilt: eilig. Tom: Baum. knojet: geknetet, durchgetreten. rangelt: wild herumgepielt. Snipp: Kopfstuch mit Spitzen. Foln: Falten. runner: runder, dicker. Sünnig: Honig.



he inkoff un na Hamborg schick un mit blau Steengut, wat he wedder verkoff; en egentlichen Koppmann weer he frili nie wen. Nu harr he sin eenzigen Søn, de noch lev, dat Geschäft afgeven. De Søn wahn wat wider herop, harr awer noch en Lager vun allerlei Kram int Sidenhus bi an. Dar gung dat oft lud un lusti her bit Vaden un Paden. Jehann harr süln blot de Im beholn, darbi püffel he den ganzen Dag herum. De Korf sit vun sin langn Garn weer een lant Imfchur, un op den æwrigen Platz lee he niz as enige Büsch ton Schatten vør de Swarms, blot en groten Bernbom stunn dicht achtert Hus. Noch hör man nu inn Harst dat „Volk“ summ, wenn man an er warm Hüschens de Keeg lant gung, dicke Klusters hungn um de Zehlöcker, de Arbeit weer awer ut, sä Jan Meth, se rüsten sik ton Winterslap. Vele warn al flau, de sat he mit blote Fingern an un bær se an er Hüsen. Se den keen Minschen wat, sä he, de man ruhig weer. Wervhaupt harrn se so vel Tugenden, dat he nich to Enn keem, wenn Een em tohörn wull. Se harrn binah Minschenverstand un kenn un verstunn em, he snack of den ganzen Dag mit se un harr süln wat Mummelichs inne Stimm. Awer oppaßt wulln se wen, as man en Minschenkind, un rennli müssen se dat hebbn. Un so weer dat of op den geln Sand de lange Stig hendal bet an den Nedderwall. Dar seeg en lüttje Port æwert Land.

Jehann kenn en Familjengeheemnis, wat sik fortplant harr vun Vader op Søn, man wuß süln ni wa lang, darvun stamm deelwis sin Wullstand, wenigstens sin Berop un Nam, denn egentli heet he Jan Reimers, awer de süte Meth, de he inn Harst na de Hünigpreß bru, weer bekannt na Süd un Nord as man Homann in Husum sin Franzbrannwin oder de Lütjenborger Røm, darvun harr al sin Vader den Dinam dragen. Jehann stamm noch ut de Tid mit guten Globen, de Geheemnisse kenn un achten de. Jan Cläsen sin Ol, Glauber sin Solt (sal mirabile Glauberi), Hamdörp sin Plaster, wat en Scharprichter erfunn harr, Dorenken sin Snustoback weern würllich echt un blot an Ort un Stell inne Heid un Kiel oder in de Apthek to frigen.

---

Sidenhus: Seitenhaus. Imfchur: Bienenstall. Kluster: Haufen, Klumpen (vgl. Klusternelke). Zehlöcker: Zuglöcher. bær: hob. Mummelichs: Murrelndes, Brummendes. rennli: reinlich. Berop: Beruf. Røm: Rimmel.

Dat geve bekante Familien inn Lann, de vun so'n Geheemnis sik warn weern. Wer mag dat, Krüschan Wördenhoff sin Tippenstuten natomaken, oder Ehlersche er Hedewisen un Strümp? Ja de Kienrokskerls mit er Störrikarn, mit dwattsche Sprak un blaue Bijäckels kossen Brennöl bi Punn un grepen Grashüpfer bi Schodwis, awer doch koff man vun se dat Scorpionsöl in de langn wunnerligen Butteltglæs, wo en lankbeenti verdrögt Deert in sin Fett schwimm, betal dat mit Dalers ahn to dingn, un drunk dat gegen Kolik mit en wrëti Gesicht, ahn je den Hauspringer ruttosinn.

Dat Recept vör de Mëth weer ut en Bok, vör ole Tiden schreben, en olen Hans Reimers harr dat vun en Aptheker, de landsflüchti wit her kam un in sin Pleg to Rau gan weer, arvt. Unse Jehann bewahr nu sin Schatz, bet sin San den na sin Dod ævernehm kunn. Gott weet, ob denn awer nich alle Geheemnisse ophört hebbt.

Trina seeg un hör na alle Dingn mit en Art Hast, un mit Angst vör er egen Gedanken. Se schu sik dervör un heel se torügg, as ma se en Dör to vör en Tog. Weer't blot Heimweh wön, weer't Bader un Moder alleen wön, velleicht harr se sik hingeben un swögt inne Wehmoth. Nu keem to vel anners mit der mank. De Geschicht mit Peter Stamp harr er Seel belast, de Afseech un de Reis harrn er Gefühl opschüttelt. Lev un Glück — dat klang nu anners in er; much se sik wehren: se seeg, dat beide de Welt regeern; vun Friedrich nich to spreken, smuck as he weer, doch ni to begripen. Harr de denn Lev? harr he se nödig? Trach he würlki Mathilde na? Un wat war ut de truharti Bumeister? Un wat war ut Witen, un ut er? — Dar muß se nich to deep an denken. Wa bunt weer de Welt! Wo gung de Faden der hindör? Wer heel em inne Hand? — Geduld? — Se wuß ni recht mehr.

Erst mal weern enige Dag' verlopen, dat muchen de schlimmsten wön. Se sett sik en Mal, se dach al an Tohuskamm, so lang dat ok noch hinwen much. Als man op en Morgen häpt op de Sünne, de kam schall, so war sik denn

---

Tippenstuten: Weißbrötchen mit Spitzen (Timpfen) an den Ecken. Strümp, Strümpfe: kleine Weißbrote mit zwei Timpfen. Hedewisen: Heißwecken, Korinthenbrötchen, die zu Fastnacht gegessen werden. Kienrok: Kienruß. Störrikarn: Schottische Karren. dwattsch: verschoben. Bijäkel: Kittel. Glæs: Gläser. wrëti: verdrießlich. Hau: Heu. to Rau gan: sterben. swögt: gekammert.

allns opklärn. In de Tid is frili gut hopen, wo man nebenbi doch sit freit op dat Bett des Abends, un de Dag des Morgen, æwer den Kaffe ut den Ketel, æwer den Ketel wa he blank, æwer de Tass wa se sauber is, æwer de Welt wa se grot is un wunnerbar.

Bi de Meiersche, wo Trina jeden Morgen oder Namdag enige Stunn lehrn muß, seeg se sit of eerst wat schüchtern um, un weer binah mit Hartkloppen hingan. Dat Muß hölpt atwer æwer vel weg. De saubere Arbeit war er gau leef, un se mark nich umsunst, dat se al inövt weer, dat se licht begreep un faten kunn.

Mank de tein twölf Schölers, de der mitto seten, weern wenigstens de Hälste Döchter vun den Docter, de er Vader behandelt harr. Dat weer en ganze Reeg, vun temli grot bet temli lütt, all mit appelrunne Gesichter un en Dippen int Kinn, smud un näswis un lut int Spreken. Trina funn en Ähnlichkeit mit Friedrich. Se verbister lang mank de Reeg, denn bald weern der drie bald veer, bald de Groten bald de Lütten, jümmer harr een oder en paar Erkältung oder Geburtsdag oder Singstunn oder wat anners. Künn' den se of ni vel, atwer se weern snippisch nog, wenn de Meiersche se wat wisen wull. Trina gefull dat gar ni, er weer dat al sunnerbar, dat de Kinner kunn un den, as weer nims anners inne Stub, un mit er klofen Dgen er un de annern ansehn, as jeegen se Biller an.

Vun de annern gefull er en jung Mäden al bi't eerste Ansehn, un de mak sit of glit an Trina. Dat weer en smud grot weekli Kind mit sanfte Dgen. Wenn se se opslog, weert jümmer as war er dat sur, de Stimm klung of so. Se weer æwrigens en vullwussen Mäden, wul en Jahr öller as Trina un frisch un gesund, en präcti fein Roth schimmer er dær de Backen un se weer wittli um den Mund as en Liljenblatt. Se seet bi Trina, as wull se sit an er læhn, Trina föhl den warm Athem anne Back, wenn se to er sprok. Trina dach an en witte Dub, wenn se bi er seet. De hal er al den annern drütten Morgen bi Mutter Methsche af, ahn to fragen woher un wasüß un ob er dat recht weer. Se keem mir nig dir

---

Meiersche: Näherin. Dippen: Grübchen. Künn' den se: können thaten sie, sie konnten. snippisch: naseweis (spitzig). vullwussen: ausgewachsen. wasüß: wie.

nig un söch Trina mit er Dubenogen inne Stuv, un piep mit ern depen Althen vör Freid, as harr se er Junt sunn. Trina full er umm Hals un küß ern weken Mund. Darmit weer't gut.

As wenn Nams towilen wat bedüden schulln, so heet se Düvcken, en Nam, de fröher nich so selten weer, un er Broder nöm er oft sin Dub. So sä ok Trina geern. Er Ollern bewahn en grot old Hus, vels to wittlöfti vör er Bedriv: en paar Röh un Gras'voh un en beten Kornbu mak de ganze Wirthschaft ut. De Del weer as en Mark, unendlig hoch un mit en gewaltige Dör. Dar leeg an de een Sid en lütt Stuv, wo de Oln vör sik alleen karmükeln, an de anner harr de Broder en ähnli Gelat, un ganz na'n achtern bewahn Düvcken en Kamer, rein so dicht un warm un hægli as en Nest.

Trina leep bald mal hin un broch oft de langen Schummern bi er to. Dat weer in dat grot Hus as in en Kloster, as wahn jeder vör sik un harr leben un starben kunnt, ahn dat de annern en Wink dervun kregen un binah leben se so. De Olgung jümmer mit en hogen Hot op, ok inne Stuv. He schin sik um nig to bekümmern as um sin Spazeerweg dagli na't Land. Man sä, dar beseeg he Summers sin Offen, sprok mit keen Minsch, awer he hung sin Hot oppen Dorpahl un re mit den as mit en Slachter: Wat wullt du geben? wa vel is de blaue weerth?

De Broder weer en beten verlähmt, weer en Art Musiker, Schriwer, un wat he all bedrev. Umt Huswesen bekümmer he sik eben so wenig. Wivrigens weer der keen Mangel, an Haken un Saken weer de Wiverfloth dar, Rist un Rasten ut grot Ekenholt stunn oppe Del.

De Familje heel ok ent tosam, tomal Broder un Süster. As Düvcken Trina tum eersten Mal mitbroch, gung se glit mit er na er Broder un sä: süh Make, hier is se! un betrach er denn sülb'n as man en Schatz besüht. Er Ogen weern jümmer, as wenn se swimm. Se sat Trina um, as wull se in er kruppen un er doch jo ni twei drücken.

Nös hucken se bi er Broder herum, fram' un feken man den sin Saken. As Düvcken mark, dat Trina en old Klavier bewunner, muß er Broder se wat vörspeln, dar kreg se em oft darto, un wenn he nich geern wull, so fichel se em derhin.

---

Bedriv: Betrieb. karmükeln: karmäuserten, Grillen singen.

To en bestimmten Klockenslag Abends leet he sik aver ni holn, un Düvelen vertru Trina, he harr en Brut, wo he jeden Abend hingung. Da war frili nie wat ut warrn, sã se mit er jeli Gesicht, aver dat maß em je so glückli. Wer wull anne Tokunft denken? dar wuß man doch nig vun. Och dat weer schön, wenn man Een recht leef harr, sichel se un maß Trina binah dot mit Küssen. Als Trina sik los maß, um wenigstens er Nieschir to stilln un to fragen, warum dat denn mit er Broder nig warrn kunn? do sã se, dat weer eenmal so, man muß der nich æwer gruweln, wa hølpt dat to? allns dur ni lang inne Welt:

Heute noch auf stolzen Rossen,  
Morgen durch die Brust geschossen —

sung se as süßn mit en toreten Bost, greep en paar Tön darto opt Klavier un de dicken Thran lepen er æwer de Backen. Se wisch sik se af, kreeg Trina bi de Hand un sã: Kum, min Broder hett schöne Leder, de wüllt wi lesen.

Dær enanner leeg dat inn ganzen Huf. In Düvelen er Stub seeg dat mennimal wunnerli ut, Stöhl un Disch weern bull. Dat Nachttüg, wat Trina morgens glik sorgsam wegsted, leeg æwer't Bett, aver witt un rein weer doch allens.

Bi er Broder weert nich anners. He harr ganze Bagen vun Noten affschreiben, vun Leder un Gedichten. Trina kunn eerst ni löben, dat mal een Minsch so vel schriben kunn, un darto weer noch de Handschrift so sauber un zierlich, as weer dat drückt.

Düvelen fram manf en Backen vun Biller un Böker of noch Gedichte vun em süßn herat, meistens vør sin Brut schreiben: darna muß dat en Engel wen. Se harr Düvelen geern æwer er utfragt. Se dach sik en sunnerbar Schicksal ut, wat so twischen Twee treden kunn, de sik so leb harrn. Se harr al nie en Vers vun en Minschen hört, den se kenn un mit Ogen sehn. Se kreeg en wahre Lust mit Düvelen to gan, se tehr de ganzen Dag' derbun un kunn oft kum de Schummern astöben.

Als se man eerst enige Mal dar wen weer, leß de Broder se geern süßn wat vør. Vel wuß he uten Kopp, of vun

---

toreten: gerrihen. drückt: gedruckt.

fin egen Saken, un so hör Trina dat am leeffsten, besunners in Düstern, wenn man sik man kum mehr seeg. He much geern de gressigen Stücken hersegg, un harr ok recht en Stimme darto, as Lenore fuhr ums Morgenroth, des Pfarrers Tochter zu Taubenhain, de weern all so as en Musi, de inner de Ger rut kumt. Dat weer Trina nich all unbekannt, awer dat keem er nu op eenmal bet anne Seel. Darto wuß he jümmer vun de Dichters to vertelln, as harr he se kennt un mit se lebt, un dat war Gen all dütkli. Vun Bürger vertell he besunners vel, ok vun den franken Hölty, de Ab' immer Treu un Redlichkeit dicht harr, æwerhaupt am leeffsten vun de, de vel Unglück un Trurigs belevt harrn, un dat weer bi de meisten Dichter, gewöhnli weer de Lev mit daran Schuld, un he vergeet ni, dat recht antodüden. — Dat weer doch ganz anners as blot lesen! Wa keem he awer all darbi? Dat weer doch ganz anners in Möldorp!

In Möldorp stüdt wütkli allerlei Wetenschop. De hoge Schol hett wul er Part darto dan. Düvesen er Broder weer ok dar gan. In menni Hus stat allerlei Böker, de man nich vermuden schull. Menni Olsche het inne Still wat lest un noch mehr bedacht, oft sünd dat man Snurrripen, de tofälli en Schöler bit Uttreden hett torügg laten, awer de Gedanken sünd wat egens un deshalb towilen in een Hus ganz anners as bi den Naver, un dat gung wider as Möldorp. Vertell ni Klas Harms vun en oln Schoster ni wit vunn Dunn, de de ganze Bibel utwenni wuß harr? Klas Groth heet de Mann, un Harms weer as Jung vun sin Vader hinschickt, de sik mit de Smid um en Bers streben harr, wo de stunn. „Er schlug ihn mit Ruthen . . .“ wider wußen se nig. Do sä de ol Groth, as he sik besunn harr, dat stunn Sirach so un so, un op Harms sin Frag antwor he: Ne, de ganze Bibel wuß he nich buten Kopp, awer all wat grot drückt weer. Nu seh man mal in de Bibel to, wovel dat is. Dar gung Steinbeßs Kalendermann um un Gellerts Fabeln, un dat weer ganz anners, wenn de bi de Armlamp achtern Rachelabend begrüwelt warn, as wenn man nu Schillers Glocke in de Schol list. Wat kunn de Lüüd dærmaken! Menni Gen

---

Wetenschop: Wissenschaft. Dunn: St. Michaelisdonn, Dorf auf einer lang von Nord nach Süd vor der Geest sich hinziehenden Düne, 8 km östl. von Marne. buten Kopp: aus dem Kopfe. Rachelabend: Rachelosen.

röm sit, jeden Winter de Bibel mal dærtolēsen vum eersten Buch Moſis bet to de Offenbarung, menni Gen reſ Valentino Heins Schaſtkammer, de ni weniger dick iſ, mit alle „Luſt-exempeln“ dær. Of wuß man noch de Leder, de domals de Mädens bit Spinnrad ſungu oder de Frunz bi de Weeg! Wer kann ſe nu ſo gut maken? — So leb man binn, un buten ſlog man inn Winter de Hann um de Rippen, of wul mal de Fuſt achtern en Annern ſin Ohrn.

Awer gottloſ! vunt Binnerſte iſ noch wat nableben!

Jan Meth harr of ſin Leſeri vær, doch nich vun vel Leb un unglücklige Dichter. Sin Fru brü em: jeden Harſt, wenn de Hadbarn vun Huſ trocken, ſo hal he ſit ton Troſt vun de Tegeli ſin Volten un Viethen oder Carſten Niebuhr ſin Reiſ' na Arabien. Trina harr ſit wul weniger darum kümmern, wenn nich of Annere, de bi Jan Meth lepen, oft derut en Marrie maſt un Larm dæræwer anricht harrn.

Hüpi leep der en lütten liſhaarigen Mann, den ſe Thieſohm nöm', en heel ſpaſigen Geſelln. He wuß jümmer wat Riez, harr en beten verdrögte Stimm, nich heeſch un doch ni rein, un keem gewöhnli mit Snacken in Dær, aſ harr he al buten anſungn to vertellen. Erſt twiſchen in kreeg he Tid, gunabend to ſeggn, un ſo, aſ he darbi ſin Müß hinfchov, blev ſe ſitten. De weer ni vært Leſen, ſundern vært Hörn un Sehn, nich vær de gude ole Tid, ob he glük ni mehr junt weer, un raf wul Jan Meth ſin Bok to Sid, wenn he ſä: Lat nu man Carſten Niebuhr raun, Jehannohm! Ich kam vun Peter Ott, hüt iſ Landesverſammlung wen, Bullmacht Thomſen ut Hochwörden meen, dat kunn ni mehr angan, dat de Burn vunne Geest to de Saatblöt er Im na de Marſch hindalsfahn, de ſteken de Scholkinner op den Hochwördener Fotſtig, diſſen Fröhjahr um Pingſten harr al mal en Iv ſin lütten Hanne-Hinnerſ-Jung oppen lütten Finger ſitten gan wullt.

Son dumm Snack, mummel denn Jan Meth.

Ne ne, ſä Thieſohm, in Cernſt, in Holſteen nehmt je de Sewvern un Engers æwerhand, darz int landwirthſchaftliche Blatt værfan, ſe ſchüllt bi Spintwiſ ſammelt warrn un ſe

---

reſ: rechnete. Volten un Viethen: Geleſene Ditmarſcher Chroniſten. Marrie: Meſerei. liſhaarig: glattharig. Thieſ: Matthias. heel: ſehr. heeſch: heiſer. raf: ſchob. Iv: Biene. mummel: brummte. Sewvern: Maitäſer. Engers: Engerlinge. Spint:  $\frac{1}{16}$  Tonne.

wüllt den König beden, dat de se vun de Beamten, de Penschon frigt, natelln lett, dat Grothunnert schall vør en Schülling Reichsmünz verkosst warrn, se sünd eben so gut as Scheerkraut anne Supp. Wi in Ditmarschen hebbt je keen, denn wi scheet de Spreen un Lünken ni ut de Kirschen, wi mæt doch of irgend en Fliegenkrieg ansangn, dat wi ni ganz inne Welt torüggblivt. It heff seggt, jeder Bullmacht schull int Land-schoppshus so gut sin Klapper stan hebbn als sin Kalkpip, dar kunn se mit inne Keeg inn Saal achter enanner angan un anne Wann klatschen, dat weer of en nützliche Sprak. Awer Bullmacht Thomsen hett dat op de Im affehn.

Se leest je nu so vel landwirthschaftliche Böker, de se nich verstat, chemische Briefe, über böhmische Wälder, Feldpredigten vun Een, de keen Paster warrn kann, über Stoffwechsel und Düngerbereitung. Bi de junge Arf, de oppe Burnschol wen is, wull ik en Kalkfell kopen un muß lang alleen int „Zimmer warten“, dar stunn all de Titels mit Goldbokstaben achter Glas. Dar öv ik mi en beten opt Bokstabeern. Ne würlki, de Im schüllt de Kappsat Schaden don, Bullmacht Thomsen hett dat in en Bok leest, wat „der liebenswürdige Vienenvater“ heet, un nu . . .

Hol doch op mit din dumm Snack, scholl Jan Meth, as dat sin Im noch wedder bedrop. Weet se denn würlki ni mehr, wat se in er Fett bedrivt? hebbt se nix anners vør't Land to beraden? Se sünd doch nich de Aht un veertig Herren . . .

As Biethen se beschrift, sett Thiepsohn hinto. Na, völli so arg is't ni, wes man tofreden. — Min Fru pahlt Bohn ut, wenn' he sit denn so lang an Mutter Meth, as keem he eerst eben in Dær, ik schall er dar egentli bi hölpen, awer mi rasselt dat dröge Sluf to lud inn Schummern, ik bün weglopen.

Gewöhnli harr he irgend so wat, un meistens vør Jan Meth en Geschicht bi't Been opgrepen, blot um em eerst ut de Ruh to bringn. Nüs weer he denn ganz wo anners wen, un keem vun en Boln, vun en Schollehrerwahl, oder ut de

---

Grothunnert: 120 Stück. Scheerkraut: Taschenkrebse. Spreen: Staare. Lünken: Späßen. Klapper: Fliegenklappe. Wann: Wände. Burnschol: landwirthschaftl. Schule. Hol op: Höre auf. Aht un veertig Herren: die höchste Behörde des alten Freistaates Ditmarschen, der 1659 ein Ende fand. Quickb. S. 136. wgs: sei. drög Sluf: trockne Hülsen. Boln: Versteigerung.



Liedertafel, oder vun en Eggensversammlung; belevt harr he jümmer wat, man sä wul, wo nix los weer, dar mak he wat los.

„Ik kam vunn Docter, he mag je geern wat Guds un ik kam je velerwärts, nu harr ik en schön groten Drassen vør em kofft. De öllste Dochder is je'n smucke Diern, de wul bald op en Mann lurt, de seet ant Fortepiano un jung, as ik twischen de Dær rinkeek. Ik sleek mi achter er hin un hör en beten to, dat gung ganz nüdli, ik hör man so: Du bist das stille Feuer, das mir am Herzen zehrt, do sä ik, as se mi wis war un op mi gnattern wull, dat ik lurt harr, se schull mal singn: To Bett, to Bett, de en Leeffste hett, un de keen hett, mutt of to Bett. Dat wull se ni. Awer ik sä, ik funn dat vel netter, denn de ewige Funfeli am Herzen funn wi ni verdragen; wenn ik min Fru dat vørsung, war se seggn: Scham di wat, Thies! — Se wull min Leibstück awer doch ni singn.“

Bi so vel nies to don, un so vel nies to hörn, funn Trina wul dat Ole en beten verleern, vergeet se't of nich, se bruk't je nich to vergeten, so bruk se doch of ni to lengn, as vør Dörrst un Hunger inne Seel. Man kennt wul en Heimweh, wat en Kind inne Schol æwersallt, dree Sprunk vunt Öllernhus, dat is still, wenn't den Kopp ute Dær steken kann un sehn, dat dat Hus noch dar steit, oder al mit den Gedanken, dat dat ni lang mehr durt.

Wenn de Knecht man Fridags to't Wesenmarkt keem, un mit dat glückliche Gesicht vun alltag sä, in Odderade stunn allns bi't Ole, so weer Trina tofreden. Se pack en paar Saken, de he noch mitbrocht harr, ut, as weer se to Hus, un se frei sik recht lusti, as se mal en groten frischen Burstuten vun Modjen dartwischen funn. „Mutter Meth, Mutter Meth, en bunten Stuten! dar mutt Düvelen vun ashebbn!“ Un æwer dat Beraden, dat se er ton Kaffe herbeden wull, vergeet se binah, den Knecht adüs to seggn un em velen Dank un vele Gröt mit torüggtgeben.

Mölsdorp is en nüdli old Nest, lat man gut wen, so lütt dat is, fröher weer't de Hauptstadt vun Ditmarschen. Se

---

gnattern: schelten. Funfeli: f. v. w. Gefühlsschwärmerei. Modjen: Muttern. bunten Stuten: Korinthenweißbrot.

liggt op den Alev, dicht an Marsch un Moor, de ehrwürdige grote Mark is fast vun een Einn int Land bet nan annern to sehn, oft gris un grau inn Newel, mitto hoch æwer de Blenk, wenn de Luft spegelt, as Niebuhr dat vun Arabien vertellt. In de langn Dag, um de Haaarn kumt de Sün so wit herum, dat man Abends vunne Heid ut süht, wat de Klock an den Thorn wist; dat is selten so hell. Denn awer streckt sik de ol Thorn hoch in den Glanz inne Höch, Möldorp ward grot, man kann wol an de Tiden denken, as dat noch op en Land hendalseeg, wo oppe wide Heid Recht spraken un Rath holn war. Nu is dat anners. Awer noch süht man vun den Möldorper Markhof mit Stolt æwer dat Land. Hier trock de grote Garde lant bi de Mael hendal, dar to linken vun Wörden sleet sik Wulf Isebrand rop mit twee hunnert Mann, langs den smallen Weg int Moor störrt Per un Minsch torügg vør de Bur, de kumt, un de Floth, de se int Land leten, denn half weern se as Fisch, as al en olen Römer vertell, un schun dat Water nich.

Disse Stolt feilt keen Ditmarscher, un wi wüllt uns Trina dat ni verdenken, wenn se mit Jan Meth un sin Fru Sünndags ute Mark keem, dat er of de Ogen blant warn, wenn se en Tidlang still stunn un na Janohm sin Wisen un Beschriben sik umseeg. Denn welke Schofterjung fahrt wol ann Fridag mit sin Meister na Möldorp to Markt un füstelt ni sin Hann wenigstens inne Tasch, denn se freert em, wenn he bi Dufendüwelswarf verbißkumt? Wa menni Bader is hier wol al lant fahrt, de sin Sæn mit de Pitsch betekent hett, wonen de Böfelnborg leeg, de uns Bærfahrn dalsmeten, oder wa de Hamm dær den Wold gung, de enige Zogang dær den Kranz vun Eken vun de Elf bet anne Eider, wo en Ratteker op vun Brunsbüttel bet na Tilen springn kunn, ahn anne Ger to kam, de Platz, wo menni dütsche Landsknecht un menni holsteensch Eddelmann unbegraben leeg. Wat en grot Baderland is, dat weet wi nich so recht, se hebbt uns en Tid lang eben so vel vun de Dänschen Königs vertellt,

---

Alev: Geestrand. sleet: schlich. schun: scheuten. Schofterjung, aus Heide, wo 6—700 Schuster wohnten. füstelt: ballt zur Faust. Dufendüwelswarf bei Hemmingstedt, wo 1500 die Ditmarscher die Dänen schlugen. Quickb. S. 130. Böfelnborg: Burg des Grafen Rudolf, ihre Lage ist nicht ganz sicher, s. Quickb. S. 133. Ratteker: Eichhörchen. Tilen a. Eider, nordöstl. von Heide.

aß nöss vun de dütschen Kaiser, awer wat eu lütt Baderland is, wovun jeder Fotbreet Een wat to vertelln hett, wat Een bet anne Rippen geit, dat weet bi uns of Fruns un Mädens. Dat uns dat man eerst fastholn, ehr wi wat Peters hebbt.

Trina gung bald mit Vergnügen er Weg' dær den Ort un so seker aß in Odderade. Se gung sogar weniger achterum, aß de Möldorpers dat geern do't, de oft en lang Weg dær Hav un Grav maht, um achter ut er Hus to kam un in Nawers Hus achter in.

Jan Methweer bi sin Im un bi sin Jahn still warn, he lev half mit en Welt, de nich mehr weer un keen Larm mehr maht. Wenn sin rüstigen Sæn denn mal rum keem, so sprok de vun Buden, Strat anleggn, Siel maken, aß schull ganz Möldorp umkalfatert warn, un dat war so genau beschreiben, dat man doch mal unseeg, wenn man annern Dags vörbileep. Keem Thiefohm nu darto, so war't eerst lebndi, de leet nig ahn sin Senp hingan un seeg de Welt aß en Lustspill an, egentli drop he awer jümmer de swarte Placken, un wo he lach, dar weer wat schadhast. Wenn Thiefohm vun de Eggencommun's vertell — sin Hauptgeschichten — wo dar de Schosters un Sniders æwer Wegbetern beraten, so war de praktische Sæn argerli un scholl op den Kram, dat dat ganze Communwesen nig weer, dat der nig to Stann keem aß vel Snack un vel Toback.

Dat is of jüs de Bwid, seggt de Schosters, lach Thiefohm, snack mutt der warn, son Snider is neti, de mutt de Løver mal mit fragen, wenn em de Luz dæwer lopen is, un en Schofter gar is iwri, wenn de ni mitünner mal störftlos redt un um sik spiggt, aß harr he Für freten, so verbrenn he innerli. Darvør sünd de Versammlungen, de köhlt. Dat weet of de Fruns. Wenn de Commun ansaggt ward, so maht se en Teken mit Krid ann Heerdbalken, dat se jo nich verget den Mann sin Rock ut Schapp to frigen. Dat's noch gesünner aß en Fische tog na Fiel. Un sunst gitz de je mit en Minut. De weet genau wa vel Stich de Mann vunt Melden

---

Hav un Grav: Hof und Graben. Bwid: Schuhnagel, hier: Zweck. neti: ärgerlich (eig. lausig). de Luz löppt em æwer de Løver: er wird verdrießlich. he redt störftlos: er redet geradeheraus. Schapp: Schrank. Fische tog na Fiel: Quidd. S. 195. vunt Melden (von der Uhr) bet to'n Schlag: in 5 Minuten.

bet to'n Slagg maken kann, un hangt em en Platen vœrt Finsten, wenn mal en Dag twee Doden langs de Strat dragen ward un to vel Stich dœr de Schiben gat. Süh man son Schoster inne Schummern uten Gank lisen, süht he ni ivori herum? Gau noch na de Sid, gau noch de Strat herop, gau noch mal hendal, de Kneden bewert al gegent Schotfell ton Weglopen, dat Hart huppert — he neit ut, mag't noch so schön wen, uu rapps rapps treckt he den Draht as wull he em afriten.

Mit en wahre Hæg hör Trina den lustigen oln Mann to, un se kunn ni laten in Schummern sit mal na en Schoster umtosehn oder na sunst wat, wat he drulli en leesli maht harr.

Disse Art Lüd sünd in Ditmarschen nich selten, Lüd, de nix hingan lat, Lüd, de æwer allns mäfelt oder wræfelt oder lacht, de du nich still wærbist kannst wenn du en Phantasiemüz ophest, oder din Jung en Bajazrock an, sundern de di fragt, wat wærn Stück hüt Abend spelt warrn schall? Dull warrn hölpt nix, du mußt di wehrn. Dat stammt gewis sit her ut en Tid, wo en fri Wort æwerall un æwer Allns gung. Dit is noch de Rest dervun.

Thiebohnm harr dat mit Lachen, un harr wul al ehr en olen Sot, de sit as en Galgen spöfeli utneem vunne Strat, oder en schlechten Fotsig lik un eben, oder en schlechten Kerl ut Landschopshus rutlacht. Dat is unbequem awer gesund.

Jan Meth weer dat mennimal heel unbequem, wenn he ut sin fründlige Ruh opstört war. He keem denn awer doch of in Bewegung, un saken, wenn de ol Stankversit gan weer, vertell Jehannohm noch wunnerbar vun de oln schön Tiden, de he kennt un belevt harr. Buten brot de Unfreden ut, de Zeitungen vertellen den Gruel ut anner Länner, wi seten hier tofreden, as kunn dat to uns nich herreden. He harr noch de Tiden sehn, as Karsten Niebuhr in Meldorf Landschriwer un Boie Landvagt weer. De Stellen, wo se wohnt,

---

Platen: Schürze. Kneden: Knie. huppert: hüpf. neit ut: kneist aus. wræfelt: tadeln. spöfeli: spukhaft. sit utneem: aussah. Landschopshus: Landschaftliche Haus. Stankversit: Pänker. Niebuhr, Landschreiber in Meldorf 1778—1815, bereiste 1761—67 Arabien, † 1815. Heinr. Christ. Boie, geb. 1744 in Meldorf, stud. 1764—69 in Jena und Göttingen, 1781—1806 Landvogt in seiner Vaterstadt; Stifter und Mittelpunkt des Göttinger Hainbundes, Herausgeber des Deutschen Musenalmanachs, 1770—75, des Deutschen Museums, 1778—91, † 1806.

harr he Trina wist. Voie weer een vun unse oln Nams vun de Aht un Veertig Herrn her. He harr, as he Landvagt war, en schön Garn mit en künstligen Barg anlegt un de eersten Cactus mitbrocht. Of sin Fru broch he mit ute Fremden un weer süßn lang ut op studeern wen. He weer en Dichter un Jan Meth harr oft de Lüd bi em sehn, wovun man nu blot list, wovun Trina of bi Düvesen er Broder hör: Jan Heinri Boß un de Wandsbeker Bad. Denn weert inne Landvægd hi hoch her gan, wul mennimal en Lepel Botter ünnert Bratspitt int Fûr smeten warn, damit de Braden krosser war. Dar harr man se inn Garn spazeern sehn, Boß as en Schürpahl stif un mit nakelten Kopp, ol Karsten Niebuhr stramm as en Kerl. „As en isern Abend weer he, wif' Jehann Meth, son Gerüst, mit twee Föt darünner, darbi den klofen Jung anne Hand, so fin un mit son helle Hut un Ogen, as kunn man der dær un dær sehn. Un fründli weer de Mann, plattdütsch as en Bur, he weer of en Burnsæn ut de Hadler Marsch. Pett he mi doch ehr sin Antog wist, den he vun sin Reisen mit ut Arabien brocht harr.“ So vertell Jehann Meth, so lang man em tohöörn much, gedüll, as snack he mit sin Im.

Awer wat junk is, lebt doch vun dat, wat mit lebt. Trina kenn bald Lütt un Grot, wenigstens vun Angesicht, de Weg' un Steg', de lütten Gång achterum, de lütten Hüß' achterto, den Möldorpschen Geruch, den Möldorpschen Schnitt, dat se seggn kunn, ob he derto hör oder nich, wenn en Unbekannten vörbi passeer. Vele nücken er to, wenn se er seggen, enige Rinner lurn op er, um er de Hand to geben, wenn se to Reihshol gung. Se kenn vele Hüß' na ern Utdruck un wuß, ob dat gut oder slecht darin stunn na de Gardin un Kalosen oder sunst son Zeken. Se much der geern wen.

Besunnerz geern much se umt Lichtansteken mit Düvesen en beten rumlopen. Man hangt bi uns ni jümmer glik de Finstern to. Ik kenn en Mann, de schoß, wenn sin Fru in Winter vör de Warm de Kalosen dicht dal trocken harr: man kunn je den Himmel nich sehn. Ik kenn en Fru, de der

---

sin Fru: Sarah von Hugo. Wandsbeker Bad: Matthias Claudius. den klofen Jung: den Geschichtschreiber B. G. Niebuhr, 1815 bis 1823 preussischer Gesandter in Rom, seit 1823 Prof. in Bonn, Verfasser der berühmten Römischen Geschichte nach kritischer Methode. Kalosen: Fenstervorhänge.

sä, se leet jümmer de Finstern en beten apen, dat Lüd rin sehn kunn, denn se harr dat sülbn geern mucht, as se junk wjen weer. Un Trina weer junk, un Düveken vellight noch mehr. De witschen tosam heemli ünner de Mur, segen hier en junk Paar to, wat mit er Kind regeer, nedden sit, in Düstern drifter, bet se vör Gludbern weglopen müssen. Se belurn dar en ol gizi Mann un Fru bi't Abendeten, se wussen, wo en smucken jungn Minschn wahn, un harrn em geern dært Finster sehn, wenn se nich schu wjen weern.

Jede Seel hett er lütten Geheemnisse, dat is egen, wat dar vörn Lust in sticht, un bi de Lust sitt jümmer de Gefahr. Mutter Metch leet er lütt Trina betemen, mark awer doch op un sä af un to en Wort, sachmödi as se weer. Se lepen wol glik na de Scholtid en Umweg, oder vun Düveken to Hus en lütten Affsteker gau mal ant Mark. Düveken harr dar en Hus, wo se geern an heropseeg. Wat dar to sehn weer sä se nich, Trina dach frili er Deel, denn dar leeg wat in ern Ton, in er Ficheln, wat of en Unerfahn as Trina rutsöhl. Düveken weer awer ganz anners as Mathilde, se vertell un frag nix, se leb as anner Lüd drümt, Nieschier kenn se gar nich. Se kunn de Heben ansehn as mit dune Dgen. Se kunn Trina umfaten, as wull se er opeten.

Trina kreeg eerst na un na to weten dat se ut Freeßland stamm, daher of ern Nam Düveken. Er Bæröllern harrn bi Husum in de Westermarsch en groten Besiz hatt. En unheimli Schicksal harr op de Familje last, as muß allns misraden, versorn un verkümmern, wat se ansaten. Düveken sprok sunnerbar darvuu, as söch dat Unglück se as en Fiend op, oder as harr de Iewe Gott se vergeten. Er Bader harr deshalb gan laten wat gung. Se sprok, as gung Allens to Grunn, as gung Allens to Einn. Dat klung as en Klaggelied, wenn se op dat Kapitel keem, un se sprok denn vun de ganze Freeßsche Stamm as vun en schön Bom, de welk ward un hinstarvt. Trina kunn sit mit er in Wehmoth rin snaden laten, bet de gewöhnliche Sluß keem, man muß sit darum ni grämn, dat weer nu eenmal so, heute roth morgen tot. Oftmals fichel se denn Trina mit enige freeßsche Wör, de er nüdli klungn, „lettj Fomm“ beheel Trina darvun, wat lütt Fru

---

witschen: entwischten. Gludbern: Richern. leet betemen: ließ gewähren. Freeßland: Friesland. Husum in West-Schleswig. versorn: verdorren. freeßsche: friesische.

oder lütt Diern heet, un se nöm er darvæer wedder er Duv, er Krüzmöv, er Dodenpap, un mit son Kluderi kunn se sik dær Ween un Lachen locken un ganze Tiden verbringn.

Bi son Gelegenheit keem dat rut, dat Düveken Friedrich kenn, de je of vun en freesch Hallig börtig weer, he weer nich selten bi sin Onkel, de Docter in Möldorp, wen un Düveken oder er Bader harrn wol ehr en Wort Freesch mit em snackt. Dat weer en söten Minschen, as Düveken em nöm, de harr er of vun en „lettj Fomm“ værspraken, de he geern liden much. Trina söhl, dat er Blot er ut Gesicht un na't Hart gung, se dach an Mathilde. Se meen, se harr em vergeten, se söhl, dat er wat weh de, dat se harr glif ween kunnt, wenn se sik ni dervæer schu't harr. Se war deræwer stumm un gung bald to Hus mit den Gedanken, dat se Mathilde mal schriben un gröten wol, gewis lur de arm Seel al lang op en Brees. Un as denn so Gedanken an enanner hangt, so dach se an Tellingsted un to Hus, se dach an er Bader sin fründli Wesen, an Witen de Guthartige un de ganze schöne Tid vun fröher. Se muß an sik holn, dat se ni æwer irgend een glifgülti Wort, wat Mutter Mæth to er sprof, anfang to ween, un as se fröh to Bett gung, lös sik er Hart in Thran, de warm æwer er Bad un opt Rüssen lepen.

Trina weer wol ehr of den Abend mit bi Düveken bleben, Mutter Mæth harr dat jüs ni geern, dat dat oft keem. Se harr wat gegen den Broder, vellicht blot, wil he sæbentein Handwerkern un achtein Unglücken harr, as se sik utdrück, er egen Sæn weer dagegen as en Wagenperd likto int Spor bleben un harr sin Kram opt Dröge brocht. Nun Düveken sprof se allns Gude, bedur er æwer meistens, dat gung son tragen Gank in dat Hus, man lehr blot de Hann inn Schot leggn un nan Heben fiken, as schull dat Glück dar vunt sülbn rut kam, un keem denn nig, so heel man dat væer dat Unglück. De Diern weer sunst gut, se weer lenksam un weefharti. Mutter Mæth dü milünner darop hin, dat se en trurige Leeffschop hatt harr, de ni ton Glück harr föhrn kunnt, dat schin as wenn dat nu to Enn weer, de junge Mann weer fort. Dat muß en Art grot Creatur wen hebbn, de nich

---

Krüzmvö, Dodenpap: Taubenarten, lestere mit schwarzer Haube. Kluderi: Liebesung. schu't gefürchtet. sæbentein: siebzehn. likto: geradeaus. Leeffschop: Liebschaft.

vær uns påst, un son arm Seel blot weel maht. Vær vel utfnacken weer Mutter Mëth ni.

Bi Dübeken keem Abends wul mal Nawers Rinner, Börgerz Döchter, um un bi vun er Öller. Als Mutter Mëth lisen rutfragt harr woken? un hör, dat weern de un de, wo Trina of al mit er op en Kaffe oder ton Abend wen weer (denn gude Nawerschopp muß man holn) leet se er mitgan, wenn Dübeken er wegstokludern keem.

Se seten dar bi er Handarbeit un drunten en Taß Thee. Gewöhnli keem denn de Ol darto un leet sik vun sin Dochter na sin Landsbruk en Theepunsch maken. Se seet mit den Hot op, en groten stilln Mann. Se kunn awer doch in sik ganz heiter warrn un mitto en drulligen Tog værbringn. Se drop denn jedesmal Trina darmit, un Dübeken neek er, dat se er Batter erobert harr. Ole Lüd un Rinner weern alle dull na er.

Oppen Dörpen hett man allerlei Tidverdriv vær de Winterabnds, de sik so lehrt un fortplant, dat weer swar to seggn, wer se opfunn oder wo se herstamm, se sünd oft in jede Gegend verscheden, oft de allereensachsten Saken: Schatten wisen, de man mit de Fingern maht un wat darto rimt, Kartenkunststück, allerlei nüdliche Kneep, um en Drömigen un Dæsignen to brüden, Geheemnisse rut to locken un so wat. Dar ward of keen Kunst ut maht oder en Berop in söcht. Menni Een hett eerst tofälli an annern erfahrn, dat he wat kunn, wat en unschüllige Freid maht, un dat denn wider övt. De ol Freez harr enige son Kneep værbrocht, um Trina antosöhrn, se weer em awer to plitsch wen un æwer em sülbn war lacht. Er Fründinn' weern verwunnert æwer er Wör, æwer er Wis', wa se sik nüdli darbi harr. De Arbeit war oft ganz to Sid leggt, dat war een lustige Bewegung un Neckeri. Keen Wunner, dat Jedereen an son Abends en besunnere Lust harr.

Jrgend son Anfang söhrt gewöhnli wider. Dar weer wul noch en Fründin mehr, de geern mal mit keem, un de Gesellschaft vermehr sik, man sunn wat niez ut, wenn dat Ole mich mehr gefull. Halwe Verklebung keem so al mit vær. Wenn noch en nie Unbekannte darto keem, so harr man Gelegenheit, al dat Ole noch mal un geschickter to wisen, sik

um un bi: etwa. drullig: scherzhaft. weern dull na er: hatten sie sehr gern. dæsi: dumm, dämlich. plitsch: schlau. se harr sik: sie gebärdete sich.



füßbn dat niet to maken. Man bunn er wul de Ogen to, wickel ern Arm as en Popp torecht, mal en Gesicht slüchti op er Hand, un verkehr er denn darmit, wenn se er egen Arm as en Kind in den annern wegen de. To Verkleidung hett all junt Volk Lust, besunners hübsche Mädens. Dat schin ok je ni slimm, dat se mal Mannstüg antrocken, as en krallen Burjung, as en Student mit en grote Pip in den lünnen Mund, as en arm Handwerksburß, as en ol Orgeldreier optreden. Se weern je ünner sik. Trina schu sik eerst dervær, awer se mak dat nös doch geern mal mit. Platz harrn se wunnerschön, in een vun de Stuben sik umtoddelen un op de grote Del herum to daben. De Broder sin Kram leet sik prächti brufen, to Roth maken se en beten Musik darto, un wenn he tidig to Hus keem, so war wul noch en Danz mak. Tolesh brochen se Trina to Hus, de denn man be, dat oppe Strat ni noch lud lacht war, un ni Büd achter se keem.

Lev un Fründschop mak Liv un Seel opblöhn. Mutter Meth behaupt, dat keem vun dat gesunne Water, dat Trina er Baden schin as en Rosenknupp, dat gev son Heiterkeit, meen se. Se wuß am Ende noch gar, sä se, er swart Kleeß wull er gar ni recht mehr æwer de Schullern, un se klopp er mit er mageren Fingern.

Dat Schönste an Trina weer egentli, wa nims um wis war un wat doch Jedereen antrock: allns paß tosam, dat harr en Schick as er Stimm en Ton harr: leesli warn wi seggn. So stunn er dat all an, wat se værharr. Se mak keen Darm mit wat, nich mit de Föt, wenn se gung, nich mit de Saken, de se ansat, nich mit den Athen, wenn se sprok, se weer lidsam un lisen. Jan Meth feil wat, wenn se ni dar weer: wo is Trinaken? Thießbohln vertell oftmals Geschichten jüs blot vær er. Junne Meißschol weer se al wit ut de beste, mak de feinsten Saken mit er flinken Fingern un sogar Doctors snippische Pinner sproken mitünner en Wort to er.

Bi Düvelen harrn se ok son Handgeber vær, as man nu öfters ton nüdlichen Tidverdriv süht. Trina harr al dit un dat vun Mathilde affehn un lehr nu noch mehr to. De jungn Mädens maken wat ut Feddern, ut rode Bohn, ut Blöm, ut bunt Papier, ut Parlen, Knöp un Metallflittern.

verkehr: erschreckte. wegen: wiegen. lidsam: stillen Wesens. wit ut: bei weitem.

Dar harrn se dat hilt un heiter darbi. Egentli much Trina so wat am leeffsten, tomal wenn en beten darbi sungn, vertellst ober vœrlest war. Singn kann nu je nûms recht mehr, it meen so as de Bageln singt. Se sungn noch de Leder, as de Snamel se wussen weer, un se harrn keen Bisfall dervœr, awer Freid daran. So wat mutt man hörn, wenn lisen sungen ward „Es zogen drei Burschen“ oder „Ich stand auf hohen Bergen“. Dat is mintwegen so weni Gesang, as kludern un klænen en Rêd is, awer dat Hart brukt of je keen Trum-peten, um sit to wisen, un wat will man mehr as dat?

Inne Neegd stunn dat Predigerhus, man kunn achterut dœr de Garndôm de Finstern blinkern sehn. Bun dar schull na de Sag' en innereerdschen Gank na dat ole Kloster gan hebbn, wat nu dat Scholgebûd is. Man vertell sit dar Geschichten vun de oln Klosterbröder un ẽr unheemli Leben, vun Minschen ahn Ropp, von Stimm ünner de Eer, vun en Licht, wat dœr en Gitter nerrn ut den Bêl schint harr, vun junge schöne Mädens, de verschwunn weern. Bi de Paster harr dat Deenstmäden, de noch as en ole Fru int Armhus lev, Abends heemli vœr ẽr Leefste en Buttel Win uten Keller hahn wullt, de weer tofälli in Düstern in de verdeckte Dœr un den Gank kam, un harr hier vœr en Geripp en Dovensschrecken fregen. Bun so wat wuß Een noch mehr, as de Anner. Düveken ẽr Broder behaupt fogar, de Gank gung egentli bet ünner ẽr Hus, dat Hus weer fröher en Art Kapell wen. Vœr Gruen trocken de lustigen Kinner de Föt oppe Stöhl un probeern, wenn se wedder drister un lächerlicher warn, ob dat ni holl ünnern Fotborrn klung. En ol brun Rod un Kapuz, en Handstock un Lantern darto, kunn licht as Mönchskleed deenn, de doch bi uns nûms kennt. Dat Spill kunn oft wedder maht warrn, um mit en greßige Stimm de annern optoschrecken.

Dat dar of Nawers Sæns mit in lepen, weer natürlî. En Sæn vun en Wetsfru, de en grote Bäckeri harr, keem hüpi. Man sä, he harr um Düveken anholn, se harr em awer ni hebbn wullt. He seet gewöhnli ganz still, wo se em sin Plass anwîs', meist wit vun ẽr, un folg ẽr stumm mit en paar grote bleke Ogen. He weer vergnôgt, wenn he wat to knappen hahn dôß, un lê de saubere Tut dankbar vœr Düveken

---

Neegd: Nähe. nerrn: unten. Wetsfru: Witwe. knappen: beißen, bes. von Naschwerk. lê: legte.

ton Verbeelen hin. En anner lütten rothbadigen Bengel, de towilen klot snacken wull un darmit nie geschickt to Stann keem, war Unriep titeleert. Sunst plegg noch regelmässi de Brüdigam vun de Farversdochter schreeg æwer lat to kam, um de afohaln, en ernsthaften vullstännigen Mann, de sülb en Geschäft harr un bald Hochtide maken wull. Um alle bekümmern de Mädens sit ni vel un husen, as wenn se alleen weern.

En Abend gung of de Dær, as se recht inner sit un unnütt spelt harrn. De Klosterbröders weern wedder opt Tapet. En vun de jungn Mädens weer mit en Hachpachen ankam: se harr gewis een sehn achter de Halthändler sin grote Port, en Mann as en Riß un en witten Hund as en Elephant. Natürlig weer dat de junge Pauls, lachen de annern, de ni laten kunn, op sin Schimmel mal en Nacht na Gesch hindaltoriden. Awer dat hölp nix, dat muß doch mal mit de Fries sin groten Hushund wißt warnn, wa he em trocken harr. Nös stell Düveke en oln Blinn vær, de sit vun sin Hund söhrn lett, un as de Hund egeninnig war, sit opsett un in sin Lager verkrop, muß Trina de Blinne sin Dochter afgeben. En bunn er mothwillig dat Haar los, wat er as en Det æwer'n Rigg full, un as se eenmal in Gangu weer, sproß se nüdli to de annern um en Gav vær er blinne Vader. Merrn int Reden gung de Dær, un se dachen al den stillen Väder um en Tut mit Backwart antogan, gungn op de Dusterheit to — as Trina wis war, dat dat ganz anner Besökt weer. Se så verfehrt keen Wort un blev stan, ganz in er natürligen Staat. Værut tre en smallen jungn Mann in en Studentenlapp mit en Brill nn en fein Snurrbart. Rum harr Düveken dat markt, den Dok hendalschaben un sit bisteri nmsehn, as se mit Gewalt op den jungn Mann hinslog, em um fat un fast in Omacht vun em holn war. De Anner gung op Trina to, as trock em dat hin un he wull er of inne Arm fangn, so löstli stunn se dar, verfehrt un verstört. Dat weer Friedrich. Awer se verhal sit, so as se em man kenn, un flüch er flegen Haar in en Eck, wo se dat, so gut dat gung, flech un ophunn. Nu wull se to Hus. Doch Düveken harr sit besunn. Mit er seligste Stimm be se er,

---

Hachpachen: schwerem Atmen. hindaltoriden: hinabzureiten. Fries: Frieße. afgeben: dienen als. bisteri: verwirrt. Omacht: Ohnmacht. verhal sit: erholte sich. so as: sobald. kenn: erkannte. flüch: flüchtete.

nich to gan, un to bliben, un er Glück ni to störn! Dar leet sik of niz anners maken. Wat Schick harr, söhl Trina to genau, of wennt einmal wunnerlige Dagen geb. Se gung mit in Stuv un gröt Friedrich as en Bekannten. He weer na Angeln un wit herum, doch vær ni lang noch in Odderade wën. He kunn er vun Hus un Hav un alle Bekannten vertellen. Uns weer wol op, as se of jeden Fridag vun er Knecht hör. De Oln draun wol jümmer mal mit to Markt, dar weer denn awer wol jümmer wat to frigen, harr he man hört. Mit Hans Grimm schin noch bedüden wat inn Wegen to wën, he sä ni dütkli, wa vel oder wa wenig he darvun wuß. Trina frag un hör wilstöfti herum vun er leef Odderade. De Freid un de Erinnerung mak er seter, er weer, as seten de Guden bi er, Bader, Moder un Frönn, twischen er egen bekannte Mürn, se war drist un lebndi. Egen as se utseeg mit ern Harpuß, de nich recht in Ordnung kam weer, hasti binah mit er Fragen un Hörn, weer se sik süßn fremd värfam, wenn se wust harr, wa er de Dgen lüchten un Mund un Baden schin.

Bi Ledohm war nu je wol bald Peter Stamp sin Hochtid, vertell Friedrich. He erinner an de schön Abends, de se in Odderade besetzt harrn. Se weern so rasch vergan, un Trina weer darto ut Dörp verswunn wën, ehr man harr adüs seggn kunnt, he weer richti en Dag to lat kam.

Trina frog em rasch un bestimmt, wat Mathilde mak? Dat drop den Punkt. He sä ganz schlecht weg, he wuß ni seter, he harr er ni wedder sehn, awer man hört, dat se je mit en Leutnant ut Sleswig verspraken weer. Trina verstunn dat, se seeg em noch mal an, un sung en Blick op, de er æwer de ganze Tid as en Blich lüchten de, dat dat lud in er Hart reep: di hett he söcht! di hett he söcht!

Se harr ni markt, dat de Abend to Enn weer. As se to Hus wull, gungn de annern mit, as oftmals. De fremde Herr harr Dübefen ann Arm, de selig værut swev, Friedrich föhr Trina. Bi en Nebenstrat gungn de Beiden af, de Wvrigen harrn al Gunnacht seggt, vellicht um nich Störenfred to spelen, de Beiden gungn alleen. Trina harr ween muht, as harrn de Annern er verraden. Do sä Friedrich,

---

Wat Schick harr: was sich schickte. draun to Markt: redeten davon, zu Markt fahren zu wollen. to frigen: zu besorgen, zu thun. inn Wegen: im Wege. to lat: zu spät.

dat Glück smeet em endli mal to, wat he mit Verstand nich harr krigen noch sinn kunnt. He frag er nich, ob se em leef harr, se wußt of nich, ob he er dat seggt, awer se föhl, dat er Arm in sin bewern de, un se sack binah tosam, as he er bi de Dær umfat un op den Mund küß. — Angst un Seligkeit heeln er waken, bet Jugend un Mödigkeit de Ogen to drücken.

Thiebohm keem mit de Müh scheef op un vertell, nu war Revolutschon inne Liedertafel. Se warn dat ganze Dink umballoteern. De junge Secretair oder Volontair, oder wat he weer, un annere son Slach as de Docter sin Nefse harrn sik opnehm laten wullt, awer de oberlännsche lüttje Barbeer harr dargegen redt. Wer ni ganz un recht to uns hör, de muß ni mank uns, „mir misse ünner uns bleibe,“ it så ja, entre nous, d. h. ünner uns Deerns. It funn of, wi harrn al allerlei Volk, wat ni ganz un recht to uns hör, as de Zigeuners oppen Dunn un de Prager Muskanten, wi harrn an unse egen Orgeldreiers genug, wi wulln uns ni of noch vun Fremde schern laten. Dat funn he ganz wahr un de annern ganz lächerli, un do re he noch beter. Dat hölpst doch, wenn man en beten nahölpst. Wat dar am Enn ut warn is, weet it ni; as dat een Kuttelmittel weer, gung it weg. De jungn Herrn wüllt wol geern mit danzen, un de Barbeer will lewer alleen de jungn Mädens ant Kinn faten, wenn de Herrn den Bart stan lat. Trina much sik man in Acht nehm. —

Thiebohm ahn nich, dat Trina dat in Acht nehm ganz anners düd' as he, un innerlich verlegen war.

Man vertellt sik vun en Blom (of bi uns steit se mit, deep ann Vornn, in en klaren Dik oder inne Wildnis ünner Water, doch wer söcht se?): wenn se blöhn will — de Sünne fällt vun haben herin — so mutt se heropkam anne Luft un de Wurteln sik lösen ut den geruhigen Grund. Ward de Welln er dregen? ward de Storm er ni drapen? oder en Hagel fällt ut de unendliche Luft?

Trina kreeg Friedrich in de neegsten Dag' gar ni to sehn, man eenmal seeg se em ute Feern mit de Secretair ann

smeet to: ließe zuteil werden. waken: wachend. Dunn: St. Michaelisdomm, S. 226, wo Zigeuner oder Leute, die man für zigeunerischer Abkunft hielt, wohnten. re: redete. Kuttelmittel: Wirrwarr. Die hübsche gelbe Blume heißt Utricularia, Wasserfischlauch. Vornn: Boden. Dik: Teich.

Arm gan. Do keem Sorg un Twifel in er op. Wa kunn man of op bu'n, wa kunn man op tru'n? Wat harr se værn Recht to verlangen? Och, un doch harr se sin Arm um sit fohlt un dat Hart an ernal Dossen slagen! Harr se nu man er Witen hatt! harr se nu man en Seel womit se spreken kunn! Duviken keem sit den lekten Abend bi er nich to Reihshol, hingan na dat Treessche Hus kunn se nich, se harr sit schu't darvæ.

Inne Reihshol fung de Olste vun Docter sin Dohder mit Trina an un gev sit mit er af. Dat weer doch en nett nüdli Mäden, de mal gut er Wör to setten wuß. Se ma op en Art Bekanntschaft mit Trina, as wull se mit er to don hebbn. Se sprok of vun er Better Friedrich un verhel er nich, dat de vun Trina spraken harr.

Wat harr dat to bedüden? De Docter süßn keem an en Morgen bi Jan Meth vær un söch Trina op. He weer heel fründli, seet bi er anne Finsterbant un sprok vun Odderade un er Vader, dat er dat ordentli smö un gut de. He harr gar ni wußt un nu eerst erfahen, sä he, dat Trina hier in Möldorp weer, sunst harr he doch al mal infeken. He war er sin Olste schiden, dat de er mal mitbroch, de kenn er je al, un se kunn mal en Abend en Taß Thee bi se drinken un en beten Musik anhörn.

Mutter Meth sprok in de lekten Dag' in er lidsam Ton mehr æwer Lüd gegen Trina. Se fung of æwer den Docter un sin Hus to spreken an. Se harr darbi er egen Wis', se læv geern un troch allns Gude vær, æwer wo se bedur, dar harrn annerlüd scholln un tadelte. De Docter war of old vær de Tid, sä se, de arm Mann. Se harr em noch kennt, do he toerst in en litten grauen Rock ankam weer un em dat nich gut gan harr. He harr sit behölpen un sur don mußte, un dat weer em wul mennimal knapp gan. Denn he stamm man ut en lütt Familie un harr Schulden un anner Lasten mitbrocht. He harr wul redli sin oln Ölern innerstütt, sin ol Moder læv noch bi em. Dat weer doch all gut gan, mit Gotts Hölp gung Beles. Se wuß nich, warum Lüd denn jümmer noch dat Glück mit Gewalt söchen, un klofe Lüd langn oft mank de Dorn, blot um en Ros' recht

---

Dossen: Busen, Brust. verhel: verhehlte. heel: sehr. smö: beruhigte. infeken: eingeguckt, vorgesprochen. læv: lobte. harr sit sur don mußte: hatte es sich sauer werden lassen.

haben rut to plücken. Se löv nich, dat se dar egentli beter wüssen. Mit sin Fru harr de arm Docter sik en ganzen Anhang vun Trübsal anhungn. De Fru weer je noch de beste, dar leet sik nix gegen seggn. Awer Swestern un Swager un de ganze Sipp legen em mit oppen Hals un döchen wol nich opt meiste. Wat hölp em nu sin fur Don un Arbeiden? Nacht un Dag herut un to Ort un to Landstrat? Se verstunn diße Art Lüüd gar ni, de vun Bur un Börger stamm un nös ganz aners warn as uns Lüüd, Abkaten, Docters un Presters gung dat so oft so, un glückli weern se darbi gewis nich.

So wiß se Trina op menni wat hin, wat de vel bedach un bi er nich verlarn gung. Se harr egentli ut Respect nie wagt æwer Lüüd as er Pastor un er Docter man mal to denken.

Mutter Meth muß markt hebbn, dat in Trina er Seel wat værgung. Se sprok awer nich as achterum un heemli, um er denn en Teken to geben, de oftmals en Schlag is un weh deit; wat se sä, goll doch grad ut, awer se sprok of nich blot um to snaden. Trina hör ümmer er Del rut, wat nu jüs paß, se hör vun er æwer vel minschli Dingn. Wat sunst en Hart schüttert un umdrifft, dat weer bi Mutter Meth ni dot blebn, awer ruhi warn, un darvun freeg man sin Part af, wenn man tohör. Se weer een vun de, de ni weh dot, wenn se tadelt, de de Schwachheit kenn un wuß, wo de mit dat Beste inn Minschen tosamhangt. Op dit Beste wiß se jümmer wedder hin un darin leeg de Trost un Stärken. Dat de se oft mit weni Wör un Winken.

Se harr of Friedrich mit den Secretair sehn. De Secretair weer Een vun de wenigen, wa se dat arg op harr. Se be Trina utdrückli, nich na dat Freesche Hus to gan, so lang de wedder hier weer, en bösen Geist keem mit em. Se fürcht, de steek of annere an. Dat gev noch sacht en Paradies op Eern, awer dat weern de Slangn darin. Dat weer doch truri, wa menni arm Seel verlockt war, un denn weer't ut mit dat Glück.

Na'n Docter leet se Trina awer geern gan, dat weer er en Ehr. As se mal Naricht harr, dat se er afhaln wulln,

---

löv: glaubte. döchen: taugten. nös: später. schüttert un umdrifft: erschüttert und umhertreibt, d. h. ausregt. be: bat.

maß se er süßn smuck, as schull se to en Hochtid. Thiebohm weer nich so nasichti, de keem æwer't Anpugen to, un as he hört harr wohin, do wräkel he arg op dat Hus un mehr anner. „Ehr vær de Lüd un Schaden maßt et quit.“ He harr nix gegen den guden Mann, awer so swach gegen sin Egen muß man ni wen. Wat son Firtlesanzeri schull as nu son Lüd vær harrn? Kunn de ni don un leben as Annerlud? Warum jümmer wat anners? Vær de Jungs Narrenjacken un vær de Dierns Gardin um de Hüd, neegstens warn't je wul gar Kalosen warrn un en Dener anne Sid, de se op un dal trock. Un wenn se tosam keem nix as Lantwil. Wi annern hebbt je doch noch Spaß dervun, sä he, se maßt noch gar allns to Noth un Schuldigkeit, de maßt noch in den Katechism en nie Plichtenlehr setten laten, wo de Höflichkeit væran steit, un denn: du sollst nicht erröthen, du kannst jeden Namen misbrauchen u. s. f. Unari weer dat Volk all, achtern Rüggn maken se sit Gesicht, awer full denn en Alun dal, so schoten de jungn Herrn derachter an as en Tropp Makreeln achter en Simm, un junge Ratten kunn ni sammtpötiger don.

De junge Friedrich war ok noch ganz verborben, wenn de noch lang blev. Dat gung so'n Lüd so. He harr em kennt as en netten, nüdligen Jung op Scholn hier, awer op de Güder lehrn se statt de Landbu dat Junkereern, un kunn se dat nös süßn ni dærsetten, so schull der en rife Fru to, de de Dalers darto harr. Dat Frien war ordentli en Spikeseern.

Dat keem, as schull dat all op Trina gelln, awer de Tosall is bi son Saken nich so selten, as dat wul schin kunn.

En paar vun de rothbadigen Docterskinner keemn un haln Trina. De Lüd weern all fründli un arti gegen er, Musik un Spilln, wat der maßt war, gefull er. Doch kunn je Thiebohm ni ganz Unrecht geben, dat de Lüd süßn nich recht vel Vergnögen darvun harrn. De Docterin seet banni möd inn Sopha. De Mutter vun den Docter seet in en groten Bæhnstohl affitz. Dat schin en steenole Fru, al wat stump un sä un de nix. Trina seet ni wit vun er un versöch doch en Wort mit er to spræken. Ob de Dlsche nu en Erinnerung

---

maß smuck: kleidete sie hübsch. wräkel: nörgelte. Hüd: Hüte. unari: unartig, ungezogen. Alun: Knäuel Garn. Simm: Faden mit Angel. affitz: beiseite. al wat stump: schon etwas stumpf.



feem, velliht wil se mal en echtes Landkind seeg oder ut Stim un Spraht wat hör, wat er Gedanken wech — se wink Trina mit de Hand herbi, befohl un betrach er und fung denn mit er heemli iwri to snacken an. Se muß sit bi er setten un nu sproß se er int Ohr, awer so lud, dat dat dær de Stub schall un Lüd verlegen maht, am meisten Trina. De arm ol Fru muß er wær en Bekannte holn, de velliht al en half hunnert Jahr ünner de Eer leeg. Denn se ra' er to, se much sit nu doch ni länger bedenken un ern Better nehmn, dat weer man en Bur, awer en gude Seel un dat Hart harr he op den rechten Placken! En jeder in sin Stann! Se weer je of en lütt Burdiern, so smuck se of weer, un so röthli de Backen — un darbi fichel se er mit de mageren Fingern — hö du di, min lütt Trina, sä se op eenmal un nöm de to er Verwunnern bin Nam, hö du di! Dat Feine is nich dat Meine! It wull, it harr den Handwarcker nahm, awer he leet sit beswazen, besnacken — un er Gedanken lepen wedder dær enanner. — Min Sæn is sunst gut, ja he is gut, sä se und ween op den sin Hand, denn he weer herbi kam, wul ut Værsiht, dat de ole Fru ni allerlei dærenanner re. Se leet sit nu ut den Stohl lüsten un gung mit Koppshütteln an de Docter sin Arm rut. Doch söch se noch Trina mit er blöden Ogen un sä er: de Handwarcker, de Handwarcker!

Trina weer ganz verbistert.

Do muß of noch de Secretair un Friedrich kam. Um de war vel Hölpsholn maht. De Docterin nödig den fein Herrn glit int Sopha un war wedder munter un redseli. Friedrich war vun sin Cousinen bekludert. Dat Snacken un Lachen un Drissn war ganz heiter, awer Trina kunn sit doch gar ni to recht finn, un wünsch man den Abend to Einn.

Do gungn noch de Jungn mit er de Strat lant. Se awer maht de Dær achter sit to, aß se in Mutter Mæth er lütt Hus tre, un söhl sit so unendli verlaten, dat de Been er möd weern, un se sit hin sett un lang seet mit de Hann gegen de Post drückt.

De Ahnung in en rein unschüllli Seel geit wider aß alle Klokheit un Insicht: Was kein Verstand der Verständigen sieht, heet en Spruch. Dar leeg wat aß en Last op Trina

---

ra': riet. hö: hüte. lüsten: heben. verbistert: verwirrt. vel Hölpsholn: viel Lebens. bekludert: ihm ward die Kur gemacht.

er Seel, wat et weer, harr se nich mal ut enanner frigen mucht.

Thiebohm weer den annern Dag nieschiri to weten, wa't bin Docter gan harr. He ma' funst æwer allns Bemerkung. Dat gung ditmal doch gut af, Trina vertell of ni vel. He frog, ob de junge Holthandler Pauls mit sin Swester of ni dar wen weer? As Trina ne seggt harr, keem he int Læben. Dat schin de Slach to wen, as he se jüs liden much. He vertell vun de junge Swester, as vun sin egen Leefste: de Diern weer je grot un smuck un Geld harr se darto, um de reten se sit ni umfunst, awer he war sit binah argern, wenn de ni een kreeg, de bi er paß, nich so een vun de Feinbürgen un de Junkern. He löb, de Docter sin Better Friedrich war er of geern fangn, wenn he kunn, he harr em so oft in de Gegend herumflankeern sehn, weer of en Lichtflunk.

Weer dat de Ahnung? Awer Trina muß sit dwingen un tohörn. Thiebohm weer redseli, vertell vun de junge Pauls sin Tag, in em harr he ganz en Narrn freen. He wuß of vun de sin Leeffschaft mit de Perzeptersdochter un bewunner em of darber. De seeg doch nich na Geld un söch ni na Familje, Unsinn, de neem sit en Fru, de he liden much, un de Oln harrn wul beidersitz insahn, dat der doch Verstand in weer.

Half vun Trina, half ut Mutter Methsch er Mund, de se dat lang vertell't harr, kreeg Thiebohm nu noch to weten, wat værn Stück Trina op er Reif' na Möldorp ut de junge Pauls sin Leeffshop mit ansehn harr. Thiebohm wuß natürli of darvun genau Bescheed, kenn Jakob Schütt in Miendörp, wuß welke Burn den Abend bi em seten harrn un den ganzen Verlop. Trina much mægen oder nich un noch so vull vun er egen Gedanken wen, se kreeg den Rest to hörn. De ol Scholmeister in Gesch weer eben so arg gegen de Geschichte wen as de rife Holthandler, awer de junge Pauls harr dat doch darjett. De ol Scholmeister kreeg nu of noch sin Deel Lof un Mutter Mëth muß darbi hølpen.

Is't ni en egsinnigen Rader, Mutter Mëth, sä he, de opt Geld nig reßt, un op de Ehr gar nig? en ganzen ebüsigen

---

Lichtflunk: Leichtsinziger Mensch. Tag: Züge, Streiche. Rader: (eig. Schinder) Schimpfwort für jemand, der viel Verdruß macht. ebüsigen: eigenfinnig.

Gesellen, den keen veer Per vun sin Placken bringt? Un doch so lidjam bi de Kinner, bi fremde un sin egen. Se fodert un bornt sülvn sin Röh, steit Winters morgens Klock veer fiv op un lett sin lütten Gærn liggn, de Fru is je dot, un sin öllste Dochder besorgt sunst allns. Abends hölpt he mit Kantüffeln schelln oder Bohn utpahln, un wenn se in Düstern to Bett gan sünd, hebbt de Mawers hüpi lurt, wa he mit sin Kinner æwer Geographie un wat ni all spraken hett. Un wenn he Sünnabends middags de Büß umme Nack hangt un nan Butendik herutstakt, so schull man em wol ni ansehn, wat he de Wef lang vær hett.

Als nu de beiden jungn Lüd, vertell he Trina in en Ton, as wull he er recht in Verwunnerung bringn, den Abend würkli na Niendörp torüggkamt un sik bi Jakob Schütt utraut — un dat is wol en smuck Paar — do kumt in Storm un Wedder doch de ol Perzepter achterna, tritt mit sin Barn- gesicht op de breden Schullern, dat utfüht, as ut en Eken- stubben mit en Rækenbil uthaut, in Dær un süht se sik ruhi an.

Vader, seggt dat junn Mäden. Kind, seggt de ol Kroß un fat er bi de Hand.

Do seggt de junge Mann: Jan Kroß, wæs he nicht dar- gegen, ik warr sin Dochder in Ehrn holn.

Eduard Pauls, seggt de ol Scholmeister, ik verkop min Kind nich vær Geld un vær en Infall, awer ik seeg, dat di't Eernst ist. Seggt din Oln ja, so will ik keen ne seggn. Awer du tövst noch en Jahr, un kumst blot bi Dag' na Gesh hindal.

Darmit redt se sik de Hann, un nu is de Sak klar, to Summer ward de Hochtide. Dat is de rechte Art, så Thiesbohm, schov de Müß oppe Sid un leep ut Dær.

Trina drop Düvelen in en Tostand vun Glückseligkeit, de er schredlicher værkeem as alln Jammer. Anne Tokunst muß man ni denken, swärm se los, man mußt dat Glück ge- neten, wenn't dar weer, dat dur doch ni lang. Warum dat „lettj Jamel“ denn so eernsthaft wæn un allns bedenken wull?

---

fodert un bornt: fütttert und tränkft. Büß: Büchse, Flinte. Buten- dit: Außendeichsland. stakt: mit grohen Schritten wandert. utraut: ausruhen. Barn Gesicht: Bärengesicht. Ekenstubben: Eichenstumpf. Rækenbil: Rückenbeil. tövst: wartest. klar: fertig. geneten: genießen.

Warum se of ni mal hinkeem un sik mit freu? Er Schatz weer öfter mit kam un harr er dar hæpt to drapen. Och, dat weer en Seligkeit unbegriplich, swärm se, un sat Trina um, de Leb weer allns op de Welt, all anner weer nig. Un darbi lüchten er de Dgen ganz sunnerbar, un de Farb trock er æwer de Backen.

As wenn allns tosam drapen schull, so keem en Breef vun Mathilde. Se weer na Sleswig torüggkehrt un bi er Ollern. Mit den jungn Leutnant weer dat værbi, awer wat Trina am wenigsten vermoeden harr, dat weer en Wink, as harr se Mathilde vun Friedrich verdrängt. Dat weer to dütkli, dat Friedrich mit er muß to don hatt hebbn, dat weer er schreckli, dat so vel Schatten full op dat schönste Bild vær er Dgen. Se wuß nich mehr hindærtosinn.

Se seeg Friedrich mehrmals vunne Dær ut, wenn he værbigung un oppe Strat. An Spreken weer denn wider ni to denken, as Gundag un Guden Weg un dat aller glückigtste. Oft muß se sik nadem hinsetten un utween, wenn se ni wuß, wo ut noch in, un Hæpen un Twifel sik um er streben. Glück ohne Ruh Liebe bist du. Wer will dat utmaln, wat so in en Seel mutt dærjöhlst warnn?

Mutter Meth leet er betemen. De mark wul, wat der los weer, se kenn awer en Minschenhart un wuß, dat dat doch sin Deel Freid un Pin in sik alleen vertehrn mutt. Se seeg of ni dær, wat Friedrich værn Rull darbi spel. He wog er awer to licht vær den Schatz, den se hier ünner er bescheden Dack bewahr. He flutter herum, un harr wul geern Ehr un Geld un Schönheit op eenmal insangen muht op sin smuck Gesicht hin. Ahn dat Trina dat mark, sorg se deshalb, dat Friedrich er nich mal alleen drop, am wenigsten buten Hus oder in Garn. Egentli fürch se, dat he blot na Trina er Besiz lungert, un er schin, de Dunkel harr dat wul mit bedacht un bemöh sik mit vær em, dat he licht to en Birstell keem. De un sin Döchtern weern er gar to fründli gegen er lütt Küken ut Odderad. Mutter Meth harr dat geern mit Annegreten bespreken muht, wenn de mehr en verständnige Fru un nich blot en gude Husholdersche weer. Mit Jan Niklas, dat gung ni, en Mann versteit so wat ni, de meent, man muht der glück wat bi don, un dat Genzigste is oft dat Aftöben. Darbi kann man de Hand værholn. Een wat uten Ropp snacken

---

hindærtosinn: hindurchzufinden. flutter: flatterte.

kann man nich licht, uten Harten gar nix. Wat dar opschütt, mutt wassen un blöhn, och dat wenigste kumt doch to Frucht. Mutter Mëth schütt bedurli den Kopp un strafel öfter de Schetel vun er lütt Göschen glatt.

Dat weer egen, dat dissen Winter so weni Lüüd ut Odbderad na Möldorp keemn. Ut Jan Niklas Preen sin Hus pleggn doch dann un wann Friedags to't Wefenmarkt wüde dar to wen. Dit Jahr weer't en Unordnung in Odbderad. Allns keem vun den wunderligen Husbu, de anfangn un ni ferti war. De Knecht seet gewöhnli alleen oppen Wagen un broch nix as enige Saken, mal en Stuten, mal en Sack Weten, un vel Gröten vör Trina.

Ganz unvernunftig un to ungewöhnli Tid keem Peter Stamp un Witen en Morgen bi Mutter Mëthsch vörfahrn. Als se se seeg, æwerfull Trina en Heimweh, wat er binah krank mak. Se leng' torügg na er Kindheit, na de Seelenruh, na den Frieden, dat se harr flüchten muht un sik insluten un allns utwischen, un wedder herutsehn ut er Finster æwer den Grashof un de stille Gegend. Witen dargegen frei sik, er to sehn, de seeg tofreden un seker ut un leb in Hoffnung vörwarts. Trina kunn nu doch ni dat Wort sinn er to klagen un Trost to söken. Dat weer er as weer der nix vörfulln, dat leep all in Heimweh mit er tosam, un se kunn blot mit Witen vun tohustam snacken, wat ok nich lang mehr durn schull.

De Beiden dagegen harrn wat vör Trina oppen Harten. Se söchen er bald affitz to spreken un Peter harr sik geschickt un as en Mann darbi. He vertell Trina, dat Hans Grimm gradto Concurz maken war, he harr sik bi den Husbu verbært. Se all steken mit en Summ dartwischen un Trina er Vader mit nich gar wenig. He weer je sunst so vörfichtig, æwer Gott much weten, wa he sik darop inlaten harr. Den Hals kunn em dat jüs ni breken, æwer en häßligen Stot gev dat doch, un Angreten weer noch unglücklicher daræwer as he sülbn. De eerste Gläubiger inne Hypothek weer de Brenner Rod ute Heid. De wull den Kram mir nix dir nix ævernehm un ok Jan Niklas utbetahln, æwer he harr gradut to Ledohm seggt, he de dat blot, wenn Trina Preen em ton Mann neem. Witen un Peter löben, dat Angreten in Angst darto

opschütt: aufschleift. strafel: streichelte. Göschen: Gänschen. wüde: welche, einige. affitz: beiseite. verbært: überhoben, veripetuliert. löben: gli ubten.

ja seggt harr, un se weern nu kann, er umt Himmelswillen to beden, dat se dat ni dē. Gefahr weer vār er Vader nich, un wenn der een weer, so war Tedom tospringn, dat harr he Peter verspraken. Se schull dat doch dārchut ni don, un lewer Een vun de Strat neh̄m aš dīs̄jen rogen Gefelln.

Trina leep en Gresen darbi āwer. Weer't doch, aš wenn of in er still Odderad, wo se noch ēben s̄it h̄inseht harr

als in die stille Kammer,  
wo man der Erde Jammer  
verschlafen und vergessen kann,

aš wenn of dar de Hann heringrepen, de de Seel umwōhlt. Se muš nich, wo se Kraft hernehm̄ schull, wenn nu Gott muš, wat keem. Doch do seeg se, wat en tru Fr̄ünd is, se fōhl an Witen, dat de er b̄istan war, un se seeg an Peter Stamp, dat doch en Mann in em steek, un dat schin fast, aš wenn he in de Tid, dat se em nich sehn harr, s̄it tosam nah̄m harr, s̄it funn in dat, wat wen muš, un nu, wenn wat Wichtiges keem, vār er un Witen beid instan kunn, wenn't nōdi weer.

Se sproken fast den ganzen Dag de Saken mit enanner dār. Hans Grimm muš mit sin Familie ut Dōrp treden un mit sin Fru er Beten sehn, dat he vellicht in Angeln wedder to gang keem. Ŵer sin Bu un Verkop weern v̄el wunnerlige Dingn to Dag' kam. Man lehr bi so wat doch jūmmer Lūd kenn. Friedrich harr sin Fingern deper mit dertwischen hatt aš man denken schull, de Docter harr wul geern den Kram vār en Ei un Botterbrod kofft un em denn mit sin Ūlste darhin sett. Dat weer āwer feil slan. In Odderad gung nu dat Gered, dat Friedrich op Trina spiseleer un de Docter mit tohōlp, Enige s̄ān āwer, dat weer ni wahr, un mušn wēten, bald dat he mit Mathilde verspraken weer, bald dat he de rike Holthandlers Dochder darvunhān war. All dat muš Trina hōrn, un se funn keen Punkt, wo se harr seggn kunnt: schont mi! oder swigt still, un ik mutt Ūns vertelln!

So muš se se Abends wedder fahrn sehn, un se weer so wit hin, dat se s̄it wūnsch old to wen aš Mutter Meth

---

Gresen: Schauer. sin Fru er Beten (Bischen): dem geringen Bes̄itz seiner Frau. feil slan: sehlschlagen.

oder arm as Hans Grimm sin Fru; dat se arbeiten muß, dat er de Hann fangeln, damit de Gedanken nich Herr æwer er warn.

Dat Gerücht vun de Concurz in Odderab leep glik æwer ganz Möldorp. De Burstell, de Hans Grimm bewahn, weer een vun de oln, de lang in de Feilsche Familje sit Minschen denken seker wen weer. Jedermann kenn vun de Feilsn, de in Lann herum wahn. Thiepsohm keem un frog derna, Jan Meth sin Søn kenn al de genauern Umstån. Trina muß æwer vel Besunners Ned un Antwort stan, un nims ahn, wa er dat drop. Dat er Vader mit Geld der mank verwickelt weer, wussen se of wol, de Meisten heeln em awer wol vør to wulhebbend, as dat vør em Gefahr weer. Blot een Mann, un vun em harr se dat am wenigsten dacht, un dat smect en häßli Licht op em, keem un frog er temli todringli darna: dat weer de Docter. As harr he sülbn dat Geld to verleern, so scharp forsch he Trina ut. Ja dat muß Husfnack warn wen, denn de Dülste vun sin Döchdern bedur Trina inne Reischschol, as wenn er Vader vun Hus un Hav af muß. Dat sohr er bet int Blot un drev er Stolt un allns Slimms dør de Seel. Se verbister mank Welt un Minschen, denn och! se wuß wo dat herröhr!

Bi all dem keem dat nich in Trina er Seel, un se schull dat eerst erfahrn, wa frech en Minsch wen kann. De Brenner Rod keem sülbn, keem na Mutter Meth, as harr he en Handel to maken, mit sin Gesicht ganz glatt barbeert un de groten Hann oppen Rugg, gung he an de Finstern vørbi un keef herin, as wull he seggn: nu weer he dar. Trina kunn sit nich mal flüchten un Mutter Meth, de keen Ahnung darvun harr, wat he wull un wat se utheel, kunn er eerst bistan, as he al plump wen weer. He rücf temli mit de Sprak herut, as he dat bi't Ossen kopen much wenn't warn sin, he wull egentli Trina alleen spreken, un as de Inwendung mak, so broch he nog vør, um of Mutter Meth optoröhrn. De söch em lisen to'n Anstand to bringn un hintoholn. Awer dat weer em ni dütkli nog un gegen sin gesunne Natur. He fung an grot to prahln mit Geld un Besiz, vun Odderab

---

fangeln: vor Schmerz brennen. nims ahn: niemand ahnte. Hus un Hav: Haus und Habe. verbister mank: machte irre an. much wenn't warn sin: mochte gewohnt geworden sein. optoröhrn: aufzuwiegeln.

to spreken, as harr he dat Dörp opkofft un kunn de Lüd ver-  
hækern na Willgefallen. He drau sogar ni undütli, he war  
den un jen' langs de Drifft un ut Dor hölpen, wenn em  
sin Willn ni war. Während dem keem Jan Meth darto,  
sin Fru harr em ropen laten. Jan Niklas weer nich umsunst  
sin Fründ un he weer stolz op den sin Nam un Credit. As  
de Brenner vun Brachers un Schuldners sprok, war de Ol  
sin Gesicht ganz roth ünner de witten Haar. Dat war lud  
inne Stuv, as schull dat to en Prügeln gan, un mit Prähl'n  
un fast mit Schum umm Mund drau de roge Gesell noch op  
dat unschüll'i Kind, wat oppen Stohl seet as weer se fastbunn  
un de Hann gegen er Hart drück. So wat muß se erleben!

Un wenn dat denn man bi Een jülbn blev! Awer in  
en lütten Ort löppt dat Gerücht um, as de Schall in en  
Gewöl'b; ut alle Ecken kumt dat wedder, ton Bangwardn, un  
dat Fisseln un Ruffeln is am Ende noch dat Argste. Denn  
sammelt sik dat mit an, as leeg dat inne Luft as en Gewitter;  
de Lüd mæt dat mit hebbn, dat de Schrecken man eerst en  
Ton fattriggt, so löppt he wider as en Wagg langs't Haff,  
dar mutt wat kam, meent alle, en grëssige Krankheit, en Krieg,  
en Unglück, wat blind togrippt na Jedermanns Kopp, un  
Jeder hett Drsat bleek to warn. So leet dat in Möldorp.

Dar weer en junk Paar storben, eerst de Fru, glik darop  
de Mann, de er noch to Grav brocht harr; dar weer en  
Stall dalsstört un harr binah en Kind toquettischt, en junk  
Diern harr sik toschann danzt un leeg dot krank oppe Natwer-  
schop. Wer dat Freessche Hus gung allerlei Snack um.  
Dat Leben ünner de jungn Lüd weer dar utart', so heet dat,  
dat weer na un na in en Bunschen un Zuchhein ævergan.  
Wüß, de der ni mank passen, weern dertwischen kam, un un-  
schüll'i Dinger weern am ersten to verleiden. — De Secretair  
war vun Alle darbi as de Hauptheld nöm't, awer of op  
Friedrich full menni Wort, wat em in keen gut Licht stell.  
Trina weer dat schreckli, all dat anner gung er toleh nig an,  
awer bi em harr se jümmer ropen mucht: dat is ni wahr,  
dat kann ni wen! En junk Hart wehrt sik banni, ehr dat sik

---

verhækern: verschächern. Bracher: Bettler. löppt um: verbreitet  
sich. Gewöl'b: Gewölbe. Fisseln un Ruffeln: Lärmschlagen; F. be-  
zeichnet eig. das Geräusch sanften Regens, R. das Knistern im Stroh.  
Drsat: Ursache. dalsstört: eingestürzt. toquettischt: zerquettischt. to-  
schann: zunichte. utart: ausgeartet.



fin Glosen nehm'n lett. Awer wenn of er Hart fast heel, er Verstand sä er, dat se nich mant de Art Lüüd paß, wo Friedrich dartzwischen hör. Se harr mehr un öfter mit Docters Döchter verkehrt, of mit annere vunt sülw'e Glach, se söhl siß ni glückli mant se. Se kunn jüs niz gegen se seggn, se weern am Enn ganz gut un nett. Awer jüs wat Trina recht angung, dat röhr se nich, un wa se hitt bi warn, dat leet er glistgülti, se verstunn siß mit een Wort nich. Er weer nie recht seker bi süm to Mod, se seet oft as op Mateln, denn dar war en Hölpholn maßt æwer en Wort un en Mien, un man wuß oft bi'n besten Willen nich, ob man dat rechte drop. Dar weer se to Hus nie unsöker bi wen. — Awer vør em wehr siß denn doch wedder er Seel, wenn er dat æwerkeem, so harr se nich vun em laten kunn, se harr nich an den Himmel gloat, wenn se em nich tru'n kunn, de Gerinnern Föten weer er wesen. — Un doch muß se twiseln. Ut all wat se hör — un se hör man to vel — drop jümmer irgend een Schlag er Hart, dat er dat innerlich weh de. Nu wedder de Geschichten bi Düviken! Wa weer't mægli! Dat Gerücht gung um, dat de ol Fries eerst tolegt markt harr, wa se in sin egen Hus wirthschaften. De Søn schull em toerst de Dgen æpent hebbn, harr Düviken vermahnt un den Secretair bed' un bedraut, awer as allns niz hölp un de lieberlige junge Fant æwer em lach, do harr he de Vader verwarnt, un de harr den fein Herrn inn Dær empfangn un em glist wedder herut sett. De Ewrigen weer dat nich vel beter gan. Awer Düviken schull ganz uter siß wen, och! völliht ni ahn Grund. Man sä, se seet den ganzen Dag to jammern, weer towiln rein wild un sung lud, dat dat dær de Garnaß schall, trurige un dulle Leder, dat Lüüd still stunn un man siß schu se antohörn. Trina wuß nich, ob se hin gan kunn ober nich, se wag ni na to sehn, wa wit as dat Unglück reden de. Dat schin awer as harr Düviken recht, dat dat Schicksal se absunnerli utmarkt harr, un er ganze Hus stunn ünner en bösen Steern. So lager siß dat dump un swar um er Seel.

Doch geit dat dägliche Leben sin Gang. Se muß arbeiden, se muß spröken, se muß sogar mit utgan, en Besöf

---

vunt sülw'e Glach: von derselben Art. bi süm: bei ihnen. to Mod: zu Mute. Hölpholn: Wesen, Lärm. wesen: gewichen. æpent: geöffnet. bed' un bedraut: gebeten und gedroht. utmarkt: ausgezeichnet.

maken, so beern, as wenn't ton Berqnögen weer. Se harr na un na enige Bekanntschaft mehr malt, tum Deel de bi Jan Meth in un ut lepen, de se tosam besöchten oder de Thiefohm as sin Fründschopp mit darto broch. De harr op sin Art in ieg Tid ni weni to vertellen hatt un de meisten weni schont. Wer de Freejen snact he ni vel, awer den Secretair beteet he nich anners as den Bösewicht, un of bi em keem Friedrich slecht weg. He weer em to nixi, as he sä. Dargegen vertell he jümmer wedder vun de Holtthandler Paul un den Scholmeister in Gesh. Na sin Gewohnheit harr he dar op en Tidlang nu sin Stig hin un keem dar jeden Dag. Dar wull he of Trina hinsnacken. Denn he hör to de Lüüd, de er Frünn all to hopen bringn maet. He versöch dat mehrmals, er mir nig dir nig mit to nehme, un as se dat ni wull, söch he na en Gelegenheit.

Dar weern noch lat int Jahr enige vun de schön Dag' intreden, as wi se hier wul mit hebbt. Denn is besunnerz de Marsch, as fier se den Nasummer oder al dat Værfröhjahr to tokum Jahr. Dat Weidland is wedder grön, dat junge Korn bedeckt de Brak- und Stoppelfelder, de flegen Summer hangt noch inne Spiern un blenkt inne Sünn, un son unendliche Ruh liggt um de groten Burhæv mit de kahlen Böm: man kann lengn un langn as na den Frieden, de nümmer wißt, wenn man sik umher süht. Geit gar de Sünn darbi mit Glanz inne See ünner, so is't æwer de Maten.

To so'n Tid is Besöken inne Marsch recht an Dagsordnung. Man kumt wol enige Wagen vull, de sik værher eni sünd, op en Hof bi en Fründ tosam, enige Mawern halt he darto. Man sett sik un drinkt Kaffe, smökt Pip oder Zigarren, klænt un snact na Gefalln, un oftmals is der en Fortepiano, wo Een oder de Anner wat op speln oder to singn kann. Darbi geit de Tid licht hin. Dat fehlt of ni an en Spazeevveg dær dat ganze Hofland, wat meistens rund rum um de Gebäuden liggt. Dar stiggt de Bur væran un wißt sin Rappsaat, de al tohlgrön is, sin Weten, sin niekleite

---

beern: sich gebaren, stellen. beteet: bezeichnete. nixi: unbedeutend. hör to: gehörte zu. fier se: feierte sie. tokum: künftig. Brakfelder: Brachfelder. de flegen (fliegende) Summer: Alterweiber=Sommer, Sommer = Summar? oder engl. samár, góssamar. Spiern: Spitzen der Palme, Feden, Baumzweige. eni: einig.

Wischen, un wenn man to Hus kumt, so hebbt de FrunsLüd Schün un Kamer besehn, sit en beten smuck maht un hebbt doch eben son guden Hunger to en Budding mit Roffleesch mitbrocht as de Mannslüd. Nadem kann man noch lang sitten, ehr de Abend kumt, of hett man den Maanschin aspaßt. Dat ward eerst lusti na de Nambagskaffe, wenn de Jungen æwermödi jagdert un wenn der en Bowle Punsch op den poleerten Disch vært Sopha dampft, Rundgesång sungn ward, un en Danz los geit na irgend een Musit.

Thiehofhm streef fast dat ganze Jahr Sünnaabends oder Sünndags herum, bald na de Geest, bald na de Marfch, meistens alleen un to Fot. Doch een un dat anner Mal inn Summer kreeg he sit en Wagen un neem sin Fru mit. He leet sit dat nu ni nehmn, inne schöne Naharst noch son Tour to maken un Jan Mæth un de Fru mit er lütt Plegdochter mit to nödigen. — Jehann dank vær de Ehr un de Mög, em warn de Knaken to weh don vun dat Hangn oppen Wagenstohl, he ree lewer op sin Handstoc, as he sä, keem man denn mit sin Kräften to krümp, so kann man puß holn. Mutter Mæth un Trina kunn ni ne seggn, de Dilsche harr of Lust to en lütt Fahrt, dat ole Leben war mal wedder niet, wenn man Minschen un Wedder rükt harr. Se heel dat of vær gut vær er lütt Trinaken, se harr recht gut sehn, dat de er blid Gesicht ni umsunst bleef warn weer. Son junk Blot muß wedder umrüttelt warren, dat weer noch to frisch, um nu al to stoßen, se muß mal den Sünnschin sehn un en Stück vunne Welt, de der lusti ünner leeg. So fahrn se mit.

Enige ut de Liedertafel wulln of dat schöne Wedder benugen un na Barlt en Lusttour maken. Dar weer niet Leben in den Gesang kam, wil mehr junge Lüd, de dat fröher ni gut nog funn, intreden weern. Thiehofhm harr en ganzen Enn lustige Geschichten daræwer vertellt. De Secretair sogar fehl nich, un Friedrich war leider gewöhnli mit em nömt. Man harr enige gude Stimm darto utsücht, of wenn de Lüd nich so ganz passen, un Thiehofhm sä, he harr deshalb ganz Möldorp jeden Morgen döchwannert, ehr Lüd opkeem, denn man kunn am besten ant Hosten un Krægen, wat man morgens

---

Heite Wischen: Wiesen, deren Gräben gekleit, ausgegraben sind. Naharst: Nachherbst. ree: ritte. tokrümp kamen: einschrumpfen, mit seinen Kräften zu kurz kommen. puß holn = sit verpußen: sich ausruhen. rükt: gerochen. blid: freundlich.

nüchtern vør den Kaffe hör, rutlurn, ob een en Sänger weer. De Bassigen harr he all op nüchtern Magen entdeckt, wull awer darvør of Ehrenmitglied warrn. De beste weer de Schoster Dankmal, de Steweln mak as Kruten, un en Stimm harr, as en Beertünn; so wat hung tosam. Dat weer æwrigens en lustigen Kerl un kenn sin Lüð, denn as Thiephohm em fragt harr, warum he de Steweln so wit mak, ob oppen Towasß oder opt Inlopen, do harr he antwort: de Lüð ummen Dunn herum harrn so vøl Sand umme Föt un weern dat wennt, wenn se oppen Wagen seten, dat se nadenkli mit den Pitschenstoß inne Schecht dallangn un sit pläseerli en beten twischen de Tön fraueln kunn, dat weer se angenehëm, desßhalb keem se of jümmer to em as seker Kunden.

Bi son Utsfahrt vertell Thiephohm den ganzen Weg un weer lusti, dat em dat Gesicht blank war. Se wulln æwrigens nich mit de Liedertafel, vellicht eerst ann Abend den Weg æwer Barlt nehm, dat Fahren weer de Hauptsak, um de Hæv un de Gegend to sehn, wa dat Korn stunn un wat de Bur bedreb. Innerwegens kehren se bi en Bur in Gesch vør. Dat harr al Thieß sit utsimeleert. He wuß, dat of de Pauls dar keem, Trina schull sin Schottinner kenn lehrn, schull of den oln Scholmeister mal husen sehn.

Trina weer ganz egen to Moth, as se mal wedder oppen Wagen un opt frie Land keem. Dat leeg al lang so dump un swar um er, se harr kum mehr lövt, dat kunn noch mal wedder licht un klar warrn. Nu seeg doch dat gröne Feld so tofreden ut un de Sünnschijn fründli derop. Bi er seet Mutter Methsche, se weer so smuck, se weer so still, alle Sünnschijn troß dær er hin un se leet dat betemen. Se harr er best Tüg an, se seeg so würdig un dreplik ut, un wat se sä, weer luter Dank un Tosfredenheit. Trina föhl, wa se gut weer un er leef harr, se föhl den Trost, dat de Welt ni blot Unglück un Verdreet is. Se föhl, wo se to Hus weer un hinpaß, un æwer anner Lüð, de se kenn lehrt harr, troß dat as en Schatten vør, de achter er blev, as waß se ut en Drom op, de er bedrüct harr, un kreeg nu wedder de Dgen op vør den lichten Dag. Verschüll harr se je nix, un weg weer der

---

rutlurn: aushorchen. Bassigen: Bassisten. Kruten: irdene Kannen. Towasß: Zuwachs. Inlopen: sich zusammenziehen. ummen Dunn: in St. Michaelis-Dorn und Umgegend S. 226. wennt: gewohnt. Schecht: Stiefelschäfte. Hæv: Höfe. dreplik: trefflich, reinlich, nett.

noch nig, er Dörp, er Land, er Ölern un gude Minschen weern er bleben. Un keem dar denn en Gestalt mit twischen as en Wild, as swer dat vör er her, un wull er verlocken æwer dat glatte Land inne wide Welt, so fat se er ol Blegmutter an un söhl an de er Handdrücken, dat se er verstunn un bistan war. — Dartwischen klæter dat lustige Snack vun Thiebohm, de de Mütz al lang scheef un sin Fru al lang narrsch harr un nig vörbi leet ahn en Bummel. De Welt weer noch schön.

Bi Gesch keern se op en Burhof vör. De Lüd weern rif, as man an den Uwerfloth seeg. Dar weern süllst de Dorfuln ut Grausteen haut, de hogen Schünz ut Brandmuern. De Eschen umme Graff weern hoch un old, de Hof hör sit Jahrhunderten besülwi Familje. Dissen un Röh stæhn an de Lohdel, glatte Perköpp steken de Mäs dör de Röpen, dat ganze Gewes rüt na Hau. Trina keem sit as to Hus vör, so verscheden dat hier of vunne Geest utseeg, se söhl sit glückli un tofreden, se vergeet all, wat achter un vör er leeg. De junge Fru weer eerst vör fortien verheirath. Se weer sülbst eerst in den Nidom mit rin kam, un wis Trina mit Stolt un Freid all er Herlichkeiten. Trina söhl mit er dat Glück, en Burfru keem er vör as en Königin. Wa geern seeg se to, as de junge Fru Speck un Botter an de Deensten rikli utdeel, un vör en paar arme Kinner, de der keem, weer noch en Stück Botterbrot un en Putt voll Melf æwer. De ol Swigervader weer en lebndige Krönt, de vertell glik de Geschichten vun urold herut, binah vun de Slacht bi Hemmingsted her, vun jeden Læhnstohl, vun jede Linnshapp, de Meererschumpipen un de grot Speluhr, dar weer keen Stück, wat Een ni wichti war. De junge Mann keem vunne Naver-schop to Hus. He weer keen smucken Mann, awer stark un gesund, binah vun Gestalt as Trina se vun Wulpert, de Bu-meister, kenn. An em erinner er of de Stimm, de so egen tottruli un fründli klung, em harr man in Düstern leef frigen kunnt. He vertell, dat glik mehr Gäst keem, de junge Pauls weer mit sin Süster bi de Swigervatter, de Scholmeister. Se keemin of glik na, un Thiebohm war nu eerst gar lusti. He

---

bistan war: beistehn würde. Dorfuln: Thor säulen. Graustein: Granit. Graff: der breite Graben um den Marichhof. stæhn: stöhnten. Röpen: Krippengitter. rikli: reichlich. Putt: Topf. Krönt: Chronik. Linnshapp: Leinenschrant. tottruli: zutraulich.

wis' se Trina ut Finster, as se de Drifft heropkeem: Is't ni en schirn Gefelln, lütt Trina? Döwel noch mal! So nimmt sik en Perl ut! un de Brut paßt bi em as en Böt to en Ekenstamm! Dat heet ik en Paar! de kunn man vör Geld wisen, un wenn se malt weern, much man se wul kopen. — So snack Thiesbohm in sin Hæg, bet se in Dör weern. Do kreeg he of Trina heran un vertell de Brut un de Brüdigam vun er as vun sin Dochder, luv un laster se, dat se en beten to weel weer vör en echt Ditmarscher Kind, un en beten to bleef vör en Burndochder, awer verdwelt truharti, un doch en Schelm, de lach er mitünner heemli ut de blauen Dgen.

Natürli wehr se sik gegen em, toleht mit enige Klappen oppen Arm, awer dat harr doch hölpn, dat se mit eens bekannt un to Sprak weern. De Brut erinner Trina vun den Abend in Jakob Schütt sin Schenk, un as junge Mädens don künnt, so gungn se bald tosam un vertelln sik noch eenmal, wat se beid al sehn harrn un wussen. Se schin Trina ganz eben so as domals, fast to ruhi un seker. Un nu gung dat ünner fründlige Lüd fründli un heiter her, so dat Trina opt beste mit in de Freid instimm.

Dat weer al gegen Abend, do keem noch mehr Gäst darto. Op de Docter sin Wagen keem Friedrich mit enige Dams langs de Drifft klatschen. He harr en paar vun sin Cousinen mit, darbi en grot smud junk Mäden, de alle glit torepen as Wilhelmine Pauls, de schöne rike Hölthandlersdochder. Er Broder verwunner sik, dat se noch nakeem, awer Friedrich harr dat so hilt um er bi't Hindal- un int Hushölpen, dat der nich Tid noch Plaats tum Antworten weer, un tum Glück of Keener seeg as vellicht of Thiesbohm, de der bi stunn, wa Trina dat Blot ut Gesicht schot un de Arme sik ansaten muß, um sik to holn. Friedrich war er gar ni wis, mit son Getös un Amtziwer drog he Döker un söch he Schirms un all wat oppe Stöhl vergeten wesen kunn, he seeg er eerst, as sin Cousin' mit Trina sproken un se sik besunn' un tosam nahm harr. Do sä he er temli lud gundag un weer heel wizig. Trina föhl jede Wort as gung en kold Meß langsam dör er Hart. Awer se föhl, dat dat de Dob

---

Drifft: der Landweg, der von der Straße auf den Marschhof führt. schirn: groß und schlant, stattlich. Döwel: Teufel. Böt: Bude. Hæg: Freude. laster: lästerte, tadelte. harr dat so hilt um er: war so beschäftigt mit ihr. Meß: Messer.

nich weer, dat de Welt stan un dat Hart gan blev, un dat se nu tapfer wen muß un wennt of ton Opfchrigen weer. Se spel mit in dat lustige Spill, wat der so spelt war, un gung dat of oft mit er rundum ton Umfalln, Kener wuß oder kunn sehn, wa weh dat dar de, wo se oft inne Sid de Hand gegen drück, wenn Rüks op er achten de.

Friedrich flatter as en Fleerlink um de schöne Holtshandlersdochter, he weer de, de jümmer wat antogeben wuß, dat dat Leben nich int Stoden keem. Bunt Danzen gung dat ant Speln, all wat sik man utföhrn leet war opföhrte. Dar speln se Rättsel, wobi de Smucken sik smuck maken kunn, un de Lustigen lusti, dar harr Jedereen to hölpen bi't Um- un Untreden, un wer de Wör braken kunn, un dat verstunn he, de harr Gelegenheit wat Paßligs to seggn. Dar keem de Pandspilln to gang, as dat anner wat Niz war, Spilln mit Ball un holten Zeller, un dat feil nich as dat düster weer, dat en Paar mal alleen achter de Dær comdeert war. Friedrich weer in een Suchhei. Unglückli drop sik dat, dat he mit Trina en Pand lösen muß. De Gesellschaft weer munter, ja ævermödi warn. Denn gift dat jümmer wülk, de wat wagt, wat herbisöhrte, vør sik oder annere. Ob man Friedrich drängn wull oder Trina oder beide, genug se schulln sik heemli buten Dær en Wort int Ohr pisseln, wat se lisen vørseggt warn weer, un mit Lachen un Draun seeg man se achterna. Do keem Friedrich inne Dämmern op er to un wull er küssen, as weer der niz vørsulln. Nun all wat mægli harr Trina dat am wenigsten vermuden. As wenn all er Blot to Is war un all er Geföhl to Flamm, so richt se sik op, heel em mit de Hand vun sik, as man wat Unsauber vun sik hollt un sä em kold un seker, un sunnerbar sä se dat hochdütsch un vørnehm: Rühr mich nicht an, Unreiner! Darmit leet se em stan un hör un seh nich, ob he wat seggn oder vørbringn wull. Se gung ruhig in Stuv, hör glickgülti dat Necken an, womit se beid begröt warn, un harr Kraft nog sik to holn, bet de Gesellschaft opbrok un to Wagen steeg.

Se dach frili, er Hart war tospringn, se dach oft, se war in Ohmacht tosamfalln, se muß sik an den Stohl ansaten, de Wör wulln er anne Tung fastpfeken, awer se antwor doch, un

---

Paßligs: Passendes. Pandspilln: Pfandspiele. holten: hölzern. comdeert: kommandiert. pisseln: flüstern. vermuden: vermutet. tospringn: zerspringen. fastpfeken: festleben.

se seeg dat gung. So much't denn gan. — Dat Getös weer noch dat beste to dregen. Bunt Wegfahn wuß se vun vël Hannschütteln un vël Vergnügen, wovun se snaden, vun den Weg mark se, dat de Maan schin un dat dat kold æwer ernal Bossen streef. In Warlt weer dat noch hell in un vært Weerthshus, de Liedertäfler sungn bi apen Finstern. En Volksleed, wa alle instimm', schall wehmödig æwer de Gegend, se kenn dat vun Kind an, se kenn dat vun Dübeken, de dat hüpi sung:

Heute noch auf stolzen Rossen,  
Morgen durch die Brust geschossen,

klung dat in depe Tön utet Licht in den Abend un dat wide Feld herin, un se fahn værbj mit Thiebohlm sin lusti Gröten un Plættern, Möldorp to.

Dat muß de Nacht banni kold wæn hebbn, de Rip hung dick inne Linnböm vær Dær, dat Water bi de Pump weer æwerschrauel, de Luft weer bomstill un blau so deep man seeg. Trina keem al fröh to Gang, se muß arbeiden un sik stärken. Müms harr güstern wat markt, as dat se still un möd wæn weer. De Dag sung eben so glifgülti an mit glifgültige Dingn. Se harr sik inne Nacht æwerleggt, dat se na Odderad un to Hus wull. Se wull glif Bott an ernal Bader stürn, dat he ernal hal, se wuß, dat em dat recht weer, wenn se dat wünsch. Se harr am leefsten sehn, dat he densülvigen Morgen keem, wenn dat mægli wæn weer. Se lë darto ernal Saken torecht, dat full ernal licht, denn Ordnung weer ernal Natur. Se wull hüt mit de Reihersche allns asdon, infopen wat nödig weer, enige Visiten asmaken: denn weer se to Morgen redi. — Bi en Begräbnis mag Een so wæn: dat Ween hett opholn, de Gesellschaft is weg, man mutt wedder bi't dägliche Leben anfangn.

Se wull wat vær de Armn don, se dach den Blödsinnigen in Odderad wat mittobringn. En paar Kinner vun en junge Wetfru wull se knütten un neihn lehrn. Se wull sik nügli maken.

As se nan buten un in Garn keem, loß ernal dat mal

---

streef: strich. utet Licht: aus dem Licht. Plættern: Geplauder. æwerschrauel: mit dünnem Eise belegt. Bott: Botschaft. stürn: steuern, senden. asdon: abmachen, redi: fertig.



alleen achterum den Fotstig æwert Feld to gan, dat weer er glif as war de Vost er wit un dat Hart ruhi slan, wenn se dat Og fri kreeg, wenn de Gegend apen war. Un so schön un still weer dat je! Dat Klockenluden — en ol aßlesten Amtsbener war begrabt, man kunn em de Rau gönn' — sumz inn Garn æwert Hus so lisen hendal, as slogen noch Jan Mæth sin Swarms inn Sünnschin, un doch fulln darvun de lehten Blæd uten Vornbom, so leet dat, lisen as Drapens to Ger. Wo de Schatten op dat Stadett leeg, weer dat vun den Rip as mit Zucker bestreit, anne lütt Port recht vært Licht parln de blanken Drapens, fulln as ut en Geter vun de Dræhn uten Dornbusch, as Trina se apen trock, un de Hann warn er natt un kold, dat se se ünnern Dos wümpel. —

Man kunn æwert Vie gan, denn dreih sik de Weg un keem achter de Mæl umhöch, vun dar seeg man em within sik æwer de Koppeln slängeln, as trock he een ant Vand na de Höchden un Odderade to. Darum gung Trina jüs gern dißjen Weg, se weer em al öfter gan, wenn er mal en beten Heimweh anfæt, se harr hier of enigemal mit Düvelen bet in den schön düstern Redder spazeert, wo de Snurrbeinbüsch noch grönbunt de Wall bedecken un de Slön blau un zierli heræwerhungn. Dar stunn wider lanf dat lehte Hus oppen Ort, wo en Stegelsch in den Wagenweg rinföhr. Hier harrn se en paar Mal infæken, wil de Fru so fründli weer un son nüdliche Kinner harr.

Trina full dat ünnertwegens in, dat se dar adüs seggn kunn, son eensam Leben mit blot sin Egen, wo nich Jedereen in röhrn un störn kunn, trock er Gemöth an, un er war al lichter, as se man dat Strohdack seeg. Dat Hus leeg vunn Fahrweg ut achter en dichten Dorntun, de Mann harr sin Vermal daran, em recht hoch un glatt as en Mür optotreden: vær de Dörnsch harr he Vagens in den Knick utscharn, ordentli rund, as seeg man ut Parkensfinstern. Achtert Hus, wo de Fotstig op to keem, sent de Koppel sik af, un en Bæt keem ut en grote Mergelskul de to en Vornschjted inricht weer. Enige Appelböm harrn noch hellrode Blæd. Dat weer wunnerlich

---

Geter: Gießkanne. vun de Dræhn: von dem Dröhnen. wümpel: zusammenknollte. Vie: Niederung wie in „Vieborg“ (bei Kiel). Redder: Landfahrweg zwischen zwei Kniden, Wällen mit wilder Hecke. Snurrbeinbüsch: Brombeersträuche. Slön: Schleen. Ort: Ecke. harr sin Vermal: hatte seine Freude. Vagens: Bögen. Mergelskul: Mergelgrube. Vornschjted: Tränkstelle.

still, as Trina an de Koppel keem, dar fahr of nich mal en Wagen langs den Weg, awer dar heeln en paar still, un de Fahrlied seken nieschiri æwer un dær de Heed. Bi den Wef vun de Bornschted her drogen en veer sib wat nat Hus lant, wo se dat swar bi harrn un de annern hølpen wichti to, dat weer en unheemligen Dprohr, fast ahn en Lut, ute Feern ni recht to ünnerscheden, se verschwun of glik achter de Heed, un man seeg man anne Handgeber un sunst, dat Een Mann ganz mit Lehm bespreit un klateri un natt weer, so drog he mit Arms un Been un trock an sin Klebasche.

Trina blev eerst verfehrt stan un leep denn den Gotstig dal na de Garnport, um achter int Hus to kam. Do störten de lütt Gern ute Dær mit de fürchterlichsten Gesichter un Geschrigg, as weer en wild Deert se oppe Hacken, un schregen: Dübken Frees hett sik umbrocht, Dübken Frees is int Water sprungn! Dat weer en lütt Mäden, de Trina toerst kenn; mit de fürchterligste Kl, as Kinner denn vertelln künnt, scharp un richti un genau, wenn eenmal de Ahnung vun dat Argste inne Welt bet in er Seel kumt, beter as en Erfahn, de der vun dat Blot verstoct: so fat de Lütt er bi de Hand un vertell er mit wille Geberden, wobi er de Kopp fast rund herum flog, un dat Haar æwert Gesicht: Dübken harr se Jeder en Tut mit Rosin brocht (de wis' se noch inne Hand), harr se all küßt un adüs seggt, weer ganz witt wen, weer denn weglopen, æwer de Koppel dweer hinæwer, un harr denn furchtbar schregen un weer inne Lehmful sprungn. Vader un Moder weern nich to Hus wen, de junge Väcker harr er ni rut frigen kunnt, he weer na Möldorp lopen un harr Lüd halt, se harrn er mit en Rothhaken heruthalt, all er Haar weer natt, dat Kleed vull Lehm, un se weer ganz dot un still.

Trina wuß genug, flimmer kunnt ni warnn. Ute Dær keem de junge Väcker, de kunn wenigstens noch ween, in en Strom lepen em de Thran ut de groten bleken Ogen. He sä keen Wort, as: nich to hølpen, un verwunner sit ni mal, dat he Trina hier drop. Natt un ahn Müß, as he weer, ging he achterum to Hus.

Do æwerfull Trina son schrecklige Angst, dat se vør sik süßn bang war, as kunn se of int Water springn oder de

---

Dprohr: Aufregung, Unruhe. bespreit: bespritzt. klateri: triefend. Klebasche: Kleidung. Deert: Thier. Tut: Düte, Lüte. dweer: quer.

Besinn verleern, dat se unsinni Lüz re un Būd ton Spektakel been. Se kunn nich de Kraft faten, dat se vunn Placken gung, de Föt weern er as anpekt, de Weg bet na Mutter Mēth as unmægli to gan. Se kunn ni beden, de Hēben weer as steenblau un Ierri un Gott ute Welt verschwunn.

Langs den Weg vun Obderade her keem en lichten Stöhlwagen rasch darher klätert, verschwunn achter de Heden un dut wedder op, as man dat so kennt un jümmer süht. Vær Dær, schin dat, heel de of mit de Annern still. Dar keem of al mehr Nieschirige ut Möldorp herbi, dat Unglück treedt je Lüd tosam. Trina weer op en Grassbank mehr tosam fulln as sitten gan, se harr de Garndær in Obacht, ob ni de Fru oder en Bekannte rutkeem, dat se sik verhal. Dat lütt Mäden harr de Nieschir doch wedder int Hus locht, en lütten Jung weer noch er meiste Trost, de sik bi er hinuck, sin Rosin tell un vertehr un darbi allmähli an to singu fung. Do keem en Mann in Sünndagstüg achterut, de dat Kind frag: Wo is se? Ant Utsehn harr se em ni glük kennt, he plegg ni so smuck to gan, nich so niet in Dot un blank inn Rod. Dat seet em all so fast un seker um de Schullern, dat Gesicht weer ni brun as in Summer, he seeg so slank un utraut ut, he weer en ganz annern Mann. Awer de Dgen weern noch so geruhi, un inne Stimm klung de Ton so tru, alle Angst muß vergan, so lang man se hör, alle Noth muß wiken, wo de Mann sik vær stell, un wenn denn noch wat keem, so keemt wul vun uns Hergott sülsen un man kunn em anropen un beden, dat he't wenn' much, dat nich Bertwifeln Gen ant Hart fat, en fremde Hand Gen drev, wo man nich hin wull.

Trina, sä he, gottlos, dat ik di finn! Awer hier is keen Plaz vær di, hier hus't dat Unglück, kumm mit, de Grassbank is to kold! un darbi harr he er al sacht ünner Arm fat un lei er ute Port na den Weg to, wo he sin Wagen stan harr.

Trina föhl op eenmal, dat de Mann sin Seel keen Dgenblick vun er wift weer, sitdem sin Dgen er tum eersten Mal sehn harrn, de harr er begleit un verfolgt, dat muß se op eenmal, un harr doch ni seggn kunnt woran, vær all wat se

---

Lüz: Zeug. been: diente. anpekt: festgellebt. klätert: gerasselt. sik verhal: sich erholte. achterut: hinten heraus. utraut: der sich ausgeruht, erholt hat. wenn' much: wenden möchte. lei: leitete. wift: gewichen.

dærmæft harr in Freid un Rummer, un aß weer dat nu anne Tid, dat he keem, wo de Laft ەر to grot war, so weer he dar un red ەر sin true Hand hin.

He sat ەر ünnern Arm, he drog ەر mehr, aß se gung, nan Wagen hin, hölp ەر herop, un wuß ەر dat so nett un bequemli to maken, aß weer so wat sin dägli Geschäft. He sett sit bær ەر bi den Knecht un sprok torügg to ەر, och wa truharti un seker, dat ەر noch mals wedder de Gedanken keem', dat ni Allns inne Welt unseker weer, un Mitliben un Freid speln beid in sin Gesicht.

He sohr straks na Mutter Meth, un aß verstunn sit dat bunt süßn, dat Trina nich länger in Möldorp bliben much, aß kenn he all ەر Gedanken, so sä he, dat he man en Lop utgan muß, denn stunn sin Wagen torecht un se kunn seggn, wanehr se na Odberade fahrn wull.

Wel optopacken un antoorden weer der nich. Mutter Meth funn dat ebenso richtig, dat Trina noch bundag ut den Unglücksort, aß se em nöm, un to Hus sohr. Geern harr se ەر lütt Plegdochter, ەر Trinaken, aß se am leefften sä, beholn, un Jan Meth weer binah unglückli, aß't Ernst war, awer beter weer beter, un wat wen muß, muß doch wen.

Trina keem aß in en Dusel bær Snacken un Bedürn un Affscheidung nehm hindær un oppen Wagen. Erst bi de Affahrt, aß de ol Mutter endli de Thran frien Lop giinn, sehm Thiesbohm noch lauf de Strat, de of na dat Unglück herutwannert weer, un wink un drab, mitte Pip un de Müß in jeder Hand, un kunn ni begripen, dat dat so gau kam kunn mit Kam un Gan. He sä awer Trina noch ganz ernsthaft, se schull sit de Welt man nich to neeg nehm, dar weer de Welt to slecht un se to gut to. Enige brave Perss gev dat frili jümmer noch, un darto hör of sin guden Friünd, de Bumeister hier, de weer seker, so sä he, un nu man los, sä se of, hier is aß schint en Unglücksnest, adüs lütt Trina.

Erst ünnertwegens vertell Wulpert ەر, dat he Hans Grimm sin Burstell kofft harr, darmit de Brenner Rod se nich freeg un keen Spektakel int Dörp keem. Allns weer wedder in Ruh un Sekerheit to Hus.

---

straks: sofort. en Lop utgan: einen Gang machen. wanehr: wann. Dusel: Traum. drab: trabte. Kam un Gan: Kommen und Gehen.

Peter Stamp sin Hochtîd schull neegstens warrn un glittidi harr Wulpert noch Lust, en Nichtbeer vær dat nie Hus to geben, dat weer eenmal oln Bruf.

Dat vertell he allns so ruhi un totruli, un darbi sohrn se rasch den Weg na Miendörp værbi de Hôchden herop, keem bald mank Kniden un Tûn, de Trina bekannt warn, un endli seeg se tum eersten Mal wedder de Bôm um Vaders Hus, ęr Dörp, ęr Heimath.

Schüllt wi wider vertellen?

As Peter Stamp sin Hochtîd fiert war, wuß man temli Bescheed int Dörp, dat de Bumeister Bur blev un dat Trina Preen em geern harr. — — —

As awer al en lütten Wulpert mit oppen Wagen inpactt warrn kunn, do seken noch jümmer en Paar kralle Dgen ute Grotbær, wenn de beiden Brun in en lütten Drav na de Heid ton Sünnaabendsmarkt astrocken un to Hus keemn, un noch sitt Jan Niklas, so hæpt wi, deep achter se ünner sin Hot un weihert mit de Pitsch sachmödi æwer ęrn blanken Rüggn.

---

Nichtbeer: Festlichkeit bei dem Nichten eines Hauses. Tûn: Bäume.  
weihert: fächert.





Um de Heid.



Allemann gungn bundag' spažcern, denn dat weer Sünndag. Man hett denn nich vel Utwahl. Wer nich jüs to Lann gan will, „to Dörpen“, oder na de Schanz — un dat sünd jümmer Weg' vun Stunn — den blifft nig, as de Spažerweg rund um den Ort: man nömt den Weg de „Fümfernstig“, un wer Sünndags utgeit, de mutt mal „um de Heid gan“, dat is de Nam vör den Gang. Dar kumt keen junt Mädeu in Sünndagsstaat in en Hus, dat man nich denkt un fragt, ob se mal umme Heid wesen is, un wer recht düttlig maken will, wa lang he nich ute Dör west, de gift de Tid an, wo he nich enmal so wit hett recken kunnt, mal umme Heid to kam. Wenigstens weer dat vör en gude söfdig Jahrn so. Domals ređ son Spažerweg as Sünndagsvergnoogen vör de Meisten of noch ut, de de ganze Wef krumm seten harrn, um se vör de neegste Wef grad op to holn. Denn de Meisten, de der gungn un wahn inne Heid, dat weern Handwarfers un Kramers; Hakers as man sä, Knoop-lüd, as se lewer nömt warn. Frili, de en Koh harr oder twee, de smök nadem of noch enmal na de Döfen hinut, na'n Westermoor oder Dubenheid, un leet sik vun sin of Krummhorn oder Buntsnut de Hann belicken un den Rock haariq schürn. Darvun geefst atwer am Ende nich so vel in en Ort

---

de Schanz: Wirtshaus von Frenz Buhmann, 3 km östl. von Heide (Quickb. S. 99) bei der Hamme, wo die Ditmarscher 1404 b. Aug. die Holsten schlugen (Quickb. S. 135). blifft: bleibt. ute Dör: zur Thür hinaus. söfdig: fünfzig. Wef: Woche. Hakers: Kleinhändler. smök: ging rauchend. Döfen: Niederung bei Heide. Dubenheid: Moor südöstl. von Heide. Buntsnut: Buntschnauze.



vun fivdusend Minschen, as dat se sik ni licht, ahn dat grote Een mal Een, tosam telln leten.

Un se gungn doch of mal mit umme Heid. Wulln se sik ni sehn laten vær Lüüd un na Lüiden sehn, keen blanke Baden roth maken, un sik ni spegeln in blanke Ogen: to fiken un to denken geeft' of nog vær nadenkliche Lüüd, un de ganze Ort leeg so to seggn apen op den Jümfernstig.

Rund rum umme Heid gung he, meist an beide Siden mit en Gröv vær Störtregen un Smukwater. Alle Straten snee he af æwer Eenn, dat man lank sehn kunn, oft bet op den Markt, an jede Stratenenn fast stunn en Windmæl oppen Barg, un verscheden is de Gegend, as man de Nam sin kann vun Osteregg, Norderegg, Wester- un Süderegg, verscheden as de Utsicht, hier oppe Geest mit den Kranz vun Holt na't Osten rut, dar de rife flacke Marsch, fast jümmer mit en fin Dunst un Newel daræwer, hier na't Süden inne Sünn rin un op Meldorp to, un dar de Schatten in't Norn vun de Rathsböm un all de schön Garns vun de fein Lüüd inn Ort, de ant Markt wahn' un achter æwer de Planen leken; de gungn jüs nich jülbn jümmer mit spazeern. Un wat værn schöne Ogen sehn dar mitünner herut! dat man sik verwunner, wo de wul herstamm' den, un de se kenn, de sän: dat is Landdagts Dochter! dat is Kaspelschriwer sin! dat is Besöt ut Hamborg! oder vun sunst wo.

Dat seegen un sän meistens de Jüngern. Awer of de Verständigen sunn er Deel. Bald leeg dat mal na't Osten rut, bald na't Westen. Denn de Ort weer int Opneymen un dar weer jümmer wat Niez to Gang. Rum weer man mit den Stockmeister sin Terrassen fertig, de in een vun de Saudfulen, wovun dat of jüs so vel gev as Himmelsgegenden, en Anlag' vun Böm un Blombetten maß, Windruben sogar gegen de Sünn, so harr Bullmacht Witt in den Norderpohl en Swanhus midden in setten laten, mit twee witte Swans darbi. Denn keem de Verschönerungscommisschon un runjeneer

---

telln: zählen. Gröv: Graben. Störtregen: Sturzregen. snee: schnitt. Egg: Quartiere eines Ortes, deren Bewohner gemeinsame Kanäle, Straßen zc. zu unterhalten haben. Meldorp: Kreisstadt von Süderditmarschen, 13 km jüdl. von Heide. Garn: Garten. leken: guckten. den: thaten. Kaspel: Kirchspiel. weer int Opneymen: kam in Aufnahme, hob sich. Stockmeister: Gefängniswärter. Fulen: Gruben. Bullmacht: „Landesgevollmächtigter“, Deputierter aus dem Bauernstande. runjeneer: ruinierte.

alle olen Böm anne Westerweid, um junge nie to planten, un menni ole Mann stunn un dur æwer en herligen groten Kastanje, den se dal haun, blot wil he en paar Fot uten Weg stunn, un de Weg liß sin muß, så de Commichon; un junge Lüð snacken mit Begeisterung vun Ordnung, Fortschritt un de Tokunft.

In letzter Tid harrn Reinhold Nissen sin Plantagen, Anlagen, Buten int Süden vunne Heid alle Ogen hinlenkt, alle Föt hintrocken, allt Snacken un Denken verbrukt.

Wo man vunn Lütten Heid her umbög, gung de Stig en paar Fot inne Höch genug, um in disse flache Gegend allens to æwersehn. Dar stunn denn ol Jedermann en Ogenblick still oder sett sik op de ol Knüppelbank, de dar ton Sitten inslad', un wer dar seten harr mit en Fedder inne Hand, de funn na un na de ganze Geschichte, wenigstens vun Reinhold Nissen un de halve Heid, de mit em tosam hung, dal schreben hebbn, as man Johann Adolphi oder Volten oder Viethen de Krönk vunt Land Ditmarschen.

In dissen Ogenblick bleben twee Mannslüd stan, wovun de Een gewis en Bur vunn Lann weer, dat wiß' sin Rock un altmodschen Hot un de Rieschir, womit he sik herum keet as na later Wunner.

„Also dat hört em nu all,“ så he, half mit en Fragen, half mit en Koppshütteln, as kunn't ni mægli sin.

„Dat hört em all,“ antwor de Anner, un wiß' mit sin Handstock in en halwen Birkel vunt Morn bet nat Süden herum, vun de grot Stampmæl ant Markt an bet ævern Schibentwall weg. — „Dat hier twischen in mit Schün un Hüsen hett he vun de Smitten Kinner tolofft. Blot de Notpohl liggt em dar twischen, de de Comün hört un de se em wegen mægli Fürzgefahr nich verkopen dörfst. He hett der nog op baden, un mehrmals Eggn un Tein Mann darum

---

dur æwer: bedauerte. dal: nieder. liß: gleich, gerade. snacken: plauderten. buten: draußen. Lütten Heid: Kleinheide, die Ostdcke des Orts. Joh. Adolphi zc.: Chronisten des Landes Ditmarschen, dort allgemein bekannt und gelesen; Joh. Adolphi genannt Neocorus, hat eine zweibändige Chronik Ditmarschens in plattdeutscher Sprache geschrieben, die Dahlmann herausgegeben. Schibentwall: früherer Scheibentstand, jetzt Eigenname eines Platzes. Smitten Kinner: Schmidt'sche Kinder. Notpohl: Notpfuhl, Wasserpflüze für Feuerzgefahr erhalten. baden: geboten. Tein Mann: Zehn Männer, die Oberbehörde der Eggencommüne

tosam ropen laten. De grot Mael steit em to dicht ant Huß, oder er ward to vel Wind vun de Hüß' opfungn, genug, he harr je de Idee, he wull de ganze Mael op Rullen æwer den Pohl weg na den Schibentwall hendal fahrn, un sin ol hollandsche Bumeister Johannis wullt ünnernehm."

"Wat en Döwelskerl!" seggt de Bur in Verwunnerung.

"Ja," seggt de Heider stolt, "hier ward wat mægli maekt! As't ni gung wegen de Pohl, den he harr todämmn mußt, wat de Comün ni liden kunn, lett he sit noch een Mael buden op den Platz, wo se hinschull, du kannst dat Gerüst dar æwer de Böm weg sehn. Se sünd jüst bi't Richten."

"Wo is he man bi't eerste Geld un Captal kam?" sä de Bur, "dat heet doch toleh: „Fang an!" un he weer lüttje Lüd Kind ut Büsum; wa mi recht is, weer sin Ole Strandlöper, Barger un so wat. Ob de vellicht mal en guden Fund bi en Brack dan hett, wa he nig vun na seggt, oder wo't sunst herkam is? denn de Wind hett't doch nich tosam weih't!"

"Mag Gott weten," seggt de Heider Börger. "Wi künnt't ni, un wi weet't ok ni. Wi kräpelt uns dær mit unse lütten Geschäften vun Weß to Weß un vun Jahr to Jahr, un sünd tofreden, wenn wi rund reedt un trium regum nich ok inne Heid „Umschlag" heet as in Kiel. Hett vellicht en Smuggelhandel drehen vun Hamborg de Elß dal æwer Büsum, oder vun Lefjäär de Eider rop na't Korn, de Wäg fahrt' he je noch bi Nacht un Dag."

Un darmit wannern se wider, un man seeg den Börger noch na alle Siden mit den Handstock teken, wo jedesmal de Bur as lauk en Richtscheed achter na keek.

Se warn aver glük aflöst. En ole Mann sett sit möd op de Bank un seeg in den nie anleggtten Garn dweer vør em, Süden op, mit en hogen Dorntun oppen Wall herum, wo en Port hendær föhr. Sin Ogen gungn mit Wolgefallen

---

Strandlöper, Barger: Strandläufer und Berger am Meeresufer, meistens Leute niederen Standes. Kräpelt dær: helfen durch. Umschlag: Während der Woche nach dem Dreikönigstage (octavae trium regum) wird unter diesem Namen in Kiel eine Art landwirtschaftlicher Börse für ganz Schleswig-Holstein abgehalten. Alle bedeutenden Pacht-, Zins- und Kapitalzahlungen werden alsdann geleistet. Ein Jahrmarkt schließt sich an. de Elß: die Elbe, Büsum ist ein Flecken am Ausfluß derselben, Lefjäär eine Furt über die Eider. teken: zeigen. Richtscheed: Richtscheide, Instrument der Maurer. dweer: quer. Süden op: gegen Süden.

æwer de jungn Böm weg, wobun de Dann', de man hier sunst man eenzeln süht as en Selteneit, in en ganze Schonung hoch ævern Tun recken.

„Is je wul en Österegg'n Lott grot?“ sä sin jüngere Begleiter.

„Twee,“ segg de Ole, „twee, umpaß drüttehals! Dat Loß, wo nu de Dit is mit Goldfisch un Karpen, hör der nich to, dat weer en ole Sandkul; de twee Lotten koff he ut de Rohbsche Massa. De Schibentwall, wo nu de Mael hinkumt, sünd fogar dree. It weet dat genau, denn it heff noch de Meentweid kennt un de Opdeelen mit maht as Gedswarn. — Ja, wa de Tiden sit ännert! fröher heet dat: wenn de Bom is grot, is de Planter dot. Dat gellt nu ok ni mehr. He hett Böm planten laten, wa an een veer Per to treden harrn, de ganze Wurtelpull Ger mit, anbunn mit Tauwart un Wirn, begaten mit Sprütten — 't geit doch all. Is herrlich vær den Ort!“

„Dar hett fogar int Fröhjahr en Nachtigal sungn,“ sä en smund junk Mäden, de mit Moder un Broder, as't schin, darto keem; darbi nüß se den Olen fründli to, un alle dree sän Gundag, Vatter un Vetter.

„Kann wen, dat se sit hertreckt,“ sä de Ol un lach er to, „wenn Du hier man faken spazeern geist, se sünd nieschiri na junge Mädens; betto sünd se noch nich bet æwer de Schanz vun de Geest hindalkam, it heff sit Jahren keen hört.“

„Dumm Tüs,“ sä de Broder, „hier is nie een west! Klein Anna er Jung hett in Bom seten un Reinhold Nissen sin Dochder to Gefallen een namakt.“

„Klein Anna ern?“ sä de Ol, un wis' half rüggwärts na en lütt Hus, dat neeg bi, ok op Nissen sin Gewes' stunn — dar mug se wul wahn — „is dat so'n Strick? It kenn

Dann': Tannen. Tun: Baun. Österegg'n Lott: Loß bei der Verteilung der Gemeindeweiden, die erst vor etwa sechzig Jahren geschehen. Die Österegg'n-Commüne hatte am meisten Land und daher das größte Los, es hielt sechshundert Quadratruthen. umpaß: beinahe. Dit: Teich, Weiher. Meentweid: Gemeindeweide. Opdeelen: Aufteilung. Gedswarn: beeidigter Beamter. Wurtelpull: Wurzellumpen. Wirn: Eifendrähse. begaten: begossen. Kann wen: mag sein. faken: häufig. nieschirig: neugierig. betto: bisher. Schanz: die Schanze, früher befestigter Platz zur Grenzverteidigung Ditmarschens, mitten zwischen zwei Mooren, den Weg durch den Urwald, die Hamme, beherrschend. Tüs: Zeug.

em ut de Scholprüfungen as en banni stillen, eernsthafsten Bengel, un jümmer de Eerste int Reken un Schriben. Is he nich Schriwer bi Nissen?"

"Jawul," sä de Junge wat scharp, "un geit eernsthafst nog, mit gewichste Steweln. De is slau!"

"Un klof," sett de Swester hinto, "un de Steweln stat sin Föt so gut as de teite Müh sin Kopp."

De Roder dräng mit en Bewegung, wider to gan, vellicht wil enige junge Lüd umme Ed keemn, de mehr noch, as de Dochder vun Thieß Thießen beschreiben harr, op blanke Steweln un teite Mützen heeln. Se harrn sogar Zigarren inn Mund un fine Rohrstöcker mit Quaften inne Hand, un neemn bald wichti den Platz in, wo de Börgerklüd eben weg gan tweern. —

De Sæns vun unse Beamten, Pastorn un Doctorn hebbt sit meist jümmer ünnerscheden vun anner Lüd Kinner. Sunderbar, jüs in son fri Land as Ditmarschen, wo en Adligen kum sin Tritt laten hett! Dat mag mit darvun kam, dat, sit de Friheit verlarn gung, sit 1550, de König vun Dänne-mark dese darvun her sett. Wi harrn nie recht wat mit se to don. Dit mug so'n Slag wesen. Wvrigens smucke junge Bengels!

"Schön Garnhus!" seggt de Een, un blas' den Rok künstli vun sit, "swarte Pann opt Daß — dat kennt wi hier je gar ni!"

"Dummbart," seggt de Anner, "Schiefer, segg ik di, schirn Schiefer, een Rezentafel bi de anner!"

"Ei noch einmal," weer de Antwort, awer de goll al half en Kutsch, de mit twee Brune um de Ed fus' un vær de Garnport still heel.

Zwee junge Dam' stegen ut un gungn inne Port, de een temli lanf un hell, vun de anner seeg man blot en herrli swarten Kop vun achtern; denn verswunn se achter den Tun un manf de Böm.

"Junge, Friß," sä de een vun de jungen Lüd, "wer weer dat?"

"De Lange?" sä Friß.

"Wa kannst du fragen! De mit de prachtbullen swarten Haar."

---

banni: sehr. klof d. h. hat etwas gelernt, ist gebildet. leit: leß. schir: rein, nur. fus't: fauste. achter: hinten. Tun: Baun. mant: zwischen.

„Kennst er ni wedder?“ seggt Friß, un strift sik æwer den Mund, as streef he en Snurrbart weg, den man inne Heid domals doch noch ni dregen de.

„Also dat weer Hilba Nissen!“ sä de Anner, un leet Mund un Dgen liker wit apen stan. „Wer schull't dacht hebbn? Wi gungn je eben Norden de Heid an Landschriwers Garn værbi, wo se mit de Dochder seet Kaffee to drinken, un æwer de Plank keet. Wat vær Dgen! Swart as de Steenkæl! Grot as bi en Ul! So wat heff ik min Leben ni sehn! Ich kreeg ordentli en Schreden, as ik ropkeet un er dicht værbi muß. Wer kunn't denken, dat de inn Dgenblick hier an de anner Eck vunn Ort rum flanker?“

„Nu,“ seggt Friß, „wer en Wagen hett, twee son Brune, un en Rutscher, as Jan Willem — kann all wol angan!“

„Gewis! Awer segg mal, weer se dat ni, de vær korten noch jümmer as en lank staki Grüst mit den Böferranzen oppen Rügg æwert Mark na't Presterhus gung, to Stunn bi den Propsten? Wa flog er jümmer dat wille Paar umme Rack!“

„Jüs befülwige,“ sä Friß as en Kenner. „Harrst bi domals al seggn kunn, dat de wat Besunnereß warrn muß, de gung je oppe Knorn —“

„As en Gaddbar,“ seggt de Anner.

„Ne, as en Gens, war de Sweizer seggn. Un, nu se kunfermeert un en junge Dam, is en Reh man en schlechten Verglit,“ seggt Friß.

„Ja, Dgen,“ sä de Anner, mit en Blick na den Garn, „so watt heff ik min Leben nich sehn!“

So un ähnl gung dat Snacken den lewen langn Sünndag Namiddag los, un man kunn noch vun Betvunnern un Misgunst en ganzen Deel hörn, wenn man Lust harr to töben. Wer Reinhold Nissen kenn un liben much, de læv em. Wo dat nich so weer, dar hör man, as vun Krein un Ul stimm Wedder un Unglück verkündn, un Jedermann harr dat wichti, as weer he de Mann, de dat makt un beraten harr,

---

liker wit: gleich weit. Norden de Heid: im Norden von Heide. Steenkæl: Steinkohlen. Ul: Eule. min Leben: in meinem Leben. rop: hinauf. kann angan: ist möglich. kort: kurz. staki: wie ein Staken, auch Stange. Böfer: Bücher. dat Mark: der Markt. Prester: Pastor, Pfarrer. Propst: Superintendent, Dekan. umme: um de. jüs: gerade. Knorn: Knöchel. Gaddbar: Storch. war seggn: würde sagen. töben: warten. læv: lobte. Krein: Krähen.

oder he weer de Unglücklige, op den mal de Stücken tohoppen fulln. Am meisten natürlich harrn de to læben oder to lastern, de nich blot an sin Gewej' væræwer spazeern, sundern de mit dat Hus, mit den Mann to don harrn, mit em in Geschäften oder bi em in Deensten stunn. Wer wull de dat of verdenken, wenn se mit dachten un mit snacken, wo er eegen Wull un Beh vun ahangn de.

\* \* \*

De Rutscher Jan Willem fahr mit sin Wagen na de Hoffstell ant Markt rop, keem awer bald wedder torügg na dat lütt Hus, wo bi Klein Anna ern Nam na wiſ't warn weer, un dat dur ni lang, so stunn he vær sin Dær, Rutscherhot noch op, un Stulpensteweln an, awer Rock ut un hemdsmaun, as harr he wat Wichtigs vær, wat grote Knæv kost. Eigentli awer wicks he blot sin Pitschenstæl un bunn mit Tähn un Fingern en nie Blattsch anne Swep, de he denn kunstgerecht probeer, as schull he dar mit in en Concert op spel'n oder vellicht Bageln darmit haun, denn he seeg plitsch achter dat Enn her, as en Jäger achter sin Schuß.

Nun harr he enigemal klattscht, so keek æwer de anner Dær — denn dat lütt Hus harr twee Wahnungen — en Kopp vun en lüttje Fru mit rode Backen, de apenbar op en swackligen, tosam sunken Körper seet, un mit en helle Stimm, awer wenig Athen, as solke Lüd dat hebbt, reep se:

„Schall't al wedder los gan, Jan Willem?“

„Jawul, Klein Anna!“ weer de Antwort, un de Swep klattsch as en Trumpf op dat Wort.

„Wohin denn?“ frag de lüttje Fru nieschiri.

„Weet ik ni,“ sä de Rutscher glickgüti. „Dat weet ik ni,“ sett he hinto un beton gewichti mit en Klattsch. „Ik frig min Befehl antospann, un denn geit't los. Dat Slimmste sünd bi Nacht de verfluchten Weg', Schoßeen giff't hier je nich.“

---

tohoppen: zusammen. lastern: tadeln. lütt: klein. wiſ't: gezeigt. dur: dauerte. hemdsmaun: in Hemdsärmeln. Knæv: Kräfte. Pitschenstæl: Peitschenstiel. bunn: band. Tähn: Zähne. Blattsch: Schnur. Swep: Peitsche. plitsch: schau. apenbar: offenbar. tosam: zusammen. Athen: Atem. los gan: vorwärts gehn. weet: weiß.

He sprok darbi en beten utlandsch inn Ton, as een de, wenn nich wit her, doch wit weg wesen is, besunnerz in Wör as dat Wort Schofee. He weer awer eben so gut en Heider Kind as Klein Anna.

Nissen harr frilich sunst en ganze Colonie vun Fremden hertrocken. Wo he sin Lüüd funn, de em gefulln oder de vör em passen, dar neem he se mit, un se keem geern un bleben all as't schin. To sin Maelenbu und Oslägeri harr he meist Holländer oder Lüüd vun de Gränz her, natürli, denn dat Geschäft weer hier fröher nich bedreben. Unse Marschburn harrn er Rapp- un Einsaat na England oder Holland verkofft un sit nich darum kummert, woto de Fremden dat bruken muchten. Gerade dardær harr Nissen sit tum Deel sin Vermögen erworben. Wat sunst as Korn billig inne Fremdung un as Öl dör wedder keem, dat leet he nu dær sin Maelen gan, un de Vordeel weer vör em un Alle, de em arbeiden hölpen, denn he betal unerhört.

„Weest ni, wo dat hingeit?“ frag Fru Anna.

„Ne“, seggt Rutscher Willem, „ik spann an, hol vör de Dær, oft en Stunn lank, de Öl löppt noch in un ut 't Kantor un de Stuben, dar ward inpact, dar ward torecht leggt, am Ende sett he sin lüttje Reis'mütz op un stappt innen Wagen, as stapp he int Bett, snappt de Dær to un seggt: Na Kiel, Jan Willem, beten rasch to! Un denn sitt he, un slöppt, un lest Böker un Zeitungen, smitt Papierstücken uten Rutscherflagg, un wenn em de Tid lank ward, maht he vör dat Fenster apen, ik læhn mi half torügg, un he klænt mit mi. Hüt abend geit't flock ölbn los, wahrschinli wedder na Kiel. Lehmalz, vergangen Wek, gung't of de Nacht dær. Bi Lefzähr grau jüs de Morgen. Dar muß he wol Jemand drapen un spraken hebbn. He sett sit nader vergnügt in sin Rüffens un maht dat Fenster apen un seggt: Dat man sachen angan, Jan Willem, hebbt keen Öl! Wi hebbt sit vörquästern a Stunn dusend Daler verdeen! Un darbi rev he sin Hann, as harrn de dat dan. Dusend Daler de Stunn? segg ik un ref na, also en söbdig dusend, Herr? Kann wol so hindrapen, seggt he. De Rappsaatpreisen weern mægli so stegen.“

---

Wör: Worte. as 't: wie es. Rappsaat: Rapps zur Ölgewinnung. Einsaat: Leinsaaf z. gl. Zweck. stappt: steigt. snappt: schlägt zu. læhn: lehne. klænt: schwaht. flock ölbn: um 11 Uhr. Öl: Öle. rev: rieb. ref: rechnete. mægli: möglicherweise. stegen: gestiegen.



„A, Duickensted, wat Du seggst!“ sä Klein Anna un war laut, „föfdig dusend in dree Dag'? Ja frili,“ sett se hinto, „min Mann hett of öfter seggt, as he noch lev, un den Varslagg oppe Grotmal harr, jede Stunn en Daler, dat muß se inbringn, sunst kunn se nich bestan, un min Thieß weet wul noch neger Bescheed. Schall he mit?“

„Weet nich,“ sä Jan Willem, de nich mal dörch sin Geburtsnam Duickenstedt, den he selten to hörn kreeg, sit dat Geheemnis utwringn leet, wenn he vellicht een harr. Denn he spel allerdings jümmer, as weern he un de Herr, oder de Herr un he doch Twee wat Besunners.

Ob dat nu vun de lütt Fru blot Rieschir weer oder noch sunst wat: se keemn ditmal nich wider, denn de Dgen in Duickensted sin Vorstörper Appelfesicht warn op eenmal grot, se richten sit æwer de Dann weg na dat Gerüst vun de niebu'te Mal, de eben richt war, un wobun de Topp hoch deræwer weg keet, un of Klein Anna er groten Dgen, de al jümmer wegen er Athemnoth ängstli utseegen, warn noch gröter as gewöhnli un leepen, as warn se hintwißt, den sülwigen Weg.

Dar harrn hüt al Bele hinsehn, un fast keen Minsch weer um de Heid gan, de ni mit Losf oder Tadel sin Wort asgeben harr æwer den Bu. Twee grote Richtböm reden æwer Krüz wul en hundert Fot inne Lust, gewaltige Fangtaun weern an de Siden within utspannt un mit Eerdwinn un alle Gewalt fastmakt. Twischen de Böm hungn de Hevblöck un Gewinn, un sit güstern de ganze Dag gungn de Balken un Stücken, gungn de Welln un Räder inne Höch un an ern Plaz.

Weer dat nu to lat inne Wef anfungn oder weer't sunst ni recht bedacht, genug den ganzen Sünndag gung de Arbeit stüddi værwarts un weder an Mark noch an Kark weer der dacht. Wennig een gefull dat nich, de eerst inne Kark de Predigt un naher oppen Weg de Klingerklock hört harr un nu bedach un utsprok, „dat uns Herrgott doch of sin Dag hör oder wenigstens sin Stunn, un dat keen Segen sin kunn mit en Wark, wat sin nicht acht.“ Natürlich full dat all op

---

utwringn: abnötigen. twee: zwei. Topp: höchste Spitze, bes. eines Schiffsmastes. reden: reichten. wit: weit. Eerdwinn: Erdschraube. Hevblöck: Zugwerk zum Heben von Lasten. Gewinn: Gewinde. lat: spät. stüddi: unausgeseht. Kark: Kirche.

Reinhold Nissen sin Schullern, un war vun mennig een, de sik fromm nöm, ahn vel Christenlev in sin Schuldbok schreben. Wenn em't mal slecht geit, so ward man dat all op sin Passiva tohopen addeern!

\* \* \*

Dat gift gewöhnli in en grötern stillen Ort en ganzen Stand, de sik inbildt, dat se besunners begnadigt sünd un æwer Annerlud affspreken künnt, as uns Herrgott sin abgesandte Richter; dat is, as hör dat to't Geschäft un war lehrt un inövt mit dat Handwerk. Bi uns weern dat de Wittgarwers. De reden æwer de Bibel un de Offenbarung Johannis lud oppe Spazeerweg'; un as Wittgarwer Löhnert æwern Lüttjenheid keem un seeg, dat man oppen Schibenwall an dat Mølengerüst ann Sünndagnamiddag arbei, do hev he sin Stok, dat de gollne Knop inne Sünne blenker, un sä: „Großer Gott, wat en Sabbathschänderi!“

Un wull dat nu de Tosall, as he so inne Meegde vun Klein Anna er Hus lud sik Lust mak, un ok Rutscher Willem deshalb hinkeef, oder weer dat wat anners: genug in den Ogenblick seeg he, un seeg klein Anna, dat de groten Richtbööm anfangen lisen to wegen, un ehr se noch recht ton Befehn oder Bedenken keemn, neem dat Swunken to, bögen de Bööm sik æwer, gungu se to Sit, seegen se Balken un Stücken sik tohöch wültern un umdrehn — denn folg en fürchterliches Krachen — un achter de Bööm un de Tun verschwunn dat grote Bugeripp, un leet de lerrige Lust, de dat eben noch verdeckt harr, un inne Angst seeg man blot noch den Minschen, den man eben sehn harr, an en unendlich lank Tau, as in en Schaukel swēben, dat de Müß darvun un dat Haar em wild flog, un vun en annern, as gung he twee-, dreemal koppheister mank en Gerassel vun Bred un Balken, un denn weer allens weg un still. Blot dat de Spazeergänger oppen Jümfernstig de Hann tosam slogen oder opschregen, oder hin- oder weglepen, oder ok umfulln vør Schrecken pall oppe Sted.

„Dat weer min Thieß!“ reep klein Anna, mit en Stimm,

---

nöm: nannte. hör: gehöre. inövt: eingeübt. Wittgarwers: Weißgerber. hev: hob. gollne: golden. to wegen: sich zu wiegen. wültern: wälzen. Bugeripp: Bangerippe. koppheister: kopsüber. Bred: Bretter. pall: „fest“, gerade vor.

so lud un kloekenrein, as se wull in er Jugend much hatt hebbn, un rich ern tosam huckten Mügg so hoch inne Höch, dat se vœr en vullwuffen Fru harr gelln kunnt.

Rutscher Willem seeg sik mit Berwunnern na er um un sä, indem he sik erst lanf utreck, as hung he mit de Hann an en Tau, denn en Bewegung mak, as schot he koppheister: „de — oder de?“ Worop Fru Anna awer blot antwor, indem se al en Koppdot um- un de ol dägliche Schörrt asbunn: „Dch gewis de haben, denn he mutt darbi sin optopassen, un he is waghalsi!“ Un darmit leep se achter all de Lüd, de an de Dornheck vun den Garn lanf in den Schibentwall rin- störrten, so gau er Althen dat toleet, achteran, un Rutscher Jan Willem folg er, un harr er bald mit sin groten Hann fat, un stütt er, as se an de Unglücksstell ankeem.

Dar seeg dat denn oppen eersten Anblick fürchterlich nog ut. Allens tobraken un toreten! En Hüpen verwirrt Holt un Holtstücken, wo eben en schön Gebäud lusti un licht, dær- sichts gegen den Heben opredt harr! En Krink vun Minschen, meistens in Sünndagsstaat, stunn dar herum, un leet kum dærkam un dærkiken. Wenige kunn wat hölpn, un de Meisten vergeten, dat dit keen Schuspill weer, un smöken er Pipen un Cigarren fort, as seegen se Hartwig Goldkette b't Seildanzen to.

De sik dærdrängen, de seegen denn hier en Mann mit en blödigen Kopp, de sik wusch, dar Gen, de de Steweln uttrock, um to sehn, ob de Fot wat kregen harr. Gen harrn se in en groten Tügfors packt, dat weer de Mann, de mehr- mals manf all de Trumms un Stubbens koppheister æwer gan weer. He weer ohnmächti, doch keem he mit en beten Water un Brannwin bald wedder to sik, un sä, em feil nix. Un as man so de Doden telln wull, do kunn man Gott ni genug danken, dat's so gnädig aslopen weer. Kregen harr eigentlich keen Minsch wat, un de Jungen, de derbi weft weern, harrn binah al Lust, en grot Gelächter antoslan.

Awer klein Anna er Angst war nu eerst lud, se sack doden-

---

huckt: gehockt. al: schon. Dot: Tuch. haben: oben. rinstörrten: hineinstürzten. gau: schnell. harr fat: hatte gesagt. stütt: stützte. nog: genug. tobraken: zerbrochen. toreten: zerrißen. Heben: Himmel. Krink: Kreis. smöken: rauchten. blödig: blutig. kregen: abbekommen. Tügfors: Zeugforb. Trumms: Trümmer. Stubbens: Stümpfe, Enden. feil: fehlte. telln: zählen. sack: sank.

blaß tosam, un fast ahn en Ton inne Stimm un doch so indringli, dat alle dat hörn kunn, of de wit afftunn, reep se: „Min Sæn, is he dot? Wo is min Thieß?“

Ja, de weer allerdings vun de höchste Mast an en Tau hendalkam; „de harr de grötste Reis' maht,“ sä en lustigen Timmerjung, de of mit fulln weer un den de Näs' blött. He harr sit an dat Tau holn, weer daran hendalrutsch, un hoch ævern Tun un æwer de neegsten Böm in den Lustgarn to Ger kam. Besinnung, hör he man, harr he nich hatt, awer warum schull he alleen wat fregen hebbn? Se harrn em in de Herrschaften er Lusthus dragen.

Dar il se denn hin, mit Rutscher Willem sin Hölp, so gau er swachen Kräften dat toleten. Awer dat gung nich so gau mehr as vørhin. Weder de Furcht noch de Hoffnung weern noch ganz, un er arm ol swachen Körper weer nu of man wedder half. So kräpel se hin, de ol Trümmergestalt, Angst un Sorg maht er ehrwürdig. Alle wiken ut un bleben torügg, wat se frili doch of harrn don mußt, so sehr de Nieschir se driben much; denn man kunn doch nich gut in den Garn rindrängn, wenn man ni ropen war. Un so verschwunn denn de Beiden Arm in Arm in de Sidenport, de vun den Schibenwall of na den Garn rinföhr.

Allerdings harr Thieß Thieffen de grötste Reis' bi den Fall maht. As Schriwer harr he hier op den Duplaß nich jüs wat to don, he wuß awer, dat sin Herr em geern allwärts seeg, uterdem weer't Sünndag, he much wull mal klattern un æwerall sehn, in en eben Gegend, as de Heid, en Vergnügen, wat man nich hebbn kann, as wenn man mal oppen Thorn mank de Klocken oder inne Klapp op en Mæl stiggt, un Wunner meent, wa man de Lüd inne Schösteens sehn kann. Darto weer de junge Bumeister — denn de ol Johannis weer dot — en ünnernehmen jungn Minschen, sin Fründ, un he seeg of doch geern op alle Art vun Arbeit to sin egen Vergnügen.

So weer he an Treppstöcker haben na de Richtbüm klattert, un harr sit nich daran kehrt, as en ol Timmergesell em seggt harr: wer dar nig verlarn harr, schull dar

---

Timmerjung: Zimmerlehrling. blött: blutete. il: erste. tolaten: zulieken. kräpel: ging langsam und mit Anstrengung wie ein Krüppel. wiken: wichen. Sidenpört: Seitenpforte. en eben Gegend: eine ebene Gegend. Schösteens: Schornsteine. ünnernehmen: unternehmend.

weg bliben, Gefahr weer dar jümmer, im Grunde weern twee Böm nich nog, dat weer en Ewermoth vun en jungn Meister, dat een Fangtau harr al mehrmals knackt un dampft. Awer daran harr Thieß sik ni kehrt. Doch harr dat, as he sik baben ruhig æwerall um seeg, mit een mal en Ruck geben, dat Tau weer sprungn, as en Seil an en Flißbagen, so dat de Enn bet to em inne Höch flogen, un, langsam eerst, un denn jümmer gauer harrn sik de Böm to Sit læhnt. He harr Besinnung genug hatt, dat Enn vun de afreuten Fanglinjen antofaten un to denken: so wit weg as mægli, dat der nix op di fallt! Un so harr he en Fahrt maht, as an en Hüschartau vun hunnert Fot lank, weer awer doch toleß hittli warn, harr ansungn to gliden, dat Tau weer em hitt mank de Hann warn, un he wuß blot, dat em Büscher mit Blæd umt Gesicht haut harrn un he weer deep in en wecke Ger fulln, de na Maas oder Grönigkeiten rükt harr. Denn weer dat roth, grön, swart um em warn, un he wuß nix mehr vun sik.

De beiden Dams weern inn Garn spazeeren gan, as he æwer Tun un Böm weg to se herinslegen keem. Se harrn natürlich en fürchterligen Schreck kregen un eerst nich wußt, wat ansangn, bet de ol Garner Heut se to Hölp kam weer, de harr em befohl un se beruhigt un mit en Jung em int Garnhus brocht, wo se em inn Saal op en Sopha leggt un mit Eau de Cologne un scharpen Etig bald wedder to sik brocht harrn.

Dar leeg he! Ja, wo leeg he? Erst wuß he dat gar ni. Dat weer en licht lusti Sommergebüß. Wer't nich anners kenn, as Finstern rut, wo en Strat oder Gang is, Stuben, wo en Plaz darto — vør den kunn't wen as en Telt, wat man apen deit, wo de Sünne her kumt. Gegen Süden æpen sik de groten Flügeldærn bet op den Grund, de Grund, de man seeg, weer luter grön Gras bet an den Drüßel, de Akazienbom red bet ant Finster mit sin Twigen, int Gebüsch dicht to Sit zwitscher en Bagel, as harr he sin Nest keen dree Schritt af, Blöm rüken in de apen Dær, un de ganze Gegend

---

afreuten: abgerissen. Fanglinjen = Fangtauen. Hüschartau: Schaufel. hittli: übereilig, unsicher. mank de Hann: zwischen den Händen. Büscher: Büsche. Blæd: Blätter. Maas: Moos. rükt: gerochen. Garner: Gärtner. Etig: Essig. wen = wesen: sein. Telt: Zelt. apen: öffnen, offen. æpen: öffnen. Drüßel: Schwelle. red: reichte.

seeg man in den groten Spegel æwer't Sopha. Man mutt weten, wat Ruh vær en Minschenseel is, de jümmer denkt, wöhlt, arbeit, sorgt, sit afängst, um to weten, wa dissen jungn Minschen to Moth is, de hier nu her leggt ward, un em ward prædigt: Ruh, Ruh! as sin eenzi Plicht, en Plicht, de der schöner dær em dær treckt as irgend en Stärkung, de man em harr reden kunnt oder red, de he smeck oder rük, ja as vellicht en Musik, de he hör, oder en Drom, de vær em her oder æwer em hin spel. Ruh? Hör he denn wat? As de Fritsch inn Busch, de em dat düttli maß, dat dit hier still sin heet. Hör he nich ropen inne Feern? Dat weer jüs wit nog af, dat he sit seler föhl: neeger war dat nich kam. Slog de Klock oppen Thorn? Wa flüggt de Ton dær de Luft, as schull he noch wit! Un anne Dief speln enige Fleege, un as en Schatten husch en Fleeerlink an de apen Dærn værbi. He maß ni mehr Larm as de Lebkojen, de erno Geruch herinschickt — och, wa schön still! He weer eben eerst to Besinnung kam, un Ruh harr eben de ol Warner Heut em prædigt. Do husch dar wat anne groten Schiben værbi, husch herin in de groten Flügelbærn; dat weer as war de Blomgeruch lebendig oder wat Aehnlichs rük dermant. Denn weih wat lisen æwer sin Gesicht, un blev æwer em bestan, un twee grote swarte Ogen seegen sy em mit en stillen Freuden, he harr sin am leeffsten to maßt un gar nix hört, denn he wuß, wat se seggn war; disse roden Lippen weern so frisch, se warn nix anners seggn, as wat se of sän: „Gottlos, he kumt wedder to sit!“ Fründli klung dat, och ja! Wer he harr en Klang inne Seel, de so to de depen Ogen pass, as klung de Klang noch vun den Thorn, as klung dat wit inne wide Feern, as drop dat wat binn in sin inwendig Hart, wat denn mit klung — och, de Ton weer dat nich! — Un he wenn' sit um, un maßt de Ogen to, un maßt se apen un ween, as sin ol Moder mit Jan Willem herin keem. De wenigstens gung dat bet an't Hart, un wenn se of nich mehr den Athen harr, recht wat to seggn, so maßt em al er ol ängstli Gesicht week, dat he wenigstens den Druck los war un sit utween kunn. Denn keem en Mann mit en lütt rund Gesicht un en golln Uhr,

---

weten: wissen. wöhlt: wüßlt. afängst: abhängigste. eenzi: einzig. Fritsch: Hänfling. ropen: rufen. Dief: Decke. Fleeerlink: Schmetterling. dermant: dazwischen. depen: tiefen. wenn': wandte. ween: weinte.

de he herutfreeg, as he Thieß an den Puls föhl. Dat weer de Docter. De beföhl em of Rippen, Rüggen un alle Glieder, un frog bi jeden Druck, ob em dat weh de, worop he jümmer antwor': gar nich! Endli seeg de Docter of Thieß sin Hann, de vun de Fahrt ganz verschunn, as verbrennt un mit Blot ünnerlopen weern, deelwis ahn Hut. „De müssen em doch fürchterlich weh don,“ meen de gutmödige lüttje Mann. „En beten,“ sä Thieß, un war dat nu eerst süln wahr, he harr nieent, blot dat Hart de em so weh, un jüs dat harr he ni seggn muht.

Darop tre der en raschen sekern Schritt inne Flügelbærn un op dat Sopha to. Man hör un seeg, de weer hier to Hus un nich tum eersten Mal dar. Dat weer en mager slanken Mann mit en scharp Gesicht un graue kruse Haar. He weer glatt barbeert, un de Mund un de Näs' harrn noch mehr Ähnlichkeit mit sine schöne Dochder as de Dgen. He much wul al vun de Unglücksstell kann sin un much dat dar beter funn hebln, as he fürchten muß, denn he tre of hier ant Lager, as war he blot gude Naricht frigen, un as he de Dgen æwer Thieß harr rasch hinscheten lasen, frog he: „Wa steit hier, Docter?“

„Nix Wichtigs lädeert,“ weer de Docter sin Antwort, indem he nochmal sin lüttje dicke Hand lisen op Thieß sin Vost, Kopp un Glieder le, as kunn he dat vörwisen, wat he seggn de; „en beten Erschütterung, eenige Dag' Ruh, will sif wul geben! En beten Is vör de Hann, wenn wat to frigen weer. He ward en Tidlang nich schriben künn. Kann en beten Kamellenthee drinken.“ Darbi strakel he Thieß noch mal æwer de Back, as harr he blot to em spraken, un wenn' sif to'n Gan, seeg sif awer doch noch mal wedder na em um un lingelant em lant, as man na en Bild oder Statü süht.

Dat weer allerdings en Art Bild. Schön weer de Kopp jüs nich, awer dodenblaß, un Barkopp un Dünfen mit de groten helln Dgen harrn wat an sif, wat man ni all Dag' süht. So much wul en jung Presten utsehn künn oder sunst wat Hilligs, de Athem bewegg man lisen de Vost un de smallen Schullern.

„Maß di keen Sorg,“ sä Reinhold Nissen mit sin rasche

---

verschunn: geschunden. ahn Hut: ohne Haut. tre: trat. hinscheten: hinschießen, hingeleiten. Is: Eis: strakel: streichelte. Dünfen: Schläfe. Hilligs: Heiliges. Vost: Brust.

Stimm un Wort, „hol di man eenige Dag' ruhig, se künnt di hier en Bett maken. It warr wul fertig. Dat Unglück harr arger sin künnt, keen Minsch is derbi to schann kam, un dat Holt lett sik niet maken. Wenn du wedder inne Been büßt, seeg mal na, it mutt hüt abend op en ganze Wet na Riel. Awer dat ilt nich, lat di Tid, un günn di Ruh, Rein- hilde kann mal na sehn.“ Un darmit weer he ute Dær ver- swunn, as he kam weer.

Also nu kunn he liggn un sik süßn betrachten un de Saken um em rum: en paar Biller anne Wand, en Uhr dar- zwischen. In Winter war de na't Wahnhus ant Markt brocht, un he wuß of dar, wo se denn hung. De Stöhl bleben hier; dat weern all lichte Rohrstöhl blot dær den Summer as dat Gewrige. Wa licht un lustig un düstig! Wa paß dat all tosam! De Gardin as Spinnwibb! De Wulken trocken der achter ni lichter. — Un de Winschen all so gut gegen em! Keen hart Wort, keen Schelln un keen Klagen. Jümmer maneerlich un fein. Un doch dach he an sin Moder, de still un demödig glik wedder wegtrappelt weer, as se em an Leben un ahn Gefahr meen, dach an er lütt rökerige Stuw, mit Sand oppen Fotbornn un en brun Wasßdot æwern Disch, wo de Kaffeetel op stunn un Swartbrot op leeg, mit en paar isern Messen un en beten Botter. He dach an Kummer un Jammer, de he dar belevt harr, an Scheltwör un Strit, de he hört harr, an sware smuðige Arbeit Dag an Dag. Un denn de em dat Hart noch eenmal so weh as vørher, he heel sin twein Hann vært Gesicht un süß herin: „Och, nimm mi weg! lat uns wegtreden! Kunn ik mi verkrupen mit di! Gift't nich en Platz, wo wi alleen sin künnt, dat ik allens verget? Se sünd alle so gut, awer ik hör der nich to, ne, ik hör der nich to, un se weet dat nich mal! Dar denkt nich Een vun se daran, dat't mægli weer!“ Un de Thran lepen em æwer de Backen, un in striken Strom warm æwer de Bost dal, denn he kunn se nich mal afwischen, so weh den em de Hann. Awer dat weer, as wenn en Feuer sik oplöst. Stille Wehmoth trock æwer em hin. He hör inne Feern en Pump, de in en langsamen Slagg lisen janken de. Dat weer em, as stunn he dar to pumpen as en starken groten Brenner-

---

to schann kam: umgekommen. Spinnwibb: Spinngewebe. Schelln: Schelten. rökerig: räucherig. Mess: Messer. twein: (entzwei) zerrissenen. striken Strom: (streichendem) fließendem Strome. janken: snarren.



knecht, dat Hart war em gesund, de Arms möd, un ruhig  
kunn he sik dal leggn to slapen. Dat de he denn.

As he wedder opwaß, schin de Morgen em int Finster.  
He leeg op en fein Bett in en isern Gestell, fast op de sü-  
lwige Platz, un harr de ganze Nacht ni waßt. Dat trock köhli  
un frisch in de groten Flügelbarn, de al wedder half apen  
makt weern. De Tritsch sung sin Fröhstücksleed un de Leb-  
sojen rüken as Hönnig. Em weer ganz anners un kräftiger  
to Moth, un he kunn der wedder ruhiger an denken, wo he  
jümmer an dach. —

\* \* \*

Wenn vun Standzünnerscheed de Red is, so denkt man  
jümmer an Adlige un Fürsten, as hörn nothwendig de derto.  
Man kann dat lächerli finn, wenn en Burmäden sik in en  
König verleeft, den se ünnerwegens mal en Glas Water inn  
Rutchenlagg langt hett, oder en Grossmid in en Gräfin, de  
he mal dat Perd beslan. In unsen Lann, int lütt ditmarscher  
Land, schint dat, sünd wi all liker Herr un liker hoch. Adlige  
kennt wi gar ni un denkt uns, so Een muß man wisen kün-  
na de Näs oder de Nath ann Rock, na de Been oder den  
Rügg, as man je en Kammerherrn opwist an den Stätel  
achter: so wat, meent man, muß he dragen vun Natura.

En König hett en jeder vellicht eenmal in sin Leben  
sehn, un vellicht heel he noch den Trumpeter, de op en  
Schimmel vurut ree, vür den richtigen Mann. Bi uns is  
keen Ünnerscheed, lett dat, un wat Een is, kann de Anner  
warren. Nich einmal Ritdom hebbt wi egentlich, wenn man't  
na Hamborger Maat met; Lüüd, de er Vermögen mit drie  
Mullen bereßt, mag dat noch mennig een geben, awer mit  
twee Tallen dervür al Wenige, un denn sünd dat tolek doch  
noch jümmer Mark, nich einmal Banco, vun Dalers gar nich  
to spreken. Dat leet sik also am Ende bedwingen. Kennt wi  
doch menni rike Bur, de int Armhuß in Wesselsburn oder  
Wörn storben is, un menni Butknecht, de mit Sæns un  
Döckder op sin Herrn sin Stell sitt, Fortepiano inne Stuw.  
Also is dat wol natürli, wenn Jedereen hier Jedereen inne

---

Hönnig: Honig. liker: gleich. Stätel: Schlüssel. ree: ritt. lett  
dat: scheint es. met: mißt. mennig een: mancher. Tallen: Zahlen.  
eine Mark Banco: etwa 1,50 Reichsmark. Wesselsburn: Kirchdorf in der  
Marjch 11 km westl. v. Heide. Wörn = Wöhrden. Butknecht: Oberknecht.

Ogen süht; un weer't Arbeitsmanns Saen, so weet he vellicht recht gut, wa dat as en sin Dun um de Mund vun en Avkaten Dochder speelt, oder dat der Hann as Wasß rutkann künnt ut en Paar Kopenhagner Ieddern Hannschen, wenn se se blot uttrecken wüllt.

Awer de Tuns sünd doch hoch un vull Dorn, de Lüttmanns Garn vun Rikmanns trennt, un menni Hand un Hart ritt sik twei daran un blött; ward tolez still oppen Karthoff begraben, un de em inklei't, denkt nich, dat dat dar eben so lut un warm slagen hett, as mal bi en Gräfin oder en Graf.

Thieß Thieffen much dar en Bispil to sin, dat keem der vellicht blot op an, wa vel sin Natur dregen un utholn kann. Bærlöpi leeg he dar, muß dar liggn, un much denken so vel he Lust oder Kraft harr. Un wat bedach he nich op sin Lager! He dach an Vergangenheit un Tokunft. Wat ut em warrn schull, dat wuß he nich. Awer rüggwarts leeg sin ganz Leben apen vør em as en Bok, wo he in blæder, un vun sin Kindheit an trock dat an em varæwer, as weern dat lose Biller, un he seeg blot to; se keemn un se gungn, se trocken in in de Rahms anne Wand, an beide Siden de Wanduhr, un fülln se ut, wenn he de Ogen dar hinrich, much he se sehn mögen oder nich.

Armoth, Glend un Krankheit stunn dar links — rund herum gung de Goldlist. — He much der kum an denken, wa sin Batter slavt harr, wa dat kold west weer in er lüttje Stub, wo se Kantüffeln mit Solt eten harrn, wa sin Moder sik krumm arbeit anne Waschballje un dat sware Plättisen. He seeg weg vun den Rahm un op de anner Sit de Wanduhr.

He gung to Schol mit Böker un Tafel. Dar seeg he noch den Lehrer achtet Pult oppen Stohl, as weer he't wirklich. Wat weer't an häßligen Mann! Mit Podenaaren int Gesicht, as harr de Düwel der Arsen. op dösch — so sän de Lüð — awer wa weer't allens schön un merkwürdig, wat de Mann sä! So wat harr sin junge Kinnerseel bet darhin

---

Dun: Daune. Avkaten: Advokaten. Hann as Wasß: Hände wie Wachs. Hannschen: Handschuhe. treden: ziehen. Tuns: Råune. Lüttmann: der kleine Mann. inklei't: eingræbt. blæder: blätterte. slavt: wie ein Sklave gearbeitet. Kantüffeln: Kartoffeln. Ballje: Kübel. Rahm: Rahmen. Poden: Blattern. Arsen dösch: Erbsen gedroschen.

nich röhr! Wat wuß de to vertellen! Wa schön muß de Welt sin, wo dat all darin weer! Wo harr he dat allens her? Un he sä dat: ute Böker! He wiß em, dar weer'n Schätze darin! Un de weern vör Jedereen, de de Mög ni spar! De kunn Jedereen recken, Arm un Rik, he schull blot tolangn. Ei, wa lehr nu Thieß, dat dat gung as en Spillwart, reken un schriben un lesen un all wat de ol pockenarige Mann ver-  
langn much. Wa war he em leef, mit allens wat to em hör. De dumpige Scholgeruch rük em fast schöner, as de Blom-  
geruch in Garn. He blev oft alleen æwer Middag sitten, wenn he wuß, dat't to Hus nix lohn as solten Hering un Rantüßeln. He lew as in en Welt en paar Fot hoch weg æwer disse mit Dreck un Steenplaster. Bald keem de Ehr-  
giz darto. Lehrer un Pastor læben em. He hör, wa man sä, dat dar wat Besunners ut em warrn kunn, he seeg, wa man op em wiß, wenn Besöf vun Herren inne Schol keem, he dach an Presten oder Lehrer warrn, Avkat oder fins Lifen. Oh, wat en schöne Tid! He spel mit Landvagt's Döchter un Kooptmanns Sæns alle Dag', un weer sogar de Anführer bi't Spill, wil he de Erste war inne Klatz. Wa dabem se opt Markt herum! Wa lepen se in alle Schüns un Garms bi er Spill, as weer de halwe Heid er Egendom, denn fast all wullhebbn Lüd Kinner weern darbi tosam. — Weer't lusti hier, so weer't fierlich inne Kark. Vör uns Herrgott, föhl he düttlich, weer der al ganz keen Ünnerscheed. Ja, de Herr Pastor re em inne Lehr noch oft besunners an. So much man wul Hunger un Kummer to Hus vergeten. Un doch keem em al domals oft de Angst un he rek na, wa vel Wesen dat schöne Leben noch durn kunn, wa vele noch na weern to de Confirmatschon un wat denn wul ut em warrn schull! Ob't denn noch vörheel? Ja, he ahn, dat dat rechte Unglück denn eerst losung.

Harr he man op Scholen gan kunn na Melbörp! Harr he man sunst wat warrn kunn, wat sik bi Landvagt's un Docters Sæns vunt fülbn verstunn, wenn se blot nich gar to trag un ful weern! Oh, he muß mit anne Arbeit, de vör sin Olen doch nich as en Freud weer, sunnern as en Last, un de bittere Fernst leeg al op de junge Steern,

---

lehr: lernte. Spillwart: Spielerei. pockenarig: pockenartig.  
solten: gefallen. læben: lobten. fins Lifen: feinesgleichen. dabem:  
tobten. Schüns: Scheunen. op Scholen: auf die höhere Schule.

as de Kopp noch op en slanken Körper seet, de lang ni utwussen weer.

So muß he't as en Glüd ansehn, dat Reinhold Nissen em wis war. He neem em as en lütt Schriwer in sin Hus, un nu muß he sin swache Moder mit ernähren, as se Batter herut dragen harrn na't Korn, na den Karthof.

Also Schriwer! Awer wat denn? En Tid lang weer't em frilich vör sin Ehrgiz genug, wenn sin ol Moder keen sware Arbeit to don nödig harr, wenn se sit mit en beten Feinwäscherie behölps, wenn se erno tosamjunken swaden Körper an em umme Höch rich, um em bi'n Kopp to faten, dat se em Haar un Waden mit krumme Fingern strafel un em erno Gens un Allens nöms; wenn he mit en Züker inne Hand umme Heid spazern gan kunn, un hörn, wa Lüd sän: is dat ni Thieß Thieffen, de lütt Olsläger sin? Oder wenn sin Herr sin Handschrift læv, de jümmer slanker un sauberer war, oder em in sin Böker sehn leet un mit em Geschäften bera', oder wenn jeden Wihnachten de Stapel Drüttels as Geschenk gröter war, un ol Bermark twee mal int Jahr de blanken Stücken op sin Disch ni fehl'n. Awer denn war't em doch wedder drücken, denn full em't op't Hart, dat de Garn- un Schündærn um't Markt to gan weern un de Husdærn nich apen, dat de Spelkamraden fremd warn weern un keener vun de Herren em nu sä, wat to don un antofangn, de em bewunnert harrn un verspraken, dar schull mal wat besunners ut em warn, ne, dat weer oft as weer em to Moth as een vun de olen Ber, de in de Stampmæl sinner Nach un Dag de Maschin' drehen, Schutklappen vör, un de Bitsch leeg jümmer bi den Warksführer.

Wohinut? He arbei as en Verb. He lehr, wat he lehrn kunn, ob't bellicht en Mal to bruden weer as en Sketel vör en unbekannt Slött. He pic sit vun fremde Sprachen op, vun Engelsch un Französch, wo en Korn darvun verstreit leeg, un he acht keen Mög, sit vör Böker dær to arbeiden bargenwis', dær alle, de em inne Hann keem.

Dat weer of wul All gut gan, Reinhold Nissen kunn

wis war: beachtete. umme Höch: in die Höhe. Züker: dünnes Spazierstöckchen. bera': beriet. Stapel: Hausen. Drüttel: 2,30 Reichsmark ( $\frac{2}{3}$  alte Thaler). Bermark: Hauptvolksfest in Heide. to gan: geschlossen. sinner: unten. Schutklappen: Scheutklappen. Slött: Schloß. pic op: griff auf. Bargen: Hausen.

toleht licht vær Een sorgen, so dat Sorg em nich drop. Kunn he nich en lütt Stell oder Amt vær em apen holn mit sin Macht? Stür- oder Innehmeposten? Oder ok en Hakeri oder Zwischenhandel vær em inrichten, wo al hin un wedder Een vun sin Lüüd wullhebbnd un ansehnli darbi warn weer? Gewiß weer't fründli un behagli, wenn he sik utdach, dat he em mal mit sin ol Moder na Holtenau hinsett, na Pahlhub, oder em en lütt Handel in St. Margarethen oder Brunsbüttel anne Elf inrich: — — weern man nich disse twee Dgen oppan in dat dunkle Hus ant Markt! Twee Dgen as twee Sünn! Un wen de nich beschin, de much ünner de Eer krupen bi de Kapell bi Blauroth sin Mael, wo sin Vater leeg, oder in een vun de Dapels, so deep as se weern op den Scheeringsmoor!

Ja, do weer't to Een west! He harr sunst noch jümmer mal Nacht un Dag arbeit mit den Gedanken, he wull mir nix dir nix na Kiel gan, Docter warrn oder deslikten. Dat muß je mit den Bösen togan, harr he dacht, wenn he nich mehr wuß un lehrn kunn, as all de dumm' Jungs, de nig den; denn he stunn mit Bäcker Bland sin Lüüd op, un lehrn weer em egentli gar nix. Awer nu much he nich einmal weggan. Wul wuß, wat der denn passeern kunn! He much nich einmal anfangn. Wul wuß, wa lang dat durn kunn, un längst weer se verswunn, wovær alleen he't de Mög weerth heel!

Wat he de, weer nu blot vær er, un he de Sinn un Unsinnt mant enanner. Musik lehr he, Klavier spelen, blot wil he wuß, dat er dat gefull. Seildanzen harr he lehrn kunnt, as he bemark, wa de groten swarten Dgen mit Bewunnerung tosehn, wa Hartwi Goldkette opt Markt sin Kunst ma. Weer der ok to vel verstännig Blot in em to en echten Blödsinn, so reck dat doch ni wit genug, dat he nich wenigstens öfter dach: wenn he blot en smucken Minschen weer! un bald en Ladenbeener sin brennten Loden, bald en Tanzmeister sin Föt misgünn, un op Rock, Mütz un Steweln heel, as weer't

---

Holtenau, an der Mündung des Eiderkanals bei Kiel. Pahlhude an der Eider. St. Margarethen a. Elbe, Kirchdorf mit Poststation an der Mündung der Burger Aue mit Torfschifferei. Brunsbüttel an der Elbe, südlich von Marne, nicht weit davon die Westmündung des Nordostseekanals. Sünn': Sonnen. Dapel: mit Gras überwachsene Wasserlöcher und -läufe im Moor. Scheeringsmoor, zwischen Heide und Meldorf. deslikten: desgleichen. Wul: wer.

wat Wichtigz. Denn he wanner toleh, as de Maan um de Sünne deit, Lüd op Eern mägt sehn, wa vel se em beschint. Awer he wannert alleen mank de Steern, un Nüms hört op em, wenn he of en Stimm harr. — Ja, wat schull ut em warren?

So leeg he un grutvel, un eenmal um't anner füll sit een vun de Rahms op't nie mit en Bild. In den een seeg he würllich grote Böm, hoch in Lof æwer Wischen un Water. Awer se verwandeln sit vør em. He seeg se blant beript, de Sünne leeg derop, se beschin de Allee vun dat Heider Markt, de ganz leet as bezuckert, un dat Bliken weer kum inne Dgen uttoholn. Do seeg he er to'n eersten Mal, dat heet, do war he er to'n eersten Mal wis, denn sehn harr he er all Dag' as all de Annern, un mit er spelt, do seeg he to'n eersten Mal, dat se dat weer! Se keem langs de Allee, wo't of ünner glattis't harr; in en witten Ruff heel se de Hann, in en Rapp mit witt Belzwarf steek de swarte Kopp, dar keek dat Gesicht mit de roten Backen herut, un all de Sünnglanz full op er un schin vun er. Awer much se to gau un unbærchtig lopen: se full un vergnidel den Fot, oder binah doch, wenn nich Thieß sit en Hart grepen un er opfungn harr. Do trock he er to Hus, un half muß he er dregen, un enige Thran wisch se vør Smarten oder ut Dankbarkeit vun de deeproden Backen. — Och, dat harr he gern jümmer vør Dgen beholn! Awer he much se to oder apen maken, so seeg he en anneres Bild un de Rahm füll sit ut, he much't wülln oder nich.

Inne Pingstwoel stunn en grot Telt ut Linn oppe Bagelwisch int Gröne. Dat wink wit hin mit rode un gröne Fahns, denn de Papagojengill fier er Scheten; dat schin Een lang witt entgegen mank de grön Büscher un Böm. Stig' gungn der ni rin as dat Patt, wat der int Gras treden weer, un dar wanner en vergnügten Minschenstrom jümmer af un to. Fierli weer man uttrocken, tweeten Pingstdag Klock veer. De ganze Heid weer to Been un seeg to. Ol Danzmeister Schulz, de to glifer Tid of Stadtmusikus weer, harr alle Blasers to Gang' fregen, de man Wind harrn un irgend en

---

nüms: niemand. Lof: Laub. beript: bereijt. leet: schien. vergnidel: verrenkte. opfungn: aufgefunden. Smarten: Schmerzen. Bagelwisch: Bogelwiese. Papagojengill: Schüzengilde. fier: feierte. Patt: Pfad. man: nur.

Art vun Tuthorn regeern kunn. He harr mit se twee Märsche instudeert, de man nu inne Pingstweel so lang hörn much, afwesselnd, bet man der krank vun war, un en Jahr lant, bet tofum Pingsten muß man se hörn vun jeden Scholzung, de en Stück darvun richti oder falsch mit de Mund pipen kunn. Awer bi den Uttog maken se en fierlichen Indrud. Ole Fruns gungn bi an un wiſchen ſit de Nöhrung mit de Schörrt vunne Baden, de am gröttſten war, wenn se Herr Schulz anſeegen, wa he de Föt na den Takt utwartz ſett, wa he op en Dings blaſ' — he ganz alleen — wat utſeeg as en grote Wurſt, eenmal umbögt. Dar ſteek en lütt Papier an, as en lütt Balbeerspegel, un ſin Ogen gungn dær de Brill iwrig darop hin, as he blaſ', dat em de Baden barſten ſchulln. Op Naſrag' heet dat Dings Fagott, wat al ſo gefährli nog klung, dat en ol Fru wul tweemal anfragen much, un dat paß darto, dat op dat lütt Papier de Noten ſtan ſchulln. He harr ſin Roth, dat ſeeg man, de ol Schulz, de Hot wackel noch, wenn man den lütten Mann mant all de Minſchen nich mehr ſeeg, un he kreeg toleß doch alle richti in Gang, dat de Föt ebenſo na'n Takt gungn, as ſin, un alle Minſchenküpp opt Markt toleß op un dal maken, as de Per vør en Frachtwagen, as de Gös, de lant den Dit wannert, oder de Waggn op See.

Dar neem Andeel an, wat en Herr weer, un Herr weer meistens, de ſo vel Dalers opdriben kunn, dat he ſit en lütt ſülwern Papagoje int Knoplock hung un de Bech betal. Nachtwächters ſchoten jüs ni mit, awer de den dat Laden, ſo dat ni lich wul uten Ort fehl oder to klagen bruk; un wenn't of ni angenehm weer, dat de lüttje Barbeer Kaiſer enmal König war — tomal, he weer en Oberdütschen; Barbeer, Naſeer un Tãnbreſer broch unſe Land nich herbør — ſo leet ſit't ni afwenn', he kreeg doch de grote vergoldte Bagel um, de mal en König vun Dãnemark gnãdi ſchenkt harr, un trod darmit umt Markt, Landvagt an een Sit un Raſpeltvagt anner, he kreeg doch de Privelegen dit Jahr, weer ſtüerfri an Landesanlagen un Raſpeltutgiſten, un wenn he bi't Um-treden den Landvagt vertell, wa he dat Gewehr en Rud geben harr, damit dat umme Eck ſhot, as he dat Königs-

---

Tuthorn: Blaſinstrument. tofum: künſtig. bi an: nebenher. iwrig: eiſrig. Gös: Gãnſe. betal: bezahlt. wul: jemand. Tãnbreſer: Bahnarzt. Landesanlagen: Landesſteuern.

gewinn hendalhal, un dit op hochdütsch: „Sehen Sie, so wohlgeborner Herr Landvogt,“ so muß de doch tohöörn!

So vel Dalers as nödig harr Thieß of wull hatt, un so vel Anstand nagrad ebenfals, dat he harr mitgan kunnt. Awer dat war sik doch ni schickt hebbn, wenn de Dörperjung, as't Mod war domals, half hochdütsch ropen harr: Herr Landvogt schießt los, Herr Rissen macht fertig, Thieß Thießen achterna! Doch am Ende, mit oder nich, dar weer tolek nich vel an verlarn; wenn se der man nich kam weer, un he harr achter de Regen stan un tosehn muß! Awer dar seeg he er, abends in en witt Kleed to Danz, un de witten Schullern quolln herut, in de swarten Haar schin en rode Ros', un de Ogen weern noch swarter un de Lippen noch roder. Dar muß he inne Feern stan un tosehn, denn he weer Reinhold Rissen sin Schriwer. Dat weer't! So füll sik de Rahm ut, un dat stunn darin tosam as hell Licht un düstre Nacht, en Goldbrahm um en Sark!

He mak de Ogen trurig to un söch de Gedanken los to warnn. Do keem se herin inne Flügeldærn, lisen, in en witt Summertkleed keem se, en Ros' inne Haar. Se keem sachen heran, se seeg so gütig op em. Ja, se weer gut! He wuß dat wol! Se frag em, op he en Erquickung wünsch, de se em bringn kunn, ob he en Verlangn na wat harr, irgend wat to drinken, irgend wat em Freud mak! Se harr em geern wat værleßt, wenn he't wünsch. Awer he wünsch nix! Un he wuß of wol warnn, he wußt't! He harr of de langn Lücken vun Landschriwers Dochder dær de Schiben sehn, de sik lankwilig inn Garn vertrocken. Dat weer tolek doch er Gesellschaft, he hör der nich to. Och, he weer verlaten un elennig!

\* \* \*

Doch na eenige Dag stunn he wedder op de Been. Un so lang man stan kann un jung is, süht de Welt jümmer glit wedder anners ut. Mit verbunn Hann gung he inn Garn. He sprok wedder mit Reinhilde as in sunst gesunne Tiden, un wenn se nich mit Landschriwers Dochter weer, so harrn se of genug mit enanner to spröken. Denn dat föhl un seeg man bald, dat he wat lehrt un dacht harr, un all wat he

---

achter de Regen: hinter den Reihen. Sark: Sarg.



sā, dat harr Hand un Fot. Ja, dar keem jümmer mal wat mit twischen in, wat ni gewöhli weer, un wenn dat, so fulln em de Wör, as harr he reden lehrt. Denn all wat nu dāgli Brot iz, weer domals wat Nies, vun Schiller un Goethe keem't man stückwiß mank Lüden, in ganz Ditmarschen geef't vellicht een Shakespeare; wat man les', weern an vele Stellen jümmer wedder de ol Krönt vun Biethen oder Volten, wovun de Plāß un Stellen um Een rum legen un oft vun't Volk am besten to wisen un to betekē, un so kunn of en Schriwer wol mal en Entdeckung maken, wa gelehrtere Lüd nig vun wussen.

Menni Kaspelbagt oder Pennmeister stree sit mit sin lütten Schriwerjung, den he ut't Armhuß oder en Arbeitskath halt un rantrocken harr, æwer Schiller's Räuber, Bossens Luise, æwer en Ode vun Klopstock an die Freundschaft oder æwer Adelong un Gottscheb sin dütsche Sprachlehrböker. Weer doch of al ut menni Schriwer en Postmeister oder Innehmer warn. Dennoch slepen de arm Schelms meistens ünner de Trepp oder op en Affit un eten un drunken mit Rutscher, Knechts un Deenstmädens. So hett't noch Friedrich Hebbel gan. Dar weer de Tun, de Rikmanns Garn vun Lüttmanns trennt! So weer de Gewohnheit.

Thieß harr dat sogar beter als vele vun sins Liken. Sin lütt Stuv in Nissens Huß ann Markt weer fründli un warm. He eet Sündags dann un wann mit de Herrschaft ann Disch. He weer deshalb of ni blöd warn, un de Umgang mit de Dochder vunn Hus' harr noch jümmer en lütten Anstrich vun Spelkameradschaft.

Sobald he nu wedder op de Been weer un de Docter dat togev, gung he ant Geschäft as gewöhnlich. Schriben kunn he nich, awer dar weer genug Opßicht to föhrr un Anweisung to geben. Dat Geripp vun de Mael steeg al wedder inne Höch, nu sekerer as dat eerste Mal an drie Böm, as he al vunn Garn ut sehn harr. Dar harr natürlich de Bu-meister vær to don un to sorgen. Dat gev awer of hier noch vær Thieß wat af, wo he mit denken un hölpen muß. Dar

---

manck Lüden: unter die Leute. Krönt vun Biethen un Volten: die beiden gelesesten Chroniken der alten Ditmarscher. wisen: zeigen. betekē: bezeichnen. Pennmeister: Rentmeister. stree: stritt. Kath: Häuschen ohne Grundbesitz. rantrocken: herangezogen. Affit: Holzverschlag unter dem Dach. togev: erlaubte.

schullen twee grote Mælnsteen, nich Rhinsche, aß de Mæhl-  
möllers se brukt, sundern echte Grausteen ut Frankrik, vun  
en unnos' Gewicht bet to vele dusend Pund, de to Schep na  
Brunsbüttel kamm un dar landt weern, na de Heid un de  
Schibenwall rop brocht warrn. Son Steen deent aß Löpers.  
Se lopt inne Mæl an en Gerüst rund um inne Kant, op en  
annern aß platte Ünnerlag', un quetscht de hitte Rapsaat  
entwei, ehr de ünner de Stampers un Vær- un Naslag kumt.  
Dat gev en grësi Hallo un Dprohr, de Dinger her to frigen.  
Wagen un Gerüsten weern ni stark nog, de Wëg' to los'.  
Man stell se inne Kant mit en Balken dær, sülbn aß Ræd,  
un en ganze Snor Për vun en twintig un mehr Stück trocken  
de groten Schiben langsam dær de Marsch bet na Hogenheid  
herop. Denn müssen se quer dær æwer de Koppeln, Walln  
müssen dalsmeten warrn, Korn meiht, wat inne Weg stunn.  
Un so föhr denn op einmal en nien unbekannten Weg vun  
den Schibenwall na de Möldorper Landstrat herut. De muß  
Allemann passeern un mal besehn, un allmähli heran trock  
dat Wunner mit twintig Për un keen Wagen. Thieß Thieffen  
gung darbi anne Sit. Dat harr Dag' durt. He harr alle  
Arten Lehm ünnerwegens mit sin Steweln dærpelt un de  
Müz seet em oft wunnerli scheef, denn he harr noch beide Hann  
bebiündelt aß en paar Waschhölter in Linntüch. Natürlü keem  
de halwe Heid' se inne Möt. Dar weern of Dams un Herrn  
darbi, un richtig keem of Reinhilde in Snacken un Lachen  
darher. Landschriwers Dochter fulln de Luden länger vær  
dal aß gewöhnli, se seeg gar ni, wo se hintre, sundern jümmer  
daræwer værbi na de nien Secretair sin Snurrbart, de er  
ann Arm harr un mit Reinhilde un er spaß, dat dat man  
een Gelächter gev. Se warn kum mal de Steen wiz, de  
langsam heran wülpten, noch weniger Thieß, de mit sin Hann  
de Müz nich afnehm kunn, un de Secretair nük deshalb of  
man sparsam an sin Hot. Gröt Reinhilde em ober de se dat  
nich? Tolez weer of dat em nu eenerlei! Un aß de drie  
wider gungn, um in den Möldorper Weg torügg to fehrn,

---

Rhinsche Steen: rheinische Mühlsleine aus Lava von Laach und  
Bacharach. Grausteen: Granit. unnos': fabelhaft. Löpers: Läufer.  
hitt: heiß. Stampers: Stampfer. grësi: grauig, furchtbar. Dprohr:  
Aufruhr. inne Kant: auf den Rand. Ræd: Räder. Snor Për: an  
einer Schnur, an einem Stricke aneinander gereichte Pferde. Koppeln:  
Äder und Weiden. Walln: Wälle. dærpelt: durchgetreten. bebiündelt:  
verbunden. inne Möt: entgegen (to meet). wülpten: wälzten.

do leet he se ingrimmi gan un harr geern mit an den swaren Steen as en Pferd trocken, harrn em de Hann nich so weh dan.

\* \* \*

In de Noßmæl ant Markt ünnert Daß vun de grote Schün versammeln sit geern abends vun Reinhold Nissen sin Lüð, vun er Frünn un de derto hörn. Dat weer dar jümmer nett hell vun Lampen, so wit as man't hell hebbn mutt bi en Pip Toback, denn dat Ol derto war dar slagen. Dat weer dar jümmer warm vun dat Für ünner de Warmpanns, inn Harst un Winter also besunners nett un hægli. Man feet der oft lat bet deep inne Nacht, denn dar war Dag un Nacht arbeidt, stüddi los. Nissen sin ällsten Lüð un de em am längsten deent, harrn dar er regelmäsig Dagwart un Daglohn. Se harrn't nich sur un doch en sester Verdeenst. Dat weer en Art vun Undeel int Geschäft. Wil't Dag un Nacht gung, wesseln se af un harrn dat inricht na Stunn, etwa as de Maan, jümmer een later, dat't am Ende wedder mit de Sün un den Dag tosam un int Life keem. So seeg man mitünner een vun disse Lüð en tidlang so wenig as en Nachtul, bet he denn wedder ant Dagelicht keem as anner Lüð un Bageln. Dat gung hier ni so hilt her un of ni so lut, as mennimal inne grote Windmæl, wo bi en harren Wind kum en Junkkerl in sin besten Jahrn sit gau genug wenn kunn, keen Tid harr, den Sweet aftowischen, de em inn Strom æwert Hemd leep, keen Tid, en Drunk to nehm twischen't Umsetten. Denn rassel dat ol grot Gebäud, dat dat as Storm ævern Ort schall, dat Kranke un Swacke sit ünner de Bettdeck versteken, un wer Wull verwandts op See harr, um Genad un Hölp vun haben he. Inne Noßmæl gung de Bær- un Naslagg, as de Per, jümmer in'n Takt, un nich to snell, dat man nich jümmer twischen den Schlag sin Wort maken oder hörn kunn. Dat weer recht en Platz um to klæn, un wer der lang genug kam weer, kreeg en ganz egen Art de Welt antosehn, etwa as Nachtwächters dat hebbt, de jeden

---

derto: dazu. Warmpanns: Wärmpannen, auf denen die Rapps- und Leinsaat erhitzt wird, ehe sie unter die Schläger zur Presse kommt. Harst: Herbst. hægli: erfreulich. stüddi: ständig. Undeel: Antenteil. Maan: Mond. int Life: ins Gleichgewicht. hilt: geschäftig. sit gau genug wenn: sich schnell genug wenden. Sweet: Schweiß. Wull verwandts: irgend einen Verwandten. klæn: schwaßen.

Abend in er lütt Wachtstuv dat Geschied vun den Ort darsprekt.

Wenn man de sware Dær apen mak, so keem Een en Geruch vun frisch Öl entgegen, mit allerlei anner Geruch dermant, un man muß dat Hart eerst an eenige sware Släg gewöhn', de de Stampers maken, as de grot Parpentiſt dat mak oppen Thorn in de Karkenuhr. Et muß man ni bang warrn vør den Löper, den Lopsteen, de op sin platte Ünnerlag' lik op Een to kumt, denn he dreiht sik sin gewöhnlichen Weg rundum. Op sin Gerüst, wo he in hangt, op de veer Ecken heft Jan Baas veer Mælen int Kleene anbrocht, de vør den Zogg sik langsam umbreihet. He süßn steit bi den Værslag rechts, en annern bi den Maslag links, un twischen in bruddelt de Warmpann, wo en stahlern Stang de Rappsaat in umröhrt. Dar kann man sik rum lagern, un de Hann warm', wenn't kolt buten is, awer smerri ward man, all wat Holt heet is blank un kann drippen vun Öl, un de Arbeiders sünd gelgrön bestaben vun Rappsaat- un Linsaatmehl.

Dar sitt Rutscher Jan Willem geern, wenn he wedder torügg kam is vun irgend en grote Fahrt; wat em as Öl anne Hand kumt, dat wischt he ahn Schaden an sin blanken Rutscherhot oder an sin Stulpensteweln af. He sitt geern lat, Slap deit em nig besunners ut. Wenn't na Merrnnacht un de Aflosen kumt, ward mitünner de Warmpann besunners utwischt, vun't frische Öl kumt mit Brotrinn hinin. Wenn't darmit rein fast is as Bomöl un smölten Botter, so kann man Pantüffeln un Klümp darin braden. Wa schön rük mennimal de Rosmæl na Merrnnacht! Un denn seet, wat bleben weer, um de hitte Bratpann, un Jeder fisch sik mit sin Taschenmehl, wat he krigen kunn. Dat much Jan Willem! Dar leet he den Slap vør gan. En Drunk kunn man darto nehmn.

Zhieß sin Bader harr dar in lezten Jahrn sin Sted hatt, un Klein Anna blev noch mitünner mal mit sitten un gung eerst inne Nacht mit Rutscher Willem to Hus. De Erinnerung keem er. Wer is nich mal jünger wen?

---

swar: schwer. Parpentiſt: Perpendikel. Zogg: Zug. bruddelt: brodest. smerri: schmierig. drippen: tropfen. gel: gelb. bestaben: bestäubt. Merrnnacht: Mitternacht. Bomöl: Baumöl. smölten: geschmolzen. Klümp: Klöße, Knödel. Pann: Pfanne. Maß: Messer. leet gan: ließ schleichen.

Bunabend seten dar of Wülke: Geert, Jan Baas un de Bekannten. De Stampers gungn ern gewöhnlichen Gang.

„Wedder kam?“ frag Geert twischen twee Släg.

„Jarwul,“ seggt Rutscher Willem, un söch sit sin gewöhnlichen Platz ut.

„Bun Kiel?“ seggt Jan Baas.

„Jarwul,“ seggt Rutscher Willem.

„Weer der wat los?“ gung wedder de Frag inne Paus’.

„As jümmer,“ seggt Rutscher Willem.

Awer as he sit nu recht fast sett harr, sä he op eenmal twischen twee Släg, indem he de Ogen in dat Gebäud rum gan leet: „Dit Dings ward umbu’t!“

„Wat værn Dings?“ frag jeder Arbeider.

„Dit Dings hier,“ seggt Rutscher Willem, un wif’ mit de Hand herum, „de Roßmæl.“

„Büst je wul ni klof,“ seggt een vun de Arbeiders, de nu al sit Jahren dat nich anners kennt harr, un sit so weni denken kunn, dat dat anners war, as dat de Sinn un Maan en anner Weg neemn.

„Klof nog!“ seggt Rutscher Willem. „Wat frigt Zi to sehn? Nix as de ol Stampmæl un de Brun un de Schimmel, de se trecht, un de Schimmel is sogar blind. Schulln mal na Kiel kam! Dar is wat los! De Ol trecht am Ende noch ganz ræwer un ritt dat hier all dal. Oder he bu’t dat um. Dat geit nu mit Damp! He hett in Kiel en Mæl mit Damp inrichten laten. Dat’s en anner Dings! Ik heff’t sülbn mit min Ogen sehn. Awer beschriben kann ik’t nich.“

Dat sett denn Alle in Verwunnern, awer Alle löben doch fast dat Unmægliche vun den „Herrn“, un blot de Öllste, Jan Baas, den he ut Holland mitbrocht harr, sä: „Wenn’t man all gut geit!“

Darvun wulln nu de Annern gar nix hörn, un Rutscher Willem kunn ruhig wider vertellen.

„Wi hebbt of en jungu Herrn mitbrocht,“ seggt he, „de den ganzen Weg bi de Ol inne Rutsch seten un ræsonneert hett. En scharmanten Kerl! He is, hör ik man, as Secretair bi den Landbagt. Ik meen eerst, dat weer wul en Brüdigam

---

Bunabend: heut abend. Wülke: einige. weer wat los? gab’s zu thun? Büst ni klof: bist von Sinnen. nog: genug. frigt Zi: bekommt ihr. Zi schulln: ihr solltet. ræwer: hinüber. ritt: reist. löben: glaubten.

vær Mamsell Reinhilde, un de Weerth in dat Hotel sä mi of so wat."

Dat weer natürlı wat vær klein Anna, de in Gedanken al grote Hochtıd un schöne Geschenken seeg, wobun ęrn Thieß un ęr of wat affull, un mit so'n schöne Gedanken brot se bunabend op to Fuß, un harr nıx anners to denken, as dat se dat ęrn Thieß as schöne Narıcht, sobald se em seeg, verkünden wull, damit de arm Jung mal de twei'n Hann un dat Maleur vergeet!

Wenn se ahnt harr, wa se em eerst weh de! Se keem je of richti darmit to Gang! He sä ni ne un ni ja, he war ni roth un ni bleef, awer he föhl, wa em all dat Blot as en Klumpen int Hart tosam leep, he föhl in sin Seel, dar hung sin Selıgkeit oder Verdammnıs an, vun Laten un Verlaten, vun Gönn un Könn weer gar de Gedanke nıch. Dat handel sıf blot darum, ob he noch leben kunn, wenn't wahr weer, un dat bedach he sıf, as he meen, ganz koldblödıg. Ob dar wat an den Snack weer oder nıch, ob't en Klæneri weer, de man in de Noßmæl utdacht harr, wo menni Dıngs torecht makt war un Beles würklich, wat annermwärts kum mal mæglich, oder ob't vun de richtige Stell un ut de richtige Quell keem: dar dach he nıch wieder æwer na. Gar am Ende to töben un to lurn un sıf fülbn to æwertügen, darto weer in sin Gemöth weder Ruh noch Besınnung genug. In en Dgenblick weer he mit sıf un sin Schıcksal int Klare. Denn toleh weer't eenerlei, ob't wahr weer oder nıch. Vær em deen of en Gerücht as en Lıcht, dat em mal recht in de Düsternıs wıf', wo he sunst jümmer blind an værbi lopen weer; dat wıf' em de Afgrund, wo he eenmal herin störten muß, keem't nu oder later, keem't mit dıssen oder en annern, mit en Secretair oder en Bagt, mit en Doctor oder en Aokat. Vær em weer de Appel nıch, vær em heet dat tosehn oder wegsehn, vær em weer't, as wull he mit de Armz na den Heider Klostenthorn roplangen un de gollne Kugel hındalhaln, vær em weer se to hoch, un dat weer op jeden Fall dat Enn vun de Geschıchte. Wırıgens sehn harr he nog, düch em: dat de Mann fast Arm in Arm mit Hılba op Strat un Wegen gung, dat red vær em ut, um to weten, warum man ant Markt bı Beamten, Pastoren un

---

affull: abfiele. laten: lassen. Klæneri: Geschwätz. æwertügen: überzeugen. weer int Klare: war im Reinen. deen: diene. later: später. roplangen: hinaufreichen. Enn: Ende. red ut: reichte aus, hin.

Doctoren nu jüs een Gesellschaft na de anner geb, of bi sin Herschaft, un Reinhilbe allerwärts darbi weer.

Dat full em awer um so swarer opt Hart, as he sit in de Krankentid int Garnhus doch in en Art Dufel rin leyt harr, twischen Drom un Waken. Muchen de Biller noch so düster laten, de he sit vun't Bett un Sopha ut vormal, am Ende un tolez weer der doch en hellen golln Rahm um, un Biller weern se man alltosam. He leeg un dach nu doch eenmal dar würklich oppen Sopha un seet op desülwigen Stöhl mit Reinhilbe, he athen desülwige Luft mit er, söt vun Levkojengeruch, söter vun er süln, un de Tritsch sung of so gut vær em, as vær Annere, de dar weern. He söhl sit, as hör he mehr derto as sunst; wa kunn he anners!

Reinhilbe weer herlich! Dat weer dat wenigste, dat se dann un wann kam weer un harr em fragt, ob se em en Taß Supp schicken schull, ob en beten Quittensast, ob en Gluck Win? Ne, as he wedder op weer un nu mitünner buten, wa se mit em snact harr, mit em op un dal spazeert, em tohört, em fragt harr, dat weer't! Wa vertrut harrn se mit enanner snact. Se frag geern, se harr dat, as junge Mädens besunners dat hebbn künnt: se keem vun't Lüttste op't Größte, vun en Katt op en Löw, vun en Pump, de jank, oppe Musit, vun en doden Bagel op de ewige Seligkeit. Thiez sin Weisheit weer dar natürlich bald to Enn, awer dar keem't je of nich op an, dat keem op den Ton an, op den Sinn, op ern Utdruck, op er Ogen. He neem dat jümmer ernsthafti, un se gungn mennimal tein Mal den Stig op un dal, bet an de Bank, de æwer't Moor na de Melbörper Markt süht, ehr se mit en sware Parti fertig weern. Mädens lehrn domals noch gar nix anners, as wat de Schol mit sit broch un etwa de Moder kunn, nich enmal en beten Französch oder Geschichte, un keen Bok war der egentlich lest, as Bibel un Gesangbok. Reinhilbe harr frili en beten Privatstunn mit Landschriwers Dochder bi'n Propsten hatt, un vun darher stamm recht er Bekanntschaft; awer de ol Mann les' Klopstock's Messias mit se, un misch ehr mal en Brocken Ebräisch dartwischen (Reinhilbe lach mitünner daræwer un reep: Bereschit barahim!

---

Dufel: Halschlasf. laten: scheinen. desülwigen: denselben. söt: süß. buten: draußen. snact: gesprochen. Katt: Kasse. jank: knarrte. süht: sieht. mitünner: mitunter, zuweilen. reep: rief. Bereschit barahim: mißverstanden für Bereschit bara Elohim, im Anfang schuf Gott, 1. Mos. 1, 1.

wenn er de Geschichten insulln, ahn dat se wul wuß, wat't bedüden de, dat klung er gar to drulli), ehr as Französch oder Engelsch, wo he eben so wenig wat vun heel, as he der wat vun verstunn. Nu muß se sik mit dat behölpen, wat er Batter er in seltene Tiden, denn he harr to vel vær, bibroch, un se weer op en Art sowit darin as Thieß, so dat se, na dat deepsinnige Schur, mennimal en drulli Art Ünnerredung harrn mit bon jour, yes sir un anner solke wichtige Wahrheiten.

Im Ganzen weern se sunst beide eernsthast vun Natur, un wenn se nich sik jüs besproken æwer Gedichte vun Mathisson oder Claudius, so ännern se wul in Gedanken Stig un Beeten inn Garn um, un dar weern Thieß sin Ansichten nich blot geschickt un paßlich, em weer of jüs dar bi to Roth, as weer he nich blot en Stück Möbel in de Familje, sundern een vun de Wenigen, de dat Recht harrn, sik darop to raun un se umtostelln na er Gefalln oder Insichten.

Sa, in so'n Dufel harr he sik rinlept in de Tid, wo he twischen Leven un Dod merrn in hungn harr. Un nu he wedder recht seker stunn op sin Leven un Gelenken, nu hör un seeg he, wat em dærtrock, dat he dach, dat Beste inne Welt weer of man Lægen, keen Verlaten weer op nig, as dat Allens en Enn neem.

\* \* \*

So wit em dat angung, wull he darmit eernsthast den Anfang maken. As he to Hus un in sin lütt Stuv keem, kram he ut en Schuf enige Papiern un Saken tosam. He harr sik doch al enige lütt Andenken an Reinhilde sammelt un opbewahrt. Dar weern en paar lütt Betteln, en Inladung to Disch, un en Bed um en lütt Besorgung, de een noch fast mit en kindlige Scholhand, wul ut de Tid, as se den Fot verrenkt harr un süln nich kam oder gan kunn. En lütt Tefnung vun en Blom, de se em mal schenkt harr, as he in er Tefenboß keek; se lehr dat bi en ol Mamsell,

---

heel: hielt. bibroch: beibrachte. Schur: Anfall. raun: ruhen, ausruhen. rinlept: hineingelegt. merrn in: mitten darin. Leven: Glieder. Lægen: Lügen. Schuf: Schieblade. Bed: Bitte. Tefnung: Zeichnung.



de in Kopenhagen harr Maler warrn wullt un nu hier her verslagen, na enige Bærlegeblæd so vel Rinner quäl, as je mægli tosam beteln kunn. Ramsell Meinung heet se, wat inne ganze Heib vun Jedereen gewalti düttlich utspraken war. Uterdem weer noch en würkliche verdrögte Blom mit en roth Band darbi, as't leet de grötste vun disse Schäge. Denn Thieß le de Blom am värsichtigsten bi de annern Saken in en schön groten witten Vagen, ma dar en Breesgestalt ut, siegel dat to, un schreb darop: Ungeöffnet zu verbrennen! Denn le he't wedder deep achter inne Schußlad.

Un nu weer't to Enn! Föhl he sit ni lich, so föhl he sit doch seker, un he dach gar nich daran, dat twee Dærn wider vellicht de een sit apen don kunn, un de Stimm, de denn langs de Del triller, war all't Bærnehm to Water maken, dat nu fast un seker weer, as Januarsis oppen Notpohl.

To don weer je vær em nix anners, un he muß sehn, alleen mit sit klar to warrn. En junge Natur hett jümmer Hölpsmittel in sit, sowul in't Unglück as in Krankheit. Wenn't man so wit kam is, dat man wat fast int Og fat, so is darin al jümmer wat, dat hölpt. Thieß harr sit bi sin Vaggn doch en Art Plan makt. Weer't keen Lebens-, so weer't eerst mal en Arbeitsplan, wo vellicht dat Leben, oder wat ton Leben hört, nasolgen much. He neem regelrechten Unnericht int Engelsche bi en oln engelschen Kopmann, de int Unglück hier behangn bleben weer un sit kümmerli mit Stunden geben dærslög. De Mann weer en ol düster Gemöth, wahn in en ol düster Kabüs', weer awer en Mann, de wat lehrt un vel dacht harr. De Isf' allerlei düstere Schriften: Youngs Nachtgedanken, un wat he Philosophie nöm, dat nöm he of de Wahrheit inne Welt, un dat paß Thieß Thieffen wul, de of de Wahrheit söch.

Dar arbei he sit rin, studeer binah Nacht un Dag, funn awer doch ni de Wahrheit, ehr allerlei Zweifel un Gedanken, de nich to lösen weern. Un wenn sin Herr of mit Vergnügen seeg, dat de engelschen Brev em licht vun de Hand gungn un

---

Bærlegeblæd: Vorlageblätter. Bteln: beteln. Is: legte. Vagen: Bogen Papier. Bærnehm: Vorsatz. Is: Eis. Notpohl: Pfuhl mit Wasser zum Löschen bei Feuergefahr. klar warrn: fertig werden. behangen: hängen. Kabüs': Häuschen, Stübchen. nöm: nannte. söch: suchte. Brev: Briefe.

em nagrað de Correspondenz anvertrut warrn kunn: so vermahn he em doch, nich to vel nachts to arbeiten un as sin Bestes jümmer sin Gesundheit to schon'n. Ja, Gesundheit! wat schull he darmit?

Dar keem öfters Besök vun Scholkameraden op Thieß sin lütt Stuv. Sin Herr seeg dat geern, sitdem he eernsthaster un stiller warn weer as sunst, bleek utseeg un nich anners rutkeem, as wenn dat Geschäft em rutdrev. Junge Lüð markt dat licht, ob se in en Hus willkamen sünd, wenn de Herr se ok blot mal tonücht bi't kam oder gan. Man brukt sik nich jüs luter Næzwaters to denken, de an so'n Ort tosam lopt. Verstand un Vernunft is allenthalben to Hus. Dar hört keen grote Lehr- noch Bökeranstalten darto, dat oprecht to erholn. Dar keem en Fartwers Sæn bi em, de Holtzniden lehrt harr, um sin Forms to'n Rattundruck sülst to maken. Dar keem en Dischers Sæn, de na Hamborg west weer, blot um en nie Art vun Fourneerarbeit kenn to lehrn, beide wussen en beten vun Chemie, wo se mit Vergnügen vun snacken, un berühmte Nams warn ok hier mit Ehrfurcht utspraken, wenn ok ni jümmer richti. Dar keem en jungn Musiker. He spel frili to Danz de tweete Vigelin, un muß mit herum to jede Jahrmarkt un Burnhochtid, um vær smerleddern Steweln Suppsa to fragen: atwer he vertell Thieß Thieffen mit Begeisterung vun Musik. Wat se ni hörn, dar lesen se vun in en Musikzeitung, un weern de Jahrgäng ok nich de lekten: man lev doch in en grote schöne Welt, much se buten wen oder værwæwer.

Mank de jungn Lüð bi Thieß Thieffen keem dar sit enige Tid een, de gegen de annern en beten verschüchtert leet. He weer Gesell bi en Wittgarwer, heel sik atwer en beten beter as sunst Handwerksgeselln, gung ni to Danz un Gelagg un söch sik ok en beter Gesellschaft. So harr he sik mit een vunn de Börgerksinner bi Thieß infunn oder so to seggn inföhrn laten. He keem ni anners as smuck nett in Sünndags-tüg, wat em frili jümmer wat sünndägli unbequem seet. He weer vunn Lann, recht vunn Dörpen, un dat war em sur, un he bemöh sik angelegentlich, finere Stadtmaneern to sehn un antonehm. Lehrt harr he wol heel wenig, apenbar weer en

---

rutdrev: hinaustrieb. tonücht: zunücht. Næzwaters: allfluge Schwäßer. sülst: selbst. Discher: Tischler. smerleddern: schmierledderne. Mank: zwischen, unter. vunn Dörpen: vom Dorf. heel: sehr.

Mundvull nothdrestti Lesen all, wat he kunn. Awer he söch bi Thieß, wenn se alleen weern, vun't Rēfen inne veer Speetschen wenigstens natohaln. Dat brüch em awer of op alle Ranten as sin Rod un Westen, he weer swigsam un as mit Angst opmarksam op jede Bewegung vun de Annern. Wenn se æwer en Gegenstand, de dat mit sik broch, int Hochbütsch spreken keemn, so sweeg he ganz still. Doch harr sin Stimm so wat Inbringligns as sin Ogen, un darbi weer he en smucken jungn Minschen. Wenn he mit Thieß alleen weer, wenn he int Spreken keem, wenn he vertell, so gung dat, as weer Für darünner bött, dat keem em deep uten Harten un he drung dat Thieß op un in. Thieß harr egentli nūms, de he sin Geheemnis anvertru. He harr wol Frūnn genug un se heeln alle vel op em, he weer, ahn dat he daran dach, de Mittelpunkt vun en ganzen lütten Kreis. Awer gewisse Dingn lett man sik blot afdwingn; so gung em dat mit sin Lev. Un jüs de linksche junge Minsch vunn Lann harr em dat binah afdwungn. De gung jümmer op Een in, as bahr he Een an, de kram jümmer int Depe in Hart un Gefühl herum, harr jümmer wat to openbarn, un Offenbarung antotappen.

He seet herum, as deck he de Löder to, wo de Jung vunn Dörpen gar to nakelt dærshin, un he harr en Geschicklichkeit, de Löder inn Annerlūd er Hart oder Kopp op-tosin un optodecken. Thieß harr nog to don, dat he nich Nam un Datum darbi angev, æwrigens harr de Anner al lang Allens herut, wat em quäl.

Un darbi harr he Hölpsmittel dargegen un Trost dar-vær. Wenn de Noth am grötsten, weer de Hölp am neegsten. Man muß se frili annēhm wülln, man muß se nich vun sik holn, man muß sik ni verblēdn. Dat Wort war egentli nie utspraken: as weer't en Medizin mit en geheemnisvullen Nam. Awer Thieß mark recht gut, warum dat sik handel. Se keemn regelmäsig tosam, vertell de Wittgarwer, as hier of bi Thieß, junge Lüd un ole, un sproken sik ut, en Jeder sin Erfahrung.

Nu harr Thieß sik so fast lēst in sin Nachtgedanken un

---

nothdrestti: notdürftig. Rēfen inne veer Speetschen: die vier Spezies, Grundrechnungsarten. natohaln: nachzuholen. bött: geheizt. nūms: niemand. heeln vel op em: gaben viel auf ihn. bahr an: bohrte an. tappen: zapfen. nakelt: nackt. Nachtgedanken von Young S. 302.

annere düstere Böker, un sit so fast snadt mit sin Mister Cole æwer Wahrheit un Philosophie, he weer so verlaten un toslagen un innerlich toschann, dat he binah vun Jedereen sit harr anne Hand nehm'n laten, de em Rath oder Trost versproh. Vun de Lüd kenn he, kennt man doch eigentlich Jedermann in son Ort. Wittgarwer Wulf un sin ol Suster weeren en paar vun de Hauptlud. He weer en Lamm, so sa man, un wenn de böshafte Slachter Klas Iwen ol tosett, dat de Suster en Schap weer, so wuß Thieß recht gut, dat so'n Lüd, de Stillen, as se geern heet, vør Spott ni to sorgen hebbt. Wulf weer würkli as en Lamm, en Gesicht mehr gutmödi leet sit ni denken, dat lach vun Tosfedenheit. Thieß harr em öfter sehn, wenn he Fridags fröh na't Möldorper Wefenmarkt uttroch. Wenn he na Hogenheid heropkeem, wo man æwer Moor un Marsch weg süht as vun en Barg, un de Sünnpungung, so sung de ol dicke Mann mit den Hot inne Hand as en Lurk dargegen an, within schall sin Psalm: Erheb ihn, meine Seele!

Warum schull he nich einmal hingang? Se keemn gewöhnli oppe Gastwurth tosam, wo se in en warme Warksteb en paßligen Platz harrn. Dat weer dar ganz nett un gung würdig nog her, blot full dat Thieß glif op, wa stramm se all seten, wa dat Hannsoln un Koppnücken, wa fast jede Min' un Geber nich rein vun Natur so, sundern mit Absicht weer, blot Harm Wulf seeg eenfach un harmlos ut. Of de Wör un Nedensarten wedderhaln sit, as dat Hannsoln un Koppnücken, warn utspraken, as harrn se ævernaturliche Bedübung, as weer dat Wort al Medizin un nich dat Recept darto. Thieß weer as in en fremde Welt, un em war eerst ganz wunnerlich. Wittgarwer Löhnert seet dermant as de Hauptperson mit sin gewaltsam Gesicht un gewaltige Ned. He le Gewicht un Bivagg op jede vun de Wör, de hier de Luft swar maken. He stüht sit op sin Stoch mit den gollen Knop, un keem bald op de Hoffahrt to spreken, „as welke Christendemoth ni oplamn leet.“ Dat schin sin Hauptkapitel, dat slot as en Strom æwer en bekannten Grund, dat keem de Mael ol jümmer neeger, wo dat dat Rad driiben schull, dat gung

---

toslagen: zerschlagen. toschann: vernichtet. tosett: hinzusetzte. Suster: Schwester. tosfeden: zufrieden. Lurk: Lerche. Hannsoln: Händesalten. dermant: dazwischen. Bivagg: Beigewicht an Knochen seitens der Schlachter.

in Winken mit den Lünpahl un in de Ellerbeker Blom æwer op „Epistelanten“ un „Sabbathschänder“, un harr toleg blot tosigelt warren schullt mit de Opschrift: An Dissen un Jen', in firma Reinhold Nissen. Thieß war unheemli darbi, egentli verstunn he't gar nich, denn dat Schelln, so gewalti dat klung, weer em doch vun de Art, as wenn man dat vœr sin egen Gesundheit bedrifft: um de Gall en beten dœr to schütteln, un as he wol junge Studenten harr mit den Handstock inne Lust fechten sehn: se zielt jümmer op Een, de nich dar is, un he wunner sik, dat man em mit Andacht tohœr. Dar seten en paar Schollehrersbüchder vun neegbi ut Rikershof dartwischen mit so'n rode gesunne Backen un so'n dærlichtige kloke Dgen: dar weer't gewis keen Heucheli un Verstellung, de müssen hier je doch wat söken un finnn. Wer kunn't weten? Dar seet de Dochder vun'n Hus' dartwischen, wullhebbn Meisters Kind, de de Warfsted hör, en bleek blaß Mäden mit brune Dgen as en Reh. Wenn't vœr de wat weer, düch em, so much't vœr em je noch wat warren, nödig harr he't. Dat much sik torecht finnn. As he Algebra bi den oln Rekenmeister Simon Bader lehrt harr, weern em of eerst de Boffstaben blot Tekens wen, eerst allmählig harrn se em wat bedüdt. Dat much hier of so kam. He meen't je ernst un ehrli. Denn much em so to seggn de Geruch of en anner warren, de em noch jümmer weer, as in Friedrichstadt inne katholsche Park.

Dar war in de Versammlung bel vun Erweckung un Erleuchtung spraken. Dat geb noch mehr solke Wœr, de behandelt warn as en Teken. Fast Jeder harr irgend een Kapitel, as weer't sin egen Pachtung. Lud, un so to seggn öffentlich to Alle, sprok awer blot Wittgarwer Löhnert, un meistens blev he bi sin bekannt Thema. Dat günn man em, as de Annern dat ere. Man sä vun em, he weer süßbn en leidenschaftliche Natur, he lee vun de Leidenschaften, de he in Annern mit dat Wort mächtig straf. Wat harr wol ut so'n Minschennatur warren schullt ahn Religion? Dar kunn man er Wirkung sehn! An ihren Früchten werdet Ihr sie

---

Lünpahl: Raumpahl. Ellerbeker Blom: verblümte Redensart, die aber eine Grobheit sagt. neegbi: nahebei. Rikershof: Dorf bei Heide. Warfsted: Werkstätte. Park: Kirche. Tekens: Zeichen. ern: ihrge. lee: litt. by: betete.

erkennen. De Mann stunn nachts op un hē gegen Stolz un Hochmoth. Thieß muß sülbn derbun, denn vun so wat vertell sit de ganze Heid. Löhner harr en small lant Hoffstell na de Westerweid rut. Dar gung he oft Wintermorgens in Düstern op un af, lud to beden. De Johrmann Krüschan Nehm, de jeden Sünnaabend fröh morgens mit den Rendsborger Frachtwagen afgung un jümmer ünnerwegens Schelmstücken vertell, um sin Passascheers warm to holn, bet se in Linnern dat eerste hitte Eierbeer kregen, harr em dar mal drapen, vertell he, as he jüs ünner anne Port stan un lud ropen harr: „Herr, soll ich umkehren?“ „Do't man!“ harr Krüschan Nehm seggt, „ga to Hus un to Bett, dat's kolt. Awer vergitt morgen din Handstod mit den Knop nich, wenn du umme Heid spazeerst!“

So muchen Annere æwer Erweckung un Erleuchtung sprēken, velliht de't of nödig harrn. Sogar vun de öllern Fruns snacken daræwer mit, frili man int Gespräch. Thieß full dat op, wa de Erweckung un Erleuchtung jümmer as wat beschreiben war, wat den Minschen so to seggn æwerfull. He kunn dar nix vær, dat keem em, dat weer de Gnad! Awer he kunn dar doch wat vær, denn wenn se nich keem, so weer't sin Schuld. Dat weer de Sün, de egentlige Sün, de wider den heiligen Geist. Don kunn he dar nix bi, he muß still holn. Awer don muß he doch sin Deel. So weer't. Dat weer jüs en Wunner unbegriplich, of vær de Annern. Dat weer gerade dat Herlige darin. Dat keem op einmal un unbedacht, gung awer ni af ahn vel Geföhl. Gerade dat war geern un umständli beschreiben, dat schin en egen Freud un en egen Geschicklichkeit, alle Umstänn darbi genau to beholn un vær de Zuhörer uttomalen. Se wusten Tid un Stunn op't genaueste, dat keem bi Dag oder bi Nacht.

Gen oldbelkti Mäden weer besunners stark darin. Se alleen of stunn op in de Versammlung un sprot to Alle. Se beschreb dat mehr int Fürchterlige, se beschreb de Erweckung, as wenn en Tiger weckt ward un em ward sin Blot aflaten, awer Lammblot wedder intappt un nu is he verwandelt. Darbi seeg un rē se utdrückli Thieß an, as wull se Teken sehn, ob bi em de Aenderung intrē. Thieß kunn dat Mäden

---

Linnern: Dorf Linden. æwerfull: überfiel. he kunn dar nix vær: er hatte daran keine Schuld. oldbelkti: altlich. intappt: eingezapft. intrē: einträte.

vun't Ansehn. Se lahm en beten op een Fot, wat ern Gang wat Fierligeß gev. Dat Gesicht weer hübsch, wenn of streng. Se goll vør ungeheuer rik; jedenfalls harr se en Gewej' vun er Batter arst, wo se nu eensam as ol Jümfer huck un dat verwalt. Dar seeg man er op den Schoemakerort vormalß achter er Stratendør stan un mant de mischen Dweerstöck ut de Ruten oppe Strat tiken. Man sä, se paß dar op gegen de Arm', darmit de gar ni eerst rin keemn. Se goll vør noch mehr gizi as rik. Harr se doch mal so ute Dærfinstern tosehn, as en arm Kind inn Regen vörbigung un en Schilling verlor. Den söch dat arm Gær vergebens, Jümfer Timmsen seeg to. Awer statt rut to gan un dat Kind den Schilling to geben, töv se, bet't weg weer, un nadem söch se dat Geldstück mit en Knüttwir uten Rünnssteen: darmit Gotts Gav ni umkeem! So vertell man.

Thieß sin Fründ hier, de Wittgarwer vunn Lann, sprof, as't schin, gar ni mit. He harr dat awer hilt, Stöhl un Sigen torecht to stelln, wobi he dat jümmer so inricht, dat he neeg bi de Meistersdochter to sitten keem un Thieß bi Jümfer Timmsen. Uterdem verdeel he de lütten Böker, wo vun jümmer nie dar weern, de man Tractätlein nöm, wobi Thieß toerst jümmer an de Apthek dach, alle in desülwige Art vun Sprak, de hier redt war as en egen Mundart. En Missionsblatt keem of regelmäsig dær de Wittgarwer sin Hand. Ebenso sammel he in en slaten Büß de Gelddbidrag in, wobi he jedesmal mit de Büß klæter un bi't Hinholn wegseeg. He harr sik æwerhaupt in de Versammlung as de Ruster Klas Habener inne Park.

Æwrigens fülln disse Dingen nich jümmer ganz de Tid ut. Denn warn of weltlige Saken beredt. Se wussen hier genauer Bescheed, as Thieß dat jemals dacht harr, æwer Vermögen, Innahm un Utgav vun en ganze Reeg vun Lüd inn Ort un int Land. Dat dur man enige Mal, so leet sik Wittgarwer Löhnert hendal un frag Thieß ut æwer Reinhold Nissen, æwer sin Gewej', sin Handel, sin Umsatz, of æwer sin egen Stellung un Innahm, un wat he sunst so antoröhrn

---

lahm: hinkte. Schoemakerort: eine der Hauptstraßen von Heide. mant de mischen Dweerstöck: zwischen den messingnen Querstäben. Ruten: Fensterscheiben. Gær: Kind. töv: wartete. Knüttwir: Strickstücken. Rünnssteen: Gasse. harr hilt: hatte es eilig. Apthek: Apotheke. slaten Büß: geschlossene Büchje. klæter: rasfelte.

verstunn, ahn dat man jüs seggn kunn: Thieß much em dar Handslagg op geben, he wull dat brufen. Doch so vel vun de Gensolt vun en Dub of noch in Thieß steken much: dar weer he doch al to vel Kopmann un to „gerieben“ darto, as dat he nich utwiß un achtern Barg heel. Wulf sin harmlose Süster, dat Schap, as de Slachter Iwen sä, weer in all er Unschuld Vermedersch vör junge Lüd, besunners Deenstmädens. Inne Heid weer dat domals en Geschäft, wat man mit schlimme Rams nöm, un mennig Gen sä wul vun er, se weer en Seelenverköpersch. Se harr of een un anner Deensten in Nissen sin grot Gewes' lewert, wo bi de Köh un in Hus un Garn en ganze Keeg Mädens brukt war. Dat gev vör er allerlei an Thieß to fragen. Un so maken sit Mehr mit em to don, Jümfer Timmsen nich am wenigsten, de sit æwrigens fründli na sin ol Moder erkundig un de sin Vadder recht gut kennt harr, un darbi sin Hart wunn.

Besunners genau un streng, as en italiensche Bothollung, war aver dat Sündenregister æwer den Ort föhrt. Dat weer tum Bertwunnern, wa genau man in fast jede Hus un Familie æwer dat Heemlichste Bescheed wuß. Thieß war fast gruli darbi, he harr keen Ahnung darvun un lehr nu eerst, wa vel in so'n Flecken verrött un anrött is, wa wenig ganz heel un gesund ünner Minschen. Jüs oft un meist in de eersten Familien inn Ort, in Hüß', wo he so to seggn mit Ehrfurcht rop un inne Finstern sehn harr, dar weer't am wenigsten geheuer. Bi Advokaten, bi Pastorn, bi de eersten Beamten, de öllsten Kopmannshüser, dar weer irgend wat versteken, verdeckt un verborgen, wat Dags Licht schu'n muß. Wo de Öllern rechtli weern, dar harrn oft de Vöröllern dat op en Art erworben, dat wul de Kinner dat harrn wegsmiten mucht, wenn se't genau bedachten. Oder de Kinner arten ut, un en heemlige Schann war mit Glanz oder inne Fremdn todeckt.

Of op Reinhold Nissen fulln allerlei Schatten, Wittgarwer Böhnert wuß vun sin Vatter her, Jümfer Timmsen vun sin verstorben Fru. De Schatten harrn binah æwer se weg op Reinholden falln kunn, harr Thieß sin Gefühl sit nich dargegen wehrt.

Am schlimmsten gung't æwer arme Mädens her, de en Un-

---

Gensolt: Einsalt. Dub: Taube. Vermedersch: Vermieterin. Iwert: geliefert. wunn: gewann. Bothollung: Buchhaltung. verrött: verkauft. versteken: versteckt.



glück hatt harrn. Un dit Kapitel war so utföhrli behandelt, as dat vun de Erwedung, un de Fruns weern darbi nich de Swigsamsten, un wo de Wör noch nich ann Platz weern, dar reck dat Winken ut, um Allens apenbar un dütkli to maken, dat Süßzen, um de Sünn to beteken.

So gung't her. Doch kunn Thieß nich seggn, dat de Lüd dat nich ehrli un in ern Sinn gut meen. Blot, he harr nix darvun oder paß dar ni mank. Vun Erwedung weer der in em nich de Red, obglif dat darop recht affehn weer, un man sit Møg um em geb. Denn he weer vellicht de Einzige, de ol Matthias Claudius hier mægli en Butenmensch nömmt harr. Sin Fründ vunn Dörpen, schin dat, harr em ganz besunners in sin Schuß, as söch he dat Verdeenst, sin Seel to erobern oder to retten, vellicht mit em den ganzen Kreis vun junge Lüd ut de beste Börgeri, de bi em lepen. So schin em, un he harr of nix dargegen. Sogar de Meistersdöchter wenn' er Nehogen oft in Swärmeri op em un harr en Wort besunners vör em, wat em klung as Fründlichkeit un Mitliden.

Dat neem em doch sunnerbar hin. Oft brochen se abends de beiden nüßligen frischen Schollehrersdöchter na Rikershof rut. War dat Gespräch denn ünnerwegens of nich jüs fortsetzt, de Ton darvun wenigstens dur an un klung as en Melodie mank Allens dör. Se weern't alle gewohnt uttospreken, dat in Wör to bringn, wa se to Moth weer, wat se söhln un dachten. Man fram jümmer int Hart un de Post herum un ut dat Innere herut; nich Unwahrheiten un nix Schlechts, jo nicht! Wer in unsen Lann is dat so wenig de Art un de Bruf, dat dat Thieß as wat ganz Fremdes vörkam muß. Hier buten, alleen mank de jungn Mädens, keem of de Wittgartwer to Wort. He wiß na de Steern un den Maan un sprok ewer den schön Himmel, nich blot den, den man süht, of ewer den, den man häpt un de Fromme al op Eern findt. Sin indringlige Stimm klung fierlich, man kenn den Mann nich wedder, dat keem deep ute Post, un de Wör funn sit em so egen darto, man kunn sit en Mann darbi denken, as man se ut't ole Testament kennt. He sprok vun sin verkümmerte Kindheit. Ja, de weer erst verkümmert! Dargegen weer

---

beteken: bezeichnen. .mægli: möglicherweise. Butenmensch: einer der nicht zur Gesellschaft gehört, Nichtbürger. wenn': wandte. Nehogen: Nehangen. häpt: hofft.

Thieß en Glückskind west. Oppen Krumstöder Fierth oppe Heiloh in en Hütt half ut Soden, dar harr he hungert un drömt binn de Dær oder buten. Sin Olen weern op Törsgaben west, wenn he de ganzen Dag' alleen seten un na'n Himmel sehn harr, un keen Minsch harr em wul en Frag' beantwort, wenn he harr fragen kunnt. Doch of darto harr he't nich brocht, to Wör' harr si't nich opklärt in em bi al sin Gruweln. Un doch weer em en Stimm kam vun haben in de Dunkelheit, as Samuel se kam weer, un he harr se verstan. Dat weer de Berop. He weer nafsolt un toerst na Elmshorn kam, dar harr he de Wittgarweri lehrt. Awer nu harr em de Berop na de Heid föhrt, un dar weer em eerst dat Licht opgan, dat himmlische Licht, dat de Ger to en Garn ma' un em den Engel sehn leet, de em nich ut Eden rutwiß ut't Paradies, sunnern hinin. Wen dat goll, dat weer je dütti genug, un de blasse Meistersdochter seeg swärmerisch umhöch. Denn fung he Leeder an to singn un alle sungn halfslud mit. Se jungn Leeder ut't Gesangbok, de wi hier sunst blot inne Kar' hört mit de Orgel darbi un in Gedanken de Predig un de Sünndag. Doch hör Thieß se geern vun de sanften Mädensstim, se maken en egen fierlichen Indruck op em un he sung allmähli sachten mit. Doch jungn se of Volkslieder, de vun Leb, vun Glück un Unglück sprekt. De Wittgarweer steek vull darvun un Thieß hör menni schön Ton as ut sin egen Seel' herut tum eersten Mal. En ganz egen Slag Minschen un ganz egen Art Berkehr ünner junge Lüd! Wenn se so in de stille Nacht langs den eensamen Fottstig na de Marsch to gungn, twee junge slanke Gestalten vör em, eensch in Kleidung, awer sauber un drepli, æwereens as en Paar Zweschens, de Köpp ünner en paar lütt witte Taschendöker, de sit dann un wann na em umsehn, um en Wort mit to spreken; de biblische Gestalt un Ton vun den jungen Mann, de sit anne Sit vun de Meistersdochter heel un mit er wul noch en heemli Wort flüster, de swärmerischen Rehogen vun de, wenn se Thieß mit en Art Mitsliden betrach; darto Maan un Steern haben se, de hendalblinkern: dat röhr em mittünner al dat Blot op. Saker wussen de jungn Mädens vun sin Liden un Widen, so wit de Wittgarwer dat wuß. Dat harr de gewiß in sin

---

Krumstöder Fierth: Heidestrich bei Krumstedt, östl. von Melldorf.  
Soden: Torfstüde. binn de Dær: innerhalb des Hauses. Gruweln:  
Grübeln. Berop: Beruf. drepli: treffend, einfach. Zweschens: Zwillinge.

biblishe Maneer apenbart un wenn he of man Bers' ut dat Hohelieb Salomonis op em antwennt harr. Daræwer weern de Mädens um so mehr mitlibi un vertrut mit Thieß, un oft full en Wort as schull't en Trost sin. Thieß harr egentlick Umgang mit junge Mädens gar nich kennt. Mit Reinhold weer de Berkehr je ganz anners. Dit Bertrun de em gut. Dat der seggt un utspraken war, wenn of ut en anner Mund, wat em dump un swar opt Hart leeg, löf em dat op, un geb em Trost.

De Lev weer nämli en Kapitel, de in dissen Kreis vel bespraken war, ja se weer een vun de Hauptthemas. Jede Art keem hier to Wort, vun de an, de man gegen den Höchsten hebbn mutt, vun de Christen- un Kindeslev an, bet to de, de twischen Leefste un Leefsten dat Band afgift, twischen Brut un Brüdigam, Mann un Fru, in alle Gestalten, un of dat Gefährliche war utspraken oder doch andüdt. Unnerwegens reet of disse Faden nich ganz af. Man sprok vun dat Glück un dat Unglück inne Lev, vun de rechte un de unrichtige; un harr of de Wittgarwer hier dat Hauptwort, un wenn' dat tolek jümmer an de richtige Person, so snaden doch of Schol-lehrers Döchter in alle Unschuld mit daræwer. Spreken mutt de Minsch æwer dat, wat em drückt oder quält, man seggt je, wenn he keen Ohr findt, mutt he sik en Kul graben, wo he't hinin röppt, un wenn he man daræwer spreken hört, so tröst't al, wenn he of süln swigen mutt. So funn denn Thieß mank disse guden Lüüd, wat em sunst ganz feil. Denn mit sin ol Moder weer nich to spreken, un de jungu Frönn, de em op sin Stuv besöchten, harrn ganz anner Geschichten vör. Weer em nich jümmer wedder unsere darbi to Sinn warn, as weer doch wat darbi, wat sik nich hör, as weer he vellicht en Heuchler, wenn de Annern dat nich weern, as heel em ganz wat Anners, as wovun egentlick de Red weer: dat harr em wat andon kunn. He keem mitünner mit en Gefühl bi den Schollehrer an, dat he sik freu un seker föhl, dat se dar weern, so harr em de Weg umwöhlt, benëbelt, he much seggn, dun makt. En Mäden keem em begehrli vör, he seeg schöne Glieder, nackten Hals un Schullern dör de Kleeder hindör. Dat weih em an as en warm söten Athen.

De Lehrer weer en ganz ol nüchtern, mager Mann

---

de: that. andüdt: angedeutet. Kul: Grube. röppt: ruft. dun makt: trunken gemacht. söten Athen: süßer Atem.

mit Kofe Ogen. Welk to old, so schin't, vær disse hübschen jungn Döchder. So häßli he weer, un hellgrau vun Gesicht, so harrn sin Ogen wat vun Reinhilde er. Thieß seeg em nich an, ahn dat all sin nüchtern Verstand un fromme Lev vær dat herlige Mäden wedder lebennig war, all sin Liden frili of. De Schollehrer hölp awer of mit sin Wör mit derto. He seet jümmer noch op, of wenn't lat weer, op sin Döchder to töben. He seet bi en lange Pip, wo he wenig ut rof, un studeer geistlige Schriften. He weer of en religiösen Mann, awer, as he süßn sä, Rationalist. He weer ganz dat Gegen-deel vun en Swärmer. He seeg jümmer mit en Art Smustern, as man op Rinneri süht, na den Wittgarwer op. Doch günn he Jeden sin Ewertüfung, sä he, wenn se ehrlich weer. Darum leet he sin Döchder of ganz ahn Mistrun na de Heid to de Versammlung gau. Se weern annern Sinns as he, sä he. He kunn sit op se verlaten. — Gegen den Wittgarwer harr he apenbar nich ganz dat Vertrun. De awer föhl sit hier as to Hus, un bi den bescheiden Mann as en æwerlegen Held, spar he of de Wör nich, keem awer mitünner flech darbi weg, denn de Ol harr vel mehr dacht un lehrt, as man em anseeg, un vel mehr egentlige Religion, as he süßn togev. — Thieß stell he vær, as sin Fründ. Un Thieß kunn bemarken, dat he dar allerwärts wichti mit de. He verdeck den Burjung mit sin Stadtzungang. Wahrscheinlich vertell he vun Börgerz Sæns alfer Art, de bi Thieß in un ut gungn. Vellicht de't of al wat, dat Thieß bi Reinhold Rissen in Gunst un Ansehn stunn.

Of bi Meisters wuß he Thieß hintofnaden, un harr't dar natürli eben so værbrocht. Dat weern ganz ol simple Börgerzlüb. De Moder lach jümmer æwer jedes Wort. De Meister weer en ol æverglövschen Mann, de jümmer Alls værut seh. He harr na sin Meenung dat tweete Gesicht. He harr vele Rinner hatt un verlarn, un man disse een Döchder na beholn. Dat harr he allns værut sehn, un sin Fru bekräftig dat; indem se ja sä un lach. He seeg værher dat Sark oder de Drägers oder de Per oder den Rüster, un dat drop jedesmal in. „Ja,“ sä sin Fru un lach, „dat drop jedesmal in.“ Awer he apenbar dat nie Jemand værher. „Ne,“ sä de Fru, „dat de he nich.“

So weer Thieß na un na vun Wunner umgeben, un

---

Liden: Leiden. Smustern: Schmutzeln. alfer: jeder.

leem ut't Berwunnern gar ni rut. Bald weer't de Globen, de't maf, bald de Hönergloben, oder, as he mal vun en ol Paster hört harr: bald dat grote Loth, dat dat Uhrwart inn Gang hollt, bald dat lüttje, denn sunst war menni Minschenfeel ganz still stan. Wat anners noch heemli mit derachter steek, dat weer, wat man op Hochdütsch Triebfedern nöm.

Bi Thieß sin biblischen Fründ weer disse Fedder nich verborgen. Ob de Ol dat ditmal verutseeg oder de Moder, dat kunn man vellicht daran weten, dat bi en lütt Theegesellschaft, wo ok Thieß un de neegsten Fründ, Schollehrers Döchter un Jümfer Timmsen inladen weern, nadem Punsch bru't war, den de Ol geern drunk. Un as de Ol wul ungefehr dat twete Gesicht seeg, do war de Moder noch mal gewaltig küßt, un denn vun de Batter dat Jawort geben.

Nadem gev dat vel Fröhlichkeit, un ok de Punsch gung ni ut, wo de Wittgarwer vör sorg. Lud war man nich, alwer innig. Dat gev vel Küssen un Rosen, wat ok de Olen nich versmahn. Dar war en Bandspill inricht. De junge Brut küß Thieß bi de Gelegenheit, dat he kum wuß, ob dat de Brüdigam weer, de toseeg, oder he süln. Awer he war doch am meisten verfehrt, as he markt, dat Jümfer Timmsen er Gefühl op em hinwendt harr, un dat sin Fründ so gut, as vele vun de Annern dat geern sehn un dat andüben: dar weer noch vellicht en Paar in de Gesellschaft, wo de Harten sik in Lev still to enanner funn harrn. Dat lehr sik in em um. He war nüchtern, as harr he Scholmeister sin klofen Ogen sehn. Oder velmehr, he seeg Reinhilde er leibhaftig vör sik, as sä se em: „Un wenn du nix to hopen hest, bewahr di din Engel un Heilighdom, un wenn't nix, as Truer un Entfagen gev, din Himmel is't dennoch!“

To de Bernüchterung gev't vör Thieß den annern Morgen noch en argerlige Geschichte. Dar leem mitünner fremdn Besö in de Versammlung oder to een un annern Familie, un dat broch denn jedesmal vel Bewegung mit sik. Dat weern Lüd, de so to seggn opt Geschäft reisen, oft mit en apen oder verslaten Breef vun Bröder un Swestern ute Fremdn, de

---

Hönergloben: Aberglauben. . vun en ol Paster: Claus Harms (geb. 1778 in Fahrstedt bei Marne, war anfangs Müller, studierte von 1799—1802 Theologie, 1806—16 Prediger in Lunden, 15 km nördl. von Heide, 1816—49 in Kiel, † 1855). bru't: gebrant. verfehrt: erschrocken.

mehr oder weniger fierlich oder still opnahm warn, un op eben so'n Wis' wider förbert. Dar keemn Lüüd, de der sammeln vör irgend een Sat, Bröders in Noth warn stütt, dat feil enermögens an en Schol- oder Bethus. Dat weern meistens gude un Nothsaken, warum se keem. Thieß full blot op, dat der jümmer am meisten Iwer un Mitliden weer, je wider weg dat Unglück; en Juden in Friedrichstadt to bekehrn, darbör harr ni licht een en Drüttel äwer hatt, wul äwer vör de Swarten „ünner de Linje“ un daräwer hinut. Towilen blev't of rein Geheemnis vör de Inwiheten, wat en Mann vör harr, warum he dar weer. De Lüüd harrn meistens vel därmakt, de so keemn un gungn, inne grote Welt oder in er egen Seel. Dar keemn Missionäre, de den ganzen Erdkreis kenn, sit rumslagen harrn mit wille Minschen un wille Thiern, ünner Gitten un Küll, ünner Hunger un Kummer. Man hör mit Verwunderung an, wat Lüüd don un utholn künnt in Begeisterung. Dar keemn Lüüd, de alle Leidenschaften därmakt harrn, un dat to beschriben verstunn, wa de Minsch umsmeten ward, bet he Ruh findt. Mehrmals keemn der, de mit Bibeln un heilige Böker handeln, de vun Gütt to Gütt oppen Lann wannern, vun Hus to Palast inne groten Dr. De kenn' un vertelln, wa't innerli utseeg, wat buten Gold schin, oder wa innerlich rit, wat buten Armseligkeit. Dat weer merkwürdig. Thieß hör nich licht to, ahn ganz vull derbun to Hus to kam. Een un Anner keem em frili of wul mal verdächti vör, de Iwer to gewaltig, de Ruh ni echt. Man kenn vun de Lüüd of mank annere inne Heid, de nich in de Versammlung hörn, un sprok dar ganz anners äwer se, as Harm Wulf oder Wittgartwer Löhnert. He wuß seker nog vun Een, de mit Bibeln handel un sanft demödig in jede Dör tre, dat he of wul Tondersche fine Spizen ut en achter Rodtasch rut kreeg oder Pölln un Pulver vör een un anner Krankheit, wenn de Handel beter paß. Sin Frünn hier vertuschen dat geern, sproken höchstens vun rändige Schap un vun Rüggsall un so wat, of wul mal selten vun de Wulf in Schapskleder, äwer darmit war dat dot swegen. Im Ganzen äwer un wenn he sit mal daräwer besunn, keem dat Thieß vör, as weer de Welt in twee Deel deelt, de Minschen in twee Arten, jede harr ganz er egen Gesicht un Ansicht,

---

stütt: unterstützt. Inwiheten: Eingeweihten. Gitten un Küll: Hitze und Kälte. um'meten: umhergeworfen. Dr: Orte.

un keener kenn un verstunn siß vun de een Deel hinæwer na de anner. He süßn kunn noch jümmer sin old Gesicht nich los warrn un seeg nu so to seggn duppelt.

Darum blev he un enige Annere of jümmer noch buten, wenn wat ganz Besunners keem. Man heel denn en Versammlung to en anner Tid oder an en annern Plass. Harm Wulf un sin Süster Greten harrn er Wohnung ganz oppen Enn vun de Lüttwesterstrat. Se wahn dar in en groten Keller in Slachter Iwen sin Nebenhüs. Klas Iwen de Ol un Klas Iwen sin Sæn weern beid en paar lusti æwer-möbige Geselln. Se scheeln all beid op een Dog, un seegen deshalb jümmer ut, as maß de Een dat de Anner na, as weern se verdweer mit Willn, as lach dat rode Gesicht spöttisch inne Welt hinin. Se lurn jümmer beid derop, wenn Greten Wulf mit en verdeckten Armkorß inne Schummern to lopen harr. Denn weer der wat los. Denn maß Vatter oder Sæn siß in Keller to don, un wenn Greten en lütt Disch mit en rein witt Dischdoß deckt harr un op en annern Theegeschirr un Gläs' stunn, so frogen se er ut, bet Greten, nadem se siß lang wunn, endli de Fingern verlegen inne Rækenschört aßwisch un mitdeel, all wat er Hart dervun wuß, meistens wenig nog, awer genug vör Iwen Vatter un Iwen Sæn, de neegsten Sünnabend opt Markt vertellen: „Bi Greten Wulfsch weer wedder en Heiligen west, dat harr en Theedrinken un Reden geben, en Punschen un noch wat,“ wat se mit en süßen Mund dülli macken. Dat gev denn inne Slachterboden en Heiden-gelächter, dat dat na de christligen Wittgarverboden höhnisch heræwer schall.

Thieß weer bi so'n Gelegenheit nie tolaten oder inladen west, war nu awer mal vun Löhnert süßst opfordert: dar weer en ganz besuntern Mann to erwarten! — He sunn dat denn so, as he un de ganze Heid dat ut Iwen sin lächerlige Beschribung kenn. Man seet fierliger as gewöhnli herum, un en Mann stell siß achter den witten Reihdisch un re. De Mann frili gefüll em gar nich. Dar hör alle Unschuld vun Harm Wulf to, oder en guden Globen, de de Dgen to maßt, um to den Mann Totrun to faten. Dar stunn niz Gudeß in sin Gesicht mit gele Föln, un dat weer Thieß gradto häßli,

---

verdweer: schiefe. Schummern: Dämmerung. siß wunn: sich ge-wunden, gewieget. Rækenschört: Rükenschürze. tolaten: zugelassen. Reihdisch: Nähdisch. gele Föln: gelbe Falten.

dat he sin paar Spirn Haar inne Merren oppen Kopp utscheitelt harr, dat se as Heed æwer beide Ohren fulln. Værgung der sunst nig, as dat man sprok, nadem he redt harr, man weer still un as't schin angstlich. Dat keem denn rut, dat de Heilige en versolgten weer, dat man vør sin Sæterheit Sorg harr, un am Ende war Thieß angan, em en Gelegenheit op Rissen sin Schipp to geben, dat jüs vun Linn mit Rappstoken afgang schull, damit he sater na England keem. Dat weer also de Grund west, weshalb man em inladen harr, darto schull he brukt warn! Thieß kunn der doch nich gut umhin. He schrev em also glik en Brees op an Mäfler un Koptein, den de Mann dankbar vergnügt instek, Thieß sin Segen geb — un verschwunn weer he. Dat war æwer keen Sünabend, so vertellen al Klas Zwen un Sæn mit de Slachtermull Hus bi Hus: „Bi Greten Wulfsch weer ditmal en Heiligen west, de der echt weer, den harrn se in Tønning as en bekannten groten Spizhov opgrepen un insteken.“ So weer't, un war bekannt inn ganzen Lann.

Thieß muß jüs de Naricht krigen, as he al so ann annern Morgen vernüchert an dat Verlöfniß vun sin biblischen Frönn, an Jümfer Timmsen un anner Værfäll torügg dach. Em kunn nig Besunners darut entstan. Awer he muß doch mit sin Herrn daræwer spræken un den mehr vertellen, as em jüs angenehm weer. De sä nich vel darto, verwarn' em æwer doch: he harr't al bet darhin nich geern sehn, wa Thieß mennig Abend tobroch, æwer dacht, dat muß Jeder vør sik dærmaken. He kenn de Lüd recht gut, he wuß, dat se't nich slecht meen', æwer se warn in ern Iwer blind, sä he, maken sik un annere wunnerlich, un ungerecht gegen anner Lüd un anner Meenung, Secten gung't jümmer so, Thieß much künstlig værsichtiger sin.

Dat harr he sik allerdingß al süßn seggt. Wat he söch, funn he doch nich, unheemli weer em't jümmer bleben. Wat man to dregen harr, muß man doch alleen dregen, wat man dærtomaken harr, mit sin Gott alleen dærmaken. Uttreden kunn sik keen Minsch den Minschen, un de sik inbill, he harr't utföhrt, bi den Iux vun achtern doch en „Triebfeder“, as bi

---

paar Spirn Haar: paar einzelne Haare. inne Merren: in der Mitte. Linn: Tønning an der Eidermündung. Rappstoken: Ostfuchen aus Rappß. Slachtermull: Schlachtermulde. opgrepen: aufgegriffen. Verlöfniß: Verlobung. inbill: einbildete.



sin Fründ un bi Jümfer Timmsen. Wul weet aver, ob he ni doch wedder inn Dag hinin levt harr un vellicht troß Lev un Kummer mal an en Paar Rehogen oder en Paar rode Lippen oder en warm söten Athen weer behangn bleben, wenn he nich unsanfter as dörch sin Prinzpal un sin egen Gedanken, lud un utdrücklich, ut sin Drom vun Unglück un Frömmigkeit, wa he in los swimel, weer opweckt warn.

\* \* \*

Man vertellt sik vun Rom — wat wi ewrigens sübn of wul harrn lehrn kunnt, denn in uns ol ditmarscher Krönt warn wi jümmer as en Art Römer betracht, — also in Rom weern in urolen Tiden ordentlich en paar Lüd anstellt, de jeder een man in dat Hus rintreden oder oppe Strat angan, mintwegen en fein Juntherrn bi den gollen Knop fastholn un em seggn kunn: Hör, vun wegen de Snörn an din Rock, wull ik man blot seggn, dar hangt sik de Eitelkeit in op, aver de Fedderbusch anne Müß, de is to grot un schint to dull, ik be di, lat em lütter maken; wenn't of nich vær din Oln sin Geldbütel is, de't mægli utholn kann, so is't vær Annerlüd er Ogen! Oder he trock en lütt Damsel vær dat Dok aver den witten Boffen tosam un seggt: Verköl di nich, min Dochder, du wi'st jüs en gefährliche Sted! un se müssen dat hinnehm un sik dat gefallen laten.

En Anstellung vun de Art harrn wi jüs nich bi uns inne Heid un de annern lütt Fleckens in Ditmarschen, aver dat Amt weer doch jümmer freiwillig besett un war ahn Salarium richli værstan. Bald weer dat mal en würdigen Bullmacht, de dat mit Anstand verwalten de, de mit Indruck stan blev, as wenn en Dünn bestan blifft, un Nadruck gev sin spansch Mohr, wenn he dar wat mit recken kunn. Jedereen schu em, un de Jungs maken sik bi't Fleutensniden un bi't Appelnstehln bang mit den Kop: de Bullmacht kumt! — Bald weer dat en mageren oln wittharigen Amtsmeister, de sin Geschäft anne Kinner astreden harr, un innen Ort nu dat Dopen de um Runn tosam oder Fründschop oprecht to holn, den man denn morgens un abends, un wo man gung un stunn, ünner de Ogen leep, un he harr jümmer wat to be-

---

Wul: wer. swimel: taumelte. Krönt: Chronik. Snörn: Schnüren. to dull: zu arg. vær: vorne. verköl: erkälte. Salarium: Gehalt. schu em: schaute ihn. Fleuten: Flöten.

marken, as en echte Husmamsell æwer Sæn, Dochder, Herr un Madam, un weer't man en Faden astopußen.

Licht weer dat Amt jüs nich, un angenehm nich jümmer. Denn wenn de Fohrmann Hans Surbeer mit sin mageren Per langs den Lüttjenheid int Sand knoje, un de Been un de Arms un de Pitsch röhr as en Seildanzer, denn sta mal Gener still un segg em: de Hawersack her, Hans Surbeer, un de Pitschenstæl weg! — Mægli man frigg't en Drach Schell, de arger is as en Drach Släg'. Denn so'n Fohrmann is grof. Oder wenn de Landvagt langs den Fotsig na de Schanz ritt, wo he süßn ant Brett hett anslagen laten: Das Reiten und Fahren auf diesem Fußsteige ist bei fünf Thaler Brüche verboten: wer mag jüs op em togan un sit mit de Mäh inne Hand hüßlig de sit Daler vær de Armbüß utbeden? Wer weet, wat dar nasolgt, wenn he of mit Lachen inne Tasch grippt? Denn so'n Landvagt is mächtig.

Daher reet man sit eben nich um dat Amt, un wenn Een dat man ævernahn harr, so dräng keen anner sit hinto. Ja, inne lekte Tid, da de Wahrheit jümmer unbrukbarer ward un de Höflichkeit jümmer billiger, do hör dar all Een to, de en lütt beten en Schrub los harr oder irgendwo en lütten Worm, denn dat Amt war binah gefährli, un de't richti utfüllen wull, de muß en beten wat den Baijaz maken kunn, dat he wegstospringn verstunn, wenn't em mal to neeg keem, un dat Amt war mehr, wat man en Fleckensnarren nöm kunn as en Fleckensopseher oder Schaumann. Dar sunn sit doch noch jümmer Een wedder vær dat lerrige Amt, un de Stohl blev selten lang unbesett.

To Thieß sin Tiden weer dat en Mann, de Jedereen Onkel nöm un he nöm Jedereen Du. He heet bi'n Bärnam Gustavus, sin Familiennam schin ganz vergeten, ob he glif ut een stamm, de nich ahn Ansehn west weer. Doch much he de Lekte sin, un drev sit nu rum bi Sidenberwandten, bald vun een Nam, bald vun en annern. Man sä gewöhnli Onkel Justus, awer je na Gelegenheit alle Verännerungn, de man twischen Gustavus, Stabus un Onkel Just opfinn kunn. He weer en Art Quartaldrinker, oder as he sä: He harr den Quatemberdörst. Dat Quartal keem öfter, de Quatember full

---

astopußen: abzublasen. knoje: knetete, watete. en Drach Schell: eine Tracht Schelte. sit: süß. Armbüß: Armenbüchse. en Schrub los harr: etwas verschroben war.

jümmer op en Mandag. De ganze West æwer weer he en ganz annern Minschen: still, as weer he stumm, ordentlich, arbeitssam, mak sik nütli bi de Einigen. Sünndags gung he to Park. Awer wenn sin blaue Mandag keem, so harr he den Hot schreeg, den Noth wit apen, dat man sin brede Vost un witte West seeg, un denn gung he, as wull he op Jedereen los, un söhr sin Amt ahn Rasicht. Wat harr man en Angst vør em, wo he op en Hus löstür! Dar weer gewiß en grot Kaffeslampamp den Sünndag west, wo de Manu nig vun wuß, un nu keem't all to Dag'. Oder de Dochder harr güsternabend mit de Innehmer sin Schriwer spazeern gan, oder wat dar of los wen much: los weer dar wat, seker, un de Strafred folg, oder de Stichelred, de noch arger weer.

Of to Thieß keem Onkel Justus. „Wat, seggt he, if meen, du wullst mal wat warn! Un huchst di nu mant de Bälammer oppe Gastwurth? Meenst, du sittst inne Wull un kannst di de Keems sniden ut nie Ledder vun de Wittgarwers? Scham di wat, Thieß Thießen! Dat's keen Religion, wat di dar hollt, dat is ganz wat anners. Erst is't söt, denn ward man dun, ut Rosin' ward Brannwin distelleert, un tolesk ward't Etig. Dat's nig vør di! Wullst du Religion söken, ga to Park, wull't Vergnügen söken, ga na't Landschopshus, wo ordentliche Lüd kamt, wull't Glück söken, Junge! Kerl! denn lik ni na'n ünneren, sunnern na'n baben. Di hangt noch keen Appel to hoch, wenn du man klattern wullt. Ja, weer if noch so junk as du! Mi gung't ebenso, if kann mitspreken. Weest, wo man hinkumt, wenn man ni stiggt? Wo if nu bün! Mit Emmanuel un Jan Piter bi Greten Gevsch achtern holten Disch; grot Mat darop. Schenk in, Greten Gevsch! Dat is dat Enn! Dar kann if oppen Disch haun, un wenn if will, spuck if se oppen Kopp, all mit enanner. Dat is dat Enn!“ Darbi sett he sik dal, sett eerst den Hot scheef opp, sett em denn af un le den grisen Kopp op den starken Nacken trurig inne Hann. — „Ik wull di man seggn,“ seggt he denn in en ruhigen Ton un hevt sik op: „Hö di! Lat di ni fangn! Du warst mi dat Wort danken. Du kannst

---

keem to Dag: kam an den Tag. Gastwurth: Straße in Heide. Keems: Riemen. Etig: Essig. Landschopshus: das landschaftliche Haus, wo die Landesgevollmächtigten ihre Versammlungen hielten, zugleich Wirtshaus und Hotel. achtern holten Disch: hinter dem hölzernen Tisch, dem Schantisch. Hö di: hüte dich.

mehr, as een vun de dumme Junges, de vun Möldorp mit rode Mügen wedder komt! Dat sünd nu bunte Tiden: Pas op! Grip to! Grip to!“ Un darmit wanner he rut, den Hot wedder scheef inne Blau-Mandags-Stellung.

Bunter war allerdings dat Leben. Harn wi keen Krieg, so harn wi doch Kriegsgeschrei, de Welt weer ute Fogen, de Tid gung en verkehrten Loo, alle Ordnung gung to nichten. Früher, wenn Abends de Klock negen slog, denn stunn de veer Hauptwächters as en Klewerbeer vör de Wachtstuv vör Dör, un lurn op den Schlag, jedereen na sin Himmelsgegend. Man kann se vör ole Ritters holn, de to irgend een fierlige Handlung parat stunn. De Kük, de se drogen, heet de Morgensteern, dat Dings, wat se dreihn, de Kettel; wat se an harn, weer in Düstern swar to seggn, harr ok keen Wertschriift un much mögli en Innerroth liker sehn, as en Rüstung. Un wenn de Markenklock utslagen harr, so gung jedereen op sin Strat los: de op de Osterstrat, de op de Wester, jeder na sin Himmelsgegend, de Kettel klung fürchterlich, un se repen jeder in sin Gegend de Lüde to, dat nu de Klock negen weer.

Dar harn de Kopmannsjungs un Ladendeneres al lang slapri op lurt, al mennimal japt un tolek Sus an Sus vör Dör stan, un sit tofragt, ob't bald so wit sin much?

Op den Schlag mit de Klock, un mit de Wächters togli, hör man denn de Finsterlufen ballern um't ganze Markt rum, un in de Stratenenns herin, een Dörklock na de anner klingel, as de Dör tomakt war, un de Lichten verschwunn in de Hüser een na't anner. In't Landschopsshus lüch de Weerth de lekten Gäst ute Dör, denn wenn man de Wächters hör, war de lekte Robber spelt, oder dar war opbeelt, un wenn nu noch irgendwo en Licht blev, kann man seker wēn, dat brenn vör en Kranken, un Frag un Antwort, wa't em wul gan much, weer de lekte Ton, den man vun Menschen hör bet morgen früh. Blot vun Rissen sin Stampmäl hör man, as vun den Perpentikel inne Thorneklock, de Wertschlag un Maschlag lisen æwern Ort hin.

Dat war nu all anners. Wie geseggt, Krieg harn wi nich, atwer wi hörn doch dat Kriegsgeschrei, un dat maht uns

---

Klewerbeer: vierblättriges Kleeblatt. Kük: Keule. Kettel: Schnarre. liker: ähnlicher. Kopmannsjungs: Kaufmannslehrlinge. slapri: schläfrig. Finsterlufen: Fensterläden. ballern: lärmern, schlagen. Dörklock: Thürklocke. Robber im Whist.

alle unruhig. Wi hörn dar na hin as na en grote Prügeli, de wi je noch kenn' un dann un wann, sogar int Landschops-hus, beleben, un wo of jede ordentliche Kerl Parti nimmt, wenn he nich gar to koldblödig is, un denn weckt em sach en Kameraden. As wi uns je denn vun een vun de groten Kolsz Jungns vertellen, de en Slägeri toföht un smökt.

„Wat,“ seggt Karstenohm Karstens, „Krüschan, schamst di ni, smökt hier un letts din Kameraden rutsmiten?“

„Ja,“ seggt Krüschan Kolsz nn lacht, „if kann je man ni dull warrrn, giff mi een ant Gesicht!“

„Dar kann ik mit deen,“ seggt Karstenohm Karstens, un gift em, wat de Hamborger Bäders en „Mulschell“ nömt, „nich vun güstern.“

Un Krüschan deit em sin Pip hin un seggt:

„Hol mal en beten an, dat hett hölpn.“ Un rut smitt he, all wat em entgegen kumt.

Wi weern meist vör den Franzosen, as de Kerl, de der am dullsten „op dal“ gung. Dat unsre dütschen Bröder darbi dat Blot laten müssen, dat neemn wie as en Schicksal, bi'n Krieg sett dat Blot, wi harrn em nich anfangn. Unse Regeern, dat heet de Dän, heel dat mit Napoleon. Dat wi darbi am besten wegkeem, weer unsre Glück un nich unsre Verdeenst. Wi, de Nakam' vun de Römer in Ditmarschen, wi freun uns, dat dat mal wedder en ordentlichen Kaiser geb, en Kerl, de de Throns umstött, as wi gelegentlich Dischen un Stöhl, un dat dat en Mann weer, de fröher mal Korporal spelt harr! Dat weer unsre Mann. Wi kossen uns sin Bild, am leefften merrn inn Pulverdamp, un huugn dat bi Friedrich den Groten op, wo dat behangn bleben is, so lang de oln Rahms heeln.

Dar war nu doch æwer spraken un darbi oft Nachtwächters un Börger-Bett-Kloß æwerhört. De Tiden weern unruhi.

Oppe Gastwurth seet Wittgarwer Löhnert mant sin Vä-lammer, as Onkel Justus sä, he heel den Stock faster as

---

toföht: zusieht. Karsten = Christian. Karstenohm = Dheim Karsten, Kosename. Krüschan: Christian. rutsmiten: hinauswerfen. deen: dienen. Mulschell: Mauschelle, Backpfeife. nich vun güstern: nicht von gestern d. h. recht derbe. deit hin: reicht hin. am dullsten: am ärgsten. op dal: drauf los. Regeern: Regierung. Nakam': Nachkommen. Vä-lammer: kleine Lämmer (nach dem Ton „Vä“ ihres Blöfens).

gewöhnli, he seeg gewaltsamer as sunst ut de Dgen, un sin Bör fulln mit duppelt Gewicht, as he re vun dat Thier mit sabeln Köpp, un denn op de Hoffährtigen keem, de Spikelanten un de Sabbathschänder, un he seeg sit um, ob Thieß Thießen noch dar weer.

Bet na de Rossmæl drungn de Abisen, as man de Zeitungen domals nöm. Wer am besten de Kunst verstunn, de harr dat Bærlesen, bi jeden Schlag vun de Stamp funn he de Tid ton Bokstabeern benützen, denn dat gev vel gefährliche Rams, wo of en gewandte Tung æwer stültern funn. Sogar Landkarten funn sit bet in Rutscher Willem sin Hann. He, as de, de am meisten oppe Landstrat leeg, schull billig of Weg un Steg weten, un dat „Hauptquartier“, wovun jümmer de Red weer. Awer meistens muß ol Jan Baas em sölen hölpen, sin smerrige Finger leet bi jede Hauptquarteer en Fettplacken ton Webbersinn.

Int Landshopshus, wo alle Beamten keem, war natürlich würlki kanngetert, dar fung man of an von Ratschon to spreken, dat klung as en Fremdwort, un Bataillon ganz ähnlich, un wi weern natürlki buten alle Ratschon. Glücklicher Wiß weern wi of ahn Bataillon.

De grote Minschenflot blev meistens achter de Elb. Doch smeeet se uns mitünner wat annen Strand, oft vun allerlei Nations un allerlei Gestalten. Dat weern ole Tiden, wovun Onkel Justus seggt harr, se warn bunt; Thieß dach oft an dat Wort, un of an dat anner, dat weer em deep int Hart fulln: he schull togripen. Wohin man? He harr eigentlich keen Lebensmoth, dat weer em egentli allens eenerlei.

Awer dat keem an em, un so wit muß he wul, much he mægen oder nich. Al dat he en beten vun anner Sprachen verstunn, broch Lüd to em. Wul wuß denn mennimal, wat ünner so'n Gestalten versteken weer, Prinzen un Fürstener mitünner. Wat muß he sehn un lehrn, wa't inne Welt hergung!

Bi Reinhold Nissen weer't bald as in en Dubenslagg, dat slog man jümmer in un ut, un wenn de Herr ni dar weer, muß Thieß Thießen uthölpen, of op Gefahr hin.

Tung: Zunge. stültern: stolpern. Placken: Pleden. kanngetert: gekannegießert, weise politisiert. (Der Ausdruck von Dethardings 1742 in Altona erschienenem Lustspiel „der Politische Kanngießer“ [der politisierende Binngießer]). buten alle Ratschon: außerhalb aller Nation. al: schon. Wul: wer.

Dar war mennimal en ganzen Swarm bi uns oppen Strand smeten. Landvagt un anner Vagt wussen denn meistens ni ut noch in un lepen bi Reinhold Nissen um Rath un Hölp.

Vær den weer dit recht as sin Wedder. He weer as en Art Stormvogel, de de ruhige Luft as Sticlust anfüht. He fahr dermant rum recht as ton Vergnügen. Hölp wuß he jümmer, verlegen um wat weer he nie.

Wi müssen doch of wat don, dat Vaderland to vertheidigen, so meen de Herr Landvagt. Dat keem de Heider Jungs natürli unbanni lächerli vær. Hant harrn wi uns wul nog, awer meistens mit de Dän, dar lesen wi noch all Dag' inne Krönk darbun, un wisen uns de Stellen, wo dat Blot flaten harr. Nu vært Vaderland? Wokeen? Un gegen wen? Dat schull sik sinn, wenn he keem, meen de Herr Landvagt, man eerst vertheidigen! En Nam weer of inne Landvægdi utdacht, Landstorm schull dat heten, dat paß uns wul, Storm kenn' wi, to Land un to See, blot Lüð harr man noch nich un an Gewehr un Flinten vær se war natürlich gar ni dacht.

Reinhold Nissen muß wedder raden un hølpen. He schick sin egen Lüð hin, un dat gev denn al en ordentlichen Hupen un en Stamm, de tosam heel. Vær allen awer snack he mit Thieß un schick den in de Versammlung, un so keem de, wo Onkel Justus em hin hebbn wull, of int Landschopshus, ahn dat he't bedacht harr. Dar heel de Secretair ut de Landvægdi de Versammlung af, un mehre „Herren“ uten Ort reden mal en Wort vun haben dermant. Doch dat weer dörcht ni gan, un dat weer gewis all in en Kuddelmuddel ut enanner lopen, denn keen Minsch verstunn den Ton to drepen, harr nich Thieß sik of hier dermant mischt, un gegen sin schüchtern Gefühl, lud dermant spraken. Dat weern meistens sin Bekannte un vele sin Frünn, de hier tosam kam weern, dar fehl nich Jarwers un Dischers Sæn, dar fehl nich junge Lüð vun de Wittgarweri un wat darmit tohop hung, op Thieß sin Wort hörn se all, un so kreeg he richtig to Gang, wat sik æwerhaupt utföhrn leet, de „Herren“ un de Secretair sproken bald gar fründlich un bekannt mit em,

---

fahr dermant rum: fuhr dazwischen herum. unbanni: unbändig, übermäßig. Wokeen? Welch' einer? wer? Kuddelmuddel: buntes Durcheinander. drepen: treffen. tohop: zusammen.

un dat Dings kunn los gan, de Landstorm. De Grossmied Stömer mit sin veer groten Jungs harr en Monat to don, un vel Brannwin un Speck to vertilgen, bet de Beken utsmiedt weern, wovun Jeder een inne Hand kreeg. Mit en grot Gelächter lepen denn de Heider Jungs op den groten Heider Marktplatz tosam, de Dinger as Mistforken inne Hand ton Exerceern, as fröher ton Speln. Jeder wuß wul, wo he dat Dings hinsmiten wull, wenn ut den Spatz mal Ernst warrn schull, dar weer niz mit to don, as sit daran opspitzen to laten oder dar würlki en Fork ut to smeden. Awer vœrlœpi weer't en Spatz in en lankvilige Tid, un Thieß harr en Art vun Commando æwer de frischen jungn Lüd, un dat de em wenigstens gut, oft merrn dermant to sin.

In Reinhold Nissen sin Hus un Kantor gungn awer of noch anner Dingen vœr, wo Thieß Thieffen mit darbi sin muß. Wenn de Herr of rum slog as en Stormvogel, de Wind sin Vergnügen, so vergeet he doch nich, dat he en Nest harr, un dat man dat warm holn much gegen kole Tiden. „Allerwärts deen,“ weer sin Grundsatz, „un allerwärts verdeen.“ Dar keem ni licht en Emigranten in sin Hus, en Flüchtigen ut Hamborg oder wider her, so hœlp he em æwer de Eider oder wo't hin weer. Oft harr Thieß dat heemlige un gefährliche Amt, muß mit so'n Mann bi Nacht un Newel, dat gung still un stumm æwer't Lindner Moor, op Nebentweg na de Au, dat gung æwer de Tieler Marsch, in lütt Bœd gung dat twischen de Fährn æwer de Eider, un oft warn em denn mit Danken oder Süßzen de Hann drückt, wenn he torügg fehr: dat weer de Lohn.

Awer wenn der Tropps vun Soldaten keem, so harr Reinhold Nissen de Geweranz. Denn muß Thieß los ævern ganzen Lann, Hawer to kopen, Korn, Schinken un anner Etwaar um jeden Preis. He kreeg Bullmacht æwer Geldsummen, dat em mitünner gruli weer, un he seeg denn naher inne Bœker, wa sit Daler op Daler summeer, oft tein op een, un an sin Principal, wa vergnœgt he sit sin sin magern Hann rev. Natürlich full em darvun of sin Deel mit to, un he

---

Beken: Piken. utsmiedt: fertig geschmiedet. Mistforken: Düngergabeln. merrn dermant: mitten dazwischen. Tieler Marsch, nordöstl. von Heide an der Eider, wo die alte Tielenburg gestanden hatte. Bœd: Bôte. Geweranz: Lieferung. Etwaar: Eßware. gruli: graulich, angst. tein op een: zehn für einen. rev: rieb.



kunn nagrad seggn, dat he en lütt Raptal achter de Hann harr. Sin ol Moder leb in Uwerflot vun Kaffe un Stuten, un verwunner sik oft, warum he nich en Fru neem? Se wuß so menni smucke Deern vør em.

So leep vør em buten dat Leben. Of Reinilde seeg he natürlích öfter. Dat gev fast jede Wøk inn Hus' Gesellschasten vør allerlei fremd Volk, un Thieß muß meistens derbi sin. Wa weer se jümmer schön! Wa weer se jümmer anners! Wa weer se jümmer, dat em dat ant Hart wedder en weke Sted drop, so fast he sik of maken de! Wenn se eenmal de groten Ogen fründli op em richt, so weer em vør en Tidlang to Moth as en Swacken, den de Sünne beschint hett; sprot se enige Wör mit em, so leeg vør em jümmer noch wat Besunners darin, wat æwer un ünner de Wör, wat ut en annern Mund gar ni kam kunn. Mit de Wör int Ohr sleep he in, darmit wak he op, un oft harr sik nachts darut in sin Drom en ganze glückselige Welt tosamsett, wovun he den ganzen Dag of noch Lust un Naclang dærfühl. He wuß seler nog, dat he vør er ni gut nog weer, he harr of natürlích egentli nie daran dacht, dat he er heirathen kunn oder wull, blot he wuß nich to leben ahn er. Nu harr he't, as he meen, so wit brocht, dat he't ruhig ansehn kunn, wenn en anner er freeg; wenn se blot dann un wann de groten Ogen fründlich op em richten wull, wenn he blot nich er ut de Neegde verlør, wenn se blot wuß, wa grenzenlos vel he vun er holn harr, un dat he harr vør er don kunnt, all wat en Mann mögli. Sogar den Secretair wull he nich böß wen, wenn de de Glückliche weer. So wit harr he't brocht. Dennoch weer jümmer na een vun sin Reisen, de nu hüpiger warn, de eerste Frag', de he sin ol Moder in allerlei nie Formeln bibroch, dat eerste wat æwer sin Lippen keem: ob de Secretair noch nich glückliche Brüdigam? un desglíken, un dat full em jedesmal as en Steen vun de Post, em war jedesmal to Moth, as weer em wat Besunners schenkt warn, wat em fröhlich mak, wat em de Mund to'n Singen oder to'n Lachen stell, wenn klein Anna em jümmer noch nich dat Glück mitdeeln kunn, wona se so lurger un hunger.

---

Stuten: Weißbrot. weke Sted: weiche Stelle. æwer un ünner de Wör: über und unter d. h. in den Worten. ut de Neegde: aus der Nähe. bibroch: beibrachte, stellte. lurger: verlangte.

Bi en Geleghenheit, as wedder fremde Herrn un Ofzeerz den Ort æwerlepen, muß vør de Herren int Landschopshus en Ball geben warren. Dar kunn Thieß nich sehn, al wegen sin Engelsch un Französch, wat he in disse bunte Tid mit fremde Lüd so vel övt harr, dat em't licht vun Mund gung. He muß sogar Mamsell Reinhilbe inn Wagen hölpen. Se seet as in en Wulk vun Spizen un witten Moflin. So muß en Engel uten Himmel herut sehn! Er Farben weern all noch deeper as kunst, de so al vun't deepste weern: de Haar, de Ogen, dat Roth oppe Backen; de fremden Herrn reten sit um er ton Danz un Spreken. Un as se doch ok vør em einmal en Danz æwer harr, as he er mit den Arm umfaten böß, as er warme Athen em anweih, as se mit em sprok, gar ni in den luden Ballton as mit de Annern, sunnern in den däglichen Huston, enige vertrute Wör æwer Husangelegenheiten, do weer he binah dun warn vør Glückseligkeit; he wanner so seker ünner de groten Kronlichters rum, as harr sin Weeg dar mal stan, un sprok mit fremde Herrn un Heiders, as kenn he mant Lüden keen Ünnerscheed mehr, denn em harr en Wesen uten Himmel anlacht. Den Secretair war he kum wis.

Frili heel so'n Glücksal jüs nich jümmer lang vør. Reinhilbe harr em doch ganz anners utteken mußt, wenn dat wat mehr bedüden schull as Fründlichkeit. Se neem sik sogar in Acht, so schin em, dat he er nich to vel Gefälligkeit wisen kunn, kum mal, dat he er en paar Noten affschreb oder oppaß er de Feddern to sniden. Ok war dat Geschäft so grot, dat he genug to denken un to don harr, um man hindær to finnn un den Ropp nich ok noch to verleern — um vun't Hart nich to spreken, wat doch al weg weer.

De Franzos wull in sin Wuth den Engländer — wo he mit sin Kanon' ni ræwer recken kunn — ersticken, wull em den Handel affsniden, em so to seggn, as bi en Minschen de Pulsadern ünnerbinn'. Dat gung nu man nich, as he sik dat dacht harr. Bellicht weer't gan, wenn he den Engländer alleen hatt harr. Awer wi weern all mit derbi, un, Fründ oder Fiend, dar hölpen wi all mit: de lüttjen Adern wenigstens apen to holn. Denn he much recht gut en groten Kaiser sin, wo wi in Ditmarschen unse Freud an harrn, awer dat uns dat Pund Toback nu en Daler kosten schull, un dat Pund

---

reten sik: rissen sich. böß: durste. dun: trunken. Weeg: Wiege. war wis: beachtete. utteken: auszeichnen. oppaß: aufpaßte, acht gab. ræwer: herüber.

Raffe en Speetschen, blot sintwegen, dat weer ni to verlangen, Raffebrinken un Smöken kunn man nich wegen en Kaiser opgeben. Un sunst, muchen wi em of bewunnern op de Biller, wo inner stunn: Napoleon auf der Brücke von Lodi, oder Bonaparte in der Schlacht von Marengo, un inn Dampf en lütten Mann mit en groten Riter; dat wußten wi recht gut: alles sehn kunn he doch nich, un wat smuggeln heet, kenn wi al ut fröhern Tiden. Dar keem bi uns keen lütt Loch int Land as en Bütt oder en Priel, so leep der en Smack rin oder en Slup, en Boot oder en Rahn, un all keemn se vun en engelschen Haben oder en engelsch Schipp, un harrn jümmer Toback un Raffe laden, um vun't Gewrige nich to seggn. De Eider un de Treen weern natürli de Hauptweg, Tönn' leeg vull vun all de Minschen, de wat wagen. Dar war Karten spelt un Bank opleggt, dar weer all, wat Utschott weer mank ordentlige Lüden. Dar wanner awer of menni klof ruhi Gesicht umher, de man't ni ansehen kunn, dat he de Hauptmann weer vun de Bann'. Dar warn bi düster Nacht Wagens vull lad, de keem' as harr de Wind se tohopen blas't, dar seet mitünner en Ditmarscher vun dree hundert Pund, un drunk dree Controleurs dun, dat se Hörn un Sehn vergeten. Un denn gung't op de Per, na alle Ranten stoben de Wagens ut enanner, wülke Norn de Eider langs na Hohn un't Holsten to, op Umwegen awer Niemünster oder Seborg weg, oder Süden awer Lunden un de ditmarscher Geest, na Hohnvestedt rop oder sunst wo lank: de Afnehmers lurn al as Pack- un Sackträger, dat gung in Sitzbred in Wagenlastens, ünner Hei un Strei rop na Hamborg, un weg weer't trotz de Grenzsperre.

Reinhold Nissen weer nich de Letzte, de de Slitweg' kenn un gung. Krieg gegen Krieg. Wie du mir, so ich dir. He

---

Daler: dänischer Riksthaler = 2,35 M. Speetschen: Spezies-  
thaler = 4,50 M. Riter: Fernrohr. lütt Loch: kleines Loch, nämlich  
Wasserweg. Bütt, Priel: kleine Wasserläufe zwischen den großen  
Schlid (Schlamm)- und Sandbänken des Wattenmeeres an der Küste.  
Smack (Schmack), Slup (Schaluppe): Namen verschiedener Küsten-  
fahrzeuge. Treen: Nebenfluß der Eider, an der Friedrichstadt liegt.  
Utschott: Auschuß. drunk dree Controleurs dun: zechte mit 3 Zoll-  
kontrolluren, bis sie trunken waren. wülke Norn to: manche nach  
Norden. Hohn (westf.) und Holsten (östf.) die Gegend zwischen der  
Sorge, Eider und Mendsburg. Seborg: Segeberg. Hohnvestedt:  
22 km westf. von Neumünster. Sitzbred: Sitzbretter. Hei: Heu.  
Strei (Streu): Stroß. Slitwegg': Schleichwege.

weer æwerhaupt keen vun de, de den lütten Korporal bewunnern. He dach ganz anners æwer em. Bi em keem mant de Flüchtigen of anner Vüd, as de französch sproken. Beer dar doch mal en lütten isern Mann kam, den se Ernst Moritz nöm', de fürchterlich op den Disch hant un op den Röwer un Mörder schulln harr. De weer heemli na Sweden verschwunn. Awer Böker legen der vun em un Annere, de versteken holn warn, un of Thieß les' den Geist der Zeit un de Reden an die deutsche Nation.

Bær Reinhold Nissen harr de Sak noch en besunnern Haken, de em, as man wul seggt, dær de Gut int Fleeisch gan much. He harr sin Handel mit England, he harr sin Affaz darhin. Sin ganze grote Wirthschaft weer darop bu't, dat dat Water twischen hier un dar ni togung un ni topannt warrn kunn. Kum mal dat Ol weer binn Lands los to warrn un harr wenigstens, as de Kopmann seggt, keen Pris. Ordentliche Lampen brenn wi noch nich, un „Straßen-Erleuchtung“ harrn wi nich. Wi brenn Talglichter oppen Disch, wi gungn mit Stocklantern to Strat, wenn't düster weer. Wo noch en Lamp ansteken war, dar weer dat en echte Thranlamp, de vun Bæn hendal mit en Red, an en Arm as en groten Wiser hung, un bet merrn ævern Disch stellt un regeert warrn kunn. De geb jüs so vel Licht, dat Moder darbi spunn, Bader darbi en holten Loppel snee, un Dochter darbi de Strümp ævern Abensteen stopp. Wer achtert to seet, war ni sehn, un harr nig to sehn, dat weer höchstens en swigsam Natter, mit de Pip inn Mund. — Also dar verkop Gener Ol! Reinhold Nissen wuß doch sin Weg. Wenn he dat Ol mit Roggenbrotsrinden harr utfaken laten, so heet dat raffineert, un darvun got menni lütte Herzog in Thüringen un dar herum ut en fein lütten Buttell dat Brawanzöl op sin Salat, un leet sin Gäst rüken, wa echt dat weer. Salat eten wi bi uns of ni. Dat Gras æverlaten wi de Röh. Wi

---

E. M. Arndt, von dessen „Geist der Zeit“ der I. Band 1806, der II. 1809 erschienen, floh 1806 nach Schweden. Röwer: Räuber. Neben an die deutsche Nation, von Fichte erschienen 1808. topannt: schließen. Bæn: Boden, d. h. Zimmerdecke. Wiser: Zeiger. holten Loppel: hölzerner Löffel. snee: schnitt. Abensteen: Ofenstein, plattrunder Stein aus gegossenem Glase. achtert to: dahinter. utfaken: ausfochen. Buttell: Flasche. Brawanzöl: Provence-Öl. eten: aßen.

eten dat Iewer nàher as Botter to't Brot, oder eten Brot to de Botter, un Ol bruken wi also tweemaal nich.

Doch, as ik seggt heff, darmit harr't tolek wul gan, un Reinhold Nissen harr Mittel un Weg' funn: slimmer weer't mit de Olkofen, de Rest, de der nablijft vun de utprekte Saat, de as bacht in Forms tolek ut de Naslag herutkamt. Dat is je meist so in Fabriken, dat in den Affall eerst de rechte Verdeenst sticht. De legen nu rum in Stapeln opschicht as Tegelseen, un keen Minsch kunn se bruken. De gungn früher as dat beste Behfoder na England ræwer, wenigstens ünner den Nam — kunn sin, dat man dar noch en Rest vun Ol ruttokrigen verstunn, un dat se't man kossen ünner dissen Titel, as se je Oli kossen wegen en Beten Sülwer darin: genug, hin gungn se dar in ganze Schepsladen un betalt warn se, as keen Behfoder sunst prift. Hier kunn se nümms bruken, un en ganz Capital leeg tolek inne Schüns ünner de Föt rum.

Dat Hauptgeschäft keem deshalb na un na int Stöcken un de groten Mælen int Stahn. Dat weer mehr vært Ansehn inn Ort, de dat ganze Jahr æwerhin Nissens Stampers hör, dat man inne Rosmæl regelmäsig fort arbei'. Dar war en beten Linöl slagen, wat bunne Malers un Anstrikers inne Heid un Umgegend sit Jahrn ute Fabrik afhalt war. Sunst weer Allens still, de Markt- un Schibenwallsmæl stunn in Scheern. Geert un de Baas pusseln dar wat an binn un buten rum, um dat en beten ünner Farb to holn.

Inne Rosmæl war banni de Kopp schüttelt. De lütt Korporal un sin Hauptquarteer keem jümmer mehr in Miscredit. Vunn Generalstab war mit Verachtung spraken, de verdamnte Franzos kreeg vun Allens de Schuld. Wenn de Herr mitünner mal dær de Schüns un de Mæl schot un mit sin scharpen Ogen hier un dar keef — he weer jüs ni verdreetli un jüs ni slagen, awer he rev sik of ni jüs hüpi de magern Hann — so dach jümmer en Feder: nu war't losgan! He war se nu alle an er Postens stellen! Denn se heeln em alle dær en Art vun Napoleon, dat weer dar eenmal Ned un

---

nablijft: nachbleibt. as bacht: wie gebacken. Naslag: Nachschlag. Tegelseen: Ziegelsteine. Behfoder: Viehfutter. kossen: kauften. Oli: Blei. Schepsladen: Schiffsladungen. prift: bezahlt wird, wert ist. nümms: niemand. stunn in Scheern: standen in Scheren, d. h. in Gestalt des Andreaskreuzes, feierten also. pusseln: machten sich allerlei zu schaffen. banni: gewaltig. slagen: niedergeschlagen.

Gedanke warn. Doch he bestell weder Generalstab noch Hauptquarteer, un gung jedesmal, nadem he hier wat ordent un dar wat torech stellt, lævt oder tabelt harr as sunst, mit sin raschen Schritt ut de Sidenbær, un man seeg sin grauen krusen Haar verswinn as gewöhnli: Krieg gev't noch jümmer nich twischen Napoleon un Reinhold Nissen.

„Wenn man wenigstens en lütt Scharmüzel,“ så bi so'n Gelegenheit Rutscher Jan Willem, „en lütt Bærpostengefecht,“ seggt he, un slecht an sin Swep, as wenn en Artillerist sin Kanon asprukt. „De verdammte Franzos! Dær schull he egentli nich darmit, hebbn schull he der wat dær!“ Un he probeer sin Pitsch, as kunn he em daruit affstrafen.

Ditmal schull he ehr Recht krigen, as he't binah sülb'n dacht harr, un ut de Spaß schull en halwen Gernst warnn. Thieß Thießen keem achter de Herr na un bestell Jan Willem, he much alle Wagens bereit holn, de los oder los to krigen weern, he much se bestelln, dat se ahn Opsehn rund de Heid un dweer dær, all as't paß, op verscheeden Wegen sit Merrn-nacht bi'n Galgenbarg Korn de Heid insunn. Dat klung denn allerdings gefährli nog! „Spanngrund un Grimslit“ weern dar neeg bi, wo sit al mal de Ditmarschers haut harrn, Mann gegen Mann, denn Jan Ranzau harr seggt to sin Lüß: „Scheet ni ehr, as bet jü se dat Witt in Ogen sehn künnt, de en Ditmarscher sleit, sleit en Kerl.“ Dat wi Ditmarschers weern, wulln wi de Ratschon doch mal wisen!

So snack un dach Rutscher Willem sit ganz in den kriegerrischen Moth rin, sammel awer sin sæben Saken vun Pitschen un Blattschen tosam, un weer richti mit en Keeg Wagens to rechter Tid ann Plaz: dat Scharmüzel kunn losgan. Dar gung awer nix wider los, as dat se eben so heemli een bi een æwern Auktrog na Heisteb fahrn un sit æwer Linn' un Hennsteb verstrein un inne Morgenschummern bi de Tönninger Fähr wedder tosam dropen. Thieß weer mit un blev bi Rutscher Willem. Bi Tönn gung he int Fährboot in den Morgennebel na de Stadt ræwer un Jan Willem wiß' em

---

lævt: gelobt. Swep: Peitsche. dweer: quer. Korn: nördlich von. Spanngrund un Grimslit im Distroker Moore, nördl. von Heide, nach der Überlieferung ein altes Schlachtfeld. Jan Ranzau: zur Zeit der Eroberung Ditmarschens 1550. Blattschen: die Schnüre am Ende der Peitschen. Auktrog (3 km), Heisteb (6 km), Linn' (Linder 7½ km), Hennsteb (11 km) nordöstl. von Heide. Schummern: Dämmerung. Tönn oder Linn': Tönning.

mit de Pitschenstael achterna un sä: „Dat ward einmal en Mürat, en Hauptkerl! Wer schull dat dacht hebbn vun Klein Anna er lütt Flakfopp!“ Denn keem der Böd an ünnerscheedlige Stelln ant Land, de Wagens warn ili vull packt, un weg gung dat op de sülbige Wis', as se kann weern, op verscheeden Weg' na'n Osten to.

Dat weer recht Rutscher Willem sin Webder. Dat weer ni blot dit un eenmal, dat gung bald Nacht un Dag regelmäßig los. Jümmer anner Weg' un Straten, jümmer anner Tid un Curs. Bald mal æwer de Eider bi Hohner- un Lexfähr, bald mal wedder Süden weg; hin jümmer de Wagens vull Del un Roken, torügg wat se krigen kunn, meist Taback un Kaffee. Ünnerwegens jümmer bi Nacht un Newel, en Halteplaz to'n Bespreken in irgend en afgelegn Weerthstath bi warm Gedränk un Stuten: en rechtes Röwer- un Smugglerleben, Controleurs achter un vør, jümmer alle be- dragen, dun makt oder dæsig. Towilen all wat de Per lopen kunn, boots! in en Nebenweg rin un still holn, bet se vørbi Klabastern, denn wedder umwendt un dweer æwer de Landstrat weg, um se den Wind astosniden. Schulln all de Taun riten, snee man de Streng' af, leet den Wagen stan un jag' mit de Per dweer int Land rin æwer Heid un Weid. Un dat much den Controleur nich gut gan sin, de dar vellicht ünner Jan Willem sin Pitschenstael kam weer, dat harr seker en lütt Scharmüzel geben, en Bærpostengefecht! So gung't her.

Thieß muß't leiden un lenken. He leeg bald in Tönn un bald inne Heid. Geweten mak he sik of nich darut, weer em dat Geschäft of wat spizbobenmäßig. Denn wat maken? Se maken't all so. Wer nich ünnergan wull, de muß wul. Freilich, menni rechtliche Mann gung darbi innerlich to Grunn un menni Schelm keem haben. Dat gung ni anners. Onkel Justus sogar kunn't ni laten, weer of bald hier oppe Landstrat, bald dar, de Hot nu jümmer inne Blau-Mandags-Stellung, doch weniger dun as sunst. Bær em weer't vellicht

---

keem der Böd: kamen da Böte. ünnerscheedlig: verschieden. Hohnerfähre über die Eider, südl. von der Sorgemündung. Lexfähr über die Eider, 10 km östl. von Tellingstedt. Weerthstath: kleines Wirtshaus. Stuten: Weißbrot. dæsig: betäubt. boots (= poß in posttausend): plötzlich. Taun: Taue. leiden: leiten. Geweten: Gewissen. keem haben: stieg empor.

de letzte Hafen, wo he noch mal wedder an heropfeem. Un wenn he mal Thieß Thieffen drop, so müß he em mit Bulgefallen to un sä, as verstunn se sit: „So recht! togripen! Oftereggjungeß haben!“ un gung sin Weg. Ja, Thieß muß wul, denn Reinhold Nissen muß. De sä frili anner Lüd niz, un slog as jümmer in Ort un Lann herum as en Stormvagel. Awer Thieß wuß genauer Bescheed. Se müssen Geld maken. Wat se na England schiden, tuschen se vør Smuggelwaar in, de se in Hamborg baar betalt kregen. So gefährli dat Geschäft weer, dat muß wagt warnn. Un doch recht of dat nich recht ut. Reinhold Nissen harr mehre Schepsladen Rappsaat na Holland schickt, nm to Hus niz mehr in Öl un Koken to verarbeiten. Se harrn en Kopmann funn un legen in Amsterdam anne Brügg. Awer de slane Wijnheer, de se koftt harr, maß de Waar slecht, um se billiger to frigen, un dat geb nu en argerligen Proceß statt Geld, un to de Unruh, de al jümmer dat grot Bedriv umdrev — fröher doch mit Lust — geb dat nu of noch Sorg, de sit as en Schatten un en Newel jümmer dichter daræwer le. Reinhold Nissen weer all süln mal deshalb na Holland west. He harr dat awer nich to Enn brocht, ehr schlimmer makt un mehr vertift. To so wat paß he nich. He kunn wul wat anröhrn, un dat weer jümmer geschickt, awer vør en Geduldßprov weer he to ungebüll. Darbi war sin rasche Natur stump un dump, un he obsternatsch un hartnacki; denn gung he blind un störrig op Allens los, schull he sit of den Kopp darbi inrenn'. Thieß paß sit darto vel beter. De weer't ni wenn't warn to don, wat em gefull, un dør to breken, wo em wat gegen stunn. De harr't in Kummer un Glend lehrt, sin Natur inn Tægel to holn, dat se mit em ni dærgung. Un allerwärts, wo Heemlichkeit, Ruh un Seßerheit nödig weer, dar weer de „Berwalter“, as man em na un na nöm, beter as de Herr süln. Dat wuß de Herr so gut as sin Arbeiders. Wenn mal Thieß sin junk eernsthasti Gesicht inne Kofmæl keef, so dach Zeder-een, dar weer wat Besunners to Weg', Jan Willem sä een mal æwert anner: he weer en wahren Mürat, un he un sin Zohörer dachten darbi mehr an Mürn, un Een, de der dær-

---

tuschen: tauschten. mehr vertift: mehr Verwirrung hineingebracht. obsternatsch = hartnäckig. wenn't: gewohnt. Tægel: Bügel. Mürn: Mauern.



gung, as an Napoleon sin Swager: dat klung wenigstens heldenmäßig, un dat weer ernsthafti nog meent.

Dat is bi so'n Bedriv, as bi Reinhold Nissen, as in en Imstod: keen Arbeider so lütt, dat he ni weet, wa den Wiser to Moth is. Wat man vun de Herr nich hör, dat söch man an den Verwalter sin ruhi Gesicht to lesen. He keem ni lich in sin Moder er lütt Stuv, ahn dat se sik an em inne Höch heb, em deep inne Dgen to tiken, ob dar of wat Gefährlichs værgung. Denn fragen döß em al lang keen Minsch mehr. Dar keem nich de arm Rohjung Abends mit de Melk op den Esel to Hus, dat he ni glif de sware Dær na de Hofmæl apen trock, um to sehn, ob't noch All op sin Pladen stunn un Allens richti weer.

Inn Ort war man dar nich wider um wis, as dat de Mælen still stunn. De Verwalter sorg noch darvæ, dat jümmer wat an Rapp un Roden to sicken oder antostriken weer, darmit Jedermann sehn kunn: dar war repareert. Etwigens, de Börger slüd harrn mit er lütt Geschäften to don un verstunn vun so'n Bedriv as Nissen sin, gar nix, de weer de Genzigste in sin Art inn ganzen Lann. Dat seeg man mehr an as en Wunder, wo man of nich fragt, wa't togeit oder wa't mægli is. De „Herren“ int Landschopszhüs speln dar Abends er l'Hombre un heeln jeden Monat Clubabend as gewöhnli. So lang se dat ni stört war, dachten de nich an anner Lüd, as de to se keemn, denn de Herrn weern meistens Beamte, de er seker Innahm harrn, oder so'n, de dar as seker op lurn, denn en Beamten sæn arf irgendwo wedder en Stell, dat hör sik eenmal so: wenn en Paulsen Landschritwer weer, so heet gewis de Rapselschriwer Paulsen.

To een vun de Art Lüd hör of de Secretär inne Landvægd. He keem noch jümmer, as weer't de sülwige Rod, mit dat sülwige Gesicht of bi Reinhold Nissen to Disch oder to Abend. He de jümmer, as weer dat sin Hauptpflicht, recht vergnügt uttosehn, as de Maan je blank utsehn mutt un de Sünne warm, un he rüdt an sin Brill un seeg dar eerst hindær mit en Mien', as war he nu noch vergnögter æwer Allens, wat he wis war, un dar weer jedesmal wat, wat he noch gar ni sehn harr un wat em nu in Bertvunnern sett un em

---

Imstod: Bienenstod. döß: durste. Roden: Ruten, Mühlenflügel. togeit: vor sich geht. arf: erbte. Landschriwer: Beamter der Landschaft. Rapselschriwer: Sekretär des Kirchspielsvogts.

en vergnögten Schrecken mak. Dat vertell he denn as en Entdeckung. Fast jümmer entdeck he wat an Reinhilde, an er Drach, an Hand oder Fot, an Krus' oder Kragen, un dat broch he denn so nett vær, dat se dar nüdli op antwor, un so weern de Beiden jümmer glif, as hörn se tosam, un Snacken un Lachen reet ni af ünner de Beiden.

Thief war denn um so stummer. Wenn't of nix bedü, wat de Minsch sä, so muß he sit doch seggn, he kunn so wat nich, he kunn gar dat eerste Wort nich finnn, un wenn he't funnn harr, so weer't em as en Frechheit værkam, wenn he velliicht seggt harr: Mamsell Reinhilde, wat hebbt se dar værn schön Nefk ann Boffen, oder: de langn Snörsteweln paßt vel beter vær ernal Fot, Mamsell Hilde, as de niedrigen Schoh mit Krüzbann, de se lehmals anharrn. Am Ende weer't je wul en egen Kunst, vergliken nüdli værtobringn. He muß gestan, de Secretair verstunn se. Blot he bedur, dat man jüs mit en folke Kunst velliicht den grötsten Schatz winnn kunn. Ja, dat Lachen un Brüden mak em oft so trurig, dat he sit man wedder weg wünsch int getöfige Geschäft hinin. Doch meistens denn mal sprok Reinhilde mit em en paar Wör in en ganz annern Ton, un as weer he verzaubert, blev he, un tehr nadem mank welenlange Unruh daran.

Ob Reinhilde egentliich wuß, wa er Vatters Saken stunn, kreeg he nich to weten. Allens wuß se gewiß nich, Reinhold Nissen verbo' em æwrigens nix un befohl em nix. Awer he neem sit natürlicherwiß in Acht; wat kunn dat nützen, wenn dat arm Mäden mit in Schrecken keem, de velliicht ni mal nödig weer. Dennoch schin em towilen, as wull of se em wat anne Dgen aflesen oder Fragen don, vær de se velliicht so wenig dat rechte Wort finnn kunn, as he vær Smeichelreden. Blot as he nu of weg na Holland muß, do rē se em mal plögli op de Del inne Hast an un sä: „Steit't flimm, Thief?“ Un darbi lē se em er lichte witte Hand oppen Arm, un seeg em mit en paar Dgen an, dat em foorts dat Blot vunn Kopp hendal in en hitten Strom na't Hart tosam leep; he seeg, se harr Vertru'n to em. „Dat ward noch all gut, Mamsell Hilda,“ sä he, un de Ton war em swar, dat he bewer. Awer gerade keem Nissen ut sin Stuv, se kunn blot

---

Drach: Tracht, Kleidung. Krus': Halskrause. Boffen: Busen, Brust. Brüden: Necken. getöfig: lärmend. tēhr: zehrte. verbo': verbot, rē: redete. lē: legte. foorts: sofort. bewer: bebtte.

adüs un glückliche Reis' seggn, un dat letzte, wat he vun er seeg, weer, dat de düstre Kopp inne Stubendør verschwunn.

Wa hell dat binn in dissen lütten düstern Kopp utseeg, dar harr frilich weder Thieß noch er Vatter, noch sunst Jemand egentlick en Ahnung vun. Thieß doch sit allerdings vun er all dat Schönste un Beste, un wenn man irgend wat röhm, wat en Mäden smüß oder Werth geb, so wuß he seker, dat dat Reinhilde nich fehl. He seeg er't anne Ogen an, he hör er't ut de Stimm herut, dat se ahn ers Lifen weer. Dat se Clavier spel un sung, as man domals ni licht an en lütten Ort hör, schin em vær er blot natürlich, un dat vermunnert em kum, dat ol Danzmeister Schulz, er Lehrer, sä, sie könnt's öffentlich, in Hamburg könnt' sie's, sie wär ne Virtuosen, sie wär' ne Pasti, sie müßt italienisches Blut an sich haben, sie hätte den „Rehlkopf"! Bekannt weer se vær er Fründlichkeit, Jedermann much er liden. Dar weer wol ni licht Een inne Heid, de er ni kenn' un sehn harr — un de er sehn harr vergeet er ni licht, awer ok wol Keen, de nich vun er hört harr, wa klok, wa geschickt un wa gut se weer. De Armn harrn er op Hann dregen mucht, drogen er seker inn Garten. Dat weer nich blot, wat se geb, ok de Art derbun. Besunners awer alle Arbeiters, Mädens un Kinner op dat grot Wissensche Gewes betrachten er as den guden Engel mant de Plag' un dat dägliche Elend, wat nümmer fehlt. So weer se — wenn man mit stille Tugend en Ruf krigen kann — op en Art beröhm in Lann', un as er Vatters Nam nennt war mit Respect, so klung de Nam Reinhilde, de domals in Ditmarschen selten weer, as leeg in de Nam al Goldseligkeit un Reinheit.

De Ol wuß vun sin Dochder nich vel mehr, as klein Anna vun ern Thieß, se weer „sin einzigst Kind, sin Schatz, sin Alles“, wenn he Tid harr mit er to spreken; se kunn don, wat se much, krigen, wat se hebbn wull. Dat se schön weer, sän Annerlud em mehr as nödig, dat se klok un geschickt weer, vel Verstand harr, Allens licht opfat, sunn he wedder ganz natürlich; he freu sit besunners, dat se so heiter un fröhlich weer, em besunners tröstli in sware Tiden un en Erinnerung an fröhre. He war kum derum wiß, dat se en

---

ers Lifen: ihresgleichen. Pasti: Giuditta Pasta, geb. 1798 in Como, seit 1822 berühmte Sängerin, † 1865 (anachronistisches Versehen). opfat: aufsaßte.

grotesz Huswesen mit vel Getös' un Gesellschaften fast alleen regeer, denn er ol Fru Meddern, Tante vun sin Sit, weer noch ut en annern Stand, un harr de Kummertiden noch ni affschütt. De harr höchstens sparn kunnt. Dat Uhrwerk gung, dar weer he mit tofreden, denn he harr to vel um de Ohren, um to sehn, wo de Fedder seet, de't in Gang' heel. He harr der am Ende of nig op rekt, wo't hauptsächlich op Geld ankeem, na sin Meenung, un dat weer vellicht de beste Sit in sin Dochder, dat se still de un nich mal daran dach, sit to wisen.

In so'n Naturn sitt gewöhnli mehr, as sit vör gewöhnlig wisen kann, wo se eben gat, as hör sit dat so. Grot ward so'n Naturn in grote Tiden, tomal int Unglück. Man meent, dat war se bögen, war se daldrücken, war se kniden, man meent, dar hör Obung to, dat to dregen, man muß't wenn't warrn as Spadenarbeit, man meent, dat funn blot de af, de't Glück gar ni sehn hebbt, den Wersflot ni kennt: all ni wahr, Stahl rußt ni innen Sännschin. Probeer em nu man, wenn de Fedder spannt warrn mutt. Reinhilde seeg de Wulken so gut kam as Batter un Verwalter, blot dat se nich genau um't Handelsgeschäft Bescheid wuß. Awer dit Stoden un Stoppen vun de Mäln un Fabriken, dit gefährliche Fahren un Wirthschaften bi Nacht un Newel weer genug vör so'n klaren Kopp, dat se nich er Gedanken harr. Un de drog se ganz still alleen. Se blev gegen den Batter jümmer as en fröhlich Kind, wat em opheiter, se sung vör em, se spel vör em, se glänz in Gesellschaften vör em. Nebenbi awer heel se tosam, mött bi, seeg sit um na de Lüd un er Schicksal un Bedriben, un harr in Gedanken so gut ern Plan, wenn Allens scheef gung, as man Reinhold Rissen een hebbn much. Se harr daröver am leefften mal mit Thieß sit utspraken. Awer de weer vör Bewunderung ni licht to Wort to frigen, as wenn man em gradto angung, un dat harr doch of vör er wat Bedenkliß. Darto weer he so vel umher oppe Landstrat, in Tönning, in Kiel, dat dat so to seggn keen Gelegenheit vör er gev. Endli harr se't doch vun Tun breken wullt, as he na Holland gung, wo se domals dach, dat stunn darhin, dat man den Oln insteek un dat Vermögen wegneem: unglücklichermiß' keem

---

Fru Meddern: Frau Muhme. rekt: gerechnet. muß't wenn't warrn: mußte es gewohnt werden. rußt: rostet. mött bi: gebot halt. insteek: einsteckte.

er Batter dartwischen. Un so gung Thieß siner Weg' in sin Gedanken un se blev noch mal wedder alleen un drog't mit sik un den Iewen Gott.

Thieß muß richti wegen de Kappsaatladingen na Amsterdam. De Prinzpal geb em Instrukschon un Bullmacht, Reinhold Nissen wuß recht gut, wat he in sin Hand lē. Vun disse Reis' hung't af, ob dat Hus bestan blev oder umsmiten muß. Darspraken harr he't mit Thieß natürlī sit lang, verborgen weer den Verwalter nig, un de Verwalter weer of de Genzigste, de Allens wuß.

Thieß bruk sik also nich to verwunnern, wenn Reinhold em Totrun wiß; denn wat de Batter em anvertru, weer ahn Grenzen. Awer Thieß weer een vun disse wunnerligen Naturn, as wi se hier hebbt, de so to seggn op een Sit hell waken sünd, un op de anner Sit drömt. Un disse Naturn sünd hier unse besten. He dach gar nich daran, dat he wat anners weer as Reinhold Nissen sin lütten Schriwer. Dar dröm he. He seeg an sin Herrn op as na den Klockthorn, un na de Tochter as na den Himmel. Awer he besorg er Geschäften, as weer he de Prinzpal süßn, un he kenn de Dag' un de Welt genauer as de Herr. — Nu besorg he sik en beten Reis'geschirr, denn domals gevt keen Eisenbahn un keen Posten. Ob man jüs Abends en Weerthshus drop, weer fragli. En Reis' na Holland domals weer witslöftiger as nu een na China. So wit mögli, fahr man mit egen Per un Wag'; wenn't ni gar to ili weer, leet man se nich vun sik. Rutscher Jan Willen muß ditmal vør en Reis' anspann, Pitschen un Blattchen vørbin, de wenigstens æwer Hamborg hinutgung.

He weer gerade inne Kopsmael an't Vertellen, as Thieß keem, em den Befehl to bringn. He vertell vun en lütt Scharmüzel mit en paar Controleurs op de letzte Smugglerfahrt. „Neem wi mit min Wagen,“ vertell he, „oppe Rendsborger Landstrat na den Swarten Bud to un dachten dar uns Holt to maken un en warm Kaffe to frigen, denn dat weer en banni kold-düstre Nacht. Jüm weet, de Swarte Bud liggt der moderseeln oppe Heid alleen, ol Jakob Schütt hett dar de Weerthschop. De kennt den Kummel, de hett al menni Fahrt mit de Controleurs hatt, al as se noch vun Ditmarschen ræwer de Eider smuggeln un an de Sperre ni

---

umsmiten: umwerfen, Bankerott machen. Totrun: Zutrauen. Klockthorn: Glockenturm. ili: eilig. Jüm weet: ihr wißt. ræwer: hinüber.

daht war. Reem wi also langs de Landstrat, wo de Wind told achter uns anpußt un man nig sehn kann as hin un wedder en witten Pahl anne Sit, dat man den Weg ni verlüst, bet an den Wis'pahl, den ik kenn, dar steit so'n beten Buschwart bi rum, un de een Arm hangt dal, de Weg geit dar af na Hohn lauf: do segg ik to min Nebenmann: „Anton Peters,“ segg ik, „wi künn ni wit vun den Swarten Bude af sin,“ segg ik, „dar is, löv ik, de Wis'pahl na de Hohner Landstrat.“ „Jawul,“ seggt he, „mi dünnk, ik kann al de grote Sotswang schimmern sehn.“ Denn ol Schütt hett dar en fürchterlig groten Sotswang, achter mit en paar Steen in isern Bann, bi Dag' kann man em op en Milwegs æwer de Heiloh sehn. Ol Schütt seggt, dat is sin Weerthschild, gude Frunn kennt em daran inne Feern. So weer't ditmal. Ik segg to Anton Peters: „En Tas warm Kaffe schall uns wul smeden, un wenn't ok en half Duzend is.“ „Ja,“ seggt Anton, un haut sik de toln Hann vergnügt um de Rippen, „wenn Trina man op is un den Kaffe warm hett.“ „Gewis,“ segg ik, un tipp en beten op de Brun', Schütt is süln op un lurt seker op uns, dar will ich Döwel op seggn.“ Un so lat wi denn de Brun' en beten antreden. Awer mi is noch jümmer, as hau Anton Peters sik de Hann umme Rippen un wul mi mal umsehn — he seet achter mant de Waar, dat nig rassull — un em seggn, he schull de Rippen schon' — as ik mark, dat dat ute Feern kumt, un ok Anton spitt al beide Ohrn un seggt: „Hisch! dar kamt se.“ He meen de Controleurs, de Per weern to hörn. „Zwee Mann sünd't man,“ seggt he, „wüllt wi holn un se affloppen?“ Awer ik harr en annern Plan. Ik segg: „Spring af un lop værut, segg ol Schütt Bescheed; wenn he dar is, so holt de vær Dær inne Dærfahrt apen, ik jag rin, un ut de anner rut. Dar künn jüm se fangn as in en Fall, wi hebbt ehr so Huslünken fungn. Man jü!“ Un so nei he ut. De Sak war spaßi. Also ik paß op, un richti, ehr se kamt, bün ik so wit, dat ik jüs eben vær se inne Dærfahrt kam. Se achter in, se ropt in Königsnam: „Dær to“, ik in Döwels Nam: „Dær apen“, un rut bün ik, un

anpußt: heranblies. verlüst: verliert. Wis'pahl: Wegweiser. na Hohn lauf: nach Hohn zu über die Eider (S. 328.) löv: glaube. Sotswang: Brunnenschwengel. isern Bann: eiserne Bände. op en Milwegs: auf eine Meile. Heiloh: Heide. tipp: rührte sanft mit der Peitsche. rassull: himabfiel. spitt: spitzte. Huslünken: Sperlinge. nei ut: lief davon.

binn sitt se, denn Anton un ol Schütt holt op jeder Sit de grot Dærn to. — Wat schulln se maken? Befehl? — De Beiden weern buten, un hörn nich. Aftigen? — To Fot hal mi nümz in, denn ik harr de beiden groten Brun vør. Un weer ik eerst æwer de Brügg vun de lütt Au, de bi'n Swarten Buck vørbi löppt, so kunn ik inne Heid rin fahrn, keen Spörhund schull mi finn. Also den se am besten, mit Anton un Schütt Kaffe to drinken. — Wat se of dan hebbt. Ol Schütt harr sin dicke Trina binah an Anton weggeben, as he de Controleurs eernsthast vertell: wa disse junge Minsch en Reis' to Fot drum mak, um sin Trina mal to besöken! — Wi dropen uns eerst wedder inne Heid, un hebbt unbanni lacht.“ — Dat den of de Zuhörers vun Jan Willem, as Thieß noch eernsthaster as gewöhnli inne Roßmæl rintre un Rutscher Willem op morgen vør em süllst bestell, velliht op en dree, veer Dag'.

„Nu geit't los!“ sä Rutscher Willem, un greep na de Pitsch, de em selten verleet, un of de Annern inne Roßmæl weer dat as en Ahnung, dat wat Besunners værgung.

\* \* \*

De Ahnung weer richti, dar weer allerdings wat los, mehr as de Verwalter dach, do he den Rutscher bestell, Jan Willem harr sogar seggn kunnt: de Krieg gung nu an twischen Reinhold Nissen un Napoleon, se harrn bet to man dat Værpostengefecht hatt. Leider kunn man denn of weten, wer de Sieger blev, troghem dat de ganze Roßmæl ern Herrn vør en lütten Napoleon heel. De grote weer he doch jedenfalls nich, un de Art Krieg as twischen Goliath un David, novun wul menni Gen in dat Mælen-Concilium dat Bispiil her neem, weer of al domals ute Mod kam.

Genog, bi dat Scharmüzeln un de Værpostengefecht weer man na un na gar to drist warn. As Jan Willem geern dat Wort bruk, wenn he en Smugglergeschichte vertell: de Sak war spaßhast. So seegen de Holstener dat an, un bedreben dat darna, un de Ditmarschers weern vun alle Holsteners noch am aller spaßigsten, oder as Jan Willem dat nöm: de Kettligsten bi de Sak; to'n Deel, wil se't Smuggeln wenn't

---

inne Heid: ins Heibeland. den: thaten. rintre: hereintrat. bet to: bisher. kettlig: klüglig, lächerlich.

weern, to'n Deel, wil se jümmer, sit se de Friheit verlarn, geern den lütten Krieg föhrn, mit wem't of weer, un schulln se sit ünner enanner prügeln, oder Norderditmarschers gegen Süderditmarschers opstan, oder Marschlüd gegen Geestlüd, oder Östereggjungens gegen Südereggns. Ganz, as al er ol Geschichtschriwer Neocorus sä: se weern en wrewelich halzstarrig Volk. Mit de Controleurs un Gendarmen gungn se um, as weern de Lüd egens darvør bestell't, sit brüden to laten, un de Geschichten reten gar ni af, in Krög un Weerthshüs' war fast nig anners vertell't, un gewis war æwer nig fürchterlicher lacht, as wa man hier en Controleur bi de Näs' hatt harr, dar em een andreit, de Knep weern oft as vun de Slausten lang vørher utstudeert un utföhr't na en Plan, as man en Krieg föhrt warrn kann mit „Taktik“.

„Daræwer war de Kaiser argerlich un geb sin Befehl, dat anner Maßregeln brukt warrn schulln.“ So dach man sit dat ünner't Volk, wat sit egentlich vun süllst verstunn, denn as de Smugglers to drist un to frech warn, weer't natürli, dat se anlepen un dat dat Geseß of wider lang. Awer man meen domals, Napoleon weer allerwärts persönllich darachter, ja man harr em oft bi en Smuggelfahrt anne Elf oder de Eider süllst inne Schummern sehn in sin lütten Hot un sin graun Rod. De ol Bootsföhrer Friedrich Holm, de lang as Stürmann fahrt harr, de allerwärts mit darbi west weer un de noch lange Jahren bi en Glas Grogg, „orri stark un nich to seut,“ sin Geschichten vertell, wuß of so een vun Napoleon, wenn he fragt war, ob he den Kaiser kennt harr: „Dumm-bart,“ seggt Holm to den Frager, „wat schull ik ni! Ik keem mal vun Altona æwert Heiligengeistfeld mit en lütten Sack Kaffe oppe Schullern un föhl mi al ganz seker, as ik na de nie Drögen to keem: do begegnet mi jüs op dat lütt Siet dar vør de eerste Tobacksladen linker Hand en lütten Mann, den ik al seeg, as he dar int Licht treß un sit de Tobackstuten anseeg, wul wegen Smuggelwaar, ob dar wat mank weer, un as he mi jüs vørbi geit, do seeg ik inne Schummern den lütten Hot un den graun Rod un krig en fürchterligen

---

opstan: sich erheben. wrewelich: vgl. Neocorus (ed. Dahlmann) I, 223. Quidb. S. 27. Krög: Schenke. em een andreit (Kase nämlich): ihn angeführt. wider lang: weiter reichte. orri: recht, sehr. de nie Drögen: Wirtschaft in Hamburg an der Reeperbahn in St. Pauli, wo de Dröge, das Trockenhaus, stand, in dem Seile, Taue geteert und getrodnet wurden.



Schreckschuß, dat dat mi man inne Been fahrt, un it harr dalsacken kunnt, obglif min Rassesack nich æwern hunnert Pund wog. Dat weer richti de Ol, de banni argerli weer op dat Smuggeln vun wegen de Sperre, denn wat hólpt dat, wenn de nich holn war? Wat denn? Also it wull mi schreeg æwer ant Hus drücken, wo't noch mehr in Schatten weer, denn wat schull it don? værbi muß he. Awer he weer mi al wis warn. Doch gung't datmal gut. He drau mi blot mitten Finger un så: „Friedri Holm, lat mi dat na!“ Un do wiß' he mit de Hand achter æwer de Schuller, dat heet, it schull man maken. Also leep it wat it kunn. Awer it heff mi nös banni in Acht nahm. Ja, so weer he.“

So ungefehr dach man in Ditmarschen, as nu op eenmal hin un wedder Smugglers opgrepen un insteken warn, un as de Gerichten æwer de Köpp vun Knechts, Kutschers un Fohrlüd weg na de Köpp vun de Herrn langn, de mit darachter steken.

De værlichtige Thieß Thieffen weer vær so wat al jümmer bang west. So lang he de Fahrten lenk un lei, un Kutscher Willem, de alle Weg' un Slikweg' kenn, se utföhr, weer dat jümmer gut gan. Wenn mal irgendwo Gefahr drau, so harr he to rechter Tid mit Ruh un Rath, mit Geld un Geldswerth Allens wedder asplant. Awer kum weer he weg op sin Reiß' un Jan Willem mit em, so muß kam, wat to fürchten weer: dar legen Waarn in Tönning, Schep legen der buten un töben, wagt muß der wat warnn, Geduld harr de Herr gar ni, un so lepen richti Reinhold Nissen sin Lüd an, Reinhold Nissen sin Wagens warn anholn, de Waarn warn weg-nahm, un wat folg, weer slimmer, as wat verlarn gung.

Junne Heid gev dat en Flüstern un Pisseln, denn dat drop ditmal mehr as Een. Dar weern Herrn, de op er Knechten lurn, de länger as gewöhnlich mit Per un Wagen utleben, dar weern Fruns, de op er Manns töben un en Pas' vull Bohn — as man den Kaffe nöm — oder sunst en Affall vun de Smuggeli: so weer't al Gewohnheit warn. Se lepen, as se Dag un Stunn æwer de Tid gedüllig utdurt harrn, allmähli na Rawersch un Annere, warn ängstli un maken sik so, un man kunn bald en dree, veer Lüd vær en Perfstall, bi en Schön, bi en Wagenschur tosam stan sehn un

---

dalsacken: niedersinken. nös: später. lei: leitete. töben: warteten. Pisseln: Flüstern. Pas': Sack, Beutel.

heemli verkehrn, iwri vertelln un ängstli tohöörn. Dat Gerücht is je noch jümmer arger as dat Unglück sülb. Dar war vertellt vun Bataillons, de Napoleon bi't Lindener Moor harr opstellen laten, um de Smugglers to fangn. De harrn de arm Lüd ruhi bet op Schußwit heran kamm laten, de harrn denn darmant haut as mank Röben, un Allens massacreert, den Rest harrn se inne Moorfulen jagt, de Per harrn se slacht, dat Fleesch harrn se eten, un wat ni all mehr seggt war. Genog, dat harr inne Heid en „Heulen un Zähnklappern“ geben kunnt, wenn nich süßst dat Guln gefährlich west, un wenn nich of weniger schlimme Berichten kamm weern, vernünftige Lüd to Ruh ermahnt harrn, un man op jeden Fall swigen muß, so lang't angan kunn, um nich schlimm to maken, wat vellicht noch gut to maken weer.

Reinhold Rissen harr natürlich glif den eersten Morgen genaue un bestimmte Naricht. He weer fürchterli verdreetsli, fahr sit een Mal æwert anner mit de mageren Fingern bær sin grauen krusen Haar un scholl op dat dumme Volk, dat sit ni in Acht nehmn kunn. Blote Unversicht! Bloten Weremoth! Ahn sin Thieß gung nagraß Allens scheef! Mit den weer't gewis nich passeert!

Doch hier nüz keen Schelln un keen Arger. So hart de Schlag wen much: dat heet den Kopp nich verleern, richtig handeln un dat gau. Denn Al weer nödig. De Folgen seeg Rissen. Man war so gut na em sülb langn, as na sin Vermögen, wenn man wat darvun faten kunn: dat weer em klar. Wenn he sit of nich bær en lütten Grafen heel ober en groten Bothandler, wona de Korporal in Paris mit egen Fingern greep, so geeft Franzosenfrünn genug, de't an sin Statt don muchen, un he wuß wul, dat he sit lang nich mehr bær „gut gesinnt“ goll, he harr to wenig swegen, un to mennig Gen æwer de Eider hölpen, as dat't verborgen bliben kunn. Awer he harr of al so menni gefährli Sat darmant in disse gefährliche Tiden, dat he indöt weer as en Feldherr: Slacht verlarn, is nich Kopp verlarn! Bærlöpig op en geschickten Rücktog denken! Un dat ahn Tid to verleern!

Dat dur man Stunn na de eerste Schreck: do weer Reinhold Rissen mit sin Hauptgläubiger inne Pennmeisteri

---

Moorfulen: Moorlöcher. Guln: Heulen. gau: schnell. muchen: machen. indöt: geübt. Pennmeister: Pfennigmeister, Obersteuereinnehmer, der zugleich das Schul- und Pfandprotokoll führte.

west, harr sin ganz Gewes' op den sin Nam schriben laten, harr sin Werthpapiern inne sekere Tasch, harr an Thieß Thieffen na Holland schreben, he much jeden Verglif ingan, blot baar Geld maken un dat in Sekerheit setten, un sin Wagen stunn bereit, em ünner de Föt ut to bringn.

Blot sin arm Kind mak em noch Sorg un Twifel. Schull he er mitnehm? Awer wohin kunn't ni gan? Wellicht awer de russche Grenz. Un wat schull se bi em? Oder schull he er na Kiel schiden, wo he bi sin lütt Gewes' sekere Lüd harr — Verwandte weern der nich uter de ol Meddersch inn Hus'.

To sin Bertunnern wiß' em awer Reinilde, dat se keen Kind weer, sunnern Helden-Dochder. Se hölp em uten Twifel, ehr he er em utspraken harr. Se wiß' em, dat se em mit wat Anners Trost bringn kunn, as dat se em wat vörjung oder danz, dat se mehr weer, as en fröhliche Unschuld. Se sä em rasch, dat se Allens wuß un nig fürch. Bliken muß Wer. Dar muß na de Saken sehn warrn un vör de Lüd sorgt. Se dräng em na den Wagen. Do umarm he er mit Thran' inne Ogen, en glückseligen Batter, un as he er noch uten Schlag herut darmit tröst, dat Thieß bald ut Holland torügg kann un er bistan war: do seeg he mit Freuden, wa er bi den Nam dat Roth inne bleken Baken torügg steig. So jag he dervun na Lübeck to un de preußische Grenz, un leet Reinilde in dat grote Bedriv mit de ol Meddersch alleen.

Ja ganz alleen! Dat weer se, un se wuß dat of. Dat weer se al lang west, so to seggn jümmer, sit se de Rinner-schoß uttrocken. Wat se inne Heid an Umgang harr, weer blot Umgang, nig Anneres. Mit Landschriwers Dochder un ers Liken leet sik wol nett to Ball un spazeern gan, awer en Hot oder en Kleeß spreken, en Leed singn oder tosam Klavier speln: awer dar weer't of all. So'n Lüd wat antovertrun, vun so'n Lüd Trost un Hölp erwarten? Eben so wenig as vun Danzmeister Schulz oder Klein Anna. Dat harr se lang inseh'n, dat weer Dorheit. Frünn in Gefahr — de sünd ni dar, dat harr se in dissen Tiden begripen lehrt, wenn se't früher Meddersch of ni lövt harr un er dat sur full, nich beter awer Minschen to denken. Awer de Herrn

---

sekere Lüd: sichere Leute. Wer: jemand. uten Schlag: auß dem Wagenischlag. bistan: beistehen. Bedriv: Betrieb, Gewese. ers Liken: ihresgleichen. lövt: geglaubt.

vun de anner Sit dat Markt, ute Landvægbi un dat Landschopshus harrn Amt un Stand, er Batter harr blot dat Geld, wat he sik erworben. So lang man gut un seker bi em to Middag oder to Abend eet, leet man sik dat fründli gefallen. Ragraß war't unseker. De Mann war gefährli. Nu leet sik nich mal de Husfründ hüfiger sehn, as't dörcut nödig weer, he, de sunst mit teht harr bi't vulle Fatt un de vulle Flasch Middag un Abend jede Wef. Dat kunn em en künftige Anstellung kosten; so vel seet vör em nich darop. He drück sik um dat Hus Süden ant Markt, un blev of int Morn as de Annern, wo he bi Landschriwers Dochder eben so fründli verwunnert spel, as fröher bi Reinhilde.

So vel Fründschop harr indes Reinhold Nissen noch op de anner Sit mank de „Herren“, dat se em inner de Hand en Andüdung maken leten, de Sak stunn gefährli. De Secretär kunn nich umhin, de Sendung to ævernehm. As he bi Reinhilde værlichti intræ, do æverkeem er binah de Lust, den armseligen Minschen to quälen. Awer se broch dat nich wider, as dat se em dat sur maß, to Wort to kam. Se harr em in den bekannten spaßigen Gesellschaftston, worin se in schöne Verwunnerung mit enanner verkehn, jümmer noch wat to wisen oder værtobringn, ehr he endli mit de Sak herut kam kunn: dat't mit Reinhold Nissen sin Sekerheit gefährli stunn, un dat he as Fründ vunn Hus nich innerlaten wull, em to raden —. Do sä Reinhilde em stolt: er Batter weer en beten na Preußen in Geschäften verreist, harr er al schreben vun Lübeck ut, war sik gewis hartli bedanken, war awer wul in enige Tid nich wedder kam. Se dank of den Herrn Secretär un wünsch em vel Vergnögen oppen Ball. Un darmit leet se em rüggwärts ut de Dær rutschen mit en Gesicht, mehr in Verwunnerung as gewöhnli.

\* \* \*

Awer Ditmarschen weer dat Fröhhjahr kam. Dat kunt lat, denn dat hett en wide Reis', ehr dat vunt Süden rop to uns bringt. Dat hett tolek jümmer noch en Sprunk æwer de Elf to maken, dat steit un lurt op günd Sit, as wull dat eerst en Tolop nehm. Man hört vertelln vun Böm, de dar grönt, un Kirschén, de dar blöht, un bi uns is noch Allens

hüfiger: häufiger. teht: gezeit. Fatt: Faß. op günd Sit: jenseits. Tolop: Zulauf.

bodenzstill. Awer wenn't denn kumt, so kumt't ol in en Sprunk. Denn süht man't anne Wulken, denn hört man't annen Wind, denn markt man't annen Gerbgeruch: dat Fröhjahr is dar, dat kumt mit Macht! Un mit kamt de Summergäst in ganzen Schaaren, in ganzen Familjen, se kamt bi Nacht un bi Dag, se kamt in JI, as weer de Tid knapp, er Nest to buden. Rum sett de Gaddbar sik opt Daek un hett kum sin Willkam klappert, so driggt he al mit Busch un Stroh. All uten Süden, as de Wulken, as de Wind. Oppe Groten brukt man nich to achten: dat ropt de Kinner inne Dörper Gen to. De bi Dag' kamt, süht Jedereen; de groten Weihen, de noch wider na'n Morn jagt, de Bruzhöner, de Kivitt, de æwer de Wischen schellt. Doch wer darop achten beit, de hört se ol inne Schummeru un bi Nacht. Dat snackt un pipst, dat flüstert un flattert væræwer, dat huscht un fluscht, un sleut eenzeln hell darmank. Dat sünd de Stimm, de de Summernächten lebndi makt, dat sünd de Lütten vun de Sängers, de na enige Dag' in jede Heek un Tun er Kopp wißt, de dar hüppt un wüppt so vertrut, as weern se to Fuß un nich verreist west, un bald mit ern Gesang de Luft opfüllt so fröhlich, as weer't alle Dag' Hochtid un de Jugend weer ewig.

Wo is't denn nich schön? Wer de Elf hindalkumt, etwa vun Hamborg, domals mit en Erver, langsam, as de Flot afstreckt, de rük dat ævern Diß, de hör de Lurken singn in ganzen Schaaren vun Ditmarschen væwer. Un wer bi Brunsbüttel ant Land steeg, de harr dat vær sik un um sik an de langn geln Rappsaatkoppeln, an de Krög' in Klee, an de Wischen in Gras; un mant de Saat, mant Weten un Roggen dar reep al de lekte vun alle Summergäst, de kamt, de ol Maivagel, de Kukuk reep sin sunnerbarn Krop. Wenn he ol Mai ni röppt, seggt man, so röppt he dat Jahr gar nich. Awer wenn he denn röppt, to tellt man geern, to wo vel mal he den Athten hett, un leggt noch mehr as sunst en Bedübung hinin.

---

Gerb: Erde. buden: bauen. Gaddbar: Storch. grote Weiß: *Strigiceps cyaneus*. Kivitt: Kiebitz. Wischen: Wiesen. sleut: flötet. wißt: zeigen. Erver: Flußschiff. rük: roch. Diß: Deich, Erdwall zum Schutz gegen die Fluten. Lurken: Lerchen. gel: gelb. Frog: Aderstüß. Klee: Klee. ol Mai: am alten Maitag (1. Mai) d. h. nach dem alten Julianischen Kalender, nach unserm am 15. Mai.

Vær de grot Dær buten de Dærfahrt vun dat Weerthshus to Brunsbüttel stunn en netten jungn Minschen, de half lud, as wenn he man half wak un mehr dröm, na en Kufuk hör un so to seggn mit Andacht tell: een, twee, drie — un so wider, un darbi sik mit en Gesicht umseeg, as weer he in Gedanken ganz annerwärts, awer doch keem em hier de Gedanken. He weer en beten verbrennt oder verreist antosehn. Darna seeg of sin Kledung ut. En lütten Reissack beheel he, of as in Gedanken, inne Hand. He weer mit de lechte Ebb mit en Ewer hindalkam, un töv blot bet sin grötere Reisskuffer op en Stohlwagen packt weer, den he sik hier bestellt harr. As de Huznecht den Kuffer oppackt harr un de Rutscher mit de Sweep klattsch, do fohr he as ut en Drom op, sett sik lichtfarrig torecht, un fohr den Weg na de Heid to.

Thieß Thießen weer dat. — He keem vun sin Reiss na Holland torügg. He keem tum eersten Mal torügg vun en längere Reiss. Dat deit wat an en Minschennatur, tomal an en junge. He harr sik Weten lant mit fremde Minschen herum slagen, meistens nich mit fründlige, he harr sware Geschäfte afwickelt, he harr nu Getös' un Allens achter sik. As he vun den Ewer stegen weer, as he den eersten Fot op Ditmarscher Grund un Borrn sett, do gungn op eenmal sin Gedanken værwarts un rüggwarts æwer disse Tid weg, de der twischen leeg, he weer würkli as in en Drom, de der söcht wedder antosaten, wo he ophört: wa weer't man noch? Un wa schallt warn? Disse Rutscher fohr em nu bet to Hus; wenn he afsteeg vun dissen Wagen, so weer he — — Ja, wo weer he denn? Ewer en lütt braken Dær hev sik en swacken, tosamfunken Körper inne Höch un en paar bleke, ole, blaue, glückselige Ogen sehn ræwer, un herut lepen striken Strom as Parlen de blanken Thran, denn er Sæn weer wedder dar, er Thieß, er Alles! — So stell he sik't vær op sin een-samen Wagensik, un sin Ogen gungn æwer dat gröne Land: min Waderland! dach he, min Moderland! Em full en Leed darbi in, wat he as Kind inne Schol tum ohne Thran' harr singn kunnt, an de wehmödige Melodie len sik de Wör as

---

Sweep: Peitsche. Lichtfarrig: behende. lütt braken Dær: kleine Thür aus zwei Hälften über einander, wie sie die kleineren Häuser früher alle hatten. ræwer: herüber. striken Strom: in streichendem, d. h. starkem Strome. Igen: legten.

weern't Drapens ut sin Moder er bleen Ogen — „füllen sie mit Erde ihre Hand, und küssen sie, das sei der Dank für deine Sorgfalt, Speis' un Trank, du liebes Vaterland!“ — Un indem he dat schöne Leed, wat mal de arm Lüd bi'n Afscheed sungn harrn, de na Afrika verkofft weern, bi't Wedderkam half lud sung oder mummel, steeg vör em en Garnhuß op mit blau Schieferdach, dat eenzigste inn Ort, en Afazienbom hung æwer de Flügeldærn, en Bagel sung to Sit. Un en Mäden treß in den Sünnschin, en paar Ogen seegen em an: kunn man Nacht un Fär toglik denken — dar weer't tosam! Awer wat he sit nich værstelln kunn, dat weer, wodenni de Ogen em ansehn. Se wulln nich ween' un nich lachen in sin Gedanken, un en anner Melodie summ em dær den Kopp: „Ach Gott, wie weh thut scheiden, hat mir mein Herz verwundt!“ Weddersehn kunn he gar ni utdenken. Vaderland dach he blot as dat, wovun man Afscheed nimmt. Sin Ogen gungn æwer de Grenzen vun ganz Ditmarschen, de man hier sit teken kann, un he dach se sit blot as de Tun um en Garn, wo he nu bald herut muß. Unse oln Geschichtschriwers vertellt uns, vun Johann Abolß an, jedereen mit nie Wör un Begeisterung, so de ol Biethen un Volten, Jan Russe un Hans Detlef, un de lepte, Jan Mohr ni am wenigsten: wa vun Möldorp an bet na Zielenbrügg an de Eider en grot Holt reck, Bom an Bom, æwer de ganze Grenz, dat en Ratteker much vun Twig to Twig springn tein dütsche Milen lauf. Dit Holt weer lang verschwunn, awer den Som seeg man noch un süht man noch, wo't stan hett, un inn Fröhjahr tekt sit de ganze „Höchde“ grön, denn noch menni Eek un Bök is stan bleven. Dar gungn Thieß Thieffen sin Ogen æwerhin mit en ähnli Geföhl, as de oln Herrn dat beschriev: dat alle Herrlichkeit vun Vergang is. So harr he stunnlant mit sin Gedanken to don, bet he endli æwer de flade Gegend toerst de Mæln vun Heide wis war, de within um den spizen dünn Thorn er Krützen gegen den Heben streckt. De wecken em nochmals ut sin Drömeri, un he muß sit dütkli seggn, wa't in en gude Stunn um em utseeg.

He harr dat Geschäft in Holland na Nissen sin Wunsch to Enn brocht, de Saat weer to en mäßigen Pris verkofft, dat Geld in Seferheit bi en Hamborger Huß. Wa't mit dat

---

wodenni: wie. telen: zeichnen. Ratteker: Eichhörnchen. much: konnte. Som: Saum. Bök: Buche. gr Krützen: Andreaskreuz, S. 330.

Gewes' inne Heid stunn, dat wuß he, so dat't em dar kum wat to verwunnern geb. He wuß, dat de Prinzpal na Preußen gan weer, vellicht na Königsbarg, vellicht æwer de rußsche Grenz, wo domals so vele hinawerslüchten. Vellicht kunn man op beter Tiden hæpen un dat Geschäft wedder anfangn. Gegen Noth weer eerstmal de Familje in Seferheit, so vel weer der rett'. Dat Unglück leet sik am Ende dregen, man drog dat in de Tid sogar lichter, denn unsere weer Allens, dat Op un Dal gung æwer Land un Lüd hin, „Kopmann en Lopymann“ dat ol Sprekwort muß domals Mennigeen as Trost deen', de der gar nix na beholn harr, un noch vergnügt weer mit de Friheit un sin gesunden Glieder. Dat weer nich so selten, dat en Prinz eenerwegens oppen Dörpen Scholmeister spel, un en Slachtergesell Generalfeldmarschall war. Thieß harr uterdem buten Lands, bi en rit Handelsvolk, noch mehr sehn un lehrt, dat man dat Glickgewicht nich to verleern bruk, wenn mal en Dings schev hung. Dat Olgeschäft inne Heid harr doch al lang stoct; wenn de Handel ni wedder slott un apen war, gung dat æwerhaupt ni mehr. He wuß, dat Reinhold Nissen de Mann weer, dar wat anners ut to maken, wenn't angung, Mæln leten sik umbuden, man kunn Mehl un Loh stats Ol un Ruten maken. Dat harr tolek all nix, wat ni mægli weer. To Noth kunn Thieß sogar op sin egen Hand wat darvun ansaten, so vel harr he nagraad verdeen, lehrt un an Totrun erworben.

Thieß wuß blot een Deel nich: Reinhilde weer inne Heid torüggbleben. Wat schull se ok mit Vatter oppe Flucht? Awer Thieß dach herum, bi wen se bleben sin much, ne, he stell sik egentli de Frag': vær wen se wul bleben weer? Dar harr he natürlu nich na fragt, dar harr man em nix vun schreben, dar wuß he sik keen Antwort darop oder he wull se nich weten. Am Ende, ob se bi Landschriwers wahn oder bi sunst wen, un ob se vær den bleben weer, den he meen oder vær sunst Jemand: jede Antwort sä em egentli datförlwe, dat eenzige, wat he nich to dregen wuß: vær em weer se nu ut de Welt, vær em alleen heet dat nich: Got verlarn, sundern Noth verlarn, un dat is: Allens verlarn.

Mit so'n Gedanken keem he de Heid neger. Oppe Møldorper Landstrat süht man se liggn, wit utbreedt, to Osten un

---

oppen Dörpen: auf dem Dorfe. schev: schief. Loh: Gerberlohe zu Lohfuchsen. utbreedt: ausgebreitet.



Westen rut en lange Allee vun Linnböm. Ewertweg, op de Hauptstrecken vunn Kumpas, domals acht Windmæln. Thieß weer Möller genug, um al op en Mil Wegs an disse half lebennigen Gebäuden to sehn, wat darin værgung, man much seggn, wa se to Moth weer. En half Duk dreihn lisen vær den Südwind um, so lisen, as weert blot en Teken, dat se noch leben den. He kunn sit denken, wa Möller un Möllerknecht oppen Mælnbarg rum fulenzen, inne Feern æwert ganze Land Ditmarschen felen un vun Mæl un Möllers sproken, meistens nich dat Beste, awer mit vel Behagen, vun de Büsumer an, am widsten na't Westen un gegen de See hinut, bet an de Grenz oppe Geest na Tellingsted un Dörpeln int Osten: gewiß snaden se of æwer Wind un Webber, dat se wit hin kunn andüdt sehn an er Kollegen, meist na de Richtung vun de Roden, oder na de Segeln un er Gestalt, na't Linttüg, as de Möllers seggt. De Heider Mæln felen alle, as harrn se Thieß de Gesichter tokehrt. He weer je of bekannt genug in sin lütten Heimathsort un mant de Möllers tomal, dat gewiß op jeden Mælnbarg uter dat Gebäud noch een oder en paar Minschengesichter sit em towendt harrn, harrn se em sehn kunn. Blot de beiden Mæln mit Zwidstelln, wo jede vun mit Gesichter harr as beplant sin kunn, de æwert Geländer felen, wenn jedes dar weer, wat em leef harr — se weern vær en Mölleroog as en Bagel, de slünkenlahm is, as en Rattul inn Winterslap, as en Snidenhus, wo keen veer sib Fingern utsteken ward, man mag of noch so zärtlich ropen. Se stunn inn Scheern gegen de Stormsit na't Norwesten, as jede Möller se stellt, wenn se länger ut Arbeit sett ward.

As he de grot Mæl ant Mark rut kenn, de grötste vunn Ort, do war em ordentli truri umt Hart. So mag en Schipper to Moth sin, de sin Schipp as Brack liggn süht. He seeg an de grotten Flünken hendal, æwer de Rapp, de so zierli op dat Gebäud seet as en wahre Huv — so seggt de Zimmerlud — op en slanke Gestalt. Sin Ogen lepen daran hendal, un in Gedanken hinin in dat blanke Gebäud, wo so lang hitte slitige Gesichter mant den Larm vun de Stampers em tonickt harrn. He dach an de dämmerige Rostmæl un de

---

Linnböm: Lindenbäume. Roden: Mühlenflügel. Dörpeln, 6 km nordöstl. von Tellingsted. Flünkenlahm: flügelahm. Rattul: Eule. Snidenhus: Schneckenhaus. Huv: Haube.

oln inrukten Gesellen, de dar so lang arbeidt harrn Dag un Nacht. Wo se nu wul weern, wat se nu wul bedreben? Ob Rutscher Willem wul mit de Herr gan weer? Den war dat sunst am swarsten drapen. Wa schull de hin ahn „sin Herr?“ De Oßslägers kunn to'n Deel in Kiel un Flensburg sacht er Brot finn.

Doch vær allen lepen sin Gedanken na dat Hus neeg an, as gung he dar in de Husdær langs de Del mit Flisen bet in en lütt Stub, wo he so menni Dag harr ut Finster sehn. He seeg dar op en groten Wallnætsbom, de in Mawers Garn stunn, em full op eenmal de Nam vun de ol Jümfer in, de de Bom un de Garn tohör. Anne anner Sit weer en swarte antheerte Plank, un he wuß, achter de Plank gung en ganz lütt enge Strat, en Twiet, de den wunnerligen Nam Himmelrit föhr. De gung na't Mark un achter na de Jümfernstig. Doch ehr se dar utgung, leep se in en Gant ut, de vun Eenige de Höll ndmt war. Oppen Enn daran leeg dat lütt Gebäud, wo Rutscher Willem un sin Moder in wahn. Wern Weg weer de grote isern Port, de in Nissens Garn ann Schibenwall föhr. Dat muß he sit all wit Gewalt eenzeln dütkli værstelln un utmaln, denn de wunnerligen beiden Stratennams klungn em, as harrn se vær em wat to bedüden.

He dach daræwer na, ob de Wallnætsbom wul al grön weer. He kunn sit genau værstelln, wa junge Wallnætsbläd rükt, dat weer, as trock em de würzige Geruch inne Näs', un he wuß op eenmal, dat he dar ünnern Bom al mal as en ganz lütt Kind Reinhilde sehn un mit er spelt harr. Se rüken anne Bläd, se harr na sin Meenung domals egentli gar keen Näs' un he rev er mit de Bläd, darmit se't ok doch rükt, bet de lütt Stummel gelgrön war. Denn schin em, as trocken se mit en Kinnerrwagen, wo he mit ansat, langs dat Himmelrit un de Höll, un oppen Schibenwall sprung dat Kind mit en Ramm inne swarten Haar, de sit opböm un væræwer fulln, achter Fleeerlinken her. He seeg er dar in Gedanken tosam mit en wunnerlig Thier, wat he un de ganze Heid domals ok noch nich sehn harr, dat weer de eerste Zieg, de na Heide keem, un de Reinhold Nissen, eben so as de eerste Melkesel herbrocht harr; so hör he man nadem. He dach dat Kind domals darto etwa as he sit nu wul en Prin-

---

Wallnæt: Wallnuß. antheert: angeteert. Stummel: Stumpf, die Nase. Fleeerlinken: Schmetterlinge.

zessin to en Rameel denken much: wat vun en Prinzessin ut' Osten harr Reinhilde.

He harr se mal sehn, dat weer nich gar lang vør sin Reif', do weer se, noch nich vull antrocken, æwer de Del slücht — as dat in jede Hus wul mal angeit, wo man sèter meent, man is alleen — mit lose Haar un blote Schullern, de Kleider enk um de Gestalt, se heel se mit de Hann ævern Boffen. He harr sik so verfehrt as se sülbn un sik eben so gau torüggetrocken. Dat kunn he gar nich vergeten. Weer he Maler west, he harr er malen mußt, un he harr er malt as en Prinzessin, wul weet ob ut Indien oder Persien: as wi dar nütlich vun wussen ut Earsten Niebuhr sin Reisen.

So seeg he er nu ok in Gedanken, as he den Ort neeg keem. Un wenn he sik dach, dat vellicht Reinhilde bi den Landschritwer torügg laten weer, vellicht um den Secretär sin Willen; wenn he sik dach, dat de vellicht mal dat Recht hebbn war, er dägli so to sehn, un er sin vergnögte Verwunderung uttospreken, so war em to Moth, as kunn he frank warn oder rebellisch, oder wat don, wat em sülst leed weer, blot um dat ni ruhi denken to mæn.

Dat weer en Art Trost, dat de Wagen op de schlechte Steenbrügg vun de Gastwurth rinrassel. Dat schüttel em torecht, he muß sik nu tosam holn, denn he begegn Gesicht, de der sproken, ok wenn se nig sän, un de Uns sehn, wat he ni deep versteek. Vør de Wittgarweri stunn al de nie Meister mit en fromm fröhli Gesicht, as harr he em rükt, un nüd un reep em Gotts Segen to. Dar leeg doch en beten in Ton un Ansehn, as wenn en Kind Gottes op en Weltkind süht, jüs wenn dat Weltkind uten Himmel smeten ward. — Un mit so'n Gedanken steeg he bald vun den Wagen, leet den Fohrmann langs de Süderstrat to Markt un to Weerthshus fahrn un gung op den Jümfernstig achterum na'n Schibenwall to, noch in Zweifel, ob he toerst na sin Moder er Hüschén infahrn un erfahrn wull, ob de Secretär nu Brüdigam weer, oder noch eenmal eerst den Garn un dat Lusthus besehn, wat doch gewis lerri un verlaten stunn, un vør em nu bald verlaten weer vør jümmer. He kunn't ni laten, dat trock em as mit Gewalt na den Garn, de Föt gungn as vun sülben den Weg rechtsaf vun den Jümfernstig na den Schibenwall. De hoge smalle Port weer man anlæhnt.

---

mæn: müssen. rükt: gerochen. nüd: nidte.

Als Jung harr he jümmer eerst dær de Trallen fikt, ehr he rintre. Dat de he hüt of, he harr of desülwige Art vun Angst oder Ehrfurcht, de em domals jedesmal æwerfull, wenn he mit en Geschäft dar rinschickt weer. De Port harr noch denßülwigen Ton: as en Stück vun en lustige Melodie, wenn se apen trocken war, un se full nadem swar int Slott torügg, wenn se togung. So leet se Een in Schrecken dar alleen achter den hogen Dorntun, wo man ni dærliken kunn, un ünner de dichten Dann op beide Siden vun den krumm Stig. Um jede Eck kunn de Herr kam op sin lisen raschen Schrit, oder ol Garner Heut oder en seine Dam, oder wat ni all. Weer't buten al still, hier weer't mußstill, bomstill, de Brummers rasseln ut de Dannnateln, de inne hitte Sün braden un rüken, hat man mug dun warrn. — Thieß gung Schritt bær Schritt, leet alle Erinnerung dær fik dær treden as dissen Geruch, seeg noch mal op jeden Plaatz, wo he wat belept oder bedacht harr, as weer dat dat legte, wat he nu mitneem, un dar weer fast keen Schritt, wo nich dergliken opduk. De Wærhälste vun den groten Garn weer mehr en Art Holt oder Bomgang, Allens weer dicht beplant un bewussen, mit Stigen dartwischen, de hin un her un herum föhrn. Grote Böm vun fröher harr man stan laten, junge vun alle Arten darum herum sett, un dar weer keen, de Thieß ni kenn, kum en Art, wovun he ni wuß, wa se rük, wa se smeck un utseeg. Se weer hier so to seggn mit de Pflanzen tosam wurzelt un opwussen, as annere Jungs mit er Hunn un Kaninken. As de Barken bær em en witt Kleeed harrn un Köpp mit lange Haar, so harrn annere Böm bær em en Gestalt un Ansehn, so dat se mit em sproken un he mit se föhl. Als sin ol Scholmeister Trede einmal Liebe un Ehrfurcht inne Schol erklär, do dach Thieß Thießen an Wicheln un Pappeln un wuß genau, wat he mit de Wör meen. Int fröhste Fröhjahr fung dit Leben an, wo man toerst noch mit stüwe Fingern, wenn man de Hann vullsammelt harr, to Hus flüchten muß un Kätzchen un Danntwigen int Sandloek bi'n Füerheerd implant. Awer bald keem denn de Tid, wo't warm war, wo

---

apen trocken: geöffnet. mußstill: mausstill. bomstill: baumstill, ganz still. Brummers: die Schmeißfliege, musca vomitoria, die sich durch ihr schnurrendes Gesumme kennzeichnet. dun: betäubt. Dannnateln: Tannennadeln. opduk: austauchte. wa se rük: wie sie roch. Barken: Birken. Wicheln: Weiden. Danntwigen: Tannenzweige.

man ganz ünner de Büsch besitten bleb, wo man Fleuten un Sprütten mak un darbi genau utprobeer, wa jede Art Busch smeck, den man bi de Gelegenheit dar den Mund trecken muß.

An all dit dach Thieß, half mit en Smustern, half wehmödig, as he Schritt vör Schritt wider slunter. He dach of noch an de wilden Tiden, de vör keen echten Jung ganz fehlt. Nun de grötste Dann, de neeg bi den Fischdik stunn un mit de Twigen bet na Ger reck, harr he mit en paar anner Bengels oft rafrutscht, jedesmal in Gefahr, den Hals to breken. Dar harr he haben in seten, æwer de Gegend sehn un drömt. Dar harr he of mal en Tidlang abends in Schummern as en Nachdikal fleut, bet de Heiders in ganzen Tropps langs den Jümfernstig spazeern, um den selten Bagel to hörn.

He harr sik binah ganz in disse Gedanken vergeten, weer he nich tofälli den oln Garner Heut wis warn, de op de anner Sit vun den Dik to graben stunn. De ol Mann weer gar old un gris warn, Thieß seeg gar dütfli an em, wa lange un sware Tiden verlopen weern, un as de Ol opkeek un mit en Gesicht, as seeg he en Geist, sik opricht un anne Müß greep, do dreb em dat rasch værwarts ut de Tiden, de nich mehr weern, un ut de Gedanken, de em as in Slap harrn inweegt.

He keem rasch op dat Garnhus to. Ja, noch stunn dar de Quittenbom, de op en Wittborn ris't weer, de bæwer Stamm armsdick, ünner as en Handstock, en Naturwunner vör Jedem, de't sehn harr. Un de Akazienbom harr eben junge Blæder. Dat weern of in er Art de eersten inn Ort. Nissen harr allerlei Wunner, de Böm harr he meistens ut Möldorp vun Landvagt Boie un Carsten Niebuhr, de grote Reisende, de dar Landschriwer weer, un de beide ute Fremdn allerlei mitbrocht un ansiedelt harrn.

Thieß dach of hüt an de beiden Herrn, op de ganz Ditmarschen stolt weer, as he so oft an de süßwige Stell dan harr, un dar seeg man bi't Hus weg de brede Möldorper Thorn inne Dämmern opduken as jümmer. Ja, dat weer

---

besitten: siken. Fleuten un Sprütten: Flöten und Sprizen, Spielzeug aus dem jungen Holze, so lange sich im Frühjahr noch das Holz aus der Rinde ziehen läßt. Smustern: Schmunzeln. slunter: schlenderte. Fischdik: Fischteich. rafrutscht: hinabgeglitten. gris: grau. inweegt: eingewiegt. Wittborn: Weißborn. ris't: gepropft (von Ris': Pflöpfreis). bæwer: obere. Boie un Niebuhr: S. Trina S. 232.

noch Allens ebenso. De Mür vun't Hus düstergrau, een lütt Finster haben keet na't Westen. Wenn he um de Eck tre, so weer't en Schritt bet in de groten Flögeldærn. Dat Gras grön as jümmer vør Dær, de Levkojenplanten in't Beet darin weern noch man eben eerst sett. Un as he sik umdreh, do stunn de Dær apen, de Sünne schin hell herin, un inne Dær stunn, de he gar nich vermuth' un an de he nich wagt harr to denken, un keet inne Feern — ja, dat Hart stunn em stupp still!

Se stunn ganz ruhig oprecht inne Dær, de groten swarten Degen gungn inne Feern, se harr en lütt Bol inne Hand un een vun ęr witten Fingern mank de Blod, he kenn dat Bol recht gut, as he Allens kenn, wat se um un bi sik drog: dat weern Gellerts geistliche Lieder un Gedichte, wo se mitünner in to lesen plegg. Se seeg inne Feern, as verhör se sik, wat se leet harr, ob se't noch wuß, oder as doch se deræwer na, ob se't of löv. Langsam gungn ęr Degen herum un op em to, as he um de Eck treden weer — as man op en Stod oder Steen süht, so schin em. Erst allmähli richten se sik würlki op em, un eben so allmähli gung ęr dat Roth ute Backen, bet se op eenmal ganz bleef utreep: „Thieß Thießen!“

Thieß Thießen weer vellicht noch bleker, un stamer un sä: „He wull blot noch mal dær den Garn gan, noch mal dat Hus ansehen, noch mal —“

„Awer mein Gott, wat denn?“ seggt se.

„Ach,“ sä he, „he muß je nu doch Allens verlaten.“

„Leider,“ sä se, „gewis, Hus un Garn,“ un se seeg æwer den Plaatz herum, „Mael un Geschäft. Awer dat mæt wi je all, un dar kamt je wul noch mal wedder betere Tiden, um torügg to fehrn, Batter is nich ahn Hofnung weg gan, un wi —“

„Wi?“ frog Thieß, un war noch bedrückter vun en Wort, wat leet, as hör he mit derto, un he wuß je man to gut, dat he nu sin Plichten dan harr un gan muß, as all de annern Lüd int Geschäft.

Darop sä se, „Batter harr ęr seggt, wat to don weer, wenn Thieß vun Holland torügg keem. Nu leet sik't denn doch je bereden. He weer doch am Ende de eenzigste Fründ,

---

stupp: urplöpflich (engl. stop: halt!) drog: trug. löv: glaubte. utreep: ausrief. stamer: stammelte, stotterte. mæt: müssen. leet: sich so verstehen ließ.

he war doch nich den Gedanken hebbn, er un ern Batter of to verlaten.“

„Gewis ni,“ sä Thieß, „so lang he been' un wat hölpen kunn. Doch de Geschäft weern je egentli afwickelt, un Frünn harr se je de Meng', de ganze Ort weer so to nömn. Also dar bruk vun em nich mehr de Red to sin.“

„Och,“ sä Reinhilde, un schüttel truri den Kopp, „Frünn int Glück; wenn't Unglück kumt, sünd se nich dar, dat mæt wi of erleben.“

„Awer mein Gott,“ meen Thieß Thieffen, „ob Mamsell Hilba denn nich bi Landschriwers wahn?“

„Ne, gewis nich! Se weer mit en Mäden ganz alleen, un wahn noch int Hus ant Markt bi de Saken.“

„Doch keem de Mamsell je wol dägli dar oder hier to er?“

„Keen Minsch vun de Darn,“ sä Reinhilde, un de Stimm feil er binah.

„Awer gewiß keem Se doch,“ sä Thieß indringli un as mit Angst, dat nu de Entscheidung keem, „he, de dat Glück nu je mit beide Hann gripen kunn: denn of noch Trost to bringn to de Lev, dat weer je duppelt Glück un rein as vunn Himmel.“

„Awer, mein Gott, wer denn?“ frag Reinhilde ganz verwunnert, as harr se gar keen Ahnung darvun, wo Thieß hindüden wull.

Doch as de nu den Nam vun de Secretär al oppe Lippen harr, un noch man half mit dat Wort herut weer, do gung dat so sunnerbar æwer dat schöne Gesicht hin, as kunn Lachen un Ween' sik aflösen inn Dgenblick, doch of en lisen Spott wull sik wisen, vertroct awer eben so rasch, as en lütt Wulk aum warm Morgenhimmel, un mit en Ton, womit en verständnis Schwester wull ern eenfoltigen Broder torecht wißt, — un de Dgen fungn an to lachen darbi — sä se:

„Also dat heft du lövt, Thieß Thieffen? lövt vun Batter un vun mi? den Mann? ik will nix anners seggn!“

Awer Thieß hör egentli nix mehr. Em weer ungesehr, as fungn de Ploeken an to lüden, vun de man seggt, dat se Dstern un Pingsten toglik inklingt. Jedes Wort drop em,

---

nömn: nennen. de Darn: „die dortigen“, jene. feil: „fehlte“, ging auß.

as stunn he dicht darünner, as he wul ehr dan harr op den Thorn dar ant Markt, un denn weer't em, as war he allmälig ut en Binn rutwickelt, de em de Ogen toholn un dat Hart bedrängt harr, dat he weder recht mehr harr sehn noch athen kunnt. Un as se noch mal na en lang Bedenken nich ahn en Bærmurf sä: „Bi so vel Totrun vun Batter un mi, heft du dat löben kunnt?“ do fregen de Klocken em ünner, do greep he er Hann un sä:

„Inne Angst vun min Seel, Reinhilde, un inne Demoth vun min Harten, och! ik heff nix lövt un wag' nu noch weniger to löben, denn wenn ik mi nu irr un feiln de, so gevt vør mi keen Weg, as . . .“

Doch he harr noch nich utredt, so föhl he al den Druck vun er Hann, de he fast holn harr, de eenzige Druck, de em sä, dat he't wagen kunn to löben un dat he sit nich irr. Do trocken de Wullen em vun sin Ogen, de em sit Jahrn de Welt verdüstert, de em nu den ganzen Weg inhüllt harrn in sware Dröm un Gedanken, un as he sit opricht un glückseli er de Hand un de Mund küß, do bruk se em dat nich mehr mit utdrücklige Wör to verssekern, do wuß he't in un ut sit fölbn al gewis, dat se em leef hatt harr al lang, dat se gedüllig tövt, bet em de Ogen opgungn. Do warn alle Klenigseiten vun fröher grot vør em, un æwer en lange Tid rüggwarts harrn Telen en Bedüdung, de he blot ni wagt harr uttobüden. —

De Fritsch sung sin Leed un de Afazienbom weeg sin junge Blad, as de Beiden stunn Hand in Hand, un nu tosam nochmal de Tiden glückseli æwerdachten, de he sit hüt morgen al mal dærdacht harr alleen, un æwerlæn, wat inne neegste Tokunft to don weer. —

To æwerleggn weer nich vel, denn dat geb nich vel verscheeden Weg'. As Thieß man wuß, dat Reinhold Nissen nix gegen em hebbn war, as he hör, wat værn Bertrun he gegen sin Dochder æwer em utspraken harr, do weer't bald beraten. Se müssen eerst mal op un darvun; ob se mal wedder kam' un wat vun dat Gewes' hier ansaten kunn', muß de Tid wisen. Thieß muß vør Allen eerst den Olen achterna. He muß Reinhilde irgendwo ünnerbringn. Em schin Kiel am besten vør er. Sunnerbarer Wis' weer de Familie ganz ahn

---

feiln: fehlen. tövt: gewartet. Telen: Zeichen. uttobüden: zu deuten. Fritsch: Hänfling. æwerlæn: überlegten.



Verwandten. In Kiel harr Nissen awer noch immer en Stück Gewes' an en lütt Dampmæl. Dar dach Thieß dat Geschäft antofaten.

So beraden se herum, bet Stunn verlopen weern, ahn dat se in er Glück darum wis warn. Denn all't Düster wær de Tokunft weer hell Sünnschin wær en junge Kraft as Thieß, un Reinilde harr in dis sware Tid genug Kummer leden, weer so demödigd un drückt warn, dat se geern mit hæp un mit opbu wær en betere Tokunft, un sit mit dregen leet vun en nie Hofnung.

Thieß sin ol Moder wuß al lang, as de ganze Ort, dat er Sæn wedder to Hus kam weer, un wat noch vun Nissen sin Wartlied, Handwarfers un Arbeiders nableben, dat hæp op em, as de Mann, de en groten hollandschen Geldsack mit un Allens wedder to Gang broch. De Beiden dachten natürlich gar nich daran, dat Minschen op se töben un lurn un Annerlied of en Recht harrn op Thieß. Se leem' eerst to sit süln un to so'n Gedanken, as en lütt krumme Gestalt, nu an en Stock, sit langs de Stigen sleek un mit grote ängstlige Ogen am Ende an se Beide behangu blev, as seeg se en Unglück oder en Wunder. Se stunn en Ogenblick still, denn war se lant as en vullwussen Fru, un mit de Stimm ut er Jugendtid, de er wedder værswæben much, reep se: „Min Sæn! min Rinner! Gotts Segen un min!“ un denn huck se wedder tohopen, so kleen, as je je west weer. —

Dat gev wær enige Tid noch genug wær Thieß to don: mit dat Lager, mit de Böker, mit Gläubigers un Schuldners, mit Möbeln un Werthsaken, de man beholn wull oder muß. Dar hör en geschickte un gedüllige Hand to, dat harr nix as Truer un Verdruß geben, harr em nich dat heemlige Glück awer Allns wegdragen. Heemli blev dat. Keen Minsch weer't velleicht opfulln, wenn Thieß un Mamsel Nissen as en Brutpaar optreden weer, man reken den Berwalter al lang as en halben Herrn un as Een uten Hus' un de Firma. Keen Minsch dach awer of jüs daran, wenn de Beiden vel tosam sehn warn, man wuß je recht gut, wat se tosam to don un to frigen harrn. Dat grot Gewes' stunn je dar as en utpust Eischell. Dat harr wul en Egendömer an Nissen sin

all't Düster: all die dunkle Ahnung. leden: gelitten. hæp: hoffte. Wartlied: Werkleute. langs de Stigen: auf den Steigen entlang. behangen: hängen. vullwussen: ausgewachsen. reken: rechnete. utpust Eischell: ausgeblasene Eierschale.

Hauptgläubiger, de kunn der man nig in opstellen un nig ut maken. He leet værslöpi Allns tosluten, as man en Dodenskapell tomaft, wenn't Allns værbi iz. Natürlích en beten Opseher un Inwahrner blev an jeden Placken, un de Älsten vun de Arbeiders funn dar so er Gnadenbrotsstell, se bleben as dat Wrad vun en grot Fahrtüg, wat so gallant harr See holn in Storm un Wedder menni Dag. Un dit keem of endli mit Thieß sin Hölp allens torecht. Vaas huck op een Mael, Geert op de anner, klein Anna wull nich ute Heid, un wenn man er in Gold harr faten un ünner Glas harr setten wullt. Se blev in er Hüschén, wat Thieß vær er alleen torecht maken leet, denn Jan Willem weer richti mit de Herr gan, he un de Herr tosam — op Værposten. Se blev un heel en beten mit Opficht op Hus un Garn.

Als Thieß un Hilda tum lekten Mal ut de grot isern Port gungn un de swar achter se int Slött full: do seegen se sik noch mal wehmüdig awer glücklich inne Dgen. Se ahn', dat se nich wedder keem'. Se verleten de Heimath, um sik en annere nie to söken. Als se nochmal, to'n lekten Mal, umme Heid spazeern gungn, um noch eenmal jeden Platz un Placken to besehn, do dropen se of noch op Onkel Justus, de in disse Tid na un na fast en annern Minschen warn weer. He harr sik bi de Smuggeli un Handel en beten erworben, dat war em en Stütt, wo he sik eerst an heel un denn an opricht. He söhl sik fri, he hung vun keen Minsch, vun keen sin Gnad un keen sin Lun mehr af. Leet he of dat Swarmn ni ganz na, so war't do „nobler“, as he sä, he seet ni mehr bi Greten Gewsch, grot Mat oppen Disch, he drunk sik en „Lütten“ ordentlich ut en Glas mant ordentliche Lüüd. Dat kreeg so to seggn en „Form“ mit em, un sin Amt as „Schau-mann“ inn Ort verlör mehr vun den Bajaz un kreeg mehr vun den Bullmacht. He weer keen gewöhnlichen Minschen, darawer paß he mehr in de ungewöhnliche Tid. He seeg mit Bullgefalln op Thieß un Reinhilde, seeg of glik, wa't um de Beiden stunn. He schoof den Hot en beten scheef, um sik mit de Hann en beten ant Ohr to kraun, un sä: „So recht, Thieß Thieffen! dat heff ik mi jümmer dacht. Du kunnst mehr, as

---

tosluten: zuschließen. Seeholn: dem Seegang stand gehalten. huck: hockte, blieb wohnen. Stütt: Stütze. opricht: aufrichtete. keen sin Gnad: niemandes Gnade. Lun: Laune. Swarmn: Schwärmen, unruhiges, unregelmäßiges Leben. kraun: fragen.

all de dummen Jungs, de ut Möldorp mit de roden Mützen wedder kamt. Is man schad, dat Si inne Fremdn gat. So wannert dat ut, de Besten gat jümmer dervun, jümmer in de Fremdn, Baderland hebbt wi ni — Wat denn? — Hebbt wi? Ditmarschen? ol Ditmarschen? Lumperi! Wo is't? To'n Dövel is't, sit lang! Nix hebbt wi, nix sünd wi, uns fehlt de Ratschon! Wannert man ut! Dats beter! Adjüs!" Un darbi schoof he den Hot, dat he Blaumandagsstellung kreeg, un as in en drullige Art vun Bertwifelung æwer Baderland un Ratschon, stewel he dervun. — Thieß harr frilich ok op en Art so'n Gedanken. He war je ok egentli verdreben. War denn ni am Ende all't Glück hier entweislagen, wat düchtige Hann gründt un opbu't harrn? Awer de Minschen weern domals, as drev dat Geschied se un nich de Dummheit vun de Milljonen. Weder Thieß noch Nissen harrn wol en Ahnung, wa vele vun unse Besten noch jümmer fort müssen, utstött warrn un utwannern ahn en Heimath, wil se der nich herpassen.

Awer de der nableben, dat weern se, de harrn dat Räsonneern. Dar kunn Wittgarwer Löhner Sünndagsnamiddags umme Heid spazeern gan un sin Weisheit utreden. He kunn schelln bi den Schibenwall op de Spikelanten un de Sabatzschänders un den Stock inne Höch heben mit den golln Knop, um op Alls hintowisen, wat verfull, un dat he Recht harr un Recht hatt harr un Recht beholn war — so lang op de Welt de Philisters regeert.

Ja, dat verfull, de Garn, dat Garnhus, de Maeln, de Gebäuden. Denn de Seel weer der herut un trock nich wedder in, as menni Bagel in sin old Nest. Dær den Tun broken de Jungs, ol Garner Heuf — ja, wo weer he bleben? Int Garnhus smeten se de Finstern in. De Regen gung dært Dact, Bæn un Fotborrn verröten un fulln tosam. De Hauptcreditor war unsinnig ut Arger, dat nix ut den Kram makt warrn kunn. De grote Mael ant Markt war dalreten un leeg in Stücken oppe Hoffstell, de Mann leet sin Wuth anne Saken ut, toeerst an een, de't am meisten föhl'n leet, wenn se't ni sülben föhl. De ganze Heid schull't sehn, wat se an Nissen hatt harr. Statt en Geist gung't as en Gespenst um, dat ganze Nissensche Gewes' war spökeli. Am Enn de de

---

stewel: stiefelte. utstött: ausgestoßen. smeten: warfen. verröten: verrotteten, vermoderten. dalreten: niedergelassen. spökeli: spukhaft.

Mann en Hauptsag. He verkoff den Schibenwallsgarn an den Grossmid Stömer. Nu geb't noch eenmal lustige veer Welen vör jeden echten Scholjung, un en Truer vör jeden Mann vun Geföhl. De Smid mit sin groten Jungs hau de Böm dal, Stück vör Stück. Een na de anner gnaschen se hin un nül'n se den Kopp to Ger. Dat Garnhuß war dalreten, de Steen warn verkofft. Dat Land war umgrabt un Kantüffeln warn der bu't.

Keen Bunner, dat wedder vun Reinhold Nissen noch vun de Sinigen jemals wat wedder na de Heid keem. Wa kunn se't ansehn? Wa harrn se't utholn? Man hör blot, dat se't gut gung. Thieß Thieffen harr toeerst ünner sin Nam dat Geschäft wedder in Kiel anfung', bet stillere Tiden keem' un de Ol seker torügg kam kunn. Denn verswunn' se of ut Kiel, ut't Gesicht un ut de Erinnerung fast vun de, de torügg bleben.

Wer atwer nu umme Heid spazeert, den ward velliicht noch en Platz wißt, wo nu en Grimmelwimmel vun lüttje Hüß' stat, un em ward denn velliicht vertellt, dat dar mal sik en Garn utbree, twee Morgen grot, mit Dann as en Hölzung, en Garnhuß mit Schieferdach, un dat de Mann, de Allns gründ't un plant un de Mael dar inn Schibenwall, de noch steit, bu't hett, en echt ditmarscher Jung weer, Lüttjmannskind ut Büsum, Matthias Reinhold Nissen mit Nam, un velliicht weet denn noch Jemand genauer, as de, de dit schrift, wat ut sin schöne Dochder warn is mit de herligen groten swarten Ogen, un Klein Anna ern lütten Flakopp, Thieß Thieffen, de Verwalter. Blot dat Een weet he of seker: dat se glückli warn.

---

gnaschen: krachten. nül'n: senkten. Grimmelwimmel: Gewimmel, buntes Durcheinander. Hölzung: Holzung, Gehölz. Lüttjmannskind: kleiner Leute Kind.


Lippert & Co. (G. Päch'sche Buchdr.), Raumburg a. E.



89068023399



b89068023399a





89068023399



B89068023399A